

(1)
JACOBI GOTHOFREDI JC.

N. O V U S

In titulum Pandectarum

D E

DIVERSIS REGULIS JURIS

A N T I Q U I

COMMENTARIUS

Quo id potissimum variis modis agitur,

*Quomodo deinceps, in Foro seu Praxi, atque in Scholis, in Regulis illis usurpandis
applicandis, errari, quod hactenus passim fit, minime possit.*

EDIFICIO NOVISSIMA ACCURATIO ATQUE EMENDATIO,

IN DUOS TOMOS DISTRIBUTA

Et Græcarum vocum, ubi opus est, accessit latina interpretatio.

TOMUS PRIMUS.



N E A P O L I

M. DCC. LXXX.

APUD SOCIETATEM LITERARIAM ET TYPOGRAPHICAM

Superiorum Permissu.

MONITUM LECTORI.

Quamvis utilitatis solidioris Jurisprudentiæ cultoribus Jacobus Gothofredus alter a Cujacio Jurisconsultus hoc Opere de Regulis Juris attulerit, neminem qui hisce Sacris vel leviter initiatus sit, latere potest. Primus namque Juris Civilis Definitiones ab interpretibus antea non intellectas, vel ad proprias species male relatas, luculentissimo commentario illustravit, & per omnia Juris capita so- lenter opportuneque disposuit; effecitque, ut non Eruditis tantum, sed etiam in foro verlantibus maximopere se commendaret. Quotus enim quisque est qui igno- ret, cognitis perspectisque principiis, Juris scientiam facilius adsequi posse, quam iis neglectis posthabitisque illuni nocte vagari, & a scopo quem sibi quisque pro- posuit, aberrare non sine magno incommodo necesse sit? Id potissimum in causa fuit, quare Opus hoc utilissimum typis committi curavimus, nitore & elegantie quam maxime, studentes, & nulli labori parcentes, ut editio hæc accuratior, & emendatior præ ceteris, quæ ante hac circumferebantur, prodiret in lucem. Et ut omnibus satisfaceret accessit nunc primum Græcarum vocum, quæ in hoc Ope- re inter legendum lectorem linguæ Græcæ imperitum morari possent, latina inter- pretatio, omisiss quas Auctor ipse latinis synonymis explicat. Quæ vero ob Ty- pothetarum incuriam & oscitationem excidere, sequens pagina exhibet. Vale & in- captis nostris porro fave.

Kalendis Januariis MDCCLXXX.

SOCIETAS LITERARIA ET TYPOGRAPHICA.

A D D E N D A.

- Pag. 144. versf. 20. ἀλλοξιστικῶς leg. ἀλλοτριωτικῶς ἀλλοτριωτῶντας
 168. in fin. ex lege ex - παῖα soluta, non reperitur
 169. v. 32. κατὰ &c. propter dissolutionem
 172. v. 20. κατ' ἐξουσίαν externum ibid. v. 21. κατ' ἐξουσίαν internam
 174. v. 8. θερμῶς calore
 ibid. v. 26. Βραχυας &c. brevem cogitationem
 175. v. 19. & 20. καὶ τῶν &c. de iis qua in praesens sunt
 ibid. v. 20. καὶ πάλιν late ibid. v. 21. ἀξίως axioms
 ibid. v. 30. ἄλλω &c. alio circumveniente, aliis actionem non habet
 180. v. 18. ἀπρὸς personam destitutam
 ibid. v. 19. χαρακτηρίζεται, characterem capit
 185. v. 13. λύται &c. solutionibus dissolvitur
 194. v. 16. καὶ μὴ &c. nisi jus habeat
 198. v. 28. τοῦ γὰρ &c. quod semel aut bis accidit praeteritis Legum conditores
 ibid. v. 30. τοῦ καὶ &c. quod plurimum evenit lex completitur
 ibid. v. 31. τῶν καὶ &c. de iis qua plurimum accidunt Legum conditores statim
 201. v. 3. Σωφιστῶν, Soritem
 ibid. v. 6. σοφιστῶν sophisma
 ibid. v. 6. σωφιστῶν &c. soritem, vel soriticam
 ibid. v. 19. ἰαμα remedium
 ibid. v. 20. σοφιστικῶν σοφιστῶν soriticam interrogationem
 202. v. 11. σοφιστικῶν &c. soritica illaqueatio
 ibid. v. 12. ἀπαγῶνται adducuntur.
 ibid. v. 13. παρὰ &c. minus interrogationibus
 ibid. v. 20. πνευματικῶν acquiescentia
 ibid. v. pen. πνευματικῶν ἀντὶς interrogandi, & contendendi
 206. v. 38. περὶ &c. de amphibia
 ibid. διακρίναι &c. mentem legislatoris
 208. v. 32. αἰσχυρίζεται &c. pudes leges facultatem tribuere ei qua heri & prius
 in communiōne vita erat, omnino expoliare proprium virum
 ibid. v. 34. διὰ γὰρ &c. propter affectum & decus maritale viro illud a legib. datur
 213. v. 26. jus coercendi & puniendi alios
 219. v. antepen. κατὰ &c. & posse
 220. v. 5. & 11. ἐπὶ regularum
 223. v. 29. & 30. οὐκ &c. ubi incommodum ius locum habet, irregulare erat
 ius lucrum hereditatis non inesse.
 227. v. 28. χαρακτηρίζεται characterem adsumit.
 230. v. 16. μετακρίναι mpo ex latere
 232. v. 6. κατ' ἐξουσίαν internam, ibid. v. 8. κατ' ἐξουσίαν externam
 233. v. 13. μετακρίναι penitentia adsumit
 239. v. antepen. αὐτοκράτους arbitria
 241. v. 23. πῶς expresse



EXCELLENTISSIMO AMPLISSIMOQUE VIRO
JOANNI DOMINICO MARIAE BERIO

*Patricio Genuensi Marchioni Salsae Civitatis Montis Marani,
Vulturariae, ac Parolisi Dynastae &c.*



NON diutius nobis cogitandum,
Vir amplissime, fuit, quem Jaco-
bi Gothofredi Operi de Regulis Ju-
ris, quod nunc ex nostris typis
latina Graecarum vocum versione auctum, pro-
dit, Patronum eligeremus. Cui enim clarissimum
in

in omne aevum , carissimumque Maecenatis nomen in hac Urbe potius , quam Tibi jure merito debetur? Cujus ingenium demerendis hominibus proclivis , cujus in literarum politiorum cultores promptior munificentia? Mirum quippe non est , Virum , qui tam assidue acriterque omnigenae eruditionis studiis , jam a teneris ferme unguiculis sedulam operam sponte in tantis opibus navavit , Scientiarum , doctorumque , qui eas colunt , Virorum amantissimum esse : sapientiae enim pulchritudo doctis ac literatis hominibus tantummodo innotescit . Quid autem praeclarius , majorique laude magis dignum , quam jam lapsis literis manum protendere , ut erigantur , sospites incolumesque serventur , & quoad fieri potest , augeantur? Id Tu efficis , id praestas , quod quantum sit , ii sciunt , quibus satis compertum est magnum commodum , summaque utilitas , quae in hominum universam societatem ex literis manat . Non igitur a Majoribus tuis nobilissimis , non ab adfinitate , & cognatione principum in Italia Familiarum , non ab Attalicis divitiis fortunisque Tibi gloria arcessenda , cum in Te ipso , in animi cultu , ac virtutibus tuis eam positam reperiās . Haec vera gloria est , haec nomina ab oblivione eripit , & immortalitati consecrat , quae non ab alienis factis , rebusque gestis , sed a propria virtute profisciscitur .

Is nos rationibus adducti , maxima humanitate

tua

tua suadente, Opus hoc eruditissimi Viri Jacobi
Gothofredi Jurisprudentiae cum Cujacio Duumvi-
ri Tibi nuncupare ausi sumus, primum nempe na-
scentis Typographicae ac literariae Societatis mo-
limentum. Tu vero hoc obsequii signum laeta
fronte excipe, nostrisque coeptis adsis, ac Rei
publicae literariae bono diu diuque vale.

Additissimi
Editores,



CLARISSIMO, DOCTISSIMOQUE VIRO

DIONYSIO GOTHOFREDO

CHRISTIANISSIMI REGIS CONSILIARIO

ET HISTORIOGRAPHO.



I Spei ac votis nostris eventus respondisset, VTR CLARISSIME, nihil optatius, nihil jucundius contingere poterat, quam ut excelsi & acutissimi ingenii VIR JACOBUS GOTHOFREDUS patrius tuus nunquam mihi sine laudis & honoris praefatione commemorandus, qui doctissimum hunc commentarium multis vigiliis elaboratum concinnaverat, supremam editioni manum imponeret. totoque legitimo opere perfecto diu superstes laboris sui dulci conspectu ac gloria pro merito longum gauderet & frueretur. Sed cum summo rerum Moderatore, penes quem vita mortisque arbitrium est, aliter statuente, praematura morte nobis ereptus sit ille, cui diuturnitatem precabamur, & Nestoreos annos optabamus, cavendum fuit ne eximius hic factus a iqua sui parte mutilus & maveus in lucem prodiret. Memor itaque tu maxime Beate recordationis meo praesertim hortatu & rogatu eo adductum, ut hoc opus ex scriptorum suorum penu erutum secunda lima politius & autilius praelo Typographico committeret, memor ejus editionem ab illo supremis tabulis adjecto librorum aliquot ex Bibliotheca sua legato, fidei mea commissam & inspectioni commendatam, non potui absque piaculo & ingrati animi nota, eorum qua volueris non meminisse, & qua mandaveris non exequi. Ideo post justa desuncto soluta prima mihi in conquiritendis reliquis hujus commentarii schedis, secunda in disponendis & suo ordini reddendis cura fuit. Tertius in hoc labor, ut qua in authographo obscurius scripta, emendata, mutata ad marginem adjecta operis Typographicis negotiorum facessere poterant, pravia lectione planiora fierent, & excusa a mendis repurgarentur. Qua in re si aliquando obscurior scriptura ad conjecturas consuegere me coegit, si leges aliquot ab auctore ad alia festinante citatis tantum titulis omissa supplenda fuerint, id me tandem affectum esse auro, ut suus operi integer constet sensus, nulla lacuna, nulla salebra vel minimam hesitandi materiam lectori relinquere possint. Hunc denique commentarium genuinum Amplissimi JACOBI GOTHOFREDI factum esse persuasum habebunt docti, qui praeter familiarem stili notitiam hoc etiam scient, manum ejus in authographo agnosce, & non solum praefationem, sed tres praeterea indices singulos sua utilitate commendabiles propria ipsius manu conscriptos exstare. In secundo indice plusculum negotii fuit, tum ob celeriore & difficiliorum lectu scripturam, tum ob dispositionem. cui cum & tunc optimus ille prohibente vi valetudinis supremam manum adhibere non potuisset, singula tamen sic aptare & disponere conatus sum, ut intentioni, quam in praefatione indicat, pars illa, ut spero, bene

Tom. I.

A

ne

ne responsura sis, suoque usui lectorem delectatura. Non ignoro, *VIR CELEBERRIME*, paucula, quæ a me hæc præstita sunt, multum dispari industria facta esse; non me lateo, *GOTHOFREDUM* nostrum, si cum Deus in vivis diutius esse voluisset, multo feliciore manu hæc implendum fuisse, & ad instar alterius Apellis tabellam hanc omnibus suis partibus ac numeris absolutam venustiore & viridiori pigmento adumbrare potuisse. Hæc scilicet est magni illius viri manus quæ a doctis omnibus desiderabatur, ut varia non imi subii, sed altioris indaginis, quæ orbi literario destinabat & parabat scripta, formare, fingere, recensere & absolvere posset. Quorum numerum quum supposito, materiarum dignitatem confidero, voluminum amplitudinem & molem ariendo, facere & proficere audeo & debco nihil tantum virum latuisse, imo penes eum omnigena doctrina & eruditionis penum & thesaurum refedisse. Quid enim ille in Criticis inexcusum reliquerat? Quid in historicis non perlustraverat? Quid in Juris nostri libris illi incognitum erat? Imo potius quid non in vetere & nova Jurisprudentia summo ingenii lumine & acumine non pervestigaverat? Quis Juris locus obscurior vel difficilior ab Interpretum vel falsis emendationibus, vel pervejis & a textu alienis interpretationibus illi vindicatus, & suæ luci genuinoque sensus restitutus non est? Quid in Praxi ab illo feliciter non tentatum? Quæ judiciosior in legibus ad fori trutinam applicandis requiri poterat industria? Sed, quod mirandum, quid in veterum Ecclesiæ Patrum & Historicorum Ecclesiasticorum libris, lectum illi, perlectum & intellectum non est? Quantum in illis evolvendis & explicandis desudavit? Testantur hoc abunde omnium Christiani orbis gentium & facultatum homines, quæ juvenes, quæ senes, quæ summum illum Doctorem sive in Academiæ nostræ pulpitis docentem, sive domi, ubi compellantes comiter pro innata quadam humanitate recipiebant, ad proposita & quæstia respondentem, & difficiliore auctorum nodos solventem summa cum admiratione, tantæque satisfactione audierunt, ut postea vix ab eo avelli possent, & ab ejus latere semper stare optarent. Testis est Amplissimus Senatus noster, cui quum adlectus fuisset, tantum in tractandis Reipublicæ nostræ negotiis prudentiam & solertiam, in rebus ejus procurandis fidem, in difficultioribus quæstionibus extricandis dexteritatem ac soliditatem, & litibus judicandis integritatem adhibuit, ita sibi collegarum & civium animos devinxit, ut omnes & singuli eum tamquam singulare Civitatis nostræ ornamento & Juris oraculum suspexerint, amaverint & coluerint. Verum non se continuit intra urbis nostræ pomeria tanti viri fama; sed jam a multis annis per universum orbem diffusa est, & ubi literis & literatis aliquis honor, ibi *JACOBI* ut antea *DIONYSII GOTHOFREDI* nomen & gloria personat. Penetravit quoque in Regnum & Principum aulas: pervasit etiam ad celeberrimarum Reipublicarum Proceres, apud quos Reipublica nostra nomine legatione desurgens quum verba faceret, ex illius ore melle dulcior sivebat oratio, & dista floribus apes implere & innellere videbantur: & nemo non gravitatem comitati adjunctam, & incredibilem sermonum suavitatem doctrinamque simul laudabat. Quorum & Tu, *VIR ERUDITISSIME*, autem & tellis oculatus, dum ille ante decennium circiter ad Regem Christianissimum a Senatu nostro legatus re feliciter confecta non mediocrem ex legatione gloriam reportavit, & patria reddidit summo cum civium applausu exceptus est. Sed præter ipsi oculos testes, & laudum illius ac existimationis buccinatores & præcones, adsunt non minus fida doctrina monumenta, varia scilicet illa quæ vivus in Sacris, Juridicis, Historicis, Politicis & Criticis edidit opera, plurima etiam veterum scriptorum antea auctora non edita versone & nois ac dissertationibus

nibus doctissimis illustrata, qua quam bene doctorum & eruditorum palato sapuerint luculentie prodit & abunde refertur omnium applausus, cum summo plura ex eadem manu proditura videndi desiderio conjunctus. In his primas tenet absolutissimus ille in Codicem Theodosianum Commentarius, undique a doctis omnibus efflagitatus & expectus: cujus editionem cum auctor paucis ante obitum mensibus meditaretur, eo faventiorum illi Lucinam sperare possumus, cum præcipuum operis completum sit, nihilque præter Typographi manus sub periti alicujus præfatione & diligenti inspectione & emendatione desideret & expectet. Cætera pleraque a nostro sermone conscripta quid aliud produnt, quam vere illum rerum divinarum & humanarum scientiam indefessa opera continuæque lectione adeptum esse. Tanta scilicet fuit in eo assiduitas, ut a libris legendis & evalvendis ne in extremo quidem morbo desisterit, Salvii Juliani JCi inter veteres primarii exemplum secutus, qui etiam alterum pedem in sepulchro habens aliquid addiscere volebat. Tanta fuit illi rei literaria ornanda cupiditas, ut vel dimidia ante ultimos anhelitus hora hujus commentarii schedam & prælo producentem recensuerit, & a mendis Typographicis repurgaverit. Merito igitur Respublica & Academia nostra tam insignis jactura impatiens summo luctu correpta est, quum Senatorem integerrimum, & Juris Antisitem incomparabilem sibi ereptum vidit, qui summa eruditione, ingenii acumine, judicii soliditate & præclara facundia omnium ora & animos in se convertibat, cujus ex scriptis rei literaria, & Jurisprudentia, præsertim nostratantum lucis accessit & accessurum est, quo civis civitas nostra etiam gloriantur, laborumque fructu gaudent. Verum cum celeberrimi viri laudes nec mei ingenii tenuitas digne pandere, nec pagella hæc capere possit, sufficiat hæc stricte testanda erga defunctum observantia signasse. Luctum ex obitu soletur, quod licet vivacitas ejus, ut cum Plinio loquar, angustis terminis conclusa fuerit, non definit etiam natura lege solutus in memoria & amore cunctorum vivere: Virum atque nostram mirabilem scriptorum dignitas & divinitus posterorum oculis semper gloriosum tradent.

Illum agat penna metuerente solvi

Fama superstes.

Ad commentarium hunc ite redeam, supervacuum est auctoris in eo industriam commendare, vel de operis ipsius fructu & utilitate differere: si quidem omnis qua GOTHOFREDI præ se fert pagina nomen sua luce conspicua non eget auxilio aliene commendationis. Cui vero potius cum inscriberem quam tibi, VIR CLARISSIME, qui defuncti ex fratre nepos, ejusdemque ex parte heres, qui nunc nobilissima illa Juris, Historia & Literarum humaniorum lumina & columnina DIONYSIUM, THEODORUM & JACOBUM GOTHOFREDOS, avum, parentem & patrimum, non solum nominis, sed & virtutum doctrinæque successionem repræsentas? Quorum Rex Christianissimus justis æque æstimat ac liberalis remunerat hæbentis præmiator paternorum honorum & dignitatum te quoque heredem esse voluit, & Consiliarii ac Historiographi Regii comitiva donavit. Hunc locum quam digne implas novis universa Gallia, norant tot præclara ingenia, quorum illa ferax est, quorumque manibus volumina tua tractantur. In quibus ha tibi præcipue artes & Historiographo convenientes, historia veritatem asserere, ignota pandere, antiquitatis abdita in medium efferre, & locupletum testium auctoritatibus firmare. Horum insignis specimen in Philippo Commineo historico vere amico, doctissimis notis a te illustrato, cujus editionem Rex Christianissimus tanti fecit, ut primam ejus schedam non sit dedignatus sacris manibus prælo apposui

positis consecrare. Non minus illustre est Rituale seu Ceremoniale Gallicum, tanto labore tantæque industria a te compilatum, ubi Regiarum pomparum & solemnitarum formulas tam graphice depingis, ut res ipsa lectorum oculis subiecta videatur. Quæ volumina præfatus JACOBUS GOTHOFREDUS, qui te in deliciis habebat, inter Bibliothecæ suæ curas & auctos curiose asservabat, & amicis cum summa tui laude operisque approbatione videnda & legenda exhibebat. Præterea ut te hac epistola compellarem motus & impulsus ardentissima illa, quæ inser familiam vestram nostramque a sæculo fere intercedit animorum ut & studiorum communio, quæ ab avis capta ad filios, & tandem ad nepotes continuo amoris & observantia filo nexumque transtis: cuius hereditatis partem tu quoque lubens cernere, meque in amicorum & cultorum tuorum alium admittere voluisti, quod non in ultima felicitatis parte repono. Sed quoniam huic operi nomen meum adscribens in alienos labores involare, & ex iis gloriam capere velle nonnullis videri possem, paucis hac macula a me abstergenda. Quam sibi a ja tantis, & utroque inanis gloriæ captatione alienus testes crunt qui me norunt: testabitur consilii mei ratio. Nihil scilicet mihi antiquius quam ut quæ auctori debetur, solida illi, integra & illibata servetur gloria. Illic scripsiuncula præcipuus finis: alter ut tibi eorum, quæ in hac posthuma operis parte a me præstita sunt, ratio reddatur, ut tibi & omnibus quorum manibus terebatur hic commentarius, constet, quod sancte & bona fide publice proficor restorare, nihil hic nothum, nihil utroqueque supposititium irrepsisse, sed omnia ex authenticis fideliter excerpta, cum eo accurate collata, & a mendis, quantum fieri potuit, repurgata in lucem prodire. Te interea rogo ut quæ hic AMPLISSIMI CLARISSIMIQUE VIRI manibus quo potui modo, privata erga eum pietate defungens parentavi, quicquid exigua opera huc conferre conatus sum, æqui bonique consulas, meaque observantia & effectus testem apud te esse velis. Vale, VIR CLARISSIME. Deus te nobilissima GOTHOFREDORUM familia deus Misit & amicis multis in annos incolentem servet ac teneat, Dabunt Genæ Calendis Octobris. Anno reparata salutis M. DC. LII.

Tui observantissimus
ESAIAS COLLADO.

P R A E F A T I O

A D

L E C T O R E M.



Uia d scribendum animum adiiciunt, ad notissimam Areopagitarum legem, quæ Oratoribus *apponitur* præfari vetabat, alligari, vel ad Senecæ mentem adigi, qui *Nihil frigidius sibi*, contra Platonis institutum, *videri dicebat quam Legem cum prologo*. minime par est. Imo enim, legitimus quidam, ac sæpe necessarius Præfationum usus esse solet: si modo de eo genere sint, quæ non inanibus sui commendationibus surgant, vel aliorum insectationibus seu obrectatu sca-

xi) *libentius nos ad lectionem proposita materia producant, & cum ibi venerimus evidentiorum præsentent intellectum.* Qua parte tria hæc vel potissima sunt: si suscepti scilicet argumenti dignitas a vulgi contemptu vindicetur; si operæ, quæ nunc demum post alios sumitur, necessitas utilitasque ostendatur; si modus instarque aliquod operis jam in antecessum exhibentur. De eo, inquam, genere Præfationes non probabili tantum more implentur, verum & jure quodam exiguntur. Fatendum enim sæpe numeto peccari a viris præclarissimis in delectu argumenti, dum ad leviora seque etiam pene indigna conferunt, inque hiis bonas horas absument, qui circa *suorum res vite miles* potius immorari ævumque agere, quæque principibus scientiis illustrandis exornandis facerent, studium suum conferre poterant debuerantve. Fatendum & illud, haud raro Lectores a novis scriptoribus hiantes induci: hocque uno ferme locupletiores dimitti, quod paucis admodum immutatis, novum tantum non scriptoris vel commentatoris nomen ad bene longam superiorum Interpretum paginam, neque quidquam ultra accessisse expectatione sua frustrati vident. Ne mihi quoque quid horum vitio verti, vel in me jure culpæ queat, visum e re nonnulla hic in ipso limine præfari, de suscepti primum argumenti dignitate, de nostra dein post tot alios hac in re opera. Neque enim dubito, extituros, qui me velut elementarium senem hic *perplexas anxie circa vilia occupari*, inque tenui laborem meum versari contendant, digniusque, hoc præsertim ætatis, his moribus, argumentum curæ meæ facere debuissè ut nec defore scio, qui post tot Interpretes & celeberrimos quidem multos huic labori supersedere me facile potuissè autement.

Jamprimum audire mihi videor, in ipsas REGULAS, quæ hoc titulo continentur, debacchantes, quasi solemne jam vulgo vel puerorum carmen illæ evaserint; viles proinde ac contemnendæ. Verum ut his respondeam, commune istud hodie in omni ferme scientiarum genere fastidium, communis hic error invasit, uti nonnulla specie quidem minima, momento tamen usuque præcipua summaque, contemnuntur: quo semel afflata

afflata ingenia, veluti quodam pestilenti sydere perculsa, ad frugem postea pervenire nunquam possunt. Hujus generis sunt ea quæ conceptu licet verborum exigua, summam tamen artis in se complectuntur, quorumque utilitas in post-principiis demum existit: in principiis ipsis incepta & insuavia videntur, quod Varro dixit. Hoc præstant in omni studiorum genere, *Regula*, seu *Definitiones*, *Recepta sententiæ*, *Catholica præcepta*, *enunciata*, *Principia*, κυρια δέξαι, οἱ, σοφία, δῶν, περίματα inconculsa dogmata, definitiones, elementa, positiones, probatæ propositiones, *Aphorismi*, *Axiomata*, *Canones*, *Dogmata*: & si quibus aliis alibi nominibus effertur. Ex his quippe cætera artis experimenta sic pendent, seu conficiuntur, consequunturque, uti non animum tantum erudient, verum plenissima artis cognitione imbuant, sic ut iudicio tantum postea opus sit, ad justum eorum usum rectamque *εὐνομίαν congruentiam* seu applicationem, illationemque. Hujusmodi profecto sunt *Regula Juris*, quæ brevi narratione, causæque vel conjectione, universum pene jus in se vi ipsa & potestate continent, intellectumque hominis ad æqui jurisque notitiam plenissime dirigunt & deducunt. Sunt hæc scilicet vere juris *fundamenta*, quibus universum juris fastigium innititur. Sunt fontes, e quibus veluti per canales & rivulos jus educitur: sunt *semina*, quæ procedente proficienteque iudicio usque in ramos sese postea quam latissime diffundunt & explicant, sunt *seminillæ* σπέρματα quibus mens ubique conlustratur; sunt *penora*, *conditæque* & *thesauri*, e quibus propositarum questionum decisiones desumi debent: sunt *claves*, quibus adyta juris referantur: sunt denique *censura* in vastissimo juris Oceano navigantium propositæ. Quæ eum ita liquido sint, cuinam quæso hæc Regule viles ac prope contemnendæ videri possint? Levesne etiam putabimus, quæ tot vigiliis, tam assidua fori tritura, tam operose in arctum tandem attemque velut *αποτέλεσμα perfectum* quoddam, conjectæ jam olim a summis JCtis fuerunt? Levesne, quæ affabre factæ, concinnatæque auctoribus suis egregiam famam aliquando peperere: quod vel in *regula Cætoniana* cernere est? Vilesne, in quibus colligendis vel explicandis tam sedulam certatim operam maximi quondam nominis JCti impendere, Papinianus ipse summi ingenii vir, qui ea re rotius juris instar quoddam exhibere se crediderunt? Levesne putabimus, in quibus explicandis applicandisve tam graves olim inter veteres JCtos & Interpretes controversiæ enatæ sunt: quas tandem etiam decisionibus Imperialibus componi oportuit? Levesne e quibus suas in gravissimis questionibus constitutiones Imperatores eduxere, denique in his probe explicandis operam impendere non piguit. Utriusque quod postremo loco dixi exempla præbent, vel *lex 20. §. 21. Cod. de furtis l. ultim. Cod. de hered. instit. l. ultim. Cod. de acquirend. vel retin. possess. videatur* & hoc ipso titulo *lex 85. §. 1. & Theophilus §. 33. de legatis*? Levesne, quæ nullam non ferme juris questionem, vel pro ratione dubitandi, vel pro ratione decidendi subintrant? Levesne tandem, quæ summi hodie nominis JCtos adhuc exercitos habent, super genuina earum lectione mentemque?

Sed, inquit forte aliquis, ideo leviores esse, quasi tironum hætenus prælusionibus, vel umbraticis studiis in scholis ingeniis exercendis propositas? Imo enim in id concinnatæ illæ collectæque, ut *Magistratibus Indicibusque* in foro jus dicturis, ut *Jurisperitis* de jure responsuris, pro formula essent: ut vere dixerim, præcipuum istud iudicium & JCtorum *Directorium* esse, *Officiorumque* adeo in partem quoque librum. Quod apertissime testatum faciunt vel hæc ipse, quæ hoc titulo continentur, *regulæ*. Nempe ibi passim incul-

inculcari videas, formulis etiam in id expressis & *quartanis*, *significativis*, quidnam potestatis cuiusque eorum vel auctoritatis sit, quid officii: Quæ judiciorum forma: Quis cognitionum & responforum modus: Quid Judices vel JCti in propositis juris controversiis, inque dubio seu obscuro *faciendum habeant*, (nam hæc passim formulæ hic occurrunt) *investigandum*, *spectandum*, *respondendum*, *judicandum*, *credendum*, *probandum*, *considerandum*, *observandum*, *intelligendum*, *eligendum*, *preferendum*, *sequendum*: Quibus *conjecturis* & interpretationibus dubias hominum voluntates *excipere*, *educere*, *sustinere* debeant: Quis *Præsumptionibus* locus: Quæ Legum, Edictorum, Beneficiorum mens & Interpretatio: Quid naturæ quidque conveniens sit: Quæ juris Naturalis vel Civilis ratio: Quæ publici juris prærogativa: Quis personarum, causarum rerumque in judiciis respectus, diversitas, ac sæpe etiam favor. Quantopere æquitati in jure judicioque litandum sit: Quomodo ad honestatem bonamque fidem omnia componenda: Quæ negotiorum quorumcumque inter homines, quæ contractuum nominatim, ultimarumque voluntatum natura visque sit: Qua ratione bene secusve gesta internoscenda sint. Quomodo in speciem apparentia, a veris solidisque discrimina veniant: Quæ velut similia componenda: quæ retro velut diversa a se invicem sejugari oporteat. Quæ delictorum æstimatio, quis poenarum modus? Hæc, inquam, aliaque plura, hinc Regulis Judicium animis & cognitioni Jurisque consultorum responsis veluti norma quædam proponuntur, ne ab orbita juris unquam recedant, sed officium eo suum dirigant, sententiasque suas & responsa ad earum præscriptum forment, expromantque. Quæ si quis jam levia aut inania putet, idem omnem informandi judicis, deque jure responduri formulam, imo omnem juris administrandi rationem e medio tollat. Et hæc quidem ita initio dicta volui; & strictim quidem ad Regularum juris hujusque tituli commendationem prioremque adeo mei defensionem.

Sequitur altera mei pariter defensio *Opera* scilicet hic a me locata: ne actam forte confectamque toties rem agere cui videar, post tot præsertim præclarissima ingenia, oleumque adeo & operam hic perdidisse. Ante omnia commonstrandum venit, quibus de causis ad hanc ipse interpretationem descenderim, ratus utique vacuum adhuc provinciam aliquam laureolamque hac in re superesse posse. 1. Videbam primum, hunc titulum, ceu nullo ordine dispositis ibi sententiis regulisque, velut *quidam unus, suam sine methodo* a nonnullis ideo negligi, ab aliis culpari. 2. Videbam, hodiernum, quod & antea dixi, maximi nominis JCtos ferram inter se reciprocantes, partim super genuina nonnullarum regularum lectione, partim de earundem intellectu, neque inter se tantum contententes, verum sibimet-ipsis aliquando dissidentes, in iis explicandis applicandisve variari. Imo est, & ubi, post omnia a se tentata, Cujacius ipse pronunciat, *Regulam non recte concepimus videri, & qui artius eam & accuratius acceperit, desideratum aliquid semper in ea*: ut in l. *generaliter* 78. alibi *supponas præposteram dictionem* admittam, ut in l. *non defendere* 52. l. *quo tutela* 73. in princ. l. 161. 3. Videbam eundem ipsum quoque Cujacium ad leg. 59. D. *ad Senatuscons. Trebell.* pronunciantem, omnibus regulis addi oportere vocem *plurimamque*, quia nullæ necessariæ sunt, etsi pleræque veræ. 4. Videbam tot passim instantiis, fallentiis, limitationibus, exceptionibus eas velut multa sabura onerari, tot Enantiophasis, imo Antinomiis percelli, interque se etiam regulas nonnullas committi, ut nulla jam amplius loco suo stare, officioque suo fungi liquido posset:

set: imo non periculosas modo haberi, sed velut vitiosas jam propalam diffusi proscribi. 5. Videbam, *miscellas* has Regulas (an *miscellas*) non ab his tantum qui ab hisce studiis nostris longe absunt, verum qui medio foro atque in scholis versantur, tam improbare tam absurde plerumque usurpari, ventilari, frequentari, allegari, crepari, ut vere dixerim, nullibi perniciosius errari quam sub auctoritate harum Regularum. 6. Videbam nonnullas Regulas in duas adhuc partes vulgo male discerpi, veluti l. 43. l. 171. 7. Videbam multas inscriptiones Regularum in dubium vocari. 8. Videbam hujus tituli, regularumque, in quibus ob brevitatem earum multa vulgo transmittuntur, opes nondum ad plenum excussas. 9. Videbam postremum concinnatores Pandectarum, Tribonianum ejusque adjuvas tam frequenter in partes vocari, culpamque ob *vicia* hic variosque errores admissos.

Non jam dico, *omissas* hoc titulo tot regulas alias ab his notari, quæ non minus huic referri debuerint, quasque ideo etiam nonnulli *Prætermissorum* libellis colligere adgressi sunt. Non dico, eorum censuram, qui *generales* tantum Regulas nulli certe juris materiæ adstrictas hic referri oportuisse censent, non etiam speciali materiæ proprias: de quo utroque mox ad *Rubricam* aliquid. Notant certe plerique, conjectas hunc in titulum regulas, quæ nihil minus sint quam regulæ, imo *fugitivæ*: sunt qui *reperiturum*, toties, seu *concordantium* regularum superfluitatem arguant. Hæc cum tot taliaque viderem, subieci animum, posse auxiliarem adhuc alicubi salutaremque manum aliquam huic titulo, his regulis, post tot alios commodari, qua *Methodus* ejus ordoque defendi, singularum regularum *lectio* stabiliri, *sententia* firmari, *veritas* seu fides statuminari, cum aliis eadem componi, *conciliari*, *vicia* denique culpæque, quæ in hoc titulo vulgo notantur abstergeri possent: & in summam pristinæ dignitati restituta in usum simul & praxin (quod mihi est hic propositum) tuto deinceps deduci. Hæc, inquam, causæ sunt quæ me ad hunc laborem suscipiendum perpulere; de successu viderit æquus Lector. Quid ipse præstare conatus sum, ut id, si qua pote adsequeretur, præmonendum nunc puto. Ubi observandum prius, ut de veris conditorum facinoribus dicam: Primo quidem operosam oppido rem hanc nobis eos fecisse *periculosamque* adeo Regulas, dum concisas adeo sententias *veloxes selectiones* & excerpta e veteribus Jctis, ut alibi ita & hic nobis proposuere. Inde enim fit ut a corpore suo divulsæ, ordineque genuino sejugatæ, accis quæ supra & infra scripta erant, incertos non possint non sæpe tenere Interpretes, eosque in diversa trahere. Quod commune ceteroquin excerptorum omnium & eclogarum live malum live fatum est. Sic ut Tribonianus, ipsiusque collige, qui alias minus recte hac parte etiam in partes vocantur, veluti in l. *nuptias* 30. non omni tamen semper culpa exui possint, qui regulas maxima sui sæpe parte nudatas, spoliatas, pro generalibus nobis obtrudere, a dicto secundum quid ad dictum simpliciter rem transferentes, quæ suos revera tamen adhuc intra limites, suam, inquam, juris materiam, remque subiectam, restringende sunt. 2. Est & ubi nonnullæ aliis auctoribus quam veris adscribuntur: ut est *lex c. si nihil* 183. 3. Est & ubi ita concisæ sæpe proponuntur, ut ne plena quidem constructis onis seu *orthographiæ syntaxis* ratio his semper constet: quod postremum videre est vel in l. 5. 38. 40. 90. 92. 111. 114. 4. Imo est & ubi Regulæ alio sensu ab his hic posite sunt, pro potestate, videlicet sibi a Justiniano indulta quam quo ipsi Jcti eas primum tradidere: exemplum vel in l. *fructus rei* 72. & in l. *nemo de dono* 103. Sed retro, bona his gratia habenda, quod suo sese forex

forex nihilominus indicio hodie adhuc proderet possit, idque egregio eorundem conditorum facinorae servatis inter alia cuique Regulae, ex ejusdem Imperatoris voluntate, Ictorum, unde ex desumptae sunt, nominibus & commentariis seu libris praeiunctis. Imo & illud bene habet, quod aliquam multae Regulae quae hoc titulo posita sunt, aliis quoque jam Digestorum titulis occurrant, haud adeo concisae, verum corpori suo aptatae, nexque : unde species sensumque earum minore jam negotio erueret, & exinde exemplum ad alias porrigere promptum est : imo & veris eas auctoribus, quos conditores Pandectarum supposuerunt, reddere. Exemplo esse potest vel *d. lex est nihil* 183. Nam etsi verum sit, eam desumptam ex Marcelli libro tertio Digestorum, attamen ea Marcelli non est, verum Antonini Pii, ut liquet ex *l. 7. D. de in integr. restit.* unde ea decerpta est. Nunc quidnam hic a nobis praestitum fuerit, dicendum est.

Primum igitur, quod *methodum* ordinemque hoc titulo servatum attinet, fatendum eundem est, nullam hic perpetuam materiarum seriem observatam, quae videlicet una perpetuaque serie seu *αλληλῆς τῶν μὲν συνῆχον* cohaerentia, connexione, eodem & continuo canali, a capite ad calcem, id est a primis regulis ad ultimam usque decurrat. Qua causa nonnulli eas in ordinem redigere peculiari methodo vel oeconomia satius dixerunt, alii ad ordinem literarum seu alphabeticum, alii in locos communes, Enchiridio quodam, alii ad ordinem in libris Justinianis servatum, ac nominatim ad ordinem Institutionum. Quibus ego tamen omnibus adhærescendum minime puto, neque culpata hac in re Triboniani adiutorumque ejus oscitantia, ordinem hic servatum turbari mutarive patior. Mirro, quae alii obiter parvae ad conditorum defensionem adspersere, & in his Francus, ad *l. 6. hoc tit.* Ordo certe aliquis in his regulis collocandis servatus : paulo certe melius, quam alibi miscellae sententiae nullo nisi fortuito ordine indistincte atque promiscue, indigeste sparsae, locataeque occurrunt : cujusmodi erant Pythagoricorum *ὑποθήκαι*, *πρᾶξεις* sunt & Poetarum, Hesiodi, Phocylidis, Dionysii, Catonis, ubi sane *παράγρηται, παραγρηματα, monita, consilia* dicta, nulla materiarum *αλληλῆς connexionē* dispositae extant. At enim suus quidam hic ordo adhuc jacet, sua quaedam constar materiarum series, etsi non continua seu perpetua. Enimvero, ut in reliquo Pandectarum corpore, ita & hoc quoque titulo Ictorum librorumque, e quibus singulae regulae decerptae sunt, ordo servatus fuit, ac proinde & materiarum : nam proinde ut Pandectarum concinnatores modo hunc, modo illum Ictum, ejusve tractatum & Commentarium librumve, in manus cepere, ita quoque exinde regulas excerptere, servato Ictorum ordine. Id quod factum primo in pluribus, qui in eodem argumento versarentur, quos ideo junctim oculis suis subjecere, atque inde regulas deflorare. Exemplo sunt Pomponii, Ulpiani, Pauli ad *Sabinum* libri : ut & Commentarii Gaii, Ulpiani, & Pauli ad *Edictum*. Quid hic conditores nostri? Prout scilicet juris materiae sese ordine dabant, ita quoque ex iisdem libris, alternis, modo ex hoc, modo ex illo Icto, regulas excerptere : sed tamen ad ordinem semper materiarum. Factum idem in singulis Ictis, sic ut ordine posteriora seu ex posterioribus libris decerpta, sequentibus quoque legibus indeferent. Imo & ex uno eodemque Icti libro seu commentario regulas excerptentes, ipsius Icti ordinem secuti sunt, atque ita eas posuere. pluribus eodem materiarum ordine servato, in unam eandemque legem coniectis : videatur vel *lex* 73. 85. 110. 116. 126. 152. 155. 156. 157. 160. 173. Unde jam ordo hic nisi aliquo dispendio veritatis, verique intelle-

Atus præjudicio verti, mutari hodie amplius non potest, quando, uti dixi, aliis ita aptæ sunt & coherent, ut lucem sibi mutuo aliquam haud raro fernerentur. Servatus itaque a me etiam hic ordo religiose; tributo ideo seu diviso hoc titulo in *viginti distinctas Collectiones seu systemata Regularum*, pro JCtorum videlicet & commentariorum diversitate, sic ut in singulis collectionibus suis quidam materiarum ordo eleuceat. Quare, etiam singulis paginis collectionis cujusque numerum inscribi, partemque ejus & materiam velut *adsum in viam deducentem* prænotari volui. Qui quidem ordo non ad memoriam tantum, verum, quod potissimum, ad judicium seu *οργανον* *mentis acumen* deinceps facturus est. Quanquam inter hæc fitendum, hujus tituli conditores, quidquid illi tandem sibi proposuerint scopo suo institutoque alicubi excidisse: idque triplici ratione: per errorem primum, veluti subiecta *lege 30. legi 29.* quæ materiarum ordine servato, hanc antevertere debuit: ut & *l. pusillus 189.* postposita *legi 187.* & *188.* quibus præponi debuit. Data dein opera veluti subiecta extra agmen suum *lege 87. legi 86.* quæ servato librorum ordine subijci debuit *leg. 89.* quod tamen unico illo loco haud improbo more factum, propter materię videlicet similitudinem, & quia utraque *lex 86. & 87.* ex iisdem Pauli libris Quæstionum desumpta esset. Tertio quod Edictales regulas, i. e. ex Commentariis ad Edictum desumptas, non omnes continuo ordine posuerunt, verum, ceu lassiti in tanto opere, repetitis vicibus & *σποδισσας* *προποστρε* etiam collocavere. Verum, ut priora illa duo pauca admodum sunt ita hæc facile ad partes suas, quod & nos fecimus, compelli, & ad ordinem suum reduci possunt. Servanda igitur hujus tituli series; præterquam si quis novam adhuc aliquam perpetuamque ex omnibus collectionibus seu systematibus unam in *συμφορῆς* *symphoniam* seu methodum confectam velit, id, intacto semper atque illibato hic ordine, per *indicem* præstare proclive est. Quod & nos hic præstitimus. Quod quidem ipsum hac occasione semel dictum volui adversus eos qui novas nobis juris & Pandectarum methodos vel hæctenus concinnant, vel sperare jubent, aut optare solent. Et hæc de methodo, quæ hoc titulo servata.

2. Quod ipsas REGULAS attinet, veram cujusque ante omnia *lectionem* stabilire annis sum; quandoquidem Interpretes inter se super eo internecinis sæpe dissidiis inter se contendunt, imo & exemplaria variant: multi *ὀρθογραφίας* *προποστρε* *διδίχοντες* in his alicubi, admissam arguunt, ut jam supra dixi; alibi aliter lectionem sollicitant. Nos Florentinarum Pandectarum ut plurimum lectionem secuti defendimus, etsi non ubique: quam in rem utramque vid. notata ad *l. 3. 23. 37. 65. 77. 78. 85. §. 2. 101. 109. 175. 177.* Est & ubi ex solemnī earundem Pandectarum scribendi ratione, qua geminatae literæ vel etiam syllabæ vocesque de proximo ibi semel tantum expresse occurrunt, restituvimus. Quam in rem vid. notata ad *leg. 1. 73. 156. §. 2. 163. 175.* Fuerunt & alicubi inscriptiones, librorumque numeri tuendi adversus eos qui his controversiam moverent, ut *l. 18. 47. & 71.*

3. Tertio loco, *verbis* ipsiis formulæque, quæ haud ita semper accurate attenduntur, penicillare expendendis animum adhibui: ratus, nihil ibi vel minimum *αντίστασις* *αποδείξω* *αβσque* *examine* prætergredi oportere, quo ad genuinum regularum sensum asurgere liceret. Sunt enim, quod vulgo notam, verba rerum notæ; de quibus nisi prius liquet, frustra de sententiâ laboratur: præsertim in hoc opere eclogario: sic ut vel uni-

ca saepe vocula minus attenta, meras tenebras offundat; contra, accurate expensa, probeque intellecta, & clarum & novum subinde intellectum aliquem præbeat. Exemplum hujus rei passim hoc opere occurrent: videnda saltem, quae notavimus ad leg. 77. §. 83.

4. Quarto quod vel potissimum, genuinam cujusque regulæ speciem erueret, singulisque aptare sedulo adnissus sum: & sic rem seu juris materiam cuique subjectam apponere. Id quod a me factum, ubi ipsa verba casum aperte non suppeditarent, tum ordinis hoc titulo servati præsidio (de quo primo loco dixi) tum inscriptionis cujusque legis argumento: conjunctis seu conglutinatis in id compactisque & coassatis omnibus vel plerisque, quæ ex eodem libro, quem inscriptio legis præfert, supersunt, seu vibii membris, disjectis fragmentis. Unde comparatione diligenti & accurata omnium ejusdem inscriptionis capitum, 1. singulorum *librorum* argumentum colligere licet: 2. & cujusque libri *capita* in varios titulos dispersa rursus conjuncta, lucem & interpretationem mutuo dant capiuntque. Cujus quidem arcani seu mysterii ignari prorsus, juxta imperitissimos exitere Græci Interpretes, quorum & ideo species ad hæc Regulas nostras absurde, ridicula pleraque sunt. Fuere & Latini ante Accursium, ipsique Accursiani, etsi hi in tot legum numero, quas ut similes cumularunt, eas saepe habent, quæ ad rem speciemque faciunt. Quinimo etsi hujus arcani seu mysterii indicium superiore jam ætate nonnulli fecerint, ejusque usum præclare ostenderint, tandem in usum aliquem feliciter ipsi derivarint, quæ omnia post Anton. Augustinum, Cujacium, P. Fabrum egregie præstitit peculiari diatriba *Jacobus Labritus*: attamen hodie quoque nonnulli Interpretum id vel ignorant, vel alto spernunt supercilio, atque ideo per contemptum *revelationibus* id adnumerant. Alii haud recte semper ea arcana utuntur, quinimo violentas & absurdas saepe species apponunt. Certe nullus adhuc extitit, qui in omnibus Regulis hoc titulo comprehensis id *κατ' εναρτα σφισσιν* & ad plenum præstiterit. Quare haud parum reliqui hac parte nobis factum in processu operis deprehendi. Hujus vero rei seu arcani ad rem nostram multiplex est usus. Sic enim 1. & Regule suos intra fines limitesque coercentur, ne iis abuti quisquam in foro vel in scholis incondite, auresque everberare his Regulis fastidiose possit. 2. Sic Enantiophana facillime componuntur. 3. Sic Exceptionum, Fallentiarum, Imitationum, Ampliationum nebulae compendiose dispelluntur.

5. Quintus labor fuit circa Regulas, quæ vulgo pro *fugitivis* habentur, quæque hunc in titulum Regularumque censum a Conditoribus relaxe perperam notantur: cujusmodi sunt summaria Constitutionum, ut est *lex* 29. §. 101. vel Responsi alicujus, ut *l.* 191. de qua paulo post. Definitiones item nonnullæ, ut Regule, *l.* 1. Hereditatis, *l.* 62. Soritis, *l.* 65. (quæ duæ etiam postremæ in titulum jam superiorem de verborum significatione relaxe sunt) Donationis, *l.* 82. Divisiones, *l.* 152. in *prin.* Verborum significationes seu nominum definitiones, ut *l.* 52. 72. 74. 82. §. 1. *l.* 101. 102. in *prin.* *l.* 110. §. 3. *l.* 121. 173. §. 1. Distinctiones, *l.* 73. §. 2. Tractatus integri, ut est *lex contrarius* 23. Antitheses nudæ, *l.* 16. 159. *εὐχρηστικὸς concessio*, ut est *lex* 31. 59. Exceptiones denique Regularum, ut *l.* 77. 85. §. 1. 95. 105. Verum ubi ad singulas Regulas devenit erit, ostendemus recte quoque eas hoc titulo comparere, atque in censu regularum stare posse: Et quidem illas ipsas quæ de verborum significatione sunt, triplici ratione: 1. Nam & rem quæque est, breviter enarrant, seu brevis rerum narratio

in his traditur : denique quod Jctus ait in *l. regulariter* 9. *D. de hered. petit. res regulariter definitur*, id est, per modum regulæ. 2. Inque iis omnibus non tam sonus verbi spectandus venit, quam vocis *verba vis & potestas*. 3. Denique quod illis legibus definitur, pro regula seu ratione decidendi ad propositos casus subternitur. Exemplo sit vel hereditatis definitio *l. 62.* Et certe proximo confinio coherent semper verborum & rerum significationes; quod vel ex titulo *de verborum & rerum significationib.* constat. Unica tantum lex, si quæ hoc titulo occurrat, fugitiva mihi maxime visa, semper dicta *lex Neratius* 191. Ubi consultus super quadam questione Neratius Jctus proponitur: ejusque responsum memoratur: satis enim ibi erat, extrema illius legis regulæ vice proponi, paucis additis.

6. Sextus labor fuit circa concordantes regulas, easque quæ frustra hoc ipso titulo *Reperita* dicuntur, cumque molestia & fastidio inculcantur. Verum equidem est, eandem in sententiam complures regulas hic positas: exemplo sit, vel regula illa qua *Heredes eodem jure quo defuncti haberi*, inculcatur octo legibus, puta *l. 54. 59. 62. 120. 128. §. 1. 143. 156. §. 2. 160. §. ult.* Item altera, *de Penalibus actionibus, ex dolo seu delicto defuncti in heredem non dandis*, quæ quinque legibus inculcatur, *l. 38. 44. 111. §. 1. 127. 164.* Imo est, ubi rotidem pene verbis eadem regula hoc ipso titulo repetita extat: ut *lex* 78. in *l. 189. lex* 129. §. 1. in *l. 178.* Unde videre est, Interpretes passim concordantes regulas unam in lineam nullo discrimine conjicientes, easque omnes vel plerasque una fidelia dealbare: atque ideo, ubi ad posteriores devenit, Lectorem ad superiores remitti. neque in imo quidquam residere; verum ubi circa priores resisterint, potissimamque commentariorum partem in iis absumpserint, transmissis posterioribus ad finem velut præcipites ferri. Sed perperam: in singulis quippe regulis concordantibus singulare quid semper occurrit, vel aliæ aliis nonnunquam clariiores & apertiores sunt, ut proinde singulis sua quasi condimenta ferculis convenient, non, ut in unam *Æsopi* patinam, omnia. Quare & nos etiam singulis interpretandis institimus, ostendimusque sedulo in quonam ex concordarent, in quo differrent: inque id etiam concordantium Regularum synopsis sæpe conficimus.

7. Retro seprimoque loco nonnullas Regulas quæ pro concordantibus perperam habentur, nihilque minus sunt quam concordantes accurate sedulo ab invicem distinctas veluti *legem Nemo alieno nomine* 123. in *princ.* a *l. alius legitimi* 77. *legem in his qua officium* 178. in *princ.* a tractatu *legis femina* 2. *legem*, *Nemo potest* 70. a *d. l. 123.*

8. Octavo etiam loco subinde ex *Praxi* species quasdam adspargere libuit, ut ita Lectorem foro paulatim adsuæfacerem, recteque applicandarum Regularum usum & speciem gustumque aliquem darem; sed intra modum.

9. Postremo loco geminum *Indicem* accuratum conficimus: Priorem, quo materiam omnem quæ hic occurrit, ad ordinem literarum comportavimus, quo sane jam opes hujus tituli in apertum educantur; multaque adeo quæ visum ferme fugiant vel transmitti solent, adnotantur. Ita enim Indices collecto vel levissimo pulvisculo confici oportere censeo, in hujusmodi vetustatis reliquiis; quod & in aliis veteris ævi monumentis scriptoribusque feliciter hodie passim præstari videmus. Optandumque idem quoque aliquando præstari in libris Justinianeis: dummodo a felici & solerti manu aliqua id fiat, quod & sine subsidio publico confici non potest. Nam his duobus velut

in

PRÆFATIO AD LECTOREM.

in tanto opere juxta opus. Alter Index est, quem & supra indicavimus; quo scilicet ad ordinem Pandectarum regulæ omnes remissive dispositæ sunt.

Inter hæc tamen, quidquid ipse præstare conatus sim, extrema arena, deprecandæ mihi veniunt mendæ quæ hac editione plures admixtæ, tum amanuensium vicio, qui manum meam in adversariis meis minus sæpe adsecuti sunt: tum vi contumacissimi morbi, qui jam annum & ultra me tenet. Repetita, si Deus vitam fecerit, prælectione emendatior aliquando prodibit, ut spero, Editio.



JACOBI GOTHOFREDI J.C.

A D

RUBRICAM TITULI

— ET AD LEGEM I.

1. PAULUS libro sextodecimo ad Plautium.

1 *REGULA* est, quæ rem quæ est, breviter enarrat. Non ex *Regula* jus sumatur, sed ex *Jure*, quod est, *Regula* fiat. Per 4 *Regulam* igitur, brevis rerum narratio traditur, & ut ait *Sabinus*, quasi causa conjectio est: Quæ, simul cum in aliquo vitiosa est, perdit officium suum,

1 *PLAUTII* verba. 2 *QUÆ*, i. quæque. 3 *QUOD*, i. quodquod.

4 *PAULI* interpretatio hinc incipit, ad finem usque.



RIUSQUAM hujus tituli *Rubricam* (quæ sese prima alioquin offert) illustramus, prima omnium hujus tituli lex explicanda nobis venit; quandoquidem ea *Regula* definitionem continet: Frustra quippe illud disquiremus, quod *Rubrica* continetur, quid per *diversas* *Regulas* intelligendum sit, quid per *jus antiquum*, quid per *juris antiqui Regulas*; nisi prius illud præstruxerimus noverimusque, quidnam *Regula* sit: quandoquidem ea hujus Tituli *Rubricæ*que materies est, seu subiectum. Quare etiam ejus definitionem initio statim

Tribonianus ex *Plautio*, *Pauloque*, præmissam recte voluit. Quæ quidem eo accuratius uberiusque nobis tractanda explicandaque venit, quando, quæ ad rem semel dixerimus, toto hujus tituli spatio decursuque, animis diligenter observari oportebit, ut ita certissimum intellectum uberimumque ex singularum Regularum interpretatione fructum capere possimus: præsertim, quando ea a paucis admodum recte intelligitur, a nonnullis etiam carpitur: nam & *obscuram* *Rævardus* aliique nonnulli putarunt: *su- girivam* ab hoc titulo *Cujacius* prodidit: ab aliis alicubi perperam emendatur, supple- turve; sed & unde tota lucem desideret, hæcenus nescitur. Adde, quod quintum, *Pauli* verba a *Plautii* verbis minus ibi distinguuntur. Postremum, quo sine hanc *R.* defini- tionem *Plautius Paulusque* proposuerint, a paucis dinoscitur. Nobis igitur anniten- dum

dum sedulo, uti discussis semel errorum nebulis, hæc Regule definitio sese studiosis omnibus hoc loco posita, intactaque, deinceps, probeque intellecta, commendare possit.

Fugitivam sane (ut hinc incipiam) dici ipsa disciplinarum tradendarum ratio non patitur: quando, omnis quæ ratione suscipitur, de re aliqua institutio, a definitione ejus proficisci debet: ut omittam, & ipsas definitiones in Regularum censu recte stare.

His ita præmissis, duas, quod primo loco hic notandum est, hujus Legis partes constituo, & duplici quidem respectu: primum, respectu auctorum seu conditorum: prior scil. hujus l. pars est *Plautii* JC. Altera, inde, *Per Regulam igitur*, est *Pauli*, qui superiora a Plautio tradita, illustratum ivit. Secundo, respectu materiæ: Continetur scil. utrobique primum *definitio* R. deinde subjiciuntur generalia quædam Monita, seu Cautelæ, Regulis recte utendi, & sic ut dicam *seses*: Omnia vero eo tandem fine, ut ostendatur, Reg. Catonianæ, qua de mox, locum non esse in manumissionibus seu libertatibus. Ergo, quod secundo loco notandum, Reg. definitur, seu describitur a Plautio JCto quod sit, Quæ REM, QUÆ est, *breviter enarrat*: Quæ definitio continet materiam regulæ ejusque formam. Quod materiam attinet, ait JCtus REM, QUÆ est: ubi *Res*, est, quod tertio loco hic notandum, *res proposita*, quæcunque materia subiecta, *το υποκειμενον* subiectum quodcunque, quomodo apud Rhetores & Oratores nominatim ea vox usurpatur. Addit JCtus quod quarto loco hic notandum, QUÆ est, id est, quæque est, seu quæcunque illa sit: *quæque*, pro quæcunque, qualiscunque: Ita enim id explicandum vel legendum est, vulgata Pandectarum Florentinarum alicubi promiscue scriptura, ubi repetitæ totidem literis syllabæ semel tantum exprimuntur: quomodo & mox infra, *ex jure* QUOD est, scriptum erat, pro *Quodquod est*: similiter ut in l. *queret* 135. D. de V. S. editum, QUALEM, pro *qualem qualem*. Ergo *Res quæque* hic dicitur, quomodo promiscue in Ediçtis, veluti de minoribus, aleatoribus, injuriis, UTI QUÆQUE RES ERIT, *Quæque* res, id est, quæcunque tandem illa sit: unde & mox in Pauli interpretatione vox *Rerum* in plurali usurpatur: Plautii quippe definitionem illam enarrans Paulus, jam plurali elocutione ait, quod *per Regulam brevis RERUM narratio tradatur*. Sic sane & Græci. Rhetores *το παντος* vocant *rem omnem*, quæ Rhetorices & Oratoricæ materia est, teste Philosopho 1. Rhet. ad Theod. 2. *ο παντις τε ο παντος επιπρασιν τε εμφορας το υποκειμενον παντων* Rhetorica est facultas contemplandi & perspicendi omnia, quæ persuasionem admittunt. Idemque ibidem *το εδωδω* datum vocat rem propositam. Et Gorgias Leontinus Materiam Rhetorices voluit esse omnes res, de quibus Orator optime potest dicere, ut refert Cicero de *Inventione*; & sic infinitam & immensam huic artificio materiam subjecit. Et Crassus apud Cicronem 1. de Oratore. *Orator erit, qui QUÆCUNQUE Res incidit, quæ sit dictione explicanda, prudenter & compositè & ornate & memoriter dicat: MOX, quæ sint in QUÆQUE RE*. Quare & hic *res quæque*, est omnis juris materies legalis, Juridicalis, juris controversia, questio civilis, positio, *δυνα θεμα*, res proposita, de qua lis esse potest: unde *res* etiam pro lite, de qua Judex pronuntiandum habet: sive ea questio vel propositio infinita sit, & sic *δυνα θεσις*: sive finita, & sic *υποθεσις*: rursus, sive *σινγλωις* ea questio sit, sive communis multis speciebus: ubi regula, id quod in singulis aqualiter juris est, brevi & generali narratione complectitur: semper

enim summa quaestionis sive litis, propositionis, & decisionis, in regulam aliquam definit, summaque ejus decisio comprehenditur: vel ut Plautius hic ait, *rem, quaeque est, regula breviter enarrat*: ut Paulus, *breviter per eam rei narratio traditur*. Ergo, ut id repetam, *rei quaeque*, hic est, *rei proposita* (quae verba usurpat & Quintilianus in definitione definitionis) *to deon*, materia quaecunque juris, ac proinde & regulae: Nempe, ut Juridiciæ seu Jurisprudentiæ, ita & regulis res quaecunque subjicitur sunt ad judicandum, definiendum, &c. hac earum materies est. Haud aliter atque materia Rhetorices sunt OMNES RES. QUÆCUNQUE ei ad dicendum subjicitur, teste Cicerone *de Inventione*, & 1. *de Oratore*. Quintiliano *lib. 2. cap. 21.* ut proinde Jus & Regulae non minus quam Rhetorice *circumcurrentes* dici artes possint, quia in omni materia, in qua re versantur sibi subjecta.

Sequitur jam altera definitionis Reg. pars; nempe *forma regulæ*; ubi dicitur, quod ea rei narrationem etiamque brevem contineat: ubi primo (quod quinto loco hic observandum) notanda est vox *Enarrandi*, & *Narrationis*, indidem, seu ex eadem Oratoria, desumpta; *Enarratio* vel *Narratio* est *ἡ δὲ τῶν πραγμάτων*, seu *ἡ τῶν πραγμάτων ἡ κατὰ τὴν αἰτίαν ἐκτίσις*, seu *ἡ ἐκτίσις* & *ἡ κατὰ τὴν αἰτίαν ἐκτίσις* facti *expositio*, *deductio* & *constitutio*: factum præcipuum & maxime proprium causæ seminarium *ἐπιμαρτυρία*, *seminatio* totius causæ, oratio docens auditorem quid in controversia sit, ut Apollodorus definiēbat narrationem, teste Quintiliano.

Brevis autem, quod sexto hic loco notandum: nam hæc ut narrationis, ita & Reg. inter alias dos seu virtus est, ut & Definitionis, quæ est rei propositæ dilucida & breviter comprehensa verbis enunciatio, seu brevi complexu verborum, auctore Quintil. *lib. 7. cap. 3.* Eandemque & Aphorismis Galenus brevitatem tribuit: Brevis, inquam, narratio, cum recisis omnibus, sublatisque non necessariis, nec cognitioni quidquam nec utilitati detrahatur. Et profecto inter tres narrationis virtutes brevis censetur, teste Isocrate (a quo tamen Aristoteles dissensit, & dissenserunt Theodori) auctore ad *Herenn.* ubi pariter ait: *Rem breviter narrare poterimus, si*, &c. Cicerone ad quem v. & Marium Victorin. *pag. 130. 131.* Rhetoricorum auctore ad Alexandrum, Quintiliano & Theone, Severiano, Fortunatiano. Quare, quæ de *ἡραχολογία*, i. de brevitatis studio in commune hic prolixè Decius alique tractant, hinc omnino aliena sunt: de brevitatem enim *narrationis*, & Regulae nominatim, hic agitur, qua res quæque breviter enarratur animoque subjicitur, summa cujusque rei traditur: unde etiam, ut omittam alia, apud Plaurum, in *Milite* enarrare argumentum.

Et cum narrationi omni, Regulaeque id conveniat, convenit & tribuitur hic speciatim Regulae Juris: quod septimo hic observandum, quæ ex *Jure facta est*, & concinnata: Nempe cum hæc Regula sive definitio sive descriptio omnibus regulis in quocunque scientiarum genere conveniat, convenit quoque Juris Regulae, quod ea videlicet rem Juris & quaestionem propositam, quæque illa sit, breviter enarrat, seu rei ad jus pertinentis eique subjicitur per eam narratio tradatur. Est enim *Jus* materia Regulae, seu præexistens quid: & ut in illo est *το ὡς ἐστὶν ὁ νόμος τῆς ἀρχῆς* quod sciunt prius *est scientia*: Regula vero, formale, seu formula quædam juris. Ex JURE FACTA, quod Plautius hic ait: facta, inquam, seu concinnata, ingenis atque opera Juris conditorum. Et sic regula tempore posterior quam jus. Unde & Paulus indem ad Plaurum libris, (unde hæc lex desumpta est) vel ipsemet Plautius, regulas juris *Commennitium*

vox, definitam, *rem definitam*. Ut mox idem supplet, ibi, *ex jure, quod est definitum*, ut scil. Regulam id unum esse hic adstruat, quæ rem fori disputatione definitam & consensu JCorum receptam breviter enarrat: Quæ restrictione & interpretatione. nil infusius. Et appositæ tamen adhuc, quod nono hic notandum, altera e foro semper seu Oratoria translatione seu similitudine quadam, Paulus rem hic magis magisque illustratum ivit, idque ex Masurio Sabino, procul dubio e primo ejus Juris Civilis libro: Is scilicet, naturam vimque Regulæ compendiose simul & graphice descripturus, eam *Causa Conjectiæ* comparabat. Ita enim recte legitur in optimis Florentinis Pandectis & Haloandrinis, ut ex Afranio, apud Nonium, Alconio, in 3. *Verrinam*, A. Gellio. *lib. 5. cap. 10. & lib. 17. cap. 5.* ab aliis jam, & in his Duareno, Ranconeto, Lorio, recte observatum est. Ubi quid *causa* sit notum est, *πρόθεσις ὑποθέσις* scilicet definita, ut & quid genera *causarum* sint apud Rhetores & Oratores. *Causa* vero *Conjectio*, quod decimo loco hic tenendum, veteribus Oratoribus dicebatur argumentum breve, seu brevis quadam narratio, *διγυγνις καταστασις, deductio, consiliatio*, qua Oratores & litigantes, cum ad judicem ventum erat, antequam causa penitus ageretur, rem quasi per indicem Judici exponebant, & causam in breve cogeant conferebant, imaginem denique litis exponebant, narrabantque; quæ & apud Athenienses *πρόθεσις* *πρὸς τὸν δῆμον* dicta, a pugilum ferme statu, ut attentum facerent Judicem vel memorem cum dimitterent.

Quare peccatum in vulgatis, & a Græcis Basilicis, & exinde in synopsi Basilicorum *tit. 3. lib. 2. cap. 1.* & ab Harmenopulo *lib. 6.* & a veteribus Interpretibus. Johanne, Placentino, aliisque qui hic *causa conjectiæ* legerunt, vel verterunt *συμμετρίας, colligatiōnem*, ut ab Alciato, Petroque Fabro jam recte observatum est: quod & sequentes rationes evincunt. Primo quidem, quod hic regula dicatur *QUASI causa conjectio*: hæc enim vox QUASI ostendit, *alludi* hic ad similitudinem quandam & imaginem: atquin *si conjectio* hic legendum foret; vox QUASI omnino abundaret, quod etiam Alciatus recte animadvertit, *lib. 5. parerg. cap. 1.* abesseque deberet: nam regula *revera* est *conjectio*, *συμμετρίας connexus*, quidam, puta singularium casuum multorum in unum consonantium, seque eodem modo habentium, harmonia, concentus: *ἐκ πολλῶν τῶν κοινῶν ἐννοημάτων καθεστὴς μία περὶ τῶν κοινῶν νοήματα*, *multarum scientia notionum in universum una ex similibus acceptio*, quod de arte dixit Philosophus. Deinde, refutat eos vox CAUSÆ: causæ, inquit, *conjectio*: Causa est hic, quod jam dixi, *πρόθεσις ὑποθέσις*, seu controversia, quæstio judicialis, sique adeo in judicium deducta: non ut voluit Johannes, ratio: quasi id his verbis indicetur, officium esse Regulæ clavo rationis plures rationes similes conjungere. Apposire igitur Sabinus regulam causæ conjectiōni æquabat: nem ut causæ *conjectio* apud Oratores, atque in foro, erat, rei causæque & quæstionis propositæ judicandæ quadam in breve coactio, narratio, ita quoque Regula, & quidem Juris, est cuiusque rei, litis, juris, constitutionis, decisionis, brevis narratio summæque complexio, & *ἀνακεφαλαιωσις epilogus*, quædam. Quomodo & Paulus ad Rom. *cap. 12. vs. 9. ἡ τὴν τῶν λόγων ἀνακεφαλαιωσιν* in hoc sermone, id est *summarim comprehendunt*, conjicitur, breviter narratur, coustringitur. Augustinus. In quibus CAUSA *summarim* reperitur, quæ vocant *ἀνακεφαλαιωσιν regulas*.

Et quia Paulo, Sabinoque regularum vim translatione quadam exprimere visum fuit,

ego

age non ab simili ratione Reg. recte vocaveris, vel colophonibus æquaveris, quod Causicius recte monuit. *Colophones juris*, seu summa fastigia & apices: quomodo Epicurus suos canones seu regulas colophones vocabat, teste Laertio, Neque minus recte dixeris *ὁ νόμος ὡς ὁ νόμος ὡς ὁ νόμος* regulis, quomodo & Paulus Apostolus dixit 2. ad Tim. 1. *ὡς ὁ νόμος ὡς ὁ νόμος ὡς ὁ νόμος*, id est *veram regulam salutarium sermonum*: sed & *ὁ νόμος ὡς ὁ νόμος ὡς ὁ νόμος* Astronomicæ doctrinæ Procli inscribuntur.

Et hæc tenes quidem Regulæ definitio seu descriptio, tum a Plautio tum a Paulo tradita: Unde &, quod undecimo hic notandum, de Regularum officio & Potestate constare potest. Primo quidem quoad constitutionem earum, ut rem quamque breviter enarrat: secundo quoad usum, ut ad similia causarum casuumque decisionem adhibeatur, hic enim alter earum usus est: regulæque OFFICIUM, ut hic dicitur: nempe ut Jcti jusque dicentis officium instruat, judiciumque dirigat. Quod ut veteres Jcti recte sentire, ut docet vel *lex 28. 46. D. de pallis. l. 3. D. de transact. l. 28. D. communi div. l. 12. §. si quis, D. ad exhib. l. 108. D. de P. O.* & ipsemet Justinianus variis locis, ac vel potissimum in Decisionibus suis comprobat, ita & recentiores passim. Hinc illa Pragmaticorum, Intentionem ejus bene fundatam esse, quæ in Reg. fundatur: Item, standum Reg. donec contrarium probetur, vel singularitatis ratio adferatur, vel diversa facti circumstantia fuerit probata, quam in rem v. l. *quoties, D. si quis cant. l. 2. si quis in jus voc.* Item, eum qui Regulam pro se habet, transferre onus probandi in adversarium: Actorem qui contra regulam quid adducit, non esse audiendum. Iterum, Judicis esse in pronunciando sequi Regulam, exceptione non probata. Ad quas similesque sententias referenda est omnino *lex 5. D. de probat. l. 4. §. puto recte, D. de hered. instit.* Breviter, regulas certum & empiricum veritatis testimonium de jure continere. Sed & joculariter Accursius, & post eum Jason, & vere tamen, nos regulis juris firmos stare oportere, sicut Bononienses inhaerent carrocio: licet aliqui capiantur de ejus custodibus: Ad cujus proverbialis locutionis intellectum videndus est Pandulphus Collenutus *lib. 4. histor. Neapol. pag. 134. 135.*

II. Sequitur nunc alterum hujus Legis caput: brevia inquam quædam MONITA seu CAUTELÆ Regulis bene utendi: ac veluti *sepes* quædam, ne alioquin harum usus in promiscuo sit; exque incondite usurpentur: quo etiam sine ipse Plautius ipsam quam modo expendimus Regulæ definitionem seu descriptionem præmisit. Primum monitum seu prima sepes & cautela est negativa: quæ occupationem continet & *artidiorum antehesim* quandam, dum ait: *non esse jus sumendum ex Regula, sed ex jure quod est Regulam fieri*. Id vero non eum sensum habet, quasi (quod Ravardus putabat) indicetur, regularum non tantam unquam fuisse auctoritatem, quanta Legum, plebiscitorum, & cæterarum Juris specierum fuit, vel quasi ad Juris decisiones, Regulis uti non possumus, non debeamus: Quomodo enim id stare possit, cum non alio fine Regulæ commenti sint & commentati veteres Jurisprudentes, regularumque in commune officium sit, rectum probare; & ut ad similia causarum casuumque decisionem valeant: utpote cum xae sint concentus, *ἀρμονία οὐροῦ ἁρμονία προσπίπτει*, plurium rerum eodem fere modo seu eandem affectionem habentium. Et vero passim veteres Jcti regulas in sententiam suam advocant, placitisque suis ea ceu firmamenta supponunt: Neque quicquam frequentius? Non igitur ad elevandam Regularum vim & auctoritatem hæc

hæc a Jcto dicuntur, qui sane frequenter ad Regulas Juris provocat. Verum eo spectant, ut hoc velut monito caute iis prudenterque utamur. Nempe ut maxime iustæ regulæ sint, brevemque rei cuiusque narrationem causæque conjunctionem complectantur, attamen non eousque sui valere momento debent, ut illico quarumlibet causarum casuumque promiscue decisio exinde peti possit. Id enim est *Sumere jus ex Regula*, iis inquam promiscue iniuncti, ad causarum decisionem, ad jus statuendum eas promiscue usurpare, nullo alio præterea attento: quo sensu quoque *iudices* Arbitrive sumi dicuntur, liti decidende. Quare suaves sunt hic Interpretes, qui hic obstupescunt, quasi Jctus dixisset, regulam juris non continere, non suppeditare jus aliquid, eique illico, quod suavissus est, regulam Catonianam opponunt, ex qua tamen jus sumatur: Et in hoc quidem exemplo suaves maxime, duplici nomine: nam & illius ipsius Regulæ Catoniæ occasione id dixit Jctus, ex regula jus sumi non oportere: Unde & Jctus proposita ea, statim subijcit, eam definitionem in quibusdam falsam esse l. 1. *D. de regula Caton.* ut appareat quoque ex l. cum legato 17. *D. quando dies leg. jus sumi* ex aliqua re, est eam ad quascunque res causasque promiscue earumque decisionem aptare, nullo defectu, easque pro JURE obtrudere: iis adhibitis casus prout sese dant promiscue decidere. Sequitur Monitum securum seu Cautela affirmativa, quidque adeo in his salebris facierum nobis sit, uti Regulæ & recte conficiantur, & confectis iis commodè utamur. Nempe unum istud, quod Plautius ipse hac l. suggerit, *ut ex jure QUOD est*, (i. quodquod illud sit,) *Regula fiat*: seu, ut Paulus Plautii Interpres subijcit, *ne vitari eam in aliquo sinamus, ne aliquin vitata perdat officium suum*. Quæ quidem verba non pertinent ad indicandam nudam regularum originem, quomodo hoc nonnulli accipiunt: verum ad rectam earum conceptionem, legitimamque earum usum: id est, ut ea Juris pars, materies, articulus, species, subiectum, *υποκειμενον και αντικειμενον* *substratum & prototypum*, sic ut dicam, genus tandem proprium, liquido teneatur, & ad suam juris speciem Regula restringatur: & si quando aptanda ea ad propositam aliquam juris questionem seu controversiam videatur, illud attendatur, num omnes circumstantiæ, qualitates, in casu proposito concurrant, quæ in eo concurrunt, ad quem & cuius causa Regula semel confecta fuit: pariter ut in Narratione (quo hac R. alluditur) omnes circumstantiæ delibantur, teste Quintiliano. Atque si dicere Plautius Paulusque: si quando Regula juris sese offerat in casu proposito, si qua aptari posse videatur & succurrat, si qua in medium adducatur, illico transitum faciendum esse seu recurrendum ad REM subiectam, ad JUS, seu ad eam Juris speciem, eam universitatem, ex qua & ad quam eam Regulam commentum sunt & commentati Prudentes: denique in Regulis Juris perpetuo quærendum, undenam seu e qua materia desumptæ sint, suos ut ad locos referantur, ut ita congruant inter se Regulæ seu præcepta & experimenta. Id scilicet est *Regulam ex jure fieri, non ex regula jus sumi*. Qua haud absimili alioquin formula & antithesi idem Paulus, qui sibi hoc in genere placuit, iisdem ad Plautium libris, in quadam specie l. 6. *D. de solutio.* scripsit: *Non ordinem Scriptura spectari, sed potius EX JURE SUMI oportere id quod agi videtur*: Et Tertullianus similiter de *prudencia* cap. 9. de parabolarum interpretatione & applicatione: *Nos autem, inquit, non EX parabolis materias commentamur, sed EX materiis parabolas interpretamur*. Sic & apud Grammaticos præcepta & regulæ non faciunt usum

cium suum Regula dicitur, cum in genere suo prorsus illata, a proposito casu aliena est; cum aliqua re inhibetur ne officio suo fungatur, ne vim & potestatem suam exerat: nam Regulæ officium est, iudicium, ad casus propositos regere & dirigere: *Officium Regula est xavvus idvovus regula proprietat*, ut Timæus dicto loco. Quare non audiendus est hic vir doctus, qui hic reponebat, *prodit officium suum*: Prodere enim officium, est ultro ab officio suo desciscere: quomodo apud Ciceronem *4. Academie. lacerari potius quam aut officium prodari aut fidem*. At perdere officium, est inhiberi re aliqua quominus officium faciat suum. Quintilianus ita lib. 8. cap. 8. *neque oculos esse toto corpore velim, ne cetera membra suum officium perdant*: Esti alias perdendi & prodendi voces in MSS. sæpe variare scio: sic sane quoque Plinius lib. 2. ep. 19. dixit, *actiones* seu Orationes, quæ recitantur, *prope nomen suum perdere*. Quare, ut id repetam, audiendi non sunt, qui hisce verbis, *quæ si in aliquo vitata est, perdit officium suum*, est indicari putant, vitari regulas, id est, eis derogari per exceptiones: arque adeo de Exceptionibus regularum prolixè hic agunt: quam etiam interpretationem rectè vellicant alii, Massa, Hotomannus & Freherus 2. *Parrerg.* 12. Neque enim ob quamcunque tandem exceptionem idea regula viciatur, officiumve suum perdit, aut regula esse definit, est enim exceptio secretum quid a regula; ac proinde tantum abest regulam vitet exceptio, efficiatque ut officium suum perdat, ut contra firmet eam in casibus non exceptis, maneatque in genere suo illata, ut rectè Oldendorpius, non ideo vitiosa ipsa.

Ex his jam patet, quod quantum monitum hic addi potest, & vero superiorum confectarium est, quam vere ideo dixerit Javolenus l. 102. *inf. Omnem definitionem* i. Regulam, ut ibi ostendetur, *in iure periculosam esse: parum enim esse, ut non subverti possit*. Ac si diceret, magis primum difficultatis esse artisque, aliquid universaliter seu in universum definire, regulæque comprehendere: Unde illud Scævola l. 14. *D. de div. & temp. præscrip.* de accessionibus possessionum nihil in perpetuum neque generaliter definire possumus. Cui haud ab simile est, quod dicitur in l. mora 32. *D. de usuris*. Deinde, confectas quamlibet regulas magna industria, vel minima facti pospositi circumstantia eludi, everti, subverti posse. Sic sane & Quintilianus, lib. 7. cap. 3. de definitione agens, eamque Philosophorum consuetudinem, & servitorem ad certa se verba in definitionibus adstringentium, improbens: *nam est PERICULOSUM*, inquit, *cum si in uno verbo sit erratum, tota causa cecidisse videamur: optimaque est illa media via, qua nititur Cicero pro Cecinna, ut res proponatur, verba non PERICLITENTUR*: Mox subiicit: *non negaverim tamen hac quoque ut expedit causa, esse faciendâ, si quando firmiter comprehendendi poterit, & brevi complexu verborum finitio esse, id tum eleganti, tum etiam fortissimum, si modo erit illa INEXPUGNABILIS*. Ergo definitiones seu regulæ periculoſe, quia & brevi complexu eas concinnare magnæ artis est, & confectæ facile expugnari, everti possunt. Et ideo quoque Jcti regulas universales aliquo addito subinde emollire solent: non tantum exceptionibus nominatim additis, ut l. 17. & 73. *in princ. inf. h. t.* verum taxativis vocibus adjectis, plerumque, sere, ut l. 108. 153. 156. §. 3. 178. (quæ postrema & ipsa est ejusdem Pauli lib. 15. ad Plaut.) & l. 193. 205. 208. *h. t.* Hac de causa iidem regulas reprehendunt subinde, ceu non perpetuas: Exemplo sit vel lex 140. §. 2. *D. de V. O. l. 40. de condit. indeb.* & *ritulus de regula Catoniana* (de qua mox.) Hac postremum de causa in praxi plus valet allegare casum in terminis ter-

mi-

minantibus decisum, quam multas Regulas universales coacervare, & decisio longe securior, quam si per generales Regulas vagemur. Ut non temere Felinus aliquē definiat, pauperem Doctorem esse qui nesciat allegare casum in terminis terminantibus: contra, Doctoris eximii esse, per Decisiones speciales ire.

Et hæc quidem quæ modo dixi, dicunturque *b. l. & d. l. 202.* quatuor ferme de causis; tum ob Regularum brevitatem, quæ facit, ut facile in his aliquid desideretur aut incogitantia prætereatur, atque adeo parum plenæ sint, vel obscurum quid in his sit, aut ambiguum (quod & de definitione dixit Quintil. *lib. 7. cap. 3.*) tum ob singularia multa, quæ contra Juris rationem regulamque ex aliquo accidente vel æquitate constituuntur: tum quia rerum natura formis semper novas producat *l. 2. §. sed quia C. de vet. jur. encl.* forique tritura, seu Africa quædam, vel India, novi semper aliquid, ac pene dixerim monstri, reprehensionisque subiunde producit: tum, ac maxime quidem, quia quæ RES Regulæ subijcienda sit, (quod & de definitione dixit Quintilianus *lib. 7. cap. 3.*) i. quarum specierum & casuum complexio & collectio, atque adeo JURIS articulus ei aptandus veniat, & ad quam speciem proprie spectet, non cuius pater, aut passim occurrit. Ut vere dixerim, nulla in re perniciosius errari, fucumve fieri, quam sub auctoritate Regularum juris, & hujus scientiæ, ut in simili ferme dicebat ex Celfo filio idem Paulus iisdem ad Plautium libris. *l. 91. §. 3. D. de V. O.* Hac denique de causa idem Fabius *lib. 2. cap. 13.* in sua arte proficitur, moris semper sibi fuisse, quam minime se alligare ad præcepta quæ Catholica dicuntur, id est universalia, perpetualia: nos Regulas dicamus, addita ratione, quæ legi nostræ & *d. leg. 202.* proxime accedit, imo gemina germana est: *RARO enim reperitur hoc genus, ut non labefacti parti aliqua, aut SUBRUS possit.*

Verum hæc utut sint, maximum tamen Regularum usum esse, ad Juris judicique cynosuram, nemo est qui negare audeat: exemplo cæterarum scientiarum artiumque. Hinc adeo præcipuum antiquorum studium in concinnandis primum feliciter Regulis, dein aptandis iis ad casuum propositorum seu causarum decisionem: vide vel *l. cum legato 17. D. quando dies legatorum.* Tandem & in colligendis, interpretandisque peculiari opere Juris Regulis: Exemplo sit Neratius Priscus, qui libros 15. Regularum scripserat: Scævola quatuor: Ulpianus septem, & librum insuper singularem: Paulus septem, & duos singulares: Marcianus quinque: Modestinus decem: Licinius Rufinus duodecim: Pomponius unum: Gajus unum: ut præfert Index qui Pandectis Florentinis præmittitur. His adde antiquissimi omnium Q. Mutii Scævole librum *upon regularum*, unde desumpta est quoque *lex 73. h. t.* Sed & Papiniani libros duos Definitionum, id est, Regularum: ut & Venuleji libros Definitionum: Judicio tantum subacto, ut in Monitis jam ostendimus, opus est: cum primis, uti genus adæquarum Regulæ, seu REM ei subijciendam subiectamque, JUS denique ex quo Regula sit, probe teneamus. Quod ni fiat, periculosè omnino erunt illæ, parumque erit, ut non subverti possint, denique vel in aliquo viciate, perdent officium suum. Ut rem exemplis demonstrarem, monitaque seu cautelae specialis hic edisseram: ubi regula in medium adducitur, animove succurrit, quasi ad casum propositum faciens, sequentia attendenda sunt. Primo, de quamvis juris specie regula sit, quandoquidem Jus potentius vincere solet inferius: veluti ad Dei cultum pertinet, respectu humani: naturale, merum civile: publicum pri-

privatum. Secundo attendendum est, quod jam saepe dixi, subjectum seu RES quæ subjicienda est regulæ; ne alioquin extra subjectum seu materiam regulæ subjectam trahatur. Tertio spectanda venit ratio & causa finalis seu intentio regulæ. Quarto, æquitas seu remissio rigoris regulæ, ob utilitatem aliquam; denique jus singulare seu *æquitas ad circumstantias pertinens* ex adjunctis seu circumstantiis. Alioquin si horum aliquid intercedat, regula officium suum perdit: quæ utique non perdit, si eadem omnia concurrant. Nullum appositum magis exemplum huc apponas, quàm ex regula Catoniana. Et vero hæc prima lex seu regula, tum Plautii, tum Pauli, eo omnino seu ad eam speciem referenda videtur. Nempe cum libro 16. Jcti illi duo (unde hæc regula desumpta est) agerent de manumissionibus, ut docet l. 4. D. de manum. l. 18. D. de manum. vind. (cui jungenda est l. 78. D. de Jud.) l. 20. D. de statulib. l. 18. D. qui & a quib. manum. Imo etiam l. 179. inf. h. t. ubi dicitur, *In obscura voluntate manumissionis favendum esse libertati*, quæ ex eodem libro desumptæ sunt; in illam sese questionem diffuderunt, non utrum regula Catoniana recte regula diceretur; de quo nemo dubitabat, (quod tamen nonnulli censent, atque ideo Plautium & Paulum definitionem regulæ hic proposuisse volunt, ut probarent eam revera regulam esse.) Verum utrum isti regulæ Catonianæ in manumissionibus quoque seu libertatibus locus effet; veluti si testator servo libertatem reliquerit, qui ipsius non erat testamenti tempore, seu postea demum ejus factus est; Quod utique negarunt. Proposita in id definitione regulæ, & cautela circa eam observanda: Nempe enim brevem hanc Catonis regulam pertinere ad ea legata, in quibus de RE familiari seu pecuniaria agitur, hanc RE breviter enarrare, seu de hoc JURE esse, Jurisque articulo, seu ex eo jure istam regulam confectam; denique hoc subjectum esse istius regulæ; non vero ubi de causa status, seu de Jure & Re libertatis agitur. Item non pertinere ad ea legata, quæ non a testamenti conditi tempore, verum ab adita hereditate cedant, cujusmodi est libertatis legatum l. unie. §. Libertatibus C. de Caduc. toll. l. Nam cum libertas, D. Quand. div. leg. ced. l. Julianus, D. de cond. & demonst. l. qui putat, §. fin. D. de acquir. hered. l. qui testamento D. qui test. fac. poss. l. generaliter, §. si homini. D. de fideicom. Liberi. l. si privatus §. ult. D. Qui & a quibus manumiss. Quare si ad REM liberalem seu ad Jus libertatis eam Catonianam regulam exigas aptesque, vitiata officium suum perdet. Quare & hoc nobis exemplo in hac Regularum expositione id cum maxime propositum erit, uti regulas, vagas alioquin, atque extra subjectum suum quamplurimum incertis sedibus errantes, suos intra fines compellamus, coerceamus, atque ad JUS unde singulæ confectæ fuerunt, sedulo referamus, in quo earum opes sitæ sunt: Ne alioquin, quod vulgo fit, regulæ in *brocardica* & *quodlibetica* evadant: vel eas innumeris Exceptionibus, quas *fallentias* & *limitationes* vocant, aut *Extensionibus* seu *Ampliationibus*, quæ duo nobis totum Jus Civile perturbant (de quo etiam Doctiss. Viglius in §. ult. Instit. de inoff. test.) infano potius quam improbo labore cumulemus. Quod quidem, tum aliis præsidii, & in his accurata verborum explicatione, tum ac maxime quidem *Inscriptionum* cujusque Regulæ ope cum bono Deo præstaturi sumus: Quod sane non omnes æque præstant: sive quia argumentum & arcanum istud seu mysterium, Leges regulæque ex Inscriptionibus interpretandi, aut ignoant, aut alto supercilio contemnunt; vel denique in hujus arcani usu saepe falluntur. Et si

fatendum, nonnullos jam Interpretes bonam & sedulam hac in re operam locasse: & in his potissimos, quique familiam ducunt, Cujacium & Petrum Fabrum.

Inter ipsa porro civilium studiorum, seu juris discendi, primordia studiosorum animos, generalibus juris regulis, & hoc quidem potissimum titulo comprehensis, imbuendos atque initiandos recte censet melior saniorque juris interpretum pars. Quidquid contra alii, qui definiunt a recta docendi ratione aberrare, qui junioribus hasce regulas una cum Institutionibus obtrudunt: quatuor ferme tum argumentis, tum præjudiciis. 1. Quod postremum hic titulus in calce Digestorum locum obtineat. 2. Quod Justinianus diserte hunc titulum post impleta demum studii legitimi curricula legi voluerit. 3. Quod Plautius JCrus hac prima regula præmoneat, regulam fieri oportere ex jure: unde colligunt, in docendo quoque & in discendo regulis postremum dari locum oportere: quandoquidem earum cognitio vel intellectus nonnisi ex anticipata juris cognitione haberi, percipi possit. Novissime quod regulæ ut accuratum interpretem, ita & soletis præparatosque & præmunitos aliunde studiosorum animos, anticipatamque quandam universi juris noticiam desiderent. Nam ut his omnibus strictim occurratur: Primo quidem, si præjudiciis res geritur, sane in Græcis Basilicis primo ferme omnium loco hic titulus positus est, haud alia ratione, quam qua is in Pandectis ultimum locum occupat, eo quod ad universum jus, quod Pandectis comprehensum est, spectet; inque eo tanquam exigua tabella universi juris instar quoddam & coronis contineatur, seu rudis quædam juris præceptorum generalium notitia. Et inanis ideo quoque querela est eorum, qui ultimum huic titulo in Pandectis locum assignatum queruntur, qui tanquam generalis ex Philosophorum præcepto præponi omnibus debuerit, quos recte refutavit Mercerus 2. *opinionum* 16. Secundo, docendi discendique juris ordinem a Justiniano olim præscriptum, nemo hodie recte tueatur. Tertio, ut maxime initio ex jure regulæ factæ fuerint, notissimum tamen est, aliam esse artium primum conficiendarum, aliam vero postea tradendarum rationem: quandoquidem quod notum, quodque etiam interpretes ajunt, quando magistraliter proceditur tradendo doctrinam ad instructionem juvenum, a generalioribus inchoandum est: Nempe & cæterarum pariter disciplinarum *δυσκοιταν in cogitatione positarum* dos hæc est, ut quemadmodum a notioribus, ita & ab universalibus & generalibus quibusdam, seu a doctrina principiorum, auspiciis faciant, seu ab hujusmodi quadam *πρῶτης ἀρχῆς γνώσεως, prædominante nozione*, decantata ratione, το καθόλου εἰς τὰ μὲν καὶ ἀπὸ τοῦ ἐν μὲν ἑνὶ ὅλῳ *est majori scientia præditum, & simplicius*, quam in sententiis recte A. Contius plura. De interprete tandem & enarratore harum regularum accurato ultro fateor: ut & de studioso prius ab Institutionibus saltem instructo, si pernosce eas velit: Imo eadem opera una cum Institutionibus eas edisci memoriæque commendari a studiofa juventute opere pretium fuerit. Nam etsi plenum statim earum intellectum non assequatur, atamen memoriæ semel infixæ, seu apud memoriæ depositæ, ut Quintilianus diceret, velut scintillæ quædam juris, seminaque adherent, inventionique & judicio servant, seseque offerunt subeuntque procedenteque ætate studioque, & quasi eodem cibo remanso, penitentiorem facile sensum earum postea affe- qui datur.

Et hæc quidem in commune atque in genere de ipsis Regulis, earum definitione, cautelis ad eas recte in usum derivandas, earundem autoritate, usuque, de earum collectione seu *ordinati systemate* sub hoc titulo, atque adeo de Rubrica hujus tituli nunc. Est igitur hic titulus inscriptus a Justiniano sive Triboniano, *De diversis Regulis Juris antiqui*: quomodo & diversos libros Legumlatorum idem dixit *l. pen. Cod. de constit. pec. de diversis* *non disappos.*, ut etiam habent Græci, id est, de omnis generis regulis, ad varias passim juris materias pertinentibus; quas scilicet Justiniani operis seu Pandectarum concinnatores *ex parte sparsim* ex variis antiquorum Jctorum, & sedecim quidem, e quorum (ut & aliorum præterea nonnullorum) scriptis Pandectæ ipsæ constare sunt, prout ex sub manum sese dederunt, ceu spicilegium aliquod & racemationem post ingentem Pandectarum messum & vindemiam (unde etiam hic titulus ibi postremo loco positus est) ex ingenti hinc acervo inde velut unum in manipulum lancemque saturam comportarunt, nonnullas etiam aliis licet Pandectarum locis relatas. Idque veterum, ut dixi, Jctorum exemplo, qui & ipsi peculiari seu separato opere regulas juris collegere, ut ita gustum saltem aliquem & instar aliquod juris regularum peculiari seu singulari titulo darent, ex diversis juris materiis decerptarum, cum plerasque suis jam titulis retulissent: non vero, ut eas omnes hic proponere in animum inducerent suum; ut proinde error sit eorum; qui *diversis* hic interpretantur nonnullis: Ac multo magis inanis eorum labor, nimiaque diligentia, & iniquior censura, qui nonnullas insignes regulas subnotant, suppleant hoc titulo non comprehensas: cum ne millesima quidem pars earum hic contineatur; verum paucas, ut dixi, tantum hoc titulo includere concinnatores illi pro instituto suo, & ad gustum tantum aliquem, voluerint. *Diversa* porro hoc etiam sensu Regulæ dici possint, quod aliæ sint communes seu generales & universales, seu Catholicæ nulli certo Juris titulo, seu materiæ adstrictæ, imo ad omnes articulos juris pertinent, perque totum jus ambulant, denique regulæ ex multis speciebus collectæ, quæ *nonnullas communes notiones* vocantur: aliæ vero propriæ, seu speciales, quæ certo titulo & materiæ conveniunt, & ad unum Juris locum seu speciem pertinent, veluti ad Contractus, Nuptias, Tutelas, Testamenta, Donationes, Interdicta, &c. Quod quidem etiam Triboniano vitio non magis vertendum, (quod tamen nonnulli faciunt) quam Jctis veteribus, qui non minus has speciales regulas collegere, quam universalia præcepta seu *maximas universales* regulas: & certe, non eo minus Regulæ hæc sunt, cum REM quæquæ est breviter enarrant.

Dicuntur autem hæc regulæ Juris *antiqui*: non quomodo Leges 12. Tabularum si-
gnate *jus antiquum* dicuntur: non quomodo novis legibus (veluti Papius) jus vetu-
stius opponitur: sed veteris Jurisprudentiæ: sic enim idem Justinianus regulam ab
antiqua prudentia expositam dicit *l. apud antiquos 21. Cod. de furtis*: regulas Juris
antiqui *l. si quis in conscribendo 51. Cod. de Episcopis*: seu *l. pen. C. de pact. anti-*
quas regulas Juris l. ult. §. ult. C. de acquir. possess. antiquam regulam *l. ult. C. de ha-*
reditib. instit. Denique, regulas Juris antiqui dixit, quæ ab antiqua Jurisprudentia
profectæ sunt, conditæque libris veterum Jctorum, qui Constantini ferme tempo-
ra præcesserunt. Sic hoc sensu a Justiniano alibi quoque jus vetus, antiquæ leges,

an-

AD RUBRICAM TITULI ET AD LEG. I.

27

antiquum jus vocatur, *l. un. C. de emend. Cod. l. 1. Cod. de vet. jnr. enim proæmio Inst. §. igitur post libros*. Idemque *proæmio Inst.* ait; se collegisse omne jus antiquum in libros 50. Digestorum.

Post Rubricam hujus tituli primæque legis, quæ Regulæ definitio continetur, explicationem, nunc commodum est subijcere, *Ordinem*, quem in Regulis hic disponendis Pandectarum conditores servavere: quem & nos sequi par esse jam ostendimus.



S E R I E S S E U O R D O H A R U M R E G U L A R U M

PER VIGINTI COLLECTIONES SEU SYSTEMATA.

- I. *Sabiniana* Regulæ 44. ex libris commentariis ad Sabinum desumptæ, comprehensæ primis 40. legibus.
- II. *Edictalium* Regularum pars septima, 8. 9. 10. 11. ubi continentur regulæ 20. a l. 41. ad l. 57. *inclusivæ*.
- III. *Disputationum*, *Opinionumque* libris Regulæ quatuor, l. 58. 59. 60. 61.
- IV. *Juliani* Regulæ sex, e libris ejus Digestorum desumptæ, l. 62. 63. 64. 65. 66. 67.
- V. *Miscella* Regulæ decem, ex variis & brevibus nonnullis JCtorum libris, puta l. 68. 69. 70. 71. 72.
- VI. *Muciana* Regulæ quinque, ex Qu. Mucio Scævola, l. 73.
- VII. *Papiniani* Regulæ decem ex Papiniano, a l. 74. ad l. 83. *inclus.*
- VIII. e *Pauli* & *Scævola* Quæstionibus & Responsis regulæ 12. a l. 84. ad 92. *inclus.*
- IX. *Fideicommissaria* Regulæ quatuor ex libris Fideicommissorum, l. 93. 94. 95. 96.
- X. *Miscella* Regulæ alix quinque ex brevibus JCtorum quorundam libris, l. 97. 98. 99. 100. 101.
- XI. *Edictalium* Regularum, Pars 1. 2. 3. 4. 5. 6. 14. 15. 16. 17. 18. & Pars 12. 13. Ubi centum regulæ, & una insuper continentur a l. 102. ad l. 167. *inclusivæ*.
- XII. *Plantiana* Regulæ 22. ex libris ad Plautium desumptæ, a l. 168. ad 180. *inclus.*
- XIII. *Vitelliana* Regulæ duæ ex Pauli libris ad Vitellium, puta lex 181. 182.
- XIV. e *Digestorum* Marcelli & Celsi libris Regulæ undecim a l. 183. ad l. 193. *inclus.*
- XV. *Modestini* Regulæ quatuor, l. 194. 195. 196. 197.
- XVI. *Javoleni* quinque Regulæ, l. 198. 199. 200. 201. 202.
- XVII. *Pomponii* quatuor Regulæ, l. 203. 204. 205. 206.
- XVIII. *Papia* Regulæ tres ex commentariis ad legem Jul. & Papiam, l. 207. 208. 209.
- XIX. *Licinii Rufini* Regula unica, l. 210.
- XX. *Edictalium* Regularum racematio unica, l. 211.

D 2

PRI.

P R I M A R E G U L A R U M

Collectio, seu Systema.

SABINIANAE REGULAE XLIV.



SABINIANÆ Regula 44. sub 40. Legibus hoc fit. ad undecim juris materias pertinentes, primo omnium loco proponuntur: id est, Regula ex libris & commentariis Ulpiani, Pauli, Pomponii ad tres M. Jurii Sabini libros desumpta: Sabini, inquam, qui primum generalia seu regulas & sententias juris antiqui (Atque Capitonis praeceptoris sui exemplo) in unum contulerat, libris quos de Jure Civili scripserat sub Imp. Tiberio: Qua causa etiam Tribonianus eas primo loco deponere voluit: Quem ipsum ordinem in aliis ferme Pandectarum titulis servavit, nisi scilicet Edicti verba interpretanda erant. At non tenuit in Titulo de V. S. Ibi enim Edictales leges, i. ex libris commentariis ad Edictum desumpta, primo loco posita sunt. Sane veteribus Regulis insitisse Sabiniani maxime videmus, de quo Merillius 1. obs. 34. & lib. 5. cap. 34.



P A R S I.

R E G U L A R U M S A B I N I A N A R U M,

A D T R A C T A T U M

D E

T E S T A M E N T I S O R D I N A N D I S.

De FEMINIS ab officiis civilibus vel publicis remotis.

H. ULPIANUS libro primo ad Sabinum.

FEMINÆ ab omnibus officiis civilibus, vel publicis, remota sunt: & ideo nec Judices esse possunt, nec Magistratum gerere, nec postulare, nec pro alio intervenire, nec procuratores existere.

DE FEMINIS, deque IMPUBERIBUS, est hæc Lex: cum quæ conjungi oportet ex eodem Ulpiani lib. 1. ad Sabinum, legem, qui testamento, 20. D. qui testam. fac. & legem 7. D. de bonor. poss. Ea quaeritur, utrum ad civilia vel publi-

blia officia aliqua mulieres vel impuberes admittantur: Officia inquam civilia, vel publica: de his enim officiis hic quaeritur, non de conditione deteriori olim feminarum in succedendi jure & dignitatis ratione: non de Muneribus publicis, quorum tractatus ab hac Reg. alienus est: qui alioquin a vulgo Interpretum cum hac Reg. committeri solet. Non de iis officiis, de quibus l. 175. *infra*. Et vero id hac R. ab eise negatur: mox & exemplis aliquam multis, quinque scilicet, comprobatur.

Hoc ut intelligatur, ante omnia tenendum est, Ulpianum hoc libro 1. ad Sabinum hanc quaestionem tractasse, Legemque concinnasse, occasione *Testamentorum ordinandorum*, & *Testium classicorum seu testamentariorum*; ut apparet ex d. l. 20. §. *mulier* 6. D. *qui testam. fac. poss.* cujus eadem, ut jam monui, cum hac l. inscriptio est, ac proinde ea huic coallanda seu conjungenda venit. Nempe enim ubi Maflutius Sabinus semel dixerat, *Feminas Calatis comitiis, vel in procinctu testari non posse*, indistincte vero, *Impuberes intestabiles esse*; Item ubi dixerat, *Legem exigere in testamento Testes Cives Romanos puberes* (quod sane etiam docet l. hac consultiſſima 21. C. de testam. §. 1. de testam.) ac proinde dixerat, *Mulierem testem la-bripndem aut testem esse, seu testimonium dicere in testamento non posse*. d. l. 20. §. *mulier*. D. *qui test. fac.* quæ huic, ut dixi, conjungenda est, cui consentit & §. 6. *Inst. de test. ord.* seu in testamento intestabilem esse, quia testem esse in testamento sit civile officium: Sed neque Impuberem, quod diserte ostendit d. l. 20. *qui testam. fac.* quæ, ut dixi, huic nostræ conjungenda venit: Ulpianus ad hanc Sabinum regulam scribens, ad generaliore de Feminis & Impuberibus Regulam assurgendum sibi putavit. Et vero de earum numero est hæc lex nostra. Quo etiam alioquin pertinet, quod Pomponius, & ipse lib. 1. ad Sabinum, in hoc ipso argumento versans, notabat. *Non esse permiffum mulieri publico Judicio accusare*, l. 1. D. de accusat. cujus exceptio tamen aliqua proponitur l. ult. ad l. *Jul. de adult.* Nunc ad rem.

Secundo investigandam venit, quid civilia & publica officia hac l. sint: Sane pro eodem hæc accipienda esse plerique Interpretum, etiam Cujacius & P. Faber, censent tribus ferme argumentis ex hac ipsa l. petitis. Primum ex particula VEL, quæ hic exegetica his videtur, pro SIVE, non disjunctiva ut sæpe alias. Secundo ex eo quod nulla hic exempla memorentur, quæ non publica videantur, i. publice gerantur. Tertio: *arg. §. 1.* ubi nulla publicorum officiorum mentione facta, sed civilium tantum, illud ipsum de Impubere eo §. definitur, quod hoc initio de feminis constituitur: His accedat extrinsecus lex ult. §. 2. de munerib. l. pen. in pr. §. 1. D. de variet. muner. l. cels. 12. D. de Decurion. ubi sane civilia & publica officia vel munera promiscue dicuntur. Exemplo etiam inter alia tutelæ, quæ alibi civile d. l. ult. in pr. D. de muner. alibi §. 1. *Inst. de excus. suc.* publicum munus dicitur.

Verum contra, Civilia hic a publicis subtiliter distingui oportet: sic quidem ut publica, civilia quoque sint; non retro, omnia civilia publica: & quidem argum. illius pñus §. 1. b. l. ut ad eum adhuc ostendatur. Et sic, quod Decius hic tenet, particula vel posita est inter genus & speciem, ut tit. *Cod. de servis iudibus & aqua*, certe inter diversa. Publica igitur officia hic non dicuntur ratione finis, quasi ad publicam & communem Re. publicæ utilitatem pertinentia; non ratione loci, quod publice, publicove loco fiant; verum ratione *auctoritatis*, quæ scilicet cum publica

exercentur auctoritate. Ita hoc omnino sensu, *Judicem* esse, seu *Judicare*, id est; *Judicem* pedaneum esse (male enim verus hujus tituli Paraphrastes id de *Judicibus* qui tribunali præfunt, accipit) munus publicum dicitur *l. quippe 78. D. de judic.* (et si alias *civile officium* quoque dicatur *l. 12. §. 2. cod. iii. & l. penult. D. de vacat. & excusat. mun.*) ut proinde error sit Harmenopuli, qui *ἀντιστοιχὸν publicum officium* negat esse *δικαστὸν judicare*. Hoc sensu, Magistratum gerere publica causa dicitur & juri publica accensetur, *l. 9. D. de his qui sunt sui, l. 14. D. ad SCrum Trebellian.* De utroque fidem quoque facit lex *§. in fin. juncta l. 6. D. de capite minuis*. Denique publica officia sunt, quæ in rerum actu, vel in Reipublicæ tractatione (ut loquitur Seneca *1. de Tranquil. cap. 3.*) seu *πολεως διοικησις civitatis gubernatione* (ut Plato hac in re *lib. 5. de Repub.*) consistunt. *Civilia* vero officia sunt ea quoque ministeria, ii actus, qui partim in civitatis vel judiciorum conspectu, *ἐν κοινῇ concione* (ut Græci loquuntur) in comitiis exercentur, partim privatim in cætu alicujus virorum ore seu conspectu, modumque excedunt domesticæ curæ (cujus finibus mulibre ministerium coarctatur, juxta illud Naumachii, οὐ δὲ (femina) οὐλομένη μελῆτος μετὰ ἀφῆτος εὐλαστον sibi autem frugalitas cura sis domumque custodire, & arg. aliquo *l. 1. C. de offic. divers. judic.* non etiam *l. 14. §. 1. D. de adil. editi.*) item, quæ modum pupillaris ætatis excedunt: quare & hoc jam quoque sensu *virilia* hæc officia dicuntur, *l. 1. §. sexum, D. de postul. l. 18. C. de procur.* quia scilicet virorum hoc est, cætibz hominum sese miscere. Alio alioquin sensu *virile* officium dicitur, *l. 2. §. 1. D. ad SCrum Vellejan.* quod constantiam animi virilis requirit; de quo hæc lex non est quod alioquin perperam censent plerique. Breviter igitur, officia publica hæc R. sunt, quæ cum publica auctoritate exercentur, cujusmodi duo tantum exempla hæc *l. memorantur*, *Judicem* esse (pedaneum scilicet seu causæ disceptatorem) Magistratum gerere, cum jurisdictione vel imperio, a quibus obcundis mulieres prohibentur *h. l. & l. cum Prasor 12. §. ult. de judic. l. 3. §. 3. D. de munerib. & honor.* *Civilia* vero, quæ etsi privata auctoritate expediantur, attamen vel in civitatis judiciorum conspectu transiguntur; cujusmodi tria exempla hic memorantur; *Postulare*, id est, advocare; *pro alio Intervenire*; *Procuratorem existere*. De Advocati officio fidem quoque facit Juvenalis, *Satyr. 7.*

Dic igitur, quid Causidicis civilia præstant

Officia.

Qui & idem (quod huic regulæ convenientissimum est) *Satyr. 2.* feminas ita inducit loquentes,

Nunquid nos agimus causas, CIVILIA JURA

Novimus, aut nullo strepitu jura vestra movemus.

Eodemque sensu vox hæc effertur apud Suetonium, *Tiberio cap. 8.* Senecam *1. de Tranquillit. cap. 3. & lib. 8. epist. 63.* Plinium in *epist. & Quintilianum Instit. Orat. lib. 2. cap. 4. & lib. 3. cap. 10. declamar. 168. 183.* vel certe privatim in cætu alicujus virorum conspectu, quorum postremorum occasione hanc regulam concinnaverat Ulpianus, nempe feminam testem vel libripentem in testamento esse non posse: unde & de *civilibus* officiis primore loco *h. l.* agitur. Et hæc quidem de civilium

vilium & publicorum officiorum discrimine, quod & Schol. Harmenopuli *sic*. 13. *lib.* 1. faciendum vidit: sic tamen ut contrarium ipse dixerit: *παραδικον δὲ ὅτι ὁφείκειν το δικάζειν: δῆλον δὲ το συναγερῶν καὶ τὰ ὅμοια ὅσα τὸ παρὶ ἀπαρδεύματος κηδεύοντι εἰ-
vile officium est autem judicare: publicum vero patrocinari & similia quacumque an-
teatium numerat caput*. Et sane idem illi qui civilia & publica officia hic commi-
scent, multum adlaborant, uti probent nobis, postulandi quoque officium publi-
cum dici posse: sed tamen, ut iidem fatentur, improprie; idemque de cæteris quæ
hic memorantur, sentiunt: quo nihil vero tam adversum, ut jam ostendimus.
Ergo ut a publicis ita & a civilibus his officiis prohibentur femine: a jure postu-
landi *b. l. de quo est & l. 1. §. sexum, D. de postul.* non vero *lex alienam* 18. *C. de
procuratorib.* est enim ea de defensione tutoria proprie: a procuratoris officio; *h. l.
& l. neque de procuratorib.* De interventione postea.

Hinc jam apparet (quod tertium in *b. l.* observandum est) quænam ratio sit
hujus prohibitionis live regulæ circa feminas: Non muliebris scilicet sexus levitas,
qua alioquin de causa Jolephus *lib.* 4. *antiquit.* cap. 5. putat lege Mosaica mulie-
rum testimonium non fuisse receptum; quod & Plato sanxit *lib.* 1. *de legibus*, cap.
11. nisi si quæ esset xl. annorum: seu infirmitas & conditio fragilitatis, ut Aruo-
bius loquitur *lib.* 7. (quam alioquin rationem Decius alique hic vulgo reddunt)
aut mobilitas sexus sequioris, seu το γυναικας ἀσθενος δικασίῃς parvitas, ut Dio Chrystosto-
mus *Orat. περί ἀπιστίας de incredulitate* 75. loquitur, aut quod *ἐκ τῆς ἀπειρίας decipi facile
possint*, sint, ut Theodorus Hermopolites ad hanc *l. ut ὁμοῖον καὶ ὁμοπατρίστον ὅμοια
ὁμοῖα quod habeant magis lubricum, & deceptis facilis judicium*. Neque periculum
rei familiaris (quicquid Constantinus *M. l. 1. C. Th. de rapt. virg.* asserere videtur)
verum ob honestatem sexus, ob verecundiam, & stolæ matronalis decus, quod RE-
MOVENDI verbo hac *R.* indicatur. Quomodo etiam dixit Callistrat. *l. pen. D. de
edendo*, feminas remotas videri ab officio argentarii, cum ea opera virilis sit: Et
Ulpian. *l. 1. §. 6. D. de postul.* Removet a postulando pro aliis & eum qui corpo-
re suo muliebria passus est: denique, *διὰ το πλεον ὅτι τὰς γυναικας δῆλον ὅτι
καταρτίως προεδρεύει καὶ τὰς ἀδελφὰς συμμετρεῖν δὲ ὅ quod indecorum sit mulieres publica
munera exercere, & ad tribunalia assidere, cumque viris misceri &c.* ut Harmeno-
pulus & Theodorus Hermopolites hic loquuntur: καὶ ἀκαταστάτων concionibus interε-
σε, de quo est insignis quoque Chrystostomi locus *πρὶς τοὺς πόντας δὲ ἀγνοεῖς γυναικας
de hoc scilicet quales oportet ducere uxores*, seu quod cum eis nulla Comitiorum commu-
nio esset, quod diserte scribit Gellius *lib.* 5. *cap.* 19. Quanquam neque displicet illud
cujusdam verecundiam muliebrem facere ne debeant, imbecillitatem, ne possint feminæ
publicis vel civilibus officiis fungi. Hinc est igitur jam quod JCtus diserte scri-
bit, in *l. 12. §. 2. inf. D. de judic.* Feminas prohiberi moribus Judices dari,
non quia non habeant judicium, sed quia receptum est, ut civilibus officiis non
fungantur: Audis, *moribus prohiberi*, item receptum, i. honestate & verecundia
publica exigente id ita constitutum: Itaque rursum *l. 1. §. 1. D. ad SCtum Vellej.*
dicuntur *moribus* civilia officia adempta feminis. Ita rursum *d. l. 1. §. sexum. D. de
postul.* ratio cur postulare feminæ prohibeantur, hæc adsignatur, ne contra pudici-
tiam sexui congruentem alienis causis se immisceant: cui rationi respondet & *lex*

21. *C. de procurat.* (quamquam eo titulo fugitiva.) *Ne inquit, femina persequenda liti obtem in contumeliam maritonalis pudoris irreverenter irrumpat, & conventionibus virorum vel Judicis intersit.* Ita quoque *l. ult. C. de receptis arb.* femina in se arbitrium suscipere prohibetur, *sua pudicitia memores & operum qua eis natura permisit, & a quibus eas jussit abstinere, & ab omni judiciali agmine separat.* Addatur & insignis Nov. Leonis 48. circa testimonii dictionem, qua ibi mulieribus interdicit : *ταυ ταυ συμεταυ μαρτυρια εχουσαι ad conventionum testimonia venire :* & Constantinus Harmenopolus *hic :* Eadem ratione in Syllaticis & solennibus omnibus καὶ συμεταυ contrallibus testimonium mulieris non admittitur : ac nominatim in testamentis) cujus occasione, ut dixi, Ulpianus in hunc tractatum sese diffudit) quod in apodicticis & fortuitis propter rerum necessitatem admittitur ; v. Schol. Harmenopuli *lib. 1. tit. 13.* Sic ut in his testimonium eis denuntiari possit ad veritatem manifestandam . Eademque ratione & arrogari olim mulieres vetite, quia arrogatio in Comitibus fiebat, teste Ulpiano in *fragm.* & A. Gellio : & cum feminis nulla Comitiorum communio erat . Imo olim nec ullius testimonii jus mulieribus fuit, ut patet ex Gellio *lib. 6. cap. 7.* Ergo quoad civilia vel publica Officia, deterior est feminarum conditio, quam masculorum, pariter ut in aliis multis Juris articulis, & in his quidem quæ juris privati & domestici sunt, veluti in eo quod liberos in potestate non habuerunt, atque ideo nec adoptare potuerunt, quo spectat Papiniani definitio in *l. in multis D. de statu homin. arg. l. 32. D. de adopt. & l. 12. D. de captiv.* quæ dux leges posteriores illi Legi in multis conjungendæ sunt.

Quarto, hinc vice versa (quod alioquin huic Legi opponi posset, imo opponitur ceu contrarium vel saltem exceptionis vice) potuit mulier bonorum possessionem apud Prætores petere pro alio, *l. Servus 7. D. de bon. poss. cui concinit & lex pen. eod. tit.* quæ altera lex ex eod. Ulpiani *lib. 1. ad Sabinum desumpta*, cum hac nostra conjungenda venit . Quia scilicet & servus id potuit *d. l. 7.* quandoquidem bonorum possessio nullis solemnibus, nullo actu aut conventu, verum de plano expediri poterat & nudam Judicis aditionem desiderabat, §. *ult. l. de bon. poss. l. ult. C. qui admitt. ad bon. poss. l. 32. §. 2. D. de acq. poss.*

Ex superioribus igitur jam apparet, quam multa ab Interpretibus & aliena ad hanc R. sive admittantur, sive cumulentur : Primo quidem, & cum maxime, in eo quod officia civilia, vel publica hic cum muneribus publicis, de quibus ideo hic prolixè agunt, commiscunt . Secundo quod officia civilia & publica a se invicem non satis distinguunt . Tercio, quod *Exceptiones* ad hanc R. nonnullas proponunt ab ea alienissimas; nempe de muliere quæ etiam absque tutoris auctoritate res nec masculi alienare poterat, teste Ulpiano, in *fragm. tit. 11. de tutelis :* ut & privata negotia gerere : *l. 3. §. pen. D. de negot. gest.* Ut & de testatore, qui mulierum arbitrio filii sui diurnum testinari voluit, *l. 47. §. 1. D. de administ. tutor.* Nihil enim hæc commune habent cum officiis civilibus vel publicis, sed actus mere privati sunt .

Et hæc quidem de ipsa regula: nunc de *Exemplis* quæ continentur *vers. & ideo*, de quibus plerisque jam supra . Quanquam neque de his omnibus agere necesse est, quæ

quæ per se satis manifesta sunt. De uno tantum atque altero porro amplius videndum est. Primo notandum, pessime hoc loco quoddam pro *procuratores* existere, subtituere vocem *curatores*: quod alia exempla rejiciunt. Secundo, videndum speciatim de *Interveniente pro alio*: Hac vero parte Græci quoque Interpretes lapsi sunt, veluti Scholion Harmenopuli, & Theodorus Hermopolites, ut & Interpretum plerique, Glossa hic & Cujacius quoque ad hanc l. qui id de intercessione fidejussoria, quæ Scto Vellejano inhiheretur, accipiunt: *η vox επισημοποιου της χρις ου εν τω & μιχα quæ non fidejubens pro aliquo ejusdemque debiti causa inquit Græci*. Qua etiam occasione Interpretes eam in questionem alieno plane loco sese diffundunt, utrum mulier Vellejano renunciare possit. *Intervenienti* quippe voce hic, ut recte quoque P. Faber, non intercessoria seu fidejussoria opera intelligenda est, verum Judicialis quedam opera, & civile officium, Cognitoriz & Procuratoriz simile. Argumenta hæc ipse quatuor habeo. 1. *Definitio* officiorum civilium id ostendit, quæ utique fidejussionem ambitu suo non complectitur: neque cum his quidquam commune habet intercessio. 2. *Ratio* hujus R. superius adsignata. 3. *casus* & connexa hujus R. exempla: *nec postulare*, inquit lex, *nec pro alio intervenire, nec procuratores existere*: ubi etiam vides, *Intervenienti* vocem hic medio loco positam & intersectam inter officium *postulandi procuratoris*, & quidem procuratoris forensis (quod officium civile inter alia feminis interdictum, uno casu singulari excepto; in l. *feminas* 41. D. de *procuratoribus*) non vero negotiorum, nam sane mulier negotia procurare potest, l. 10. §. *Si eni*. D. *mandati*, l. 1. §. 1. D. de *exercit. act.* ut & minor, 4. Sed & leges insuper complures id ostendunt, ubi simili sensu *Intervenienti* vox accipitur, puta lex 60. inf. h. l. 10. §. ult. D. de *in jus voc.* l. 3. §. *sed etsi* & §. *seq.* l. 5. §. *nunc videamus*. D. *judic. solvi* l. *non solum* 11. §. *agere*. l. *in tantum*, §. *nunc videamus*, D. de *injur.* denique l. 5. C. de *cognitor.* In his inquam omnibus legibus *intervenienti* vox hoc eodem sensu effertur. At enim cum de fidejussione mulierum agitur, Intercedendi, Intercessionis, Interponendi, Suscipiendi voces ibi propriæ. Qua causa etiam Græcus Interpret, quem falli ostendimus, vocem *επισημοποιου* *intercedere* hic substituit.

Et hæc quidem de hujus R. interpretatione ex Jure civili. Cum quo nil commune habet quod ex hodiernis quoque moribus hic cumularunt Interpretes de *Reginis*, *Abbatissis*, &c. quia hæc a Jure Romano ejusque principis, atque a civilium officiorum ratione aliena prorsus sunt.

De IMPUBERIEBUS ab officiis civilibus excludendis.

§. Item, 1. Legis 2.

Item impubes omnibus officiis civilibus debet abstinere:

IMPUBERES hoc §. qui omisus est in Basilicis sociantur, *Feminis* proximeque junguntur, pariter ut in *Inst. tit. de testam. ordin.* & apud alios etiam auctores, Dionem, Chrysostrum *Orat. quasi avus de incredulitate* 75. Suidam in ver. *ετι εβρος*.
Tom. I. E Nem-

Nempe circa impuberem hac parte jus idem fuit, scilicet ut impubes in testamentis, neque libripens esse posset, neque antestari, *αποδυναστεύσθαι*, ut diserte ex Livio scribit Priscianus *lib. 8. cap. 2.* Etsi non eadem prohibitionis utrobique ratio sit: Hunc enim, si de publicis officiis quaeritur, ipsa rerum natura ab his submover, quia scilicet impubes seu pupillus inhabilis est, *l. non tantum, D. de decurion.* Judicio caret, ut diserte prolix JCtus in *l. 189. infr. l. 12. §. 2. D. de judic.* quod agunt impuberes, non intelligunt, *l. ult. D. de jur. & fact. ignor.* quod vident ignorant, *l. un. circa fin. C. de fals. moneta.* Igitur indubie impuberes (ut de publicis officiis primum dicam) neque judices esse possunt, quod docet *l. cum Prator 12. §. pen. D. de judic.* sed puberes tantum plena pubertate, *l. quidem 57. D. de re judic.* Neque magistratum gerere *h. l. & d. l. quidam*, etsi civium idoneorum sit penuria, *l. 2. §. 1. D. de jura mun.* ne quidem municipale, *l. non tantum, D. de decurion.* Excipiendae tantum sunt (ut objectioni cuidam occurram) dignitates *απακτῶν* in quibus nihil agitur, quae administrationis non sunt conjunctae, ut Tribunatus militum honorarius, qui etiam pupillis extra ordinem, indolis & stirpis ratione, conferrebat, ut docet *l. ult. C. de testam. milit.*

Et haec quidem de publicis officiis plana erant & indubitata: Quare neque de his hic *πρὸς* expresse agitur, ut initio hujus legis circa feminas: Sed de civilibus tantum, de quibus solis sane quaeri potuit, an cum ea officii, operae, beneficiique genus quoddam in se contineant, puta alienae defensionis, his saltem fungi possent impuberes? Et vero videbatur, his fungi eos posse, quod intersit hominis cujusque hominem beneficio affici, *l. 7. D. de serv. exports.* Et tamen hic definitur, etiam his officiis *ἀσφί-
νε*re debere impuberes: *απὸ τοῦ* absolute, abstinere, nempe quia impuberes huic rei, etsi officii & beneficii operaeque genus quoddam contineat, per aetatem non sufficiant. *Ab-
stinere* debere dicuntur aliqua re ii a quorum captu seu statu res aliena est: Quomodo & Graeci *ἀναγκάζονται* a publicis muneribus abstinere, *l. moris, §. erit, D. de panis.* Ita in hoc ipso argumento Suetonius in Tiberio de Livia *cap. 50.* Sed & frequenter *ἀπομονῆς*, quod non majoribus nec femina convenientibus negotiis ABSTINERET. Ergo impuberes nec postulare in totum possunt, *l. 1. §. incitium, & §. in quo editio, D. de postul.* nec procuratores existere, *l. minor, D. de procurat. l. exigendi, C. eod.* Quid & quatenus de puberibus sentiendum sit, non hic, verum alius dicendi locus erit:

P A R S II.

REGULARUM SABINIANEARUM,

D E

HEREDIBUS, ET DE ADQUIRENDA,

ET OMITTENDA HEREDITATE:

Ad Tractatum de HEREDIBUS institutus, & de ADQUIRENDA vel omittenda HEREDITATE; pertinent Sabinianæ Regula, seu leges quinque sequentes, puta lex 3. 4. 5. 6. 7. & tres quidem priores ad personas, per quas hereditas adquiri possit, vel non.

De PATIENTIA: & cujus ea proprie dicenda ratioque habenda sit.

IDEM (Ulpianus) libro tertio ad Sabinum.

Ejus est non nolle qui potest velle.

DE Patientia, taciteque voluntate & permissione, est hæc regula solennis: ideo quoque solennis, quia celebrata contrariis Cujacii & Roberti studiis, & aliorum deinceps, ob ejus lectionem: sic quidem etiam ut quatuor ejus lectiones proponantur. Nos inter initia statim quod verum est exponemus. Eo scilicet pertinet hæc regula, ut definiatur, cujusnam patientia hereditas adquiri per alium possit, vel acquisita recte videatur: & sic in summam quæstio h. l. voluntatis tacite tractatur, quamnam & cujus voluntas tacita dici, cujus patientia operari quid possit. In quibusdam enim actibus patientiam accipimus pro voluntate, & taciturnitas consensum imitatur, de quo v. l. 2. §. 1. D. soluto matr. l. 1. §. scientiam, D. de tribut. act. Servium in 7. AENEID. Quo alioquin pertinent quinque præterea leges hujus tit. l. 40. 50. 109. 110. §. 2. 189. *infr. b. 1. & extrinsecus l. 91. D. de furtis.*

Igitur hæc l. hæc regula proponitur, *Ejus esse non nolle, qui potest velle*; i. (nam hæc paraphrasis hic adhibenda) eum demum tacite dici posse consensum suum alicui rei, veluti adquirende hereditati, accommodare taciturnitate seu patientia sua, ejus denique patientiam quid operari, qui, si velit, etiam possit expresse & formaliter jubere seu velle.

Non nolle scilicet h. l. recte præfert Florentinum archetypum; quod Ant. Augustinus lib. 1. Emendat. cap. 2. pag. 27. primus recte defendit, & post eum Nicol. Bellonius 4. *suppl.* 14. Riminaldus Jun. in l. qui se patris, num. 204. Cod. unde liberi: &

Joan. Robertus 2. *Recept.* 26. & 1. *Animad.* 30. & notis ad Notat. 1. cap. 30. adversus Cujac. 5. *Obs.* 39. & 15. *Obs.* 23. & 1. *Nois.* 30. qui idem tamen Cujac. Florentinam prætulit *Recitat.* in l. 5. *D. de serv. urb. præd.* Quod inter variationes Cujacii poni potest, neque ideo culpandum.

Est autem *non nolle* medium quid, seu medius terminus, inter *velle* & *nolle*; ut contraria alia medium quoddam habent: quomodo inter *jubere* & *vetare* tertia virtus est legis *permittere*, l. 7. *D. de legib.* Inter *fateri* & *negare*, medium est *tacere* l. 142. b. 1. *Velle* est *expresse*, seu verbis nuncupatis *jubere*: *Nolle* est *repugnare* *expresse*, seu verbis pariter nuncupatis *vetare* & *contradicere*, vel *protestari*: *Non nolle*, est pati tantum, & sic medium quid inter *Velle* & *Nolle*, & ita quidem medium, ut modo huc modo illuc propius inclinet: Est scil. ubi *non nolens*, seu *silens*, *tacens*, *neganti* nolentique comparatur, est ubi contra volenti æquiparatur, de quo d. l. 142. *inf.* Ergo tum *non nolle* est *tacitam* fidem accommodare, & sua patientia animum suum testatum facere, *admittere* (ut in illo Terentii. *Tu quod cavere possis, stultum est admittere*, ubi v. Donatum) denique pati, *permittere* & patientiam accommodare suam.

Hujus sane etiam formulæ apposituissimum exemplum idem Augustinus primus ad stabilendam Florentinam lectionem protulit ex eodem Ulpiano (quod notandum) l. 1. §. *scientiam* 3. *D. de tribus. aff.* *Scientiam hic eam*, inquit Ulpianus, *accipimus, qua habet et voluntatem. Sed ut ego puto, non voluntatem sed patientiam: Non enim velle debet dominus, sed non nolle*: deque ea nonnulla vide apud Cujac. 3. *Obs.* 23. *inf.* Exemplum etiam apud Tullium lib. 13. ad *Attic.* *Proximis tuis literis primum te id non nolle cognovi*: & *Verr.* 4. et 2. de *Orat.* *Apul. Apolog.* *Si ego non nolens*, &c.

Nunc de propria hujus l. specie. Igitur pertinet ea proprie ad heres institutos, & ad adquirendam ab his hereditatem, ut docent complures leges ex hoc ipso libro 3. Ulpiani ad Sabinum desumptæ: ac nominatim *lex* 4. *D. de acquir. hered.* Inde igitur sententia hujus R. hæc omnino statuenda est, eum demum heredem patientia sua per alium sibi hereditatem acquirere posse, qui & eundem possit *jubere* hereditatem adire. Et vice versa, is demum *nolle* hereditatem adire videtur, qui ipse adire potest. Quæ omnino sententia est d. l. 4. *D. de acq. hered.* ex eod. libro desumptæ. Exemplum hujus Regulæ ponamus in pupillo, seu impubere, de quo fuit quoque proxime superior Regula l. 2. §. 1. domino servi heredis instituti; ejus scil. præsentia & patientia si servus institutus hereditatem adquirat, utique pro nihilo ducitur, quia nec si velle seu *jubere* pupillus velit, possit. Denique, ubi non adfuit potentia voluntatis *expresse*, cessat conjectura *tacite*; ut vice versa, pupilli noluntas, & sic repudiario non attenditur, quia nec ipse per se adire potest, quæ sententia est dictæ l. 4.

Et sane argumentum libri tertii Ulpianei ad Sabinum hanc omnino speciem huius Regulæ aptandam suadet, fuit enim is totus occupatus in argumento, ut dixi, de hereditibus: ut docet l. 4. 6. *D. de lib. et post. l.* 3. §. *D. de in iusto rupto*: l. 3. *D. de hered. instit.* l. 22. *D. de donat. inter vir. et ux. junctis* l. 2. *D. qui sine manu. i.* l. 2. *D. qui et a quib.* Quare ad servi pupillaris institutionem omnino hanc Reg. referri oportet: ut jam nec verum sit illud, inscriptionem Regulæ Florentinæ lectioni non suffragari. Imo ex h. lege, conjuncta cum ea ipsa d. l. 4. hanc sententiam conficimus; servo pupilli herede instituto, pupilli, qui dominus est, patientiam in adeunda a servo

ho-

His ita perspectis, sequitur, hac regula non contineri argumentum ab habitu ad privationem: non argumentum ab eo quod plus est, ad id quod minus est; (qua ratione lectionem Florentinam subannabat nemo) non a contrario, verum continetur argumentum ab expresso ad tacitum. Quod utique argumentum absurdum non est, quod tamen hic Hottomanno visum. Rursum, non definitur hac regula, quibusnam casibus tacita voluntas pro expressa habeatur, seu taciturnitas consensum imitetur (id enim alterius & altioris est indaginis, de quo agitur l. 60. 124. in princ. 142. infr. h. t. & ea tamen ratione vulgatam nonnulli tuentur.) Quid igitur? Quæritur tantum de *Personis* in hac lege, & quidem eo casu quo in confesso est, tacitam voluntatem & patientiam in aliquo actu sufficere, quibusdam proprie dici possit pati aliquid seu tacite velle, neque prohibere, sed permittere, ut scilicet ejus patientia negotiorum, contractus, seu actus celebratus valeat? Nempe is demum, qui & expressè velle seu jubere possit: EJUS EST, inquit lex &c.

Ad eandem porro regulam, rationem & argumentationem, ut antea perstrinximus, tres præterea regulæ hujus tit. pertinent; puta l. 40. 50. 109. ubi dicitur, *Furiosi, vel ejus cui bonis interdictum sit, nullam esse voluntatem* (in quo furioso æque ac in pupillo species hujus regulæ poni potest: v. l. 14. D. locat.) Item, *culpa carere qui scit, sed prohibere non potest*: Item, *pupillum non posse intelligi pater*: at non & lex 110. §. 2. infr. ubi dicitur, *Nullum crimen pati eum, qui non prohibet eum prohibere potest*. Eodemque tandem omnino pertinet l. 91. D. de furtis elegantissima.

Hæc cum ita recte comprobata putem, cessent porro Cujacii & Roberti præsertim super hac regula contentiones; cessent axiomata quæ ex vulgata lectione educuntur; *Velle et nolle quoad potentiam causâ instar relatorum se habere*: Item, *Qui velle non potest, eum nolle quoque non posse*: etsi alias vera sint hæc omnia: verum ab hac regula aliena & ἀπὸ τῆς ῥῆσις & nihil ad rem facientia.

De VOLUNTATE obsequiosa, utrum pro mera voluntate ea accipienda sit.

IV. IDEM (Ulpianus) libro sexto ad Sabinum.

Velle non creditur, qui obsequitur imperio patris vel domini.

DE OBSEQUIOSA (ut verbo ad hujus l. exemplum efformato, sed ad rem proprio, utar) seu, ut alii loquuntur, de *Remissa voluntate* in civilibus negotiis, est hæc regula: ubi queritur, utrum hujusmodi voluntas pro mera veraque voluntate haberi debeat: veluti, si filius patris imperio, vel servus domini, in quorum potestate sunt, morem gerentes, dictoque audientes, *obsequentes*, negotium aliquod contrahant, aliquid agant, aliquin non acturi? Et vero hæc regula definitur, *Non CREDI eos velle*: non CREDI, id est, ut maxime voluntarius intercessisse actus videatur, attamen revera jurisque potestate non videri, non intelligi: ut proinde in questione voluntatis illud spectandum veniat, num sponte sua liberoque mentis arbitrio, & *ἐκ τῆς ἑξῆς τοῦ ἰδίου διακινῶτος* et potestatem habens super propria voluntate (ut loquitur Paulus 1. Cor. 7. 37.) an vero imperio aut obsequio quid quis agat: Quam in sententiam

Se-

Seneca : *Si vis scire, an velim, effice ut possim nolle*. Quare neque male Græci Interpretes hanc Reg. titulo. *De his qui sui vel alieni juris sunt*, aptaverunt :

Porro secunda hæc & Sabiniancis Regula stat & ipsa in tractatu de adquirenda hereditate, pariter ut lex superior, cujus tamen ideo appendix non est & consequentia, ut quidam volunt : nam imo est illa de pupillo, hæc vero de filio & servo, deque adquirenda per eos hereditate : de quibus alia multa habet Ulpianus eodem libro 6. ad Sabinum, in l. 2. de condit. institut. l. 6. de adquir. hered. l. 5. de cast. pecul. In genere huic concordant *lex 157. in pr. 167. §. 1. 169. in pr. infr. h. 2. sed & lex 116. 184. infr. h. 2.* Est enim ut hæc ita & dd. ll. 157. 167. §. 1. 169. in pr. de uxoria de involuntario, ob imperii & obsequii necessitatem. Atenim l. 116 l. 184. infr. h. 2. sunt de involuntario ratione metus (de quo in hoc ipso argumento est quod idem Ulpianus eod. lib. refert d. l. 6. in fin. D. de adquir. her.) vis, doli, erroris : hæc, ratione obsequii reverentialis & jure potestatis. Denique voluntas alia est pura, alia coacta, tertia ab illa diversa obsequiosa : etsi ferme blando vis latet imperio, ut Aufonius, de quo est hæc lex.

Et tamen, nisi hæc R. ad speciem suam seu jus ex quo confecta est, transitive coarctetur, in plerisque fallax erit, neque una objectione everteretur, qua obsequiosam voluntatem (nam de ea semper agi hac reguli meminimus, non de coacta) etiam voluntatem esse efficitur : Ut ecce in l. 12. D. de sponsalib. & l. si patre 22. D. de ritu nupr. definitur ex Celso, filium si patre cogente uxorem duxerit, quam non esset ducturus si sui juris & arbitrii esset, vel filia patre volente sponsalia contraxerit, contraxisse tamen matrimonium & sponsalia, & maluisse hoc videri.

2. Item in l. 26. §. 1. D. de pignorib. dicitur, filium emancipatum, qui persuasione patris chirographum sua manu perscripsit, & in eo domum suam pignori futuram scripsit, si patria hereditate postea se abtineat, adversus hujusmodi scripturam nihil excipere posse, quia consensum ei obligationi dederit. 3. Ut de delictis nihil nunc dicam, atrocioribus saltem, & sic de genere prohibitorum, in quibus non ignoscitur servis, si in iis domus obtemperaverint, arg. a contrario d. l. 157. in princ. & 169. in pr. infr. h. 2.

Verum, si Juri suo, unde hæc R. confecta est, restituitur, si ex Jure quod est, fiat, in proclivi erit ad hæc responsio : Nempe, hanc regulam usurpavit Ulpianus, ut dixi, in tractatu de adquirenda per filiumfamilias & servum hereditate, ut docent dicte tres leges, puta l. 2. de condit. inst. d. l. 6. D. de acq. hered. & l. 5. D. de cast. pecul. (quæ ex hoc eodem Ulpiani lib. 6. ad Sabinum desumptæ huic conjungendæ sunt) ubi præsupponendum est, adiri hereditatem a filiofamilias vel servo herede instituto non posse, citra jussu domini vel patris. l. 38. §. si quis servum de her. instit. l. 25. §. 1. & seq. §§. de adquir. hered. Item præsupponendum, servum, & filiumfam, hac in re invitum d. d. audientem esse, compellique oportere. l. 1. §. 3. si quis om. causa restam. eaque in re, ut Tertull. loquitur, filiusfam. & servus non velle, non nolle de suo habet.

His ita præsuppositis, fingamus nunc, filiumfamilias, vel eum qui putabat se filiumfamilias aut liberum hominem bona fide possessum, jussu seu mandato five veri five putativi patris vel domini hereditatem adire, & sic in hoc actu mandato imperioque patris vel

vel domini OBSEQUIUM: mox ex postfacto hereditatem eandem filio vel servo putativo deferri? Nihil ei oberit, quo minus eam repudiare sua ex persona possit, neque exinde obligabitur. Et eo sane pertinet *d. l. 6. §. 4. D. de adquir. hered.* cui hæc coasslanda est: Et concordat insuper *lex 74. §. 2. eod. tit. & l. 54. in pr. D. de acquir. rer. domin.*

Ex hoc jam exemplo, seu ex hac specie (quæ & ipsa tractatur in *l. 21. Cod. de jure deliber.*) id nunc videmus, hanc Regulam spectare ad eos casus, in quibus liberi aut servi vel bona fide fervientes, dicto audire necesse habent, & *ὁποῖαν ἀνάγκην ὀβεδιεντία necessitatem* prestare debet, jure patriæ potestatis vel dominicæ, cujusmodi est hereditatis aditio, ut præter *d. l. 1. §. 3. docet d. lex 21. C. de jur. deliber.* (excepto casu *l. 3. in fin. Cod. de heredib. institut.*) item *lex 19. §. 2. D. de negor. gest.* ubi notanda illa; quia non libera voluntate exequitur rem sibi mandatam, sed quasi ex necessitate servitii, & *l. 14. D. de falsis, l. servus 20. D. de O. & A.* Neque enim si jus spectes, verum est illud apud Terentium, *Nostrum est, necinque & ubicunque opus sit, obsequi*. Adversus quam etiam sententiam vide quæ dixerit Gellius, non ubique bonus JCtus *lib. 2. cap. 7.* Contra nec obsequedum est omnibus jussis patris: & proinde in hæc R. præsupponi debet, de iis actibus & negotiis eam accipiendam in quibus jus imperandi habent parentes, jure patriæ potestatis, & obsequi necesse habent filiisfamilias. Atenim quibus casibus nulla obsequii necessitas filiisfamilias vel servis incumbit, contraria Regula aptanda venit: videlicet, etiam eum, qui obsequitur imperio patris vel domini, velle credi.

Exemplum ponamus (atque ita objectionibus jam occurramus.) Primum in conditione matrimonii amplectenda. Filiisfamilias scilicet (ut maxime hoc inter *ἀδελφὰς indifferentia* seu *media* sit, & in medio posita, per sese neque inhonesta neque turpia) hac parte, licet *ταὺς πατρωνίας ἀνάγκην πατρωνίας paterni imperii viribus subje-*ctus, ut Lucianus loquitur in *Demosth. encomio*, non cogitur lege vel autoritate paterna uxorem etiam honestam ducere (quod etiam Quintilianus agnoscit *declamat. 176.* quidquid contra Gellius, non bonus ubique JCtus, *d. lib. 2. cap. 7.* scribat, de quo Quintiliani & Gellii dissensu vide Ranchinum 2. *Variar. 4.*) Neque matrimonium inter invitos contrahitur: Nam ut bene concordans liberorum matrimonium jure potestatis, id est patriæ autoritate, turbari non potest (idque jus certum fuit *l. 1. §. ult. D. de lib. exhib.*) ita contra inviti filii ad nuptias adigi lege jure patriæ potestatis non possunt *l. non cogitur 21. & d. l. 22. de rit. nupt. l. 11. & l. filiosfam. 13. D. de sponsal. l. nec filium 12. Cod. de nuptiis*, et si in filia aliter jus fuit; argum. *d. l. 21. D. de rit. nupt. & d. l. 11.* Nuptiarum non omnis potestas in patre est, inquit recte Donatus Orator urbis Romæ, in *Andriæ All. 1. Scen. 5.* ubi & Euphrasius, *Constat circa nuptias esse filii liberam voluptatem*. Denique patris iusta hic detrectare potest filius, ut Tacitus aliquis loqueretur. Ergo, si patre cogente duxerit mulier hoc videtur *d. l. si patre 22. D. de rit. nupt.* Et sic hæc in re obtinere debent quæ dicuntur de iis quæ *ἀναγκῶς involuntarie* sunt *δὴ καὶ ἀναγκῶς ποιοῦνται, ἀλλ' αἰσχυρὰ ἐὰν οὐκ καὶ ὅτις ποιοῦται* propterea quod & inviti facimus, sed tamen eligimus sic facere, ut Simplicius in Epictetum: neque ultra in jure extendendum id, in cæteris contra, ubi parendi lex est, velle quis non creditur. Similis ratio est in *d. l. 26. §. D. de pignorib.* nam & ibi filius emancipatus proponitur, & sic patria potestate solutus.

Ma-

Major adhuc ratio in delictis : & quidem atrocioribus , *d. l. 157. in princ. & 169. in pr. infr. h. t.* nam in levioribus aliud , *d. l. 157. 169. l. 37. D. ad leg. Aquil. & l. 4. §. ult. & seq. D. de his qui not. infam.* quæ alioquin hanc distinctionem nostram evertere videri possit . Verum hæc & similia ad hanc legem non pertinent , in quibus tamen Accursiani hic adhxrent , verum de *civilibus* negotiis est hæc regula .

Et ita quidem hæc regula & intelligenda , cumque illis quas dixi concilianda , venit : Non ut alii faciunt , & nequicquam , qui ajunt , hanc legem cum temperamento hoc esse accipiendam , velle *plane & absolute* non intelligi qui imperio patris obsequitur , sed tamen velle , & voluntatem ejus esse tantum qualificatam & secundum quid , quæ hætenus interpretatio Cujacii est 16. *Obs. ult.* qui ideo nullam differentiam constituebat inter hereditatem aditam patris jussu , & coactione , & eum qui nuptias contraxisset eodem cogente , quasi utrobique sufficeret qualis qualis , etsi coacta , filii voluntas .

Rursum ex his constat , ab hac regula alienum esse Interpretum tractatum , de his quæ vi metue gesta sunt , veluti de hereditate vi aut metu adita , de quo alioquin agitur *d. l. 6. in fn.* quam huic conjungendam jam dixi , ubi dicitur quis ita *fallens* adire hereditatem , quia scilicet metu adactus simulat se quid velle quod tamen non vult : specie & verbo tenus quo se metu illo liberaret , cæterum mentem immotam servavit , etsi seorsim protestatus non sit . Item , *l. 85. de adquir. her. l. 21. §. 5. D. quod metus causa :* in quo tamen neque Cujacius sibi satis cavit , 16. *obs. ult.* Neque Hortomannus . Est enim hæc Regula , ut initio dixi , de obsequiosa tantum remissaque voluntate , non de coacta seu extorta vi metu dolo aut per errorem , de quibus erit *l. 116. & 184. infra h. t.* Etsi utraque voluntas , & obsequiosa , inquam , & coacta , non mera voluntas sit .

Tandem ex his constat , non hac R. quæri , quod putavit Rævardus , utrum filiusfamilias vel servus possit aliquod negotium gerere citra jussum domini vel patris : veluti , utrum filiusfamilias possit citra jussum patris hereditatem sibi delatam adire , quod Rævardus hac R. negari censet , quasi ejus sententia sit *velle non credi . voluntatem nullam habere* , filium vel servum , qui positi sunt sub aliena potestate : *Obsequendi* enim verbo hic intelligendus est actus aliquis singularis *introducens in hypothese* & obsequiosus , non vero status in genere personarum designatur , seu *vincens subiectio* : Etsi verum sit , quod etiam in hac R. supponitur , non posse filiumfamilias vel servum heredes institutos , sine jussu patris dominive hereditatem adire , eosque invitos hereditati obligare quod etiam *d. l. 6. in pr.* dicitur . Excepto tamen casu *d. l. 5. de cast. pec.* quæ & ipsa huic regule jungenda est . Tandem , ut hæc regula est de obsequio præstito patri vel domino ; ita de obsequio jussui Judicis præstito , *l. 167. §. 1. infra* . Quo sane casu qui jussu Judicis aliquid facit , non videtur dolo facere , quia parere necesse habuit .

De FURIOSO & PUPILLO negotium contrahente, & Differentia inter eos.

V. PAULUS libro secundo ad Sabinum.

In negotiis contrahendis alia causa habita est furiosorum, alia eorum qui fieri possunt, quoniam actum rei non intelligerent: nam furiosus nullum negotium contrahere potest, pupillus, omnia tutore auctore agere potest.

DE PUPILLO (de quo duæ jam Regulæ supra fuerunt: puta *lex 2. §. 1. & lex 3.*) & de eo quidem qui fieri jam potest (est enim pupillus vel infans, id est, septenni minor, vel septenni major, qui fandi vere potens habetur) quaeritur hac R. utrum negotium aliquod civile scil. contrahere tutore auctore possit? Et definit Paulus, posse: proposita per occupationem differentia inter pupillum & furiosum. Nempe (quæ dubitandi ratio erat) etsi furiosi & pupilli regulariter inter se comparari, componi soleant, & pupillus proximus sit furioso, l. 1. §. 13. *D. de oblig. & act.* differentiam tamen quandam intercedere inter furiosos & pupillos fandi potentes, in negotiis contrahendis, & quidem in negotio acquirendæ hereditatis. Eo quippe pertinet unica hujusce legis sententia, qua continetur tertia jam quaestio in tractatu de acquirenda seu cernenda hereditate; & quidem de personis: Quaestio inquam juris, non ut vulgo creditur, voluntatis: neque enim hac l. quaeritur, utrum furiosus aut pupillus aliquid velle seu consentire videatur, aut possit (de quo sane sunt quinque Regulæ b. 1. l. 40. 110. §. 2. 111. in pr. 124. 189. *infr. hoc tit.*) sed utrum pupillus qui jam fieri potest, negotium aliquod contrahere, seu actum aliquem, ubi voce opus est, seu qui *fando* (id est verbis solennibus) expeditur, celebrare, explicare, & quidem in specie hujus l. actum legitimum cretionis possit, quæ utique quaestio juris est, non voluntatis.

Rursum non quaeritur hac l. quando tutoris auctoritas requiratur, ut pupillus contrahere possit: Nam hoc alterius est tractatus: & vero de eo agitur d. l. 189. *infr. b. 1.* Quid igitur? supposito illo prius, necessariam esse tutoris auctoritatem, id est, tale negotium proponi, ut nonnisi tutoris interventu expediri possit, ut quia de pupillo obligando agitur, ac nominatim de cernenda seu acquirenda hereditate, quaeritur, utrum saltem pupillus per se (ut loquitur l. 1. C. ad SCrum Terent. cum qua etiam componi cupio legem 18. circa fin. C. de jure deliber.) sibi (ut ait. l. 63. D. de adquir. heredit.) negotium (quæ vox pariter in eodem argumento occurrit l. 25. §. 4. D. de adquir. heredit.) seu actum (quæ vox pariter in eodem argumento extat l. potuit §. Cod. de jnr. deliberand.) illum celebrare possit, etsi sine tutoris auctoritate, non possit? Id quod hac l. affirmatur, si modo pupillus fieri possit, id est, si septennium egresus sit, pariter ut l. pupillus si fieri possit 9. D. de adquir. her. (quæ huic inter alias conjungenda est, imo præmittenda.) Item l. potuit §. (quæ fere accipienda est de pupillo qui fieri potest) & l. si infans 18. C. de jnr. deliber. & l. 1. C. ad Terent. & l. 8. Cod. Theod. de bon. matern.

Ratio dubitandi hæc erit, quæ etiam hujusce legis verbis indicatur, quod scilicet pupillus non magis quam furiosus actum rei intelligat, seu causam acquirendæ hereditatis

tat's non intelligat, ut loquitur *d. l. 9.* & ut eadem l. dicitur, talis ætas neque scire neque decernere possit, non magis quam furiosus: verum hæc ratio decidendi hic quoque proponitur: Quod furiosi & pupilli comparatio, si de pupillo obligando agatur, vera sit, seu quo ad actum Rei, i. substantiam rei, at non quoad nudum intervntum ad *Negotium contrahendum*, id est, nudam ætus celebrationem; ad id scil. satis esse, si modo pupillus fandi potens sit; nempe quod iudicii semina in huiusmodi pupillo jam sint, intellectum jam aliquem habeat, ejus ætatis sit ut intellectum capiat l. 1. §. cum enim, *D. de adquir. possess. §. pupillus, Instit. de inutil. stipul.* ut proinde negotium ab eo contrahi, i. actum ab eo saltem celebrari, tutore autore nullius sit periculi; & quamquam pupillus neque velle neque nolle, neque non nolle ea in ætate credatur, adposita tamen tutoris autoritate hætenus creditur, l. 189. *infr. hoc tit.* Aliam vero causam esse furiosi, cujus negotia, seu actus, ut nunquam nonnisi curatore autore explicare debent, ita per ipsum & solum curatorem peragi ea oportet, nullo modo interveniente furioso, cum in omnibus absintis loco furiosus censetur.

Caterum usurpavit hanc regulam, uti dixi, Paulus in tractatu de acquirenda hereditate. & quidem in specie dictæ l. pupillus 9. *de adquir. her.* (cui etiam iungenda est ex eod. lib. l. 5. *D. de condit. & demonst. v. & l. pœnis §. Cod. de jur. delict.*) quæ huiusmodi est: pupillus si infante major sit, id est, si septennium egressus jam fari possit, quamlibet ejus sit ætatis, ut actum rei seu causam acquirendæ hereditatis non intelligat, tutore tamen autore adquirere, cernere, hereditatem potest, & additionis, cretionis, negotium seu actum expedire, seu contrahere, & cretionis verba fari, denique ipse pupilli ACTUS & voluntas in hoc negotio contrahendo est necessaria, *d. l. pœnis*. Et rationem Ictus addit *d. l.* hoc favorabiliter pupillo præstari: *favorabiliter*, id est ob ipsorummet pupillorum utilitatem: quod congruit omnino cum §. 10. *Instit. de inutil. stipulat.* ibi, *propter utilitatem eorum*.

Ex hac jam specie ad generalem hanc Juris regulam assurgamus: In omnibus negotiis contrahendis, pupili, si modo fari possit, habilem & integram esse personam, & pupillum etiam tutore autore agere posse: *In negotiis contrahendis*, id est, in actibus celebrandis, sive ii facti sint sive animi, cujusmodi est cretio seu hereditatis adquisitio, de qua rursum dicitur l. 77. *infr.* Rursum, sive Judiciales ii sint, sive extrajudiciales, sive contractus, ut obligationes, stipulationes, l. 1. §. 13. *D. de O. & A. l. 1. 70. de V. O. §. 9. 10. Instit. de inutil. stipulat.* (qui §. 10. omnino cum hac l. congruit:) sive quasi contractus, de quibus est proprie hujus legis species, de quasi, inquam, contractu, additione scil. hereditatis. *Contrati negotia* proprie passim dicuntur jure nostro, ut *b. l. ita & l. 32. de reb. credit. l. 49. de donat. inter vir. l. 35. D. locati, l. 2. §. 2. & l. 57. de O. & A. l. 2. l. 33. de condit. indeb. l. 14. de precario l. 70. de legat. 1. l. 4. quod jussu, l. 50. de jur. dot.* Et nominatim quidem id de additione hereditatis usurpatur *b. l.* pariter, ut eodem sensu a Juliano lib. 31. Digestorum dicitur *negotium contrahi* tutore autore, id est, hereditas adquiri, l. 14. *D. de autorit. innotum*, eodem, inquam, sensu; nam lib. 3. Digestorum, unde ea lex desumpta est, agit Julianus de acquirenda hereditate, ut docet l. 6. §. 2. *D. de adquir. hered. l. 21. D. de condit. & demonst. & l. 6. 22. D. si quis omisi. caus. testam. Negotium*, i. actus, *per quæ factum*: quo ipso sensu l. 4. *D. de præscr. verb. dicitur*, *plura esse negotia*

gotia quam vocabula. Ad rem. Differt igitur pupillus infante major, & a furioso, & ab infante nondum septenni videlicet: a furioso, quia si de eo quaeritur, curatoris autoritas ita necessaria est, ut furiosus ipse, eo quamlibet autore, nihil unquam agere, nullum negotium contrahere possit. Rursum (quæ altera differentia hic pertrahitur, hinc, *qui dari possunt*, mox, voce OMNIA) distat pupillus qui dari potest, ab infante, id est, nondum septenni: is enim & si dari possit, nondum tamen dari videtur; cum non intelligat quid agatur, infantis enim auri sensu careat, ut loquitur Plinius lib. 7. cap. 50. atque ideo furioso penitus comparatur & conjungitur *l. quod infans* 60. *D. de rei vindic. l. in, ans* 12. *D. ad l. Cornel. de sicar. §. sed quod*, 11. *Instit. de inutil. stipul.* sicuti furiosus sentire non dicuntur *l. Divus* 14. *D. de offic. Pres. l. si tibi* 8. §. 2. *de opr. leg. l. si cum dotem*, §. *maritus*, *D. solut. matrim.* infantis nullus est sensus, *l. quamvis*, 32. §. 2. *de injur.* Ad rem. Infanti uti semper necessaria est tutoris autoritas, ita pauca ipse infans eo autore peragere potest: nempe ea tantum quæ facti sunt, veluti infans possessionem tutore autore incipere & adquirere potest, & hoc ipsum pariter recepto jure, utilitatis causa, *l. 32. §. 2. D. de acquir. poss. l. 4. §. 1. D. de usucap. l. donationum*, *Cod. de acquir. poss.* item pro herede gerere, quamvis infans cum autoritate tutoris hereditati obligari possit, *l. servo*, §. *si pupillus*, *D. ad Trebell.* At si de pupillo qui jam dari potest, quaeratur, ut non semper necessaria est illi tutoris autoritas (de quo moment vel Institutiones) nam & stipulari sine tutore potest: ita ubi necessaria est, ipsemet pupillus OMNIA tutore autore agere potest, non ea tantum quæ facti sunt, veluti pro herede gerere, possessionem incipere; verum & ea quæ sunt magis animi, ut hereditatis aditio, sive cretio.

Hæc cum ita sint, liquet hujus legis speciem non pertinere proprie ad Contractus (quod *contrahendi* voce in errorem induci multi censuere.) Item liquet, pertinere eam ad nudum interventum, ad actus, inquam, & negotii expeditionem, explanationem seu celebrationem, *ponit solennizet un aile*: Et vero hoc est, quod dicitur *d. l. potuit* 6. *C. de jur. deliber.* pupilli ipsius voluntatem hac parte necessariam esse, ACTUMQUE qui quidem fando expeditur: cujusmodi fuit hereditatis aditio. In hereditate quippe adeunda & cretione, solenni verba intervenisse notissimum est, *l. cum qui*, §. *ut*, *D. de acquir. hered.*

DE REPUDIATÆ hereditatis indicio quodam.

VI. ULPIANUS Libro septimo ad Sabinum.

Non vult heres esse, qui ad alium transferre voluit hereditatem.

PRO herede quis gessisse, vel ut heres quis cepisse, & retro, quis hereditatem repudiasse videatur, hac regula quaeritur: (quæ quarta jam quaestio est in tractatu de *Adquirenda, Repudianda* vel omittenda hereditate) Pro herede, inquam, gessisse quisnam videatur, seu undenam quæsitæ repudiare hereditatis facto aliquo conjectura, seu præsumptio, probative duci possit (id enim est *pro herede gerere*) Hereditatis inquam testamento delatæ? Et ait Ulpianus, obicure (ut equidem Accursio videt

videtur & leguacibus) *Eum qui voluit transferre hereditatem ad alium, non velle heredem esse*, id est, cum simul testatum facere, nolle se heredem esse. Quæ sane regula, nisi ad suam speciem reducat, ridicula ferme erit, & ut loquuntur Interpretes, super non dubitabili, & idem de eodem prædicabitur: certe, ut quidam volunt, ne regula quidem juris erit, sed simplex pronuntiatio quoddam. Equis enim dubitare possit, *cum nolle esse heredem, qui noluisset ad se pervenire hereditatem?* Et ideo Glossa in exemplis ad hanc leg. apponendis cum maxime æstuat, & post omnia ea apposuit, quæ una litura sunt expungenda; solus Albericus, & post eum Ferrarius, divinando rem tetigere, spectare videlicet hanc regulam ad speciem *l. fuit questionis 24. D. de adquir. heredit.* & *l. 2. D. si quis omis. caus. test.* & *l. 8. D. de mort. caus. donat.* et si nesciverit bonus Albericus (quod potissimum & palmarium nobis est argum.) has tres Leges omnes ex eodem lib. 7. Ulpiani ad Sabinum, unde hæc, desumptas esse, quod etiam Cujacius recte monuit, & sic huic conjungendæ, quo quidem libro egit de acquirenda hereditate: Et sane, nisi effectum regulæ spectemus, erit ea omnino cassâ, inanis, imo ridicula.

Fingamus igitur (quod ex *dist. II.* quas huic conjungendas esse dixi, liquet) me heredem institutum, quacunque tandem ex causa pretium accepisse hereditatis omitrendæ vel prætermittendæ causâ, & sic locum fecisse ALII, i. vel substituto vel legitimo: denique in eos transfuisse me hereditatem: Quæritur, pretium illud quod omitrendæ hereditatis causâ accepi, quo jure censi debet, id est, utrum velut heres id ceperim, & sic quasi pro herede me gesserim? Quod utique quæri multum interest, propter onera scilicet hereditaria & creditores: Et vero ex hac regula efficitur, pretium hoc me non capere velut heredem, neque quasi pro herede me hac ratione gesserim: Et ut dilerte dicitur *d. l. 1. D. si quis omis. causa testam.* quæ huic coassanda est, pro herede gerere non videtur, qui pretio accepto prætermisit hereditatem. Quid igitur? Mortis causâ id pretium cepisse videor, ut definitur *dist. l. 24. & d. l. 8. mortis causâ*, id est non ut heres, vel ex hereditate, verum occasione hereditatis & propter mortem (id enim est *mortis causâ capere*, ut docet *lex 12. 31. 38. D. de mort. causâ donat.*) Ideoque creditoribus, legatariis, fideicommissariis ne quidem pro modo hujus lucri, seu pretii, tenebor *d. l. 24. D. de adquir. heredit. & d. l. 2. d. l. 8.* Cujus rei non alia ratio, quam ab hac regula petenda est, *Quia non vult heres esse, qui ad alium transferre voluit hereditatem.* Et ut in simili idem Ulpianus eodem lib. 7. ad Sabinum, *l. si quis 21. in pr. d. tit. de adq. heredit.* quæ & ipsa huic inter alias coassanda venit, ait, *Admissum contrariam voluntatem declarat.* Et tamen (quæ jam alia questio est ab hac regula aliena) si in præjudicium tertii hereditatem ita omiserô, legitimoque, v. g. heredi locum fecero, in elictum Prætoris incidam, dabiturque in me actio haud aliter atque si revera heres essem, ut subjicitur *dist. l. 24. & d. l. 2. D. si quis omis. caus. test.* quam huic conjungendam dixi: in præjudicium tertii, id est legatariorum, quia per me non stetit, quin legata ruent, ruente institutione, & sic hoc casu tenebor, non quasi heres sim, qui utique heres esse nolui, contraria voluntate testata, *d. l. si quis 21. in princ. de adquir. heredit.* verum quia heres esse nolui in fraudem tertii, & ad evitandum defuncti judicium.

Ex his jam liquet, quod & P. Faber recte notavit, non debuissè, hujus l. lectionem a non-

a nonnullis sollicitari, quasi hic legendum sit *transferrī*, non *transferte*. Nam imo *transfere* hic legitimum est, quia in sp. hujus Reg. ponendum est, factum aliquod heredis instituti intercessisse, quo is transferre voluit a se hereditatem in alium. Quare activæ significationis vox hic necessaria est. Secundo liquet cum Decio, a quo neque abit Bulgares, verba, *transfere voluisse*, hac l. ut alibi quoque, cum effectu accipienda, pro *transfuisse*, translatum fuisse, transfrendi voluntatem declarasse, in causa fuisse ut transferretur: Nisi casum ponamus in herede testamentario, qui ad remotiorem aliquem legitimum heredem, quem putabat proximum, transferre voluit hereditatem pretio aliquo accepto, cui tamen postea a propiore agnato hereditas evicta fuit. Tertio ex superioribus apparet, male hujus regulæ sententiam & speciem referri ab Hottomanno *ad sp. l. pro herede* 20. *D. de adquir. hered. l. 1. 2. C. de repud. hered.* quia ibi agitur de eo qui negotium hereditarium *pro alio* gessit, hic vero agitur de eo qui ad alium hereditatem a se scilicet seu persona sua, cui hereditas delata fuerat, TRANSTULIT. Postremo neque Antonii Fabri divinationem admitto, *Error. decade 70. error. 9.* qui hanc regulam referebat ad id quod Ulpianus *in fragm. iur. 19.* scripsit, hereditatem legitimam etiam priusquam adeatur in jure cedi posse, denique hanc regulam pertinere ad cessionem in jure hereditatis legitimæ. Tandem igitur pertinet hæc regula ad generale illud enunciatum: *Adquisita hereditatis conjecturam duci ex illa, quem quis ut heres celebravit: non vero ex alio actu.* Cujus rei ratio hæc est, quod hereditatis aditio sit tam facti quam animi: & ut quis pro herede gerere videatur, non hoc spectamus ut aliquid hereditarium attingat, vel hereditatis occasione, verum hoc animo esse debet, ut velut heres esse. *d. l. pro herede* 20. & *l. perit. 88. D. de adquir. hered.* In genere tandem, unde hereditatis vel bonorum possessionis adquisitæ, agnitæ, & retro repudiatæ conjectura, præsumptio, probatio ducatur, vide Menochium 4. *presumpt. 99. 100. 101. 102. 103. 104.*

TESTATI ET INTESTATI pugna in bonis paganis.

VII. POMPONIIUS libro tertio ad Sabinum.

Jus nostrum non patitur, eundem in paganis & testato & intestato decessisse: earumque rerum naturaliter inter se pugna est, testatus & intestatus.

TESTATUS & intestatus pro parte, num quis decedere possit, hac regula quaeritur (quæ quinta jam quaestio est in argumento acquirendæ vel omittendæ hereditatis) de quo sunt complures aliæ leges ex eodem Pomponii libro desumptæ: puta *lex 11. 27. 29. 36. D. de adquir. hered. l. 3. si quis omiff. causa testam. l. 1. de acqu. rer. domin.*

Ea vero quaestio generaliter proposita, duplex videri possit; Quæri enim potest: Primo, num ab initio ipsius testatoris facto testatus quis & intestatus decedere possit. Secundo, num heredis facto, seu acquisitione & heredis existentia, seu ex postfacto, sive judicii potestate seu eventu. Ad quam questionem respondetur in effectu sub duabus distinctionibus seu differentiis. Prima, bonorum paganorum & castrensium differentia indicatur: *In paganis* scilicet id est, in bonis non militaribus, quaesitis (ut recte Accursius) alio jure seu occasione quam militiæ, nemo testatus & intestatus decedere potest,

test. Nam ut militibus *paganis*, id est, non militantes; ita *pagana*, sive paganica bona, castrensisbus opponuntur: Probanda scilicet hic est omnino Accursii Clo la (contra Cujacii mentem) qui hæc verba. *in paganis*, non de personis, sed de rebus seu bonis accepit, quod verba illa apertissime ostendunt, *eundem in paganis*: Nam alioquin si de personis hic res esset, dixisset simpliciter J Crus *eundem paganum*, non *eundem in paganis*. In paganis igitur bonis scil. idem testatus & intestatus decedere non potest. At in castrensisbus miles potest ab initio pro parte testatus & intestatus decedere: quod indubitari sane juris est, posse videlicet militem ipsum in his decedere partim testatum, partim intestatum ab initio; etsi ex post facto heredis, miles non magis quam paganus pro parte bonorum intestatus decedere potest) ut apparet ex l. si duobus 37. D. de testam. milit. l. 1. 2. 8. C. eod. tit. l. 19. §. 2. D. de castrensi peculio, vel pro parte temporis l. 1. §. 4. l. 19. l. 41. de test. mil.

Ergo in specie hujus legis quærebatur, num & in *paganis bonis*, miles scil. pro parte testatus & intestatus DECEDERE initio posset? Potest enim idem miles habere bona *pagana* & bona *castrensia*: Quærebatur, inquam, utrum quemadmodum *paganis* homines non possunt decedere partim testati, partim intestati, quod etiam Tullius de Inventione prodidit: *Unius*, inquit, *pecunia plures dissimilibus de causis heredes esse non possunt, nec unquam factum est, ut ejusdem alius testamento, alius lege heres esset*: ita neque milites in iis bonis possint? Et vero hac regula definitur generaliter, EUNDEM non posse in *paganis testato & intestato decedere*: Eundem, sive paganus is sit, sive miles: Ac si diceret J Crus quæ singularia jura in militibus obtinent, ea nonniti ad castrensia bona spectare; in *paganis* vero bonis milites communi jure uti debere; sicut, vice versa, in ipsismet castrensisbus bonis veterani, id est, non amplius militantes communi jure uti debent. Denique, privilegium hoc militum ut locum obtineat, duo requiruntur, puta ut miles quis adhuc sit, & ut de castrensisbus bonis agatur. Nam si non amplius miles sit, etsi de castrensisbus agatur, communi jure uti debet: vice versa, etsi miles sit, si de bonis *paganis* agatur, æquo jure cum *paganis* uti debet. Atque hæc est genuina hujus legis interpretatio: ubi notanda venit prima differentia bonorum castrensium, & *paganorum*, etiam cum de milite agitur, ut dixi. Secunda differentia quæ hac lege indicatur, seu distinctio est: quod DECEDERE in *paganis* bonis pro parte testatus & intestatus nemo possit: DECEDERE, inquam: & sic initio inspecto: Aliud vero dicendum ex post facto: aliquando quippe intestati exitum pro parte quis facere potest: Aliud scilicet est DECESSISSE intestatum, aliud testamentum pro parte INFIRMARI & intestati exitum facere. Quem exitum pro parte quis facere potest; judicii videl. eventu, de quo sub finem. At non & heredis facto, de quo agitur l. 36. D. de acquir. hered. quæ velut ex eodem Pomponii libro, huic conjungenda est: Certum enim est, militis quoque voluntatem circa bona castrensia heredem pro parte amplecti, pro parte fastidire non posse. Denique, in testamentis quoque militum servatur ea regula, non posse hereditatem uni delatam, partim adiri, partim repudiari: Et tamen in heredis facto casum ita nunc ex ea l. 36. fingamus: Ego & filius meus a Titio heredes instituti fuimus; Ego pro parte mea adii: quæritur, utrum possum pro parte filii repudiare? Et negat id J Crus in d. l. 36. necessarium enim esse justum meum, i. cogi me jubere, ut filius coheres meus adeat: Nam cum per filium meum

milii

mihi adquiratur, pro parte hereditatem scindendo adire non possum. Quate non possum quandam partem fastidire, seu repudiare, quandum agnoscere, *d. l. 1. §. 2. C. de testam. milit.* Uno verbo, individua hereditatis acquisitio est: cujus rei exempla elegantia quoque occurrunt, *l. 20. C. de jur. deliber. l. 1. 2. D. de adquir. hered. l. 1. §. in his itaque, C. de caduc. toll. l. 4. C. de omni agro deserti. seu l. 17. C. Th. de annon. & tribut. & l. 5. C. Th. de bonis maternis.*

Sed ad veram speciem redeamus. Initio ipso ipsaque juris potestate, nemo in pagania bonis testatus & intestatus decedere potest: nam ut maxime pro parte bonorum meorum heredem instituo, attamen tota hereditas ad institutum pertinet, sic ut tacite in universo institutus intelligatur. Unde & jus accrescendi enatum quoque est, causa testati trahente ad se causam intestati, *l. 1. §. si ex fundo, l. 13. §. 2. l. 35. l. 74. D. de hered. inst. §. hereditas, Inst. cod. tit. d. l. 1. §. in his itaque, C. de caduc. toll.* Idemque fuerit, si pluribus hereditibus institutus testator partes singulis suas adscripserit, neque totum altem expleverit: nam id quod superest in hereditate, singulis pro portione hereditaria adcrefcet: nisi forte aliquo argumento liquet, testatorem noviusse locum esse juri adcrefcendi; quæ Bartoli, & post eum Gomesii verior mihi videtur sententia. Rationem hanc reddere soleo, quod jus adcrefcendi in ipsorummet testatorum favorem introductum fuerit, ipsam testatoris voluntatem proxime sequendo, qui vel oblivione quadam partium virumque hereditariarum potius oblii creduntur, præsertim in extremis constituti, quam ut intestati exitum aliquo modo facere voluerint. Unde sequitur, si contrarium probari possit, etiam juri adcrefcendi locum non esse.

RATIO autem cur id ita jure civili constitutum sit (ut loquitur *lex 64. D. de hered. inst. l. 1.*) seu cur hac lege dicatur, *Jus nostrum hoc non patitur*, &c. non ea primario est, quod quidam volunt, qua vulgo dicitur, *Testamentum esse individuum*: Id enim dici solet propter actus, id est, testamenti ordinandi contextum; nempe actu continuo testamentum ordinari oportet. Neque ea etiam sufficiens ratio est, quod absurdum sit, duplici seu diverso jure testatorem heredem habere: Semper enim quærendum superest, cur id absurdum sit, ac præsertim cum in quamplurimis casibus (de quibus sine legis) id absurdum non sit. Gemina igitur ratio, tum civilis, tum naturalis hac l. indicatur: & civilis quidem his verbis, *Jus nostrum non patitur*: jus nostrum, id est Civile justa scilicet voluntatis defuncti præsumptione, si videl. quæramus, utrum ab initio quis testatus & intestatus simul decedere possit. Ecquis enim non ita censet, eum qui semel in animum induxit suum: heredes instituere, id etiam voluisse, ut quod *heredis* nomen præ se fert, in solidum eos heredes esse vellet? ut proinde testator, nisi contrariam voluntatem testatus sit, in memoria potius quadam partis alicujus oblitus censeri debeat, ne sibi ipsi dissidere & secum pugnare videatur. Altera ratio, civilis succenturiata, est naturalis: nempe, quod *eorum rerum naturaliter inter se pugna sit, puta testati & intestati*. A communi scilicet sensu seu naturali hæc ratio petita est, quod duo contraria simul subsistere non possint: seu, ut hic dicitur, *eorum rerum naturaliter inter se pugna est*, ut quæ pugnant inter se, in eodem subiecto concurrant. Male enim Hugo Grotius, morem receptum jure Romano interpretatur: quod jam initio legis dictum fuit. Sic quoque Seneca 6. de benefic. 6. *Alioquin jubet me eod. m. tempore amare & odisse, queri & gratias agere, quod NATURA non recipit.*

Atte-

Atenim si de facto heredis quaeritur, utrum pro parte defuncti voluntatem amplecti possit, & sic defunctum testatum facere, pro parte vero repudiare, & sic intestatum reddere: longe alia jam ratio quaerenda est (unde rursus apparet hac l. agi tantum de initio, & testatore ipso) scilicet haec, quia defuncti voluntas quoque individua est: adeo quidem, ut & commodi & onerum mixturam & compensationem quandam testator induxisse videatur, ut proinde non sit permittendum, ejus arbitrio obniti, atque onera ejus defugere, per quem honos obigit & commodum: & absurdum videtur, licet eadem partim comprobare judicium defuncti, partim evertere, l. 7. de bon. libert.

Quaerit aliquis: Quare igitur id *Militibus in bonis* castrensisbus concessum fuerit, ut pro parte testati ab initio, & pro parte intestati decedere possint? Respondendum est, id ea ratione constitutum, quod videlicet (ut in alia re loquuntur Imperatores) militantes levi sensu testamenta ordinare soleant, atque in extremis constituti periculis sua in commilitones erogare, & (ut loquitur *lex 16. in fin. D. de cast. pecul.*) *militia causa*: nulla, ut sapius sanguinis ratione, seu legitimorum heredum, quos in patria quisque sua reliquerit, amplius memoria: ut proinde velut in lubrico id quod leviori sensu fit, coerceri suos intra fines oportuerit, sic ut non tam facile causa testati secum intestati causam traheret. Quare si unum heredem miles scripserit ex fundo forte, residuum patrimonium ad legitimum heredem pertinere creditum est, l. 6. *D. de testam. milit.* quae *lex Ulpiani c. l. b. §. ad Sabinum* ita de castrensisbus bonis accipienda est; ubi & observanda vox CREDITUM; iusta videlicet praesumptione. Ut mirer esse, qui hanc in partem aliter sentiant, quique & hanc Regulam & d. l. 6. a Triboniano interpolatas censent. Atque ideo etiam jus adcrendi in testamento militis non est, l. 37. *D. de testam. milit. l. si filius, §. castrensius, de bonis libert.*

Tertium superest: legum contrariarum, adversus id videlicet quod diximus, ex post facto quoque defunctum testatum & intestatum fieri non posse, profligatio, puta l. 8. §. 1. l. 15. *in fin. l. mater 19. vers. secundum quod. l. 24. D. de inoffic. test. & l. 6. 11. D. de vulgari substit. l. si Titius, §. ult. de legat. 3. l. 1. Cod. de secund. nupt.* Verum his omnibus legibus duplex responsio parata est. 1. Agere nos de legitima testatoris voluntate. Atenim nonnulli textus contrarii sunt de illegitima testatoris voluntate, ut proinde mirum non sit, illis casibus dividi testatoris voluntatem, & rupto pro parte testamento, pro ea parte intestatum fieri pro qua in leges incurrit: denique utile per inutile non vitiari, quod ab aetate Juris regulæ monent. 11. In nonnullis superioribus textibus id ita constitui, propter inevitabilem & summam necessitatem, id est propter judiciorum & personarum agentium diversitatem, & quia nisi ita jus esset; prorsus intestatus, ejusque voluntas everteretur: Atquin hoc jus eo unice spectat, ut voluntates defunctorum sustineantur.

P A R S III.

R E G U L A R U M S A B I N I A N E A R U M ,

D E

L E G I T I M I S E T P R A E T O R I I S

S U C C E S S I O N I B U S .

De Jure SANGUINIS.

VIII. IDEM (Pomponius) libro quarto ad Sabinum.

Jura sanguinis nullo jure civili dirimi possunt .

AD LEGITIMAS & PRAETORIAS SUCCESSIONES pertinet haec, septima e Sabiniancis, Regula: & ad eam nominatim quaestionem, *Utrum jura sanguinis* (quo sane numero est jus legitime successionis & bonorum possessionis) *jure civili* (id est minima capitis deminutione) *dirimi possunt*? Id quod hac regula negatur: Unde illud in summam elucet, in quaestione Juris, pro jure potentiori semper respondendum esse, cujusmodi utique est jus sanguinis, & naturae, cum nullo jure civili compositum. Ut autem haec lex certius, melius, intelligatur, de quinque sequentibus videndum est. 1. Quid per *sanguinem* hac l. intelligatur. 2. Quid sit *jus civile*: 3. Quid *jura sanguinis*: 4. Quid quaeratur quidve sit *Dirimi*. 5. Quae denique species apponenda sit.

1. *Sanguis* igitur hac l. est *cognatio* naturalis quae secundum naturam est: l. *qui in adopt.* 23. *D. de adopt.* l. 2. *D. unde cognati*, l. 12. *D. de manum. vind.* l. *dotem* 16. *in fin.* *D. de castr. pecul.* ut agnatio, secundum jus civile. Cognatio, inquam, non tantum per mares, sed etiam per feminas. Non ita bene Accursius, qui jura sanguinis vocavit *jura consanguinitatis*: Nam consanguinitas in jure proprie est fraternitas & agnatio, §. *unlego*, *Inst. de suc. cogn.* §. 1. *Instit. de legit. suc. agn.* l. 4. *D. unde cognati*: l. *penult.* *C. de legit. heredib.*

2. *Jus civile* est merus seu nudus juris civilis actus legitimus, & sic capitis diminutio minima, cujus species sunt adoptio, emancipatio: Hoc enim sensu proprie *jus civile* hac l. accipiendum est, quomodo etiam accipitur l. 2. §. 7. *D. de O. J.* l. 2. *unde cognati*: l. 12. *D. de man. vind.* Quod eximie ostendit ipsa species, cui haec R. aptanda venit, ex l. 5. *D. unde cognati*: l. *si quis ex his* §. *D. si tabula test.* nulla: & l. 4. *D. de suis*, quae omnes ex eodem Pomponii libro 4. desumptae huic conjungende sunt. Quae simul ostendunt, per *jura sanguinis* (quod tertium hac l. explicandum venit) intelligi oportere speciatim meritum hereditatis accipiendae (ut loquitur d. l. *dotem in fin.*) seu commoda

da successione, quæ jure seu ratione sanguinis jureque cognationis defertur : gradu cognatorum, *d. l. 5. unde cognati*.

3. Quare ex his omnibus efficitur, non hic queri generaliter, utrum aliquando jus civile a naturali jure *recedere* possit (quod alterius est questionis, quamquam neque questionis esse potest) verum utrum speciatim jus successionis, quod jure sanguinis sub nomine naturali defertur, possit jure civili dirimi : DIRIMI, inquam, id est, penitus aboleri, dissolvi : Tandem ex his liquet, non queri, utrum pacto seu conventionione aliqua jus sanguinis imminui possit, de quo tractatur *l. jus agnationis 34. D. de pactis*.

4. Species igitur nunc tandem hujus R. hæc constituatur ex *d. l. 5. unde cognati*, & ex *d. l. 4. de suis*, & *d. l. 5. ff. tabula test. nulla*. Finge, me capite minutum, id est, me aut in adoptionem in alienam familiam datum, vel emancipatum? Sane ad agnati quondam mei successionem seu hereditatem tanquam legitimus, id est, agnatus jure civili non admittor, quia jus agnationis, quod est juris civilis, alio jure civili facile dirimitur : Atenim qui jure heredis legitimi seu agnati non admittor, admittar adhuc, ut cognatus ; ex titulo *unde cognati*, seu gradu cognatorum. Quare? Quia cognationis jus, jus est sanguinis, quod nullo jure civili DIRIMI seu aboleri in totum potest, *d. l. 5. D. unde cognati* : & *d. l. 4. D. de suis* : addatur & *lex 10. §. inter agnatos, D. de gradibus*.

Sed, ut objectionibus occurramus, quæ nullo, nudo videlicet soloque jure civili dirimi sanguinis ratio potest, ea accedente delicto & crimine dirimitur. Denique non jure civili, sed ob incivile factum seu delictum, sanguinis ratio dirimitur, puta maxima & media capitis diminutione, & quidem in terminis, jus hoc ipsum, id est commodum successionis legitimæ, *l. 19. D. de reb. dub. l. 2. §. 1. D. ad SCtum Tertull. l. 7. D. unde cognati, §. ult. Instit. de leg. agn. suc. & §. 6. Instit. de cap. minut.* Non tamen ex causa relegationis, ex rescripto D. Trajani : ut hoc eodem libro testatur Pomponii *lex 1. de interd. & rel.* Et si quoad jus nuptiarum, cognationes etiam serviles spectentur, *l. 14. §. 2. D. de rit. nupt.*



P A R S IV.

R E G U L A R U M S A B I N I A N E A R U M,

D E

L E G A T I S, &c.

Ad Tractatum de LEGATIS pertinentes duodecim Leges, seu tredecim Regula Sabinianæ, ad leg. 20. usque inclusive, sequuntur.

De OBSCURI Interpretatione.

IX. ULPIANUS libro quintodecimo ad Sabinum:

Semper in obscuris quod minimum est sequimur.

DE OBSCURI, seu DUBII (de quo peculiaris est titulus, & quidem in materia legatorum, in Digestis *de rebus dubiis*) interpretatione est hæc regula, pariter ut eodem pertinent septemdecim præterea hujus tituli regule, in l. 20. 34. 41. §. 1. 56. 67. 73. §. 3. 85. 96. 114. 155. §. 2. l. 168. in pr. & §. 1. 172. 179. 191. 192. §. 1. 200. quarum pleraque collegit uno capite Harmenopolus *περί ασαφούς καὶ ἀμυβόλου τῆς ἐκφράσεως & ἀμυβόλου τῆς ἐκφράσεως*, lib. 1. cap. 15. Et nobis igitur, ad hanc etiam notitiam, quæ prima omnium in eo argumento occurrit, accedentibus, operæ pretium fuerit eas velut unam in lineam semel conjicere, ut ita ab invicem recte distinguantur: quod tribus capitibus exequemur.

Primo quidem distinguende veniunt quinque *Obscuritatis* species, ut quidem leges ipsæ ostendunt, vel ex speciebus earum colligi potest. Prima est, ob indistincta verba seu indefinita; veluti Testatoris *h. l.* aut Judicis, l. 15. §. 2. aut Contrahentium, l. 34. Secunda, cum nihil expressum sit, de quo est *lex* 41. §. 1. l. 114. 179. 191. 192. §. 1. 200. Tertia obscuri species est sermonis, verborum, orationis, ambiguitas, quæ duas interpretationes recipit, quæ vulgo amphibolia: de quo sunt quatuor leges, puta l. 67. 85. 96. 172: quanquam est ubi obicium & ambiguum, confunduntur. Quarta obscuritas est, cum scripta intelligi non possunt l. 73. §. 3. Quinta obscuritas est facti ab aliquo, ubi queritur qua mente id fecerit, l. 114. 168. in pr. & §. 1. Et hæc quidem de obscuritate & quaestione voluntatis. Sexta obscuritas est eventus scil. de quo l. 56.

Secundo loco observanda sunt *subiecta*, seu res & negotia, in quibus obscuritas admitti seu subesse solet: veluti in testamento & legatis, *h. l.* & l. 56. 73. §. 3. 192. §. 1. in contractibus & stipulationibus, l. 34. 67. 96. 172. 200. in pactis dotalibus, l. 85. in

in actu aliquo, veluti negotiorum gestione *l. 114. in pœnalibus & in sententiis, l. 155. §. 2. l. 168. in princ. & §. 1. in actionibus, l. 172. in manumissionibus, l. 179. in rescriptis Principum, l. 191.*

Postremo loco *varius res æquas solutiones difficultatis* hic semel colligendæ sunt: Conjecturæ, inquam, seu modi tollendæ, explicandæ, obscuritatis; qui quidem quatuordecim numero *hoc tit.* designantur. 1. Sequendum scilicet quod minimum est, *b. l. & l. 34. in fine 2.* Quod minimum nominatim habet iniquitatis eligendum, *l. 200. 3.* Quod in regione frequentatur sequendum, *l. 34. 4.* Repetitioni potius quam lucro favendum, *l. 41. §. 1. 5.* Benigniora preferenda, seu benignius interpretandum, benignius responsum rapiendum, benignior interpretatio sequenda, *l. 56. 155. §. 2. 168. in princ. 192. §. 1. 6.* Rei gerendæ aprior sententia excipienda, *l. 67. 7.* Pro dotib. respondere melius est, *l. 85. 8.* Sententia ejus maxime spectanda qui protulit, *l. 96. 191. 9.* Quod verisimilius est inspiciendum, *l. 114. 10.* Et quod plerumque feri solet, *d. l. 114. 11.* Ex adfectione cujusque interpretatio capienda, *l. 168. §. 1. 12.* Contra venditorem interpretandum, *l. 172. 13.* Pro Actore, *d. l. 172. 14.* Secundum libertatem respondendum, *l. 20. seu libertati favendum, l. 179.* Nunc de regula nostra.

Hæc igitur regula nostra est de Obscuro seu Dubio ob indistinctum, indefinitum sermonem, pariter ut *lex 34. & lex 155. §. 2. in fin.* Et quidem de obscuro legato, seu sermone & dispositione testatoris, pariter ut *d. lex 56. 192. §. 1.* ubi queritur, si quando talis dispositio obscura, tale legatum obscurum, proponatur, quidnam Judici factio opus sit, & quam interpretatio adhibenda sit? Et generaliter definitur, *semper in obscuris quod minimum est sequi nos oportere.* Ait *lex semper*, id est; ut in stipulationibus & contractibus *d. l. 34. 200.* ita & in Testamentariis dispositionibus & legatis: quo, seu ad quam speciem proprie hæc R. referenda est, pariter ut *d. l. 86. 192. §. 1.* conjungendaque cum *l. si ita sit 14. in fin. D. de legat. 1.* sic, ut hæc R. Papiniani potius quam Ulpiani videatur, sed quam Ulpianus lib. 1. ad Sabin. ceu elegantissimam juris insertam inseruit, quo sane libro 15. Ulpianus egit de vitiis testamentorum, seu ultimarum dispositionum, & legatorum: quo sane in vitiis censu est & obscuritas seu dubietas. 1. Ait *lex In obscuris*, & quidem in sp. hujus l. ob indefinitum & indistinctum sermonem, quia non apparet, quo se retulerit testator, ut in hac specie. Testator diversæ quantitatæ vel æstimationis legatum sæpius adscripsit; mox subiecit, ante impletum testamentum, *Velle se semel tantum præstari*, id est unum tantum e suprascriptis legatis præstari, queritur, quodnam sit legatario præstandum? Nam obscurum est, seu non apparet hoc indefinito sermone quodnam testator præstari voluerit, seu quo se retulerit? Et vero Papinianus *d. l. si ita 14. in fin.* hanc questionem tractans ait, *posse dici*, id est, hoc potius, hoc æquius esse, uti dicamus, exiguius legatum esse præstandum. *Similes* vero plures species huic nostræ, in obscuritate ob indefinitum & indistinctum sermonem in materia legatorum, in quibus huic R. locus est, suppeditant, præterea quam plures leges alix: puta *l. si ita sit adscriptum 14. in fin. l. cum servus 39. §. 6. l. si servus 50. in fin. D. de leg. 1. l. si ita relictum 43. §. 1. D. de leg. 2. l. qui concubinam 29. §. 1. l. nummis 75. D. de legat. 3.* Tandem ubi de modo & quantitate alicujus rei agitur, toties hæc R. obtinet, etiam

in pœnalibus judiciis, l. inter pares 35. D. de re judic. l. 3. §. ult. D. de suspect. l. 1. §. 2. D. de pœnis.

Sed ita demum huic regulæ locus est, si res OBSCURA sit. Obscurum hic est, quod elucidari aliunde nullo modo potest, quod omni alia verisimilitudine destitutum est: unde conjectura voluntatis educi possit: Obscurum contra non est, si aliqua aliunde voluntatis conjectura duci possit: Quare recte omnino DD. hanc regulam *subsidiariam* vocant, quod etiam ostendit d. ferte. l. 34. *infr.* h. t. Igitur si ex propria forte vocabuli alicujus significatione conjectura testatoris voluntatis duci possit, huic R. locus non est, quia nec revera obscurum est, l. qui lancem 31. D. de auro: l. si is qui ducenta, D. de reb. dub. l. etiam 43. D. de usufr. l. nomen 169. §. 1. D. de V. S. Item si ex qualitate legati vel legatarii, l. ult. de aliment. leg. l. Stichus, D. de legat. 1. l. 20. §. 1. l. antepennult. & ult. D. de annuis l. 38. §. Seja. D. de auro leg. l. 20. *infr.* h. t. Rursum, si ex rei legata natura, vel ejus cui legatum conditione, quo pertinet l. 21. *infr.* h. t. Quarto, si ex affectione conjectura duci possit, l. 168. §. 1. *infr.* h. t. Denique in obscuris inspicere prius solet quod verisimilius est, pro frequentia quoque regionis, d. l. 34. h. t.

Et hæc quidem in testamentariis dispositionibus & legatis: sane & in contractibus nonnullis quoque eadem ratione non sequimur minimè, ut in dotis constitutione, l. 60. 69. §. gener. a socero D. de jure dot. quia & ibi verisimilitudo quædam adfuit, d. l. 69. §. gener. l. 3. C. de dot. promiss.

Ratio autem qua hæc R. nititur, si de Legatis queratur, est favor d. bitoris, id est heredis, de quo favore l. cum tempus 17. *infr.* nempe, ut quam minime gravatus heres præsumatur, ut sublevetur potius quam oneretur, l. unum ex familia, §. si rem, de leg. 2.

De COMMODI & INCOMMODI analogia, seu mixtura.

X. PAULUS libro tertio ad Sabinum.

Secundum naturam est, commoda ejusque rei eum sequi, quem sequentur incommoda.

DE Analogia seu Æquabili commodorum & incommodorum mixtura, est hæc Sabiniani vel Pauli R. quæ secunda est e Sabinianis in tractatu *Legatorum* stantibus: Nempe si queratur, quemnam commoda rei percipere æquum sit, illud spectandum utique, quis onera rei sustineat. Est igitur argumentatio topica a contrario, & quidem in specie hac ab æquabilitate contrarii, quam naturalis æquitas commendat: *secundum naturam est*, inquit lex, id est, secundum naturalem rationem: contrariorum scil. eadem est disciplina, eadem natura.

Igitur ubi onus, ibi & commodum ejusdem rei esse oportet; seu commodum ab onere regulatur, hac l. & l. 73. in princ. *infr.* quæ hujus R. filia est, ut Accursius ait, puta in ænitis, annexis & complexis, quæ videlicet eandem rem respiciunt, ut docet l. unie. §. pro secundo 4. C. de caduc. tollend. & vice versa ad quem commodum per-

pertinet, ad eundem rerro & onus spectat, & onus a commodò regulatur, quo pertinet l. 149. *infr. h. tit.* ubi dicendi locus erit. Quamquam lex illa pertinet ad commodà & incommoda; non ex eadem re, sed per eandem personam, pariter ut l. 133. *infr. h. t.* in alia specie:

Ceterum latissime sese diffundit hæc regula per varios juris articulos; per contractus, ut docet §. *cum autem*, *Instit. de emptio. l. id quod 7. D. de pericul. & comm. rei vendit. l. 1. C. cod. tit. l. 29. §. 2. D. pro socio*, §. *illud expeditum*, *Instit. de societate. l. ult. §. pen. C. de furt.* per tutelas, d. l. 73. *in princ. infr. hoc tit.* per rerum acquisitiones, §. *riparum*, *Instit. de R. D. l. 1. §. ult. D. de agn. pluv. arcend. l. 2. C. de alluv. in causis testamentariis & successionum*, l. 1. *D. de bon. possess. l. 15. de colat. bon. l. 7. §. 1. l. agri 18. de usufr. l. 69. cod. tit.*

Et vero tandem ad *usufructus legatum* pertinet mihi quoque hæc Reg. videtur, pariter, ut *lex 12. infr. ex cod. lib. desumpta*, atque adeo conjungenda cum d. l. *agri 18. D. de usufruct.* quæ ex eodem Pauli lib. 3. ad Sabin. desumpta est: quo libro (& primo quidem e duobus circa legatorum materiam occupatis) de usufructus & usus legato actum complures leges ostendunt. Inde species hæc vulgaris figuretur. Usufructus agri mihi legatus est? Sane in locum demortuarum arborum alias submittere, substituere, adlerere cogor: vel gregis usufructus mihi legatus est? Alia capita in locum defunctorum submittere cogor: Sed quid fiet de prioribus seu demortuis arboribus vel capitibus? Sane post substitutionem aliorum mea fructuarii sunt, *dicit. l. 18. & d. l. 69.* nec ea res lucro proprietarii cedit: Nam sicut substituta capita statim sunt proprietarii; ita quoque priora ejus esse desinunt; *ex natura fructus*, inquit Pomponius d. l. 69. quæ ex quinto Pomponii libro ad Sabinum, concordante huic Pauli libro tercio, unde hæc regula nostra desumpta est. *Ex natura fructus*: haud aliter atque hic dicitur, *secundum naturam id esse*, id est secundum naturalem rei rationem seu æquabilitatem, ut incommoda compensatione mitigentur. Vel finge speciem in agro, cujus usufructus legatus est, facto fluminis sive aucto, sive imminuto: nempe sicut posteriore casu fructuarius, imminuti vexatique a flumine fundi incommodo adscitur, ita & aucti commodò potiri eum æquum est. Quam alioquin ferme speciem ponunt Græci, & in his Theodorus Hermopolites, in fundo empto: cujus commodum & incommodum fluminis facto ad emptorem pertinet. Et hanc quidem, vel similem certe, speciem in materia legatorum hic poni oportet. Non vero cum Ravardo in turelis, *arg. l. 7. D. de testam. turel.* quæ ex eodem alioquin libro desumpta dicitur: Nam & ea ipsa lex eo tantum respicit, ut differentia constituitur inter tutelam & legatum: Nempe legatum ab herede proficiscitur: Tutela vero a testatore protinus. Ac ut in rebus hæc R. obtinet, ita & in personis eadem æquitas: ut in conversâ regula. Nam ex qua persona quis lucrum capiat, ejus quoque factum præstare debet, d. l. 149. *infr. hoc tit.* Potro ut dixi in unitis, & connexis, quæ eandem rem respiciunt, hæc regula obtinet. *Cujusque rei*, ait lex, pariter ut contraria regula l. *unic. §. 4. C. de caduc. toll.* at non in iis quæ ex alio fonte procedunt.

DE DOMINII in alium translatione.

XI. POMPONII libro quinto ad Sabinum.

Id quod nostrum est, sine facto nostro ad alium transferri non potest.

AD rei Nostra in alium Translationem, quid requiratur, quid attendatur, queritur. Et vero hac regula (quæ tertia est e Sabinianis in materia legatorum stantibus) definitur, id spectandum unum & unice, utrum *Factum* aliquod domini intercesserit: *Factum*, inquam, aliquod: Neque enim hac lege id queritur, quodnam seu quale factum ad translationem domini requiratur (quæ alia jam est quæstio & specialior ab hac regula aliena) quando videlicet nudus consensus sufficiat, quando vero mancipatio, traditio insuper requiratur, & ut loquuntur, actus meri facti & naturalis. Certum est enim nonnulla nudis pactis & conventionibus non transferri, sed traditionem insuper requiri, *l. traditionibus, C. de pactis: l. 67. sup. de V. S.* Non hoc, inquam, hic queritur aut definitur, quod censuit etiam P. Faber, verum id definitur tantum, ad translationem domini nunquam non factum aliquod, quodcumque tandem illud sit, unde consensus argui possit, requiri: Domini scilicet ipsius; ait enim lex generaliter, *Facto nostro*. Id, inquam, hic definitur, ut ita scilicet excludatur factum alienum, de quo est *lex 74. infr. h. tit.* ubi dicitur, non debere alteri per alterum iniquam conditionem inferri. Ergo factum in hac regula dicitur, quodcumque tandem illud sit, ex quo voluntatis conjectura ducitur, quoque secundum cujusque actus naturam, res ad alium transferri potest: nam & factum etiam nudo animo & consensui tribuitur *l. 48. §. 1. D. de adquir. rer. domini*. Quod cum ita sit, etiam delictum in committendo hac *facti* appellatione comprehendi potest; etsi delicto bona in fiscum committuntur potius quam transferuntur. Sane ita *l. 155. in princ. infr.* factum pro delicto accipiendum est; *Factum cuique suum non adversario nocere debet*. Eodem sensu accipiendum *l. 138. §. 1. l. 149. 168. §. 1. infr. hoc tit.* Ita Græcis ἔργον ἑρπον Opera mortalium pro malefactis, ut in veteri inscriptione Herodis Attici *vers. 2.* Catullus in carmine de nuptiis Pelei & Thetidis,

*Quare facta virum mutantis vindice pæna
Eumenides:*

Quinimo & Non-factum hac regula comprehendi potest: Nonfactum, id est, ut loquuntur, mediante negligentia, ut docet *§. Inst. de nup. & l. 1. D. de nupcap. l. 28. de V. S.* Ideoque & non facto nostro id quod nostrum est ad alium transfertur.

Ait lex, NOSTRUM. Cum *nostrum*, seu *rem nostram* dicimus, non modo propriam rem, id est, pleno & perpetuo domini jure nostram intelligimus, verum etiam minus proprie, etiam non pleno jure domini, verum jure ususfructus nostram (nam & dominium ususfructus est) & obligationis jure tantum nostram, *l. 30. §. 1. D. ad SC. Trebell. l. 99. sup. de V. S.* Imo & quod in spe aliqua radicatum est, jam propemodum nostrum est: Nam & hæc omnia sine facto nostro ad alium transferri non possunt.

Rursum ait lex, *Id quod nostrum est transferri*, id est, dominium rei nostre, rem ipsam nostram: aliud enim in possessione nuda quæ nobis a fure intercipitur, *l. 2. §. si*

rem,

rem, l. 15. *D. de acquir. possess.* Ideoque possessio sine facto nostro auferri potest, l. 47. *D. d. tit.*

Denique ait lex, *non posse*, id est, nulla quacunq; tandem ratione posse, non debere, quo sensu hæc formula in his regulis effertur.

Hæc cum ita sint, *Species*, hujus legis indaganda venit. Et vero propria hæc constitutenda est in *usufructu* (qui testamento seu legato potissimum constitui solet) quæ species quoque fuit superioris regulæ. Est enim ea lex desumpta ex eod. lib. 5. Pomponii ad Sabinum, qui quidem primus est e tribus Pomponii libris circa legata occupatis. Nempe JC. eo libro inter alia tractaverat de usufructu, ut apparet ex l. 10. 19. 28. 69. 73. *D. de usufr. l. 2. de pec. leg. l. 2. de adim. leg. l. 69. ad l. Falc.* & ex iis quæ ex eodem lib. 5. memorat Ulpianus l. 12. §. 2. *D. de usufr. & l. 14. §. 2. D. de usufr. & hab.* & de modis amittendi usufructus, ut apparet ex l. 6. 14. *quib. mod. usufr. amitt.* Cæterum notum est, amitti usumfructum consumptione, seu interitu rei in qua usufructus consistit: amitti etiam morte usufructuarii; quibus duobus casibus & modis non tamen transfertur usufructus, quam finitur. At enim amitti proprie *translacione*, quæ citra factum fructuarii obtingere non potest, puta maxima & media capitis diminutione: item non utendo per modum & tempus: nam quocumque id fit, id est hoc non facto fructuarii, usufructus ad alium, i. proprietarium transfertur. Ex hac jam sola specie apparet, quod dicebam, *nostrum* hæc lege dici etiam id quod jure usufructus nostrum est: Item *facti nostri* appellatione venire non factum & non usum: *Transferendi* denique appellatione intelligi quoque usufructus regressum & consolidationem. ¶ Hæc cum ita sint, apparet inanes esse pleraque, quæ adversus hanc regulam moventur, objectiones. Nam quod per procuratorem vel arbitrum communi dividendo, item per adjudicationem, pignoris distractionem a creditore factam, usucapionem, id quod nostrum est, ad alium transferri dicitur; id sane ipsum sine aliquo facto nostro non fit, quia hæc ipsa non sine aliquo consensu nostro, sive expresso, sive tacito, vel præsumpto: sunt: sic ut factum semper aliquod nostrum intercedere credatur: e. g. in usucapione: nam ejus qui usucapi patitur, factum aliquod videtur, l. 28. *D. de V. S.*

Rursum non obstat, quod per tutorem, curatorem, executorem, res nostra in alium transfertur; quod alluvione id quod nostrum est ad alium transfertur, §. *præerea, Inst. de R. D.* Item quod Princeps id quod nostrum est, ad alium quandoque transferre possit, l. 15. *D. de R. V. l. 11. de eviction.* Item quod dicitur, rem sileo cum privato communem in solidum sileo vendere posse, l. 2. *C. de commun. rer. alien. l. un. C. de vendit. rer. fiscal. cum priv. commun.* Rursum, quod dicitur, communi servo ab uno ex dominis manumisso alterum domini partem suam vendere cogit, l. 1. *C. de commun. serv. manum. & §. ult. Inst. de donat.* Tum & quod dicitur, ad coemptionem specierum & *contus* privatos adigi. Hæc, inquam, omnia, & si quæ singularia similia asseri possunt plura, hanc regulam nostram non labefactant. Nam, ut antea dictum est, quod ea desinitur, *sine facto nostro, ad alium transferri rem nostram non poss.*; id ad exclusionem & *aversionem distinctionem* facti alieni privati respicit, non etiam factum naturæ ipsius, aut favorem aliquem singularem, aut publicam utilitatem (cui privata cedere nil mirum est) excludit. Quanquam neque his omnibus ferme casibus res

nostra ad alium transfertur, quin ejus vice & alia quodammodo manu aliquid pendatur, ut apparet in venditione rei communis a fisco, in manumissione servi communis, in vendicatione rei nostræ a Principe: denique apparet in alluvionis commodo, ubi & negligentia, & sic non factum domini ripam suam munientis plectitur.

Ex his omnibus jam patet, speciem a Cujacio ad hanc legem non recte apponi, argum. *l. vel innoxium* 69. de usufructu, in submissione pecorum, quam fructuarius facere tenetur, quæ si non fiat, non submissa fructuarii manere: in specie enim hujus legis, ut omittam alia, præsupponitur aliquid factum domini circa rem suam voluntarium, non vero ex lege quadam necessarium.

DE INTERPRETATIONE Testamentorum.

XII. PAULUS libro tertio ad Sabinum.

*In Testamentis plenius voluntates testantium interpretantur. **

* Passivo significatu, pro interpretatione accipiunt: nam hoc verbum commune esse docet Gellius lib. 15. cap. 13. vid. & Brissonii *parerga* pag. 397. Nisi malis legere *interpretantur*, ut sup. l. 9. sequimur. Et ita Basil. *interpretantur* interpretantur.

TESTAMENTI seu ultimæ voluntatis interpretatio quænam facienda sit, pleniorne an strictior, quaritur. Non quidem (quod unum ex hujus regulæ arcanis est) obscuræ voluntatis (quo sane spectabat proxime *l. 9. infr. b. r.* quæ alioquin huic ob stare videatur) verum certæ & indubitæ & nuncupatis verbis expressæ, ut proinde hæc regula ad verborum expressorum, non vero obscurorum interpretationem omnino pertineat? Et hæc regula (quæ quarta jam e Sabinianæ regula est) ad *legatorum* materiam spectantibus traditur, defunctorum voluntates, quamlibet certas scilicet, apertis verbis testamento expressas, plenius tamen adhuc esse interpretandas.

Ait lex, *in Testamentis*, item ait, *voluntates testantium*, id est quæcunque parte testamenti voluntatem suam expresserit testator: item sive de heredis institutione agatur, sive de substitutione, sive de Legatis, sive de Codicillis: nam hæc omnia *testamenti* appellatione veniunt, & testamentis continentur, seu ex testamento proficiuntur, ut loquitur *l. 200. infr. l. 2. §. 1. D. quemadm. testam. aper. §. ante heredis* 34. *Instit. de legat. l. 21. §. 1. D. qui testam. fac. poss.* Ac nominatim hanc regulam in *Legatis* obtinere ut aliz species complures ostendunt, & argumentum quod eo lib. 3. Paulus executus est, & unde pariter desumpta est *lex 10. sup.* ita ea ipsa species, cujus occasione hanc R. Jurisconsultus procul dubio concinnavit, seu commentatus est, demonstrat.

Ait lex, *plenius*. Voce equidem relativa seu comparativa, sed non comparata ad contractus (quod tamen post Accursium vulgus Interpretum hic censet: unde Brocardicum etiam illud enatum. *In contractibus plene, in testamentis plenius, in beneficiis plenissima* voluntates interpretandas esse. *cap. cum dilecti, in fin. ext. de donat.*) Verum *plenius* hic dicitur *ut artus ad differentiam explicandam*, relative ad strictam

nam interpretationem, vel etiam quod a Testatore nominatim scriptum, lingua nuncupatum & expressum; proinde *plenius*, id est pinguius, laxius, æquius, uberius, liberalius, ex bono & æquo, benignius, hoc est, non tamen strictè (ut ait *lex plenum* 12. §. *sed si pecoris*, *D. de usu & habit.*) non anguste, non avarè: quomodo etiam suo saltem sensu Bartolus hic legit vel accepit: Sic enim & verbo *plenius* Jurisconsulti utuntur, *l. 5. de contrah. empt. l. 2. §. pervenisse, de heredit. vend. l. 1. §. hac alio D. si quis testam. lib.* Denique hoc vult hæc regula, testantium voluntari favendum & indulgendum liberalius esse, quam ferat scripti strictique ratio. Quod alterum est hujus reg. arcanum.

Quomodo autem *plenius*? Nempe interpretatione extrinsecus extra testamentum assumptam, ex bono & æquo, ut docet *l. 16. D. de condit. & demonst.* probabili videlicet aliqua seu verisimili & favorabili conjectura, licet verbis non ad plenum expressa, licet stricto jure tenente. Non itaque, ut a significatione verbi & expressi omnino recedatur, *l. 7. §. 2. D. de suppellect. leg.* (neque enim hæc interpretatio plenior foret, sed interpolatio & corruptio, *l. 69. §. 1. D. de leg. 3.*) sed ut ex præsumpta testatoris voluntate latius ea accipitur. Quare *dicit. l. 69. §. 1.* Modestinus alia in re elegantem hanc regulam huic geminam germanam tradidit, *In causa testamentorum, non ad definitionem usque descendendum esse.* Non usque, id est non omnino, non semper, non perpetuo, non ita mordicus, quin aliquando scilicet adsumpta extrinsecus conjectura extra testamentum voluntates testantium interpretemur. Et rationem hanc ipse in ea sp. reddit, *Quod testatores plerumque abusive loquantur, nec propriis nominibus ac vocabulis semper utantur: plenius* itaque tandem, hic est stricti juris, & secundum id expressi & nuncupati verbique ampliatione quadam favorabili, probabili, sive materiam ultimarum voluntatum species, sive objectum: cujus rei exempla in institutionibus & substitutionibus suppeditat *lex Gallus, §. 6. D. de liber. & posthum. l. filii appellatio, l. liberorum, §. sed &, D. de V. S. l. placet 4. cum l. seq. D. de liber. & postum.* Suppeditat in Legatis, hæc Regula.

Propria nempe ut dixi hujusce legis, ex eodem libro desumptæ, unde & *l. 10. sup.* species pertinet ad legatum *usus*, ac proinde (conjuncta *l. 5. 9. 15. D. de usu & habitat.* quæ omnes ex eodem Pauli libro desumptæ sunt) hæc species familiaris sepositis nunc aliis constituitur; Usus domus relictus est alicui testamento, viro vel mulieri, queritur, cum usus jus strictum & personalissimum sit, utrum ita strictè præfractè intra legatarii personam usus hic coarctandus sit ut non usufructus & alijs quidam sibi personas adscribere possit? Et legibus illis definitur, posse nunc, focerum, ne de alijs dicam, sibi adscribere; posse virum & uxorem, & vice versa: posse hospitem, posse & clientem. Ratio ejus rei non alia quatenda est, quam ab hac reg. quod, ut maxime personalissimus sit usus, & strictum ejus jus, attamen plenius hoc legatum interpretandum sit, ex bono & æquo: quia scilicet non videtur testator usu legato charitates & affectus divellere, dissuere voluisse, quibus in promiscuo cæteroque cæterarum rerum usus est, *d. l. 9. D. de usu & l. 6. D. de servitut. leg.* Addatur & altera species ex *d. l. 15.* Imo addatur (quod Accursius hic rectè divinavit) & species *l. plenum* 12. §. 1. de usu. quæ desumpta est ex lib. Ulpiani 17. ad Sabinum (huic concordant) ubi hæc verba notentur, *Aliquo largius cum usufructuario agendum.* Ait Ulpianus aliquo largius,

id est plenius, ut hac l. dicitur. Item illa cum maxime notentur §. 2. (quæ huic R. omnino respondent.) *Neque enim*, inquit J Ctus, *tam stricte interpretanda sunt voluntates defunctorum*: dixit Ulpianus *non tam stricte*, quod Paulus hic dixit *plenius*. Ergo maneat, hunc esse R. istius sensum, verba testantium quamlibet non obscura, sed aperta, secundum jus strictum aliqua tamen ampliativa interpretatione plenius accipienda esse.

Sic corrui jam non unus interpretum ad hanc legem error, sive rationem, sive latitudinem, sive finem, sive speciem legis intueare. 1. *Ratio*, inquam, non hæc hujus l. est quod publice interfit, ultima Judicia exitum fortiri: Neque enim hæc lex ad substantiam voluntatis pertinet, ut ita testamentum aliquod alioquin ruiturum, favorabili aliqua interpretatione sustineatur: Verum eo, ut aperta & legitima testatoris secundum jus strictum voluntas plenior ex probabili conjectura interpretationem adsequatur. 2. In *latitudine* hujus regulæ etiam peccant, cum hanc legem ad successiones coarctant, quæ ad quascunque voluntates testantium pertinet, nullo successionis aut legati discrimine: imo, ut jam vidimus, hypothesis hujus regulæ versatur in *Legatis*. 3. Tertio peccant, cum inter testamenta & contractus *discrimen* hac lege indicari putant. 4. Tandem errant in inanibus speciebus ad hanc regulam coarctandis, quæ vel falsæ sunt, vel ad rem nihil faciunt, quod Cujacius per undecim species adversus Glossam diligenter exequutus est.

Superest videamus, quonam fundamento plenior hæc interpretatio nitatur (deficientibus videlicet aliis conjecturis, nam & hæc regula subsidiaria est.) Nempe, fundamento æquitatis, affectionis & pietatis & ad vitanda ominosa & inhonesta, ut l. 50. §. 3. D. de leg. 1. ubi conjecturarum fontes quamplurimi referantur, & in his, charitas & necessitudo: Item l. 18. §. *Tirius* D. de liberis. legat. ubi hæc verba obveniunt: *Presumptio propter naturalem affectum facit omnia patri vestro concessa*: Item l. 14. §. 1. D. de aliment. legat. ubi & hæc verba occurrunt, *Pietatis intuitu in sola specie alimentorum hoc observandum non est incivile*. Tandem lex 72. in princ. & §. 1. D. de cond. & demon. ubi & hæc verba: *Non enim voto matri opponi tam ominosa interpretatio debuit*: & mox, *Fuit periculosum ac triste libertum conjunctum patroni liberis eorumdem mortem expellere*. Neque omittatur (etsi ad substantiam testamenti jam pertinens) ratio l. cum avus, D. de cond. & demon. l. cum acutissimi, C. de fideicommissis.

His ita clare positis, ex his quoque apparet de inani labore Interpretum acriter discrepantium, utrum hæc regula quoque in legatis & fideicommissis locum obtineat, de quo prolixè alioquin Mantica, de conject. ult. vol. lib. 7. tit. 1. a num. 14. ad fin. rit. Cui superfedere potuissent, si vel hoc arcano instructi scivissent, propriæ hanc regulam de legatis conceptam fuisse,

CEPISSE quis videatur : & de vi EXCEPTIONIS.

XIII. ULPIANUS libro nonodecimo ad Sabinum.

*Non videtur cepisse *, qui per exceptionem a petitione remouetur.*

* Legatum scilicet.

CEPISSE rem aliquam, veluti ex testamento, quis dici possit, ut vel jure aliquo alio ideo excludatur, vel de illa disponere possit, quaeritur. Ad hanc quaestionem ita in effectu hac regula (quae quinta est e Sabinianis ad legatorum materiem pertinentibus) respondetur, id ex eventu & effectu judicari oportere: Cui eandem in sententiam concordant sex praeterea hujus tituli regulae, puta *l. 51. de hoc ipso Capiendi verbo* : & in commune *l. 112. 115. §. 1. 139. §. 1. 167. in princ. 190. infr. h. t.* His adde & *l. 71. 140. de V. S.* quae & ipsae sunt de Capiendi verbo (nam quod his Cujacius & Hottomannus quoque annumerabant *legem* 15. 66. *infr.* erroneum est.) Neque tamen ideo quia de *capiendi* verbo hic agitur, hac regula fugitiva est, uti videri nonnullis solet, & superiori titulo magis convenire, cum *capiendi* vocem interpretetur : cui etiam similes aliae eo tit. occurrunt de *capiendi* verbo, id est, quid proprie *cepisse*, quis dicatur, nempe *d. l. 71. & l. 140.* Nam & in regularum censu haec recte stat, ut ferme definitio verbi in rei definitionem facile migrat. Ad ipsam regulae sententiam descendamus; & primo quidem concordantes in summam illi hoc titulo leges unam in lineam conjiciamus, nempe ita quoque *1. d. l. 51. & d. l. 71.* dicitur, non videri quenquam capere quod ei necesse est alii restituere. 2. Ita *d. l. 112.* dicitur, nihil interesse ipso jure quis actionem habeat, an per exceptionem infirmetur. 3. Ita *d. l. 115. §. 1. ait.* Non posse videri accepisse, qui stipulatus potest exceptione submoveri. 4. Ita *d. l. 139.* definitur. Non videri perfecte cujusquam id esse, quod ex casu auferri potest. 5. Ita *dist. l. 167.* scribitur. Non videri data, quae eo tempore, quo dantur, accipientis non fiant. 6. Postremo, ita aliteritur *d. l. 190.* Quod evincitur in bonis non esse. Ex quibus omnibus hoc generale *axioma* conficimus: Quod exceptione aliqua elidi, *b. l. & l. 112. l. 115. infr.* quod aliquo casu auferri, *l. 139.* quod evinci potest; *l. 190.* quod restitui necesse est. *l. 51. & d. l. 71.* ea nec accepta, nec acquisita videri. Quorum omnium, ut singulares species sunt & hypotheses (quas singulas locis suis apponemus) ita unico fundamento nituntur omnes, nempe quod ut verba cum effectu sunt accipienda, ita nominatim *capiendi* verbum cum effectu accipiendum sit. *b. l. & l. 51. infr. & l. aliud. 71. de V. S.* atque adeo non capere, & non duraturum quid, vel inutiliter capere, paria sunt, Rursum ut singulares & varii per alios juris articulos istius Regulae effectus sunt, ita hac lex peculiariter spectat ad *legari* perceptionem seu acquisitionem.

Nondum tamen genuina species & vis hujus regulae in aperto locata est. Tres certe apponi possunt. Prima huc sit (quam & Glossa quarto loco apposuit.) Qui legatum ex testamento CEPIT, de inofficioso amplius dicere non potest, *l.*

10. §. 1. *D. de inoffic. testam. & aliis similibus*. Nunc finge; Ego a patre exheredatus, legatum, eodem testamento mihi relictum, petii: verum a legati petitione per exceptionem remotus seu summotus fui: puta quia idem legatum codicillis mihi ademptum forte a testatore patre fuerat: Queritur, num ad querelam inofficiosi redire possim? Id quod negandum videbatur, quandoquidem semel legatum agnovissem, agendoque testamentum comprobassem: arque adeo id cepisse quantum in me, videretur. Attamen contra, l. 12. §. 2. *de inoffic. testam.* affirmatur; nempe, SUMMOTUM me a legati petitione, repetere posse inofficiosi querelam: Non ea tantum ratione quæ ibi redditur, quia hoc casu sit aliquid quod vitio testatoris imputetur, ut merito filius repellendus non sit; verum etiam, quia verbum *capiendi* cum effectu accipiendum sit, d. l. 71. *D. de V. S.* & sic non videtur cepisse legatum, qui cum id petiisset, per exceptionem a petitione remotus fuit, h. l. Quare & Marcellus pariter PERCIPIENDI hac in re verbo usus est, d. l. 10. §. 1. *liud notissimum est, eum qui legatum PERCEPERIT, non recte de inofficioso testamento dictum*: quod ipsum & de perveniendi verbo definitur d. l. 21.

Alia species apponi potest in legatis *in diem*, de quibus hoc libro, qui quintus est circa legatorum materiam, egisse Ulpianum ostendit exinde l. 30. *de legat. 1. l. 4. D. quando dies legat. l. 20. D. ad SCum Trebell. l. 13. D. de V. O. de quibus etiam egit Pomponius lib. 5. ad Sabinum, & quidem l. prox. 14. infr.* Et quidem species bifariam in legatis *in diem* poni potest. Primo respectu transmissionis in heredem, argum. d. l. 4. & d. l. 20. quæ ex eodem libro sunt. Finge mihi legatum *in diem*, & autem diei eventum testatum me in antecessum, die existente velle me legatum acceptare? Sane non ideo legatum transmittam, quia id cepisse non videor, cujus dies aut conditio non exitit: a cujus videlicet petitione per exceptionem removeretur. Secunda species in legatis *in diem* poni potest ratione potestatis seu juris idem legatum relegandi, argum. l. 28. *D. de legat. 1. l. 2. D. de pat. dot. l. 1. D. de dot. preleg.* quæ ex eodem libro sunt. Eadem specie retenta, finge legatum mihi *in diem*: Sane id alii relegare ipse non possum, si dies me vivo non extiterit; quia non videor cepisse seu adquisivisse id a cujus petitione per exceptionem removeretur: Sicut vice versa non videtur debere, qui creditorem per exceptionem a petitione removere potest, & ideo (quæ sententia est d. l. 28. *D. de legat. 1.* quæ ex eodem libro desumpta huic conjungenda est) potest & debitor creditori suo utiliter relegare quod debet, si videlicet adversus eum turus sit exceptio; quia creditor non est qui exceptione perpetua submoveri potest, l. creditor 55. *D. de V. S.* Ut contra creditor debitori qui se exceptione perpetua tueri potest, quod sibi debet legando, nihil agit, l. si creditor 13. *D. de lib. leg.* quod ipsum definitur l. 13. *in fin. & 14. D. de lib. leg.* Uno verbo igitur, legatum is demum cepisse creditur, qui actionem habet efficacem ad id consequendum: non cepisse vero qui a petitione per exceptionem quaecumque removeri potest, d. l. 4. *D. quando dies legat. & arg. l. 5. §. 8. D. de reb. eor. qui sub tutela*. Er ideo id relegare, id transmittere in heredem non possum. Ergo ut ad generalem hujus R. & d. l. 51. *infr. & d. l. 71. de V. S. de capiendi* verbo sententiam redeamus, *capiendi* verbum cum effectu accipiendum est. Et tamen obstat videtur, maxime d. l. 140. *de V. S.* ubi dicitur cepisse quem intelligi, quamvis alii adquisit:

verum de eo ad l. 51. *infra*. Postremo notandum, aliam esse rationem verbi accipienda: ut diserte JCtus l. *aliud est* 71. de V. S. Accipere enim est si quis accepit, ut non habeat.

De DIE non adjecto in obligatione.

XIV. POMPONIUS libro quinto ad Sabinum.

In omnibus obligationibus, in quibus dies non ponitur, presenti die debetur:

DE die seu tempore non adjecto in obligatione rei alicujus præstandæ quæstio est, quo die, quo tempore quidque præstari debeat, aut præstari voluisse, vel testatores, vel contrahentes censcantur, si dies adjectus nominatim præstationi non fuerit? Et definitur hac regula (quæ sexta est e Sabinianis ad Legata pertinentibus, quæ etiam totidem pene verbis repetita extat ex Ulpiani lib. 50. ad Sabinum, in l. *eum quæ* Kalendis 41. §. 1. D. de V. O.) In omnibus obligationibus, in quibus dies non ponitur, præsentis die deberi, id est, debitorem conventum non posse excipere, adversum se præmature agi.

Ait lex, *In omnibus obligationibus*, id est in obligationibus non modo quæ ex contractu seu conventionione partium descendunt ut *dist. l. 41. §. 1.* verum & quæ ex mandato testatoris oriuntur: Quare & testator, si quid heredem præstare jussit, die non adjecto, præsentis die præstare cogitur. Et vero JCtus Pomponius hanc regulam concinnavit (vel potius ex Sabinio traduxit) hoc libro 5. ad Sabinum, qui primus est e tribus ad legatorum materiam pertinentibus, unde quoque desumpta est lex 11. *sup.* & quo inter alia tractavit *De legatis*, sub die apposita, vel sine die, ut docent ex eodem libro lex 12. §. 14. D. de V. O. quæ proinde huic conjungendæ sunt: Et vero ita rem se habere in *legatis* docet insuper l. 1. D. de condit. & demonstr. l. 21. D. quando dies legat. l. *omnia* 32. l. 43. §. 2. D. de leg. 2. l. 3. §. 3. D. de usur. Hinc interim apparet, obligationis appellatione venire quoque eam quæ oritur ex mandato, & præcepto testatoris, quo heredem suum ad quid faciendum obligat, pariter ut l. 82. in h. tit. Eademque ratione & ad obligationem legalem trahi id potest: Nam & ita apud Senecam lib. 3. *Controv. 5.* *In lege*, inquit, non est scriptum quando: Imo statim: quoties enim tempus non adjectum, præsens intelligitur.

Inquiet aliquis (quæ prima obiectio est.) In obscuris ut minimum & benignius sequi nos oportere, l. 9. *sup. h. t.* Item pro debitore conjecturam faciendam esse, & sic pro herede tempus interpretandum esse, l. 17. *hoc. tit.* Responsio parata est ad d. l. 9. In obscuris id ita esse, atenim ubi res certa est, puræ locutionis puram esse intentionem, id est eum qui diem præstationi non adjecit, præsentis utique die præstari velle. Ad d. l. 17. respondendum est, temporis conjecturam faciendam esse pro herede, ubi tempus adjectum est, quia non alio fine adjectum est, quam ut heredi laxamentum spatiumque daretur: Quare diem, si velit, anticipare potest, seu ante diem solvere. Si vero tempus adjectum non sit, contra heredem conjectura facienda est, quia ideo testator tempus non adjecit, quod sine temporis laxamento, & sic pure legatum præstari voluit.

Uni:

Unica tantum (ut *Secunda* objectioni occurratur) etque generalis non tam exceptio quam limitatio addenda est, puta si circumstantiæ aliæ diem trahant ducantque, id est si vi ipsa & ex re ipsa tempus aliquod tacite insit, l. 186. *inf. hoc tit.* ubi plura: l. 24. *D. de oper. librari.* l. 1. *D. de cond. & dem.* l. 14. 41. §. 1. 73. 84. 137. §. 2. & 3. *D. de P. O.* l. 24. §. *Imperator*, *D. de statulib.* l. si *testam.* 49. §. *ult.* *D. de fidejussorib.* l. 1. §. 23. *D. de legat.* 3. puta, si locus præstationi adjectus necessario tractum aliquem temporis requirat: Item si qualitas rei præstandæ diem longiorem desideret, veluti domus ædificandæ, quam speciem tractat hoc ipso libro Pomponius d. l. 14. *de P. O.* & futurorum præstandorum. Si contractus natura diem requirat, ut est constituta pecunia, l. 21. §. 1. *D. de constit. pecun.*

Rursum (quæ tertia quoque alias obiectio movetur) & hoc temperamentum illa regula addendum est, quamlibet præsentī die res debeat, nataque sit non tantum obligario, sed & actio, & sic ita ut solvi res debeat, utpote quod dies venerit: attamen modicum aliquod temporis laxamentum adhuc debitori tribuendum; neque enim cum sacco debitor ambulare debet, l. 105. *D. de solut.* (cui conjungenda & l. 1. §. 8. *D. ad leg. falcid.* ibi, cum aliquo spatio) §. *ult.* *Insist. de inutil. stipulat.* Denique non audimus militem apud Plautum, qui cum ei aurum promissum esset puse, *Hodie*, inquit, *exigam aurum hoc.*

ACTIO ad rem, pro re ipsa:

XIV. PAULUS libro quarto ad Sabinum.

Is qui actionem habet ad rem recuperandam, ipsam rem habere videtur:

QUID in Bonis nostris, Quid habere nos, dici possimus, Quid NOSTRUM dici possit, quoque adeo tanquam SUO quis uti possit, quo tanquam nostro uti videamur, quaeritur? Et respondentur hac regula (quæ septima est e Sabinianis ad legata pertinentibus) non illud tantum spectandum esse, utrum rem ipsam in præsens habeamus, id est rei ipsi revera incumbamus, verum etiam utrum actionem efficacem saltem, seu jus ad rem habeamus: Nempe fictio hæc seu æstimatio inter alias juris est, ut res & jus ad rem, seu actio ad rem consequendam, paria habeantur & exæquentur. Denique habetur, & in bonis nostris est, quod peti potest: cui concordat lex *rem in bonis* § 2. *D. de adquir. rer. domin. lex bonorum* 49. l. *meorum*, l. 143. *supr. de P. S.* ut vice versa liberatio & exceptio pari juris fictione seu æstimatione pro eodem censentur. l. 66. *infr. h. t.* & pari ratione res & actionem amisisse paria sunt, l. *Labeo* 14. *sup. de P. S.* Et concordat alioquin huic legi præterea l. 15. §. quod autem, *D. ad l. Falcid.* l. 16. §. *ult.* *D. de petit. heredit.*

Ait autem regula nostra, *Is qui habet actionem ad rem recuperandam.* Nempe, cum in omni actionum genere hæc regula locum obtineat, specialiter ea obtinet in rei vindicatione, & in eo actionum genere, quo res rescindi restitui petitur, & recuperandæ possessionis judicium intentatur, veluti ad pignoris repetitionem, l. 73. §. 2. *D. de leg.* 3. ad rem locatam recuperandam, l. 39. *D. locati.* Si interdictum recupe-

ran-

randæ possessionis intentetur, l. 1. §. 2. *D. de vi & vi arm.* Si restitutio in integrum petatur, l. 17. *D. de adquir. poss.* Nam quod Ferrarius, alique, hanc regulam restringunt ad interdichum unde vi recuperatorium, vocem *recuperandi* ea in re propriam in id urgentes: non vero ad iudicium recuperatorium seu rei vindicationem, inane est: *Recuperandi* enim verbo hic, ut alias, omnis ratio recipiendæ rei suæ continetur. Denique, si quaratur de eo quod quis legare possit, quo pertinet hæc regula propriæ, ad *legata*, inquam, quod Glossa divinare non potuit, de quibus hoc altero quarto ad Sabinum, egit Paulus; ac nominatim ad speciem legis *eadem* 72. *D. de legat.* 3. 1. ut recte Ravardus, quæ ex hoc ipso libro desumpta, huic coassanda est, pariter ut & tres leges proxime præcedentes vel sequentes, puta l. 71. 73. 74. quæ & ipsæ concordantibus Ulpiani & Pomponii libris sunt. In his tribus legibus, quæritur, si quis *suum* aliquid forte Titio legaverit, veluti *suos servos, fundos suos*, quidnam eo legato continetur? Et definitur, legato *suorum*, etiam eos comprehendi, recteque peti a Titio legatario, quos testator pignori vel hypothecæ dedit. Cujus ratio non alia querenda est, quam quæ hac regula continetur, & a Jcto Paulo ad eam questionem procul dubio reddita fuerat; nempe quod is debitor actionem habet ad rem suam, pignori scilicet datam, *recuperandam*. Quæ causa etiam est, cur rem suam fisco obligatam vindicare quis, alienare, servitutemque ei imponere possit, l. 203. *infr.* Ergo pertinet hæc regula eo, ut definitur, quid SUUM cuiusque dici possit, atque adeo ab eo legari: pariter, ut lex prox. *infr.* ubi dicam, eodem spectat.

Ex his apparet, hanc regul. eo pertinere, ut definitur, cuius rei dominus quis dici possit, ut de ea quoque disponere queat, quocunque tandem dispositionis genere, ac nominatim ultima voluntate. Hic enim domini effectus est: Itaque nil obstat jam lex 15. *infr. h. t.* ubi dicitur *Plus cautionis esse in re quam in persona*: item l. 204. *infr. h. t.* ubi dicitur, *Minus esse actionem habere quam rem*. Illud enim non ratione domini, atque adeo non respectu juris disponendi dicitur, sed propter commodum possessionis & retentionis; item propter securitatem creditoris, ut ad eas leges ostendetur. Quo sane pertinet quod dicitur, melius esse pignori incumbere quam in rem agere, l. sciendum 15. §. 4. *D. qui satisd. cog.* l. peculius §. si are §. *D. de pecul.* §. si res aliena, *Inst. de legat.* §. retinenda, *Inst. de interdic.* Uno verbo, minus est actionem habere quam rem, si commodum possessionis retentionisque spectes: sed non minus est, si dominium spectes dominiique effectus, quo hanc regulam pertinere ostendi. Atque ita interim hæc regula cum d. l. 204. concilianda est, in quibus alioquin conciliandis multi nequicquam laborant. Inter alia inanis est plerorumque conciliatio, qui ajunt, *videri* quidem idem esse, habere actionem atque rem, sed non revera aut perpetuo: verbum enim *videretur* in hac l. eo quidem spectat, ut indicetur, fictione, æstimatione juris, id ita effici, ut *res & alio in rem* pari jure censeantur, *avarus fidei* at non ideo, quasi hæc regula fallax sit, neque vera semper aut perpetua: *videri* enim hic idem est, quod jure censi, æstimari, existimari, credi, intelligi, haberi, ut & aliis 23. reg. hujus tituli: puta l. 13. *sup. l.* 48. §. 1. 55. 63. 82. 83. 93. §. 110. §. 1. 115. *in pr.* & §. 1. l. 116. §. 2. 118. 121. 139. §. 1. 145. 155. §. 1. 167. *in princ.* & §. 1. 174. *in princ.* 177. §. 1. 187. 201. *inf. v.* & in hac ipsa re d. l. 49. de *V. S.* l. 55. de *jure dos.* l. 12. de *adq. poss.* & infinitas alias.

Pro quo alibi eodem sensu dicitur, *intelligi*: ut l. 80. 88. 110. §. 1. 194. 203. *infr.* & d. l. *rem in bonis*: credi, l. 4. *supr.* l. 17. 60. 189. *infr.* accipi, l. 207. Ergo altera est hujus regulæ authoritas, neque ullo satis casu vitatur, si modo dominium, eoque qui inde sequuntur effectus, spectes. Ex superioribus etiam apparet, quam nihil commune habeat hæc regula cum l. 13. *supr.* quam tamen utramque etiam Cujacius eadem fidelia dealbandam ceu similes credidit. Ut & quam male trahatur ea (quod tamen nuper factum) ad pecuniam mutuariam: quasi id hinc efficiatur, creditorem non videri amisisse pecuniam creditam, atque ideo non alienasse, quandoquidem ad pecuniam creditam recuperandam æquam scilicet in suo genere habet: & sic mutuum non esse alienationis speciem; Pertinet enim hæc regula ad causam seu questionem dominii, ad eum finem, ut sciatur nihilominus rem nostram esse, etsi ei non incumbamus, sed actionem tantum ad eam ipsam in specie recuperandam habeamus.

De IMAGINARIA venditione.

XV. ULPIANUS libro viceſimo primo ad Sabinum.

Imaginaria venditio non est, pretio accedente.

IMAGINARIA venditio, *εἰκονικὴ πρῶσις*, quænam dicenda sit quæritur: ac nominatim, utrum imaginaria venditio sit, ubi de pretio conventum est, at non & numeratum acceptumve. Hæc enim quæstio est, quæ hic vertitur? Et vero id negatur hac regula, quæ octava est e Sabiniano ad Legata pertinentibus: Id igitur hic significatur, ad substantiam & perfectionem venditionis sufficere ut pretium accesserit, id est ut de pretio convenerit: quoniam emptionis substantia consistit in pretio; quod etiam confirmat l. *quod sape*, l. 35. §. 5. & l. *paria* 71. D. de *contrah. empt.* Non etiam ad substantiam ejus requiri, pretii conventi, secutam numerariæ, seu ut secuta fuerit pretii numeratio; pariter ut rei venditæ traditio non requiritur, etsi sit de consequentiis & ceteris venditionis, ut vocantur l. 5. D. de *action. empti.* l. 13. §. 3. D. *jurejur.* l. 5. §. *eadem*, D. de *reb. cor. qui sub tut.* Simulac scilicet de pretio convenit, perfecta venditio est, non imaginaria.

Imaginaria venditio, cum in genere sit ficta, simulata venditio dicis causa facta, *εἰκονικὴ ἰmaginaria*, alio atque alio tamen respectu ea dicitur: Inter alia, *Personali* respectu, puta si alia persona supposita interveniat, l. 49. D. de *act. empti.* l. 21. C. de *transact.* l. 1. C. de *distract. pign. Reali*, ratione pretii, puta cum de pretio non convenit, id est si adumbrato pretio, & sic uno nummo: quomodo & conductio uno nummo, l. si quis 10. *in fin.* D. de *acquir. poss.* & apud Vitruvium lib. 1. cap. 4. dupondio dicis causa interveniente venditio processit: unde & d. l. si quis 10. *in fin.* D. de *acquir. poss.* opponitur *conductio in uno nummo*, & *conductio in vero pretio*. Hæc porro imaginariæ venditionis species Jctorum ingeniis alienata, ut ceteroquin rei explicande, seu expediente gratia olim jure solenni sæpe interponebatur, ut in usufructus restitutione l. 66. D. de *jure dor. in emancipationibus*, §. 1. *Instit. quib. mod. patr. pos. solv.* l. ult. C. de *emancip. in testamentis*, Ulpianus *in frag. tit. de testam. ordin.* in

nu-

nuptiis: Ita extra hos casus jure probatos receptos imaginariæ venditiones in fraudem legum sæpe excogitatur, usurpatæ, ut in specie *l. emptor 12. D. de aque & aq. pluvi. arcend. l. 1. §. 6. D. de quaest. l. ult. C. de douat.* atque ideo rubant, ceu venditionis deficientie substantia: Nuda scilicet & imaginaria venditio pro non facta est, & ideo nec alienatio ejus rei intelligitur, *l. nuda §. 5. D. de contrah. empt.* & contractus imaginarii etiam in emptionibus juris vinculum non obtinent, cum fides facti simulatur, non intercedente veritate, *l. §. 4. D. de O. & A.* Et hæc quidem de imaginariis revera venditionibus. Atenim imaginariam hujusmodi venditionem Ulpianus non ait esse pretio accedente. Addit Glossa, etiam minore.

Hujus porro R. effectus, (ut ad genuinam speciem ejus nunc descendamus) hic inter alios est, ut pretio semel convento etsi non numerato accepto, vel re nondum tradita, eadem res ab emptore, venditori etiam ipsi utiliter legari possit: ab emptore, inquam, tanquam sua, non aliena: *venditori*, non tanquam ejus adhuc, neque ei res sua legata videtur, quæ species huic Reg. aptanda venit ex *l. cum servus 39. §. 2. D. de legat. 1.* quæ huic conjungenda est, ceu ex eodem Ulpiani libro 21. ad Sabinum, qui septimus est ad legatorum materiam pertinentibus, desumpta. Quare & si res ita venditori ab emptore legata fuerit, remanente re penes venditorem, pretii conventi petitio nihilominus ei competet, & sic legatarius pretium habebit ex conventionem seu venditione, rem vero ipsam ex testamento.

Tandem igitur in hac R. non hoc queritur, utrum imaginaria aliqua venditio valeat nec ne: Item non queritur, utrum imaginaria venditio dicatur, pretextu vilioris pretii, quod nonnulli censent, sed utrum in specie quam tractabat Ulpianus, ESSET, id est, verteretur aliqua imaginaria venditio nec ne, ubi videlicet tantum conventum fuisset de pretio: *Imaginaria venditio non EST*, inquit, *pretio accedente.* Definit scilicet in ea, non esse, non versari imaginariam venditionem; utpote quod imaginaria venditio æstimetur exinde, si pretium non *acceperis*, id est, si de eo non fuerit conventum, non vero exinde si illud quod conventum est, nondum solum acceptum fuerit. *Accedente* igitur pretio, id est convento non soluto, ut recte Gloss. in secunda specie. Breviter omiſsa pretii conventio venditionem facit imaginariam, at non etiam non vel nondum subsecuta numeratio. Atque hoc ipsum est, quod cavetur *l. empti 9. Cod. de contrah. empt.* empti fidem ac venditi sine quantitate nullam esse: placito autem pretio non numerato, sed solum tradita possessione, istiusmodi contractum non haberi irritum: nec idcirco eum qui comparavit, minus recte possidere, quod soluta summa, quam dari convenerat, negatur. Hæc cum ita sint, apparet, hanc regul. vel saltem scopum ejus a paucis Interpretum minus intellectum: a Græcis, & in his a Theodoro Hermopolita in totum non intellectam hanc regulam: tum in eo quod de imaginaria venditione hic agi putat, quæ ad velandum alium contractum adhibetur: tum, quod & ipsa Basilica & Hermopolus ita hanc regul. efferunt, quasi *pretium solvitur* dicatur, *καταβαλλομεν τιμηματῶν καὶ ἀποδοῦναι τὰ ἀποδοῦναι καὶ ἢ τὴν τιμηματῶν καταβολὴν solutio pretio & congrue consequitur pretii solutio.* Deinde hinc apparet, hanc regulam pertinere ad eandem quaestionem, quo superior regula: quænam scilicet res SUA alicujus dici possit, atque adeo legari. Nempe, ut utramque in unam lineam conciam: SUAM quis dicere potest, atque

adeo velut suam legare, & eam ad quam recuperandam quis actionem habet; quæ sententia est superioris regulæ: & eam quam quis semel emit, pretio condicto convento, etsi numeratum id non vel nondum sit, acceptumve, *h. l.* Turbide proinde seu minus pense hanc regulam ita quidam efferunt, quasi ea dicatur, *cum pretium acceptum est*, non esse imaginariam venditionem. Imo dic, *cum pretium conventum est*.

TEMPUS obligationi adjectum, cujus gratia adjectum videatur.

XVII. IDEM (Ulpianus) libro vicefimo tertio ad Sabinum.

Cum tempus in testamento adicitur, credendum est, pro herede adjectum, nisi alia mens fuerit testatoris: sicut in stipulationibus, promissoris gratia tempus adicitur,

DE Tempore adjecto præstationi legati, utrum id legatarii gratia, an vero heredis contemplatu additum credi oporteat, seu videatur, quæritur? Et definitur hæc regula (quæ nona est & Sabinianis ad legata spectantibus) pro herede, tanquam pro debitore, faciendam esse regulariter seu ordinarie temporis adjecti conjecturam (pariter ut quantitatis, *l. 9. inf. hoc tit.*) ac speciatim in legatis *in diem*: nempe (quæ comparatio hac parte hæc regula instituitur) ut in stipulationibus, ita & in testamentis tempus seu dies solutioni præstitutus pro debitore & sic pro herede & promissore adjectus creditur: cui concordat & *l. 50. D. de O. & A. l. cum qui 41. §. 1. in fin. l. 137. §. 2. in fin. de V. O. l. quod certa 70. D. de solut.*

Cujus regulæ & præsumptionis seu conjecturæ uti multiplex usus est, ita & hæc nostra speciatim pertinet ad tractatum de *Annuis* legatis: eo quippe pertinere hanc legem ostendit *l. 10. 12. usque ad §. 7. D. quand. dies legat.* cui hæc jungenda est una *cum l. 49. D. de leg. 1.* velut ex *ead.* Ulp. *lib. 23.* ad Sabin desumpta, qui quidem nonus est ex undecim circa legatorum materiam occupatis: & hic quidem Liber inter alia circa *Annua legata* ubi sane quandoque legatario quandoque heredi testatorem consultum voluisse discimus ex *d. l. 12. §. 4.* cui concordat & *lex 15. de annuis legatis*. Sed sæpe controversitur, ejus gratia annuum vel quotannis, vel post annos aliquot, vel cum certam ætatem attigerit, compleverit, legatum relictum fuerit, ad multiplicem effectum: de quo vide *d. l. 12. §. 4. & d. l. 49. §. 2. 3. & l. 15. D. de ann. leg. l. 43. §. Pegasus 2. & l. cum pater 77. §. 14. D. de leg. 2. v. & l. 3. §. cum Pollidius 3. D. de usuris*. Quo casu ad voluntatem testatoris recurrendum est *d. l. 12. §. 4.* seu ad mentem, hæc *l.* Ordinarie igitur seu præsumptive huic reg. locus est, quod verbo, *credendum est*, indicatur. Nam aliquando mens testatoris alia esse potest: ut hac ipsa regula expresse dicitur, vel propter loci adjecti rationem, sic ut pro Legatario præsumptio sit: Quod & in stipulationibus obinet, *l. qui Roma 122. D. de V. O. l. 9. D. de eo quod cert. loc. l. 10. §. 1. D. de fidei.* Vel ex personæ qualitate, vel etiam adjuncta ratione, ut in specie legis *cum qui 15. D. de annuis leg. l. 3. §. cum Pollidius, D. de usur. l. 43. §. Pegasus 2. D. de legat. 2.* puta si testator diem addidit propter sequiorem legatarii personam, quod rem familiarem tueri minus possit: Nam hoc casu, v. g. si heres perdituro ante diem restituerit, nullo modo liberatur: addenda & *l. 66. D. de solut. l. 4. §. 4. D. de*

D. de deli mal. except. Extra hos casus, & similes, debitor, veluti heres, invito legatario & creditori debitum ante diem obtrudere potest, & eo recusante pecuniam deponere & consignare, l. 3. §. 1. *quod si, D. de statuliber. l. 38. §. inter, D. de V. O. l. 70. D. de solut.*

Generale igitur tandem axioma conficiatur, debitorem tuto ante diem solvere, ubi modus veluti dies solutionis ejus gratia additus est, & quidem tuto ante diem, quod Bartolus recte prodidit, Cujacius vero negavit; adversus quem vide quæ Donellus *ad leg. cum qui Kal. §. quoties, de V. O.* Addamus & hanc speciem practicabilem, tuto solvere emptorem sponte sua pecuniam antiquiori venditoris creditori, etsi conventum fuisset ab emptore pretium solum in antiquiori creditori, quem sibi indicasset venditor: Quia & hæc conventio emptoris gratia addita fuit, proinde securus fuerit emptor, si antiquiori creditori per se *autipatos* sponte solverit, etsi non indicante venditore.

De ADQUISITIONE Legatorum parentibus & dominis per filiosfam. & servos.

XVIII. POMPONIUS libro sexto ad Sabinum.

Quæ legata mortuis nobis ad heredem nostrum transeunt, eorum commodum per nos his, quorum in potestate sumus, eodem casu, adquirimus: Aliter atque quod stipulati sumus; nam & sub conditione stipulantes omni modo eis adquirimus, etiam si liberatis nobis potestate domini conditio existat.

1 Puta scil. non conditionalia, vel in diem certum. 2 mortuis scil. nobis.

SERVIS relicta legata quamvis dominis jure potestatis per eos adquirantur illisque solvi debeant, queritur? Et hac regula, quæ decima est e Sabinianis ad legata pertinentibus (cui & concordant duæ aliæ præterea *hæc viz.* puta l. 144. §. 1. & l. 146. *inf.*) quæque difficillima nonnullis videtur, definitur, Ea demum legata dominis per servos adquiri, quæ ad heredes quoque transmittuntur.

Continetur igitur hac regula comparatio seu argumentum a Transmissione legati in heredem, ad acquisitionem jure potestatis: Rursum, argumentum ab heredibus, ad dominos: Uti contra, posteriore hujus legis parte continetur differentia inter legata & stipulationes.

Quæ omnia ut intelligantur, tenendum est, legata pura inque diem certum, mortuo legatario, ad heredes legatarii transferri; contra, legata sub conditione vel in diem incertum relicta, moriente legatario ante conditionis vel diei eventum, ad heredes non transmitti, seu non transire: de quo juxta innumeros alios textus est ejusdem Pomponii lex *hujusmodi* 13. *D. quando dies legatorum*, quæ ex eodem libro 6. ad Sabinum desumpta, huic coassanda est. Par ratio est acquisitionis jure patriæ vel dominicæ potestatis: Nam si in potestate aliena posito in diem certum aliquid legatum fuerit, legatario ante diei adventum vel moriente vel potestate liberato, nihilominus ei, cujus in potestate erat, legati tempore, legatum adquiritur & solvi debet, Vice versa, si in potestate aliena posito, sub conditione vel in diem incertum aliquid legatum fuerit, &

& ante eventum conditionis vel dici mortuus fuerit legatarius, vel potestate liberatus; legatum ei in cuius potestate erat legati tempore, non acquiritur. Differentiæ istius ratio est, quia in legatis in diem certum causa præcessit, id est, statim ut legatum est, deberi cepit, ut docet *dici. l. 13. D. quando dies legator.* (quæ huic, ut dixi, conjungenda est, velut ex eodem Pomponii libro 6. ad Sabinum desumpta, qui & ipse liber secundus est e tribus circa legatorum materiam occupatis) Atenim legatum relictum sub conditione vel in diem incertum, non statim, sed tum demum, cum conditio aut dies extiterit, deberi incipit, neque dies ejus statim cedit: *l. 41. D. de condit. & demonstr. l. 26. D. de stipul. serv.* Uno verbo, quod in diem certum legatum est, id ex testamento jam debetur, dies ejus jam cessit, præstatio seu solutio tantum differtur, eo quod dies nondum venit: Atenim sub conditione vel in diem incertum relictum, ex eventu tantum conditionis debetur. Unde sequitur, ei acquiri solvique oportere legatum conditionale, seu in diem incertum, in cuius potestate est legatarius tempore conditionis vel dici existentis: quod etiam testatur Ulpianus *l. 14. in fin. D. quando dies legat.* quæ conjungenda est cum *l. prox. seq.*

Et in eo jam differt (quæ differentiæ hic notatur) Stipulatio conditionalis a legato conditionali: Nam stipulationis quoque conditionalis commodum ei acquiritur, qui stipulationis tempore stipulatorem in potestate habebat, §. *ex conditionalis, Instit. de V. O.* In stipulationibus quippe (quæ differentiæ ratio & a veteribus & in his Accursio & Raphaelæ Cumano ad *l. si filius. D. de V. O.* jam demonstrata est) id tempus spectatur quo contrahimus, & quidem omni modo: Denique ex tempore præsentis vires accipit stipulatio conditionalis, hac *l. & d. l. 3. §. ex conditionalis, Instit. de V. O. & l. 38. 78. D. de V. O.* (quæ in partem repetita extat *l. 144. §. 1. inf. h. r.*) & *l. ususfructus, D. de stipul. serv.* e quibus *d. l. 78.* ad hanc regulam, quod ejusdem argumenti esset, velut separatum caput, vel ut hujus pars, in vulgatis editionibus, adscripta est, cum a Florentina & Haloandrina absit (ut Antou. Augustin. *lib. 3. emend. cap. 1. pag. 147.* jam recte monuit.) cum inquam a Florentina, ut dixi, absit, eamque harum regularum series respuat.

Denique, stipulatio omnis ex præsentis consensu & contractu vinculum & nexum juris accipit, *d. l. 26. D. de stipul. serv. d. l. 38. 78. D. de V. O. §. 1. Instit. de stipul. serv.* At in legatis, quæ ex unius voluntate & destinatione pendent, non idem evenit, in quibus nullum juris vinculum contrahitur, nisi ex quo consensus induci potest; qui sane non inducitur, nisi ubi conditio aut dies extiterit; ac proinde in legatis spectatur tempus conditionis existentis, non autem testamenti aut mortis, *l. ususfructus, D. de stipul. serv.* Inde igitur fit, ut in stipulatione conditionalis mutatio personæ non attendatur, quin potius eventus conditionis ad tempus stipulationis retrotrahatur, pariter ut in emptione, *l. 8. in princ. D. de peric. & comm. rei vend. l. 2. §. 3. D. de collat. honor.* sive ponas stipulatorem patris potestate postea exiisse, quo casu nihilominus patri stipulationis commodum quaritur, *d. §. conditionalis:* sive ponas defecisse, heredibus relictis: nam & his stipulationis quoque conditionalis suo die existentis commodum quaritur: quia & stipulationes interponimus, non tantum ut nobis consulamus, sed & posteris, *l. 9. D. de probat.*

Hinc etiam Legatum Conditionale, cum in alium transferri non possit, *d. l. 41. D. de*

de condit. & demonst. stipulatio transferri potest l. 17. D. de hered. vel act. vend. Hinc conditionalis legatarius, cum creditor dici non possit, *in fraudem* 27. D. qui & a quib. manum. l. 42. de obl. & act. stipulator conditionalis creditor est, d. l. 42. D. de O. & A. l. creditores 10. D. de V. S. & in possessionem mittitur custodiæ causa, l. 6. in princ. D. ex quib. caus. in posses. ear. quæ species aptanda est d. legi 144. §. infr. b. r. seu d. l. 73.

Hic ad ultimum monendum, hanc regulam proprie ad servos pertinere, seu de servis scriptam esse, ut apparet ex illis, *liberatis nobis potestate DOMINI*: sed tamen eadem ratio est filisim. in potestate positi; de quo sunt alie leges: & quidem Pauli d. l. 78. de V. O. Quare ferendi non sunt, qui ut filiosim. & servo hanc regulam communem reddant, vocem *domini* hic sollicitant, vel etiam expungunt, substituta, voce *demum*, et si neque omnes in eo perseverent; Hoc tamen intelligi in obser. & Antonium Fabrum 15. Conj. 7. in fin.

De JUSTA IGNORANTIA heredis.

XIX. ULPIANUS libro vicesimoquarto ad Sabinum.

Qui cum alio contrahit, vel est vel debet esse non ignarus conditionis ejus: Heredi autem hoc imputari non potest, cum non sponte cum legatariis contrahit *.

* Forte, *contrahat*.

DE JUSTA Ignorantia est hæc regula, pariter ut *lex* 42. & 99. quibus accedant & alie duæ de justa ignorantia, puta *lex* 63. 77. §. 1. Et hæc quidem regula (quæ ab æst. a Basilicorum editione) est de justa ignorantia *heredis*, a quo legatum relictum est in solvendo legato: & differentiam continet inter contrahentes ipsos, & inter heredes eorum, in argumento *solvimionis* seu præstationis *legari*: est enim hæc undecima e Sabinianæ ad legata pertinentibus regula: Rursum, est ea de legato pariter ut superior R. relicto ei qui in aliena potestate est, & cui id solvi oporteat possive.

Quæritur nempe hic, utrum legato *filiosimilias* relicto, possit heres, a quo legatum relictum est, tuto ei legatum *solvere*: an vero conditionem ejus explorare prius debeat, sic ut patri potius quam filioolvere necesse habeat: Denique, num ignorare possit sine fraude conditionem legatarii? Et vero id hæc lege asseritur, in hac specie quam posuimus: & vero ponendam ostendunt, tum ipsa legis hujus verba, tum ea lex quæ huic jungenda venit, puta l. si usufructus 14. §. 2. D. quando dies legat. &c. ex eodem Ulpiani libro 24. ad Sabinum desumpta: ubi dicitur contra, si quis ita legaverit filiosimilias, ut *ipsi* solvatur, posse procedere legatum: nec imputari heredi cur non patri, sed filio potius solvat, finge enim hoc nominatim exprellum *ita ut filio solvat*, certe si patet potat exceptione erit repellendus.

Ergo potest heres ignorare conditionem legatarii, filiosim. sit nec ne, cum filius nominatus non est, vel dicitur, quæ Ulpiani b. l. sententia est: proposita insuper differentia, scilicet & ejus differentie ratione, inter contrahentem ipsum seu reum debendi ex contractu, & heredem testatoris reum debendi ex q. contractu; & sic inter con-

tra-

tractum & quasi contractum? (Nam & q. contrahere heres additione dicitur, *l. 3. §. ult. l. 4. D. ex quib. caus. in possess. car. §. heres, Instit. de oblig. qua ex quasi contract.*) Nempe cum, qui cum alio contrahit, vel esse, vel esse debere non ignorum conditionis ejus cum quo contrahit *h. l.* quod profecto in SCro Macedoniano cernitur, ubi creditor qui ignorans filiumfamilias quem esse, ei credidit, non excusatur, *l. penult. D. ad Macedon.* si videlicet scire potuit: Atenim id heredi non imputari potest si ignoret conditionem legatarii: *non potest, i.* nulla ratione hoc ei imputari potest debet: quæ formula sæpe in his regulis hoc sensu effertur. Ratio differentie istius hæc indicatur, quod heres non sponte contrahat cum legatariis, non vere contrahat, sed quasi, *l. 5. §. 2. D. de obligat. & act.* id est, quod heres in legatarium potius incidat quam consentiat; ut alioquin dici quoque solet de communione & de tutela *l. defensor. D. de tutel. & rationib. l. ult. D. rem pupilli salv. fore:* ut proinde justam habeat ignorantie causam heres: si de solutione *legatorum* agatur, & sic ut tutus sit solvendo, quo pertinet hæc lex: si de pluris soluti conditione, quo spectat *l. 42. infr.* si de solutionis detractione, quo pertinet *l. 99. infr.* At qui sponte contrahit, sane conditionem ejus cum quo contrahit, ignorare non potest, imo non debet, ut docet præterea *§. ult. Instit. de soc. l. 5. C. de juris.*

Cæterum, ut objectionibus nunc occurram, caute hæc reg. accipienda est, de *conditione* videlicet, id est, de statu personæ: Id enim per conditionem hic intelligi oportet, pariter ut *l. in multis 9. de statu hom. & quidem familiari*, puta num legatarius filiusfamilias sit, an vero paterfamilias (id enim *conditionis* appellatione hic intelligendum est, etiam in *d. l. 9. D. de statu hom. ubi conditio deterior* dicitur seminarum, ut & *l. 32. infr. D. de adqu. hered. Sed & si*, inquit, *de conditione testatoris incertum sit, paterfamilias an filiusfam. sit: & l. 34. eod.* hinc & status conditionis *l. Gajus 12. D. de juro patr.*) quæ utique conditio in sensus seu oculos non incurrit. Item, utrum capax sit nec ne, jus capiendi habeat nec ne: Alia verò ratio fuerit, si pupillo legatum fuerit, vel si furioso aut prodigo, contra quam Bulgarus, qui ait heredem solventem legatum pupillo & furioso & prodigo quoque liberari: quod Cujacius recte observavit ad *h. l. & 7. Observ. 36.* Cujus rei vera hæc ratio est, quod & atas pupillaris de facie facile dignoscitur, & furoris indicia certa sunt, & prodigo publice interdicitur, ut proinde nulla sit justa ignorantie causa. Minus apta Cujacii ratio, quod harum personarum favor tutelæque publica potior sit.

Vice versa (ut objectioni alteri occurramus) & qui cum alio contrahit conditionem alterius ignorare quandoque potest, citra fraudem: Veluti, si errore publico non privato erret, id est si filiusfamilias publice pro paterfamilias habeatur, *l. 3. in pr. D. ad SCrum Maced. & sic scire non potuit d. l. pen. d. 1. vel si militem, paganum credidit l. ignorans 50. D. locati.* Si locus aut tempus non admittat plenius deliberandi consilium, ut in specie legis *1. in princ. D. de exercit. alip.* Denique & si falsa specie deceptus sit, & ignorantia emptonis veniat ex dolo venditoris, ut in specie legis *2. §. si a pupillo, D. pro emptore: l. 1. C. si min. se major dixer.* De quo omni prolixè Menochius *3. præsumpt. 88. vide & Suszund. consil. 13. num. 40.*

Ab hujus interim regulæ intellectu alienum esse tractatum observandum est, de justa mulieris ignorantia, ut in specie *l. ult. D. qui per. tutor.*

De

De EXCEPTIONE doli, cui non nocet.

§. Non solet, 1. Legis 19.

Non solet exceptio doli nocere his, quibus voluntas testatoris non refragatur.

IN eadem specie hic ponenda cum superiore herere possumus; non tantum ex nexu hujus §. cum principio legis, verum suadente eadem illa *lege* 14. §. 2. *D. quando dies legat.* quæ ut superiori principio ita & huic §. aptanda coallandaque venit.

Finge, Legatum a testatore *filiofamilias*? Sane, si pater interveniat, & heredi conditionem legatarii, id est filii sui ingerat seu repræsentet, sic ut eam ignorare jam heres non possit, patri ipsi legatum solvere tenetur: & si a patre monitus filio solverit, non recte solverit, quin doli exceptio ei nocebit, eaque exceptione proposita iterum solvere cogetur.

Et exceptionem tamen suppeditat, ut *hic* §. ita & *d. l.* 14. §. 2. puta nisi voluntas testatoris non refragetur, id est, si testator vel nominatim jussit, ipsi solvi, vel tacita in id voluntas testatoris aliunde dignosci possit, *b. l.* & *d. l.* 14. §. 2. *Non solet*, quæ formula usurpatur quoque *l.* 18. 86. 94. *infr.* 111. §. 1. scilicet exceptio doli nocere his quibus voluntas testatoris non refragatur *b. l.* & *l.* 34. §. 1. *D. de auro & arg. leg. l.* 15. *D. de adimend. legat. l. cum alienam, C. cod.* Denique tutus est heres, qui quid ex voluntate testatoris agit: Ac nominatim qui legata ex ejus præscripto solvit. Imo contra si pater petat, exceptione erit repellendus *d. §.* 2. sicut e contra heres si quid ex testamento contra voluntatem agat, exceptione doli mali repelli SOLET, *l. apud 4. §. præterea 10. D. de doli except. l.* 28. *de donat. mort. causâ.* Possit tamen hujus §. species non minus recte, imo melius forte, poni in tractatu de *Adimendis Legatis*, de quibus Ulpianus egit hoc ipso libro 24. ad Sabinum: ubi sane de voluntate testatoris passim quæritur, multaque doli exceptionis mentio fit, qua legatarius repellitur vel non, ex testatoris voluntate: veluti *l.* 3. §. 4. & §. ult. *D. de adim. legat.* (quæ ex eodem 24. libro desumpta est) & *l.* 15. 22. 30. §. 1. *cod. tit.* E quibus *l.* 22. dicitur, si probet legatarius novam voluntatem testatoris, non posse submoveri exceptione doli mali. Ex superioribus jam liquet, thematissimos Græcorum ab hac regula plane alienos esse.

De Interpretatione Dubia LIBERTATIS.

XX. POMPONIUS libro septimo ad Sabinum.

Quotiens dubia interpretatio Libertatis est, secundum libertatem respondendum erit.

DE *Libertatis Obscuræ Interpretatione* agitur hac regula, (cui in summam concordat *l.* 179. *inf. hoc tit.* qua dicitur, *In obscura voluntate manumittentis favendum esse libertati*: Ad aliquid etiam *l.* 122. *infr. cod.* qua dicitur, Libertatem omnibus rebus favorabiliorem esse) & definitur hac regula, favore libertatis, in dubio seu obscuro, secundum libertatem respondendum esse. Nam de aliis libertatis favoribus erit *lex* 106. *d. l.* 122. 176. §. 1. *inf. cod. tit.* Quid igitur? Hujus regulæ species proprie seu speciatim pertinet ad libertatem fideicommissio relictam: de qua Pomponius egit *lib.* 7. (qui tertius illi est de Legatis, ad Sabinum) ut fidem facit exinde *lex* 11. *de manum.*

Tom. 1.

K

test.

test. l. 44. *d. fideic. lib.* quæ ex eodem libro desumptæ huic reg. conjungendæ sunt; Hujus porro R. exempla varia passim occurrunt in l. 14. de leg. 2. l. 10. §. 1. *D. de reb. dub. l. lege Junia* 24. *D. d. manumiss. l. 14. D. de manum. testam. l. cum inter veteres, D. de fideicom. lib. l. 36. 37. 38. D. de re jud. c. suppeditat & lex 10. §. 1. D. de manum. testam.* quæ desumptæ est ex Pauli *lib. 4. ad Sabinum*, in quo Paulus idem argumentum executus est, quod Pomponius in *partem lib. 7.* unde hæc regula desumptæ est.

Species hæc sit. Libertatem testamento adscr. p. servo meo *Sticho*, id est, liberum eum esse testamento jussi; eodem postea testamento servum hunc *Stichum* Titio legavi. Quæritur, an ideo statim libertatem *Sticho* adscriptam revocasse seu admissæ videar? Et definit ea lege Paulus, si in obscuro sit quid ego testator voluerim, & sic *fi dubia interpretatio libertatis sit*, ut hæc l. dicitur. tunc favorabilior responderi, liberum eum nihilominus fore. Ratio non alia quærenda est, quam ab hac regula nostra. Et hanc quidem hujus regulæ speciem prætulit illi quam Græci, & in his quoque Theodoros Hermopolites ponebant. Testator scripsit, omnes servi mei liberi sunt: & post testamentum alios adquisivit? In re dubia omnes manumissos videri ajunt: quæ quidem species ad hanc regulam aptari non potest, quia hoc Pomponii tempore lex Furia Caninia obtinebat, quæ omnes servos testamento manumitti vetabat. Præferam & alteri speciei, quam ponunt in testatore, qui pro Cratisto, Cratinum servum per errorem dixit. Et genuinam tamen hujus R. speciem ipsæ in *fideicommissaria* potissimum libertate posuerim, de qua Pomponium hoc *lib. 7.* egisse ostend; cujusmodi certe species in fideicommissaria libertate tractantur in *l. si servus 50. D. de fideicom. niss. lib.* ubi pariter definitur, si mens testatoris sit in obscuro, libertatem prævalere. Et in *d. l. cum inter veteres, C. de fideicom. lib.* ubi in priore aperte quoque Imperator libertatis favore libertatem in specie illius *l. firmisatem habere* censet: & in posteriore similiter plane ait: *cum in AMBIGUIS SENSIBUS melius sit, ac maxime in libertate, favore ejus humaniorem amplecti sententiam*: Ait in ambiguis sensibus: ut hic quoties dubia interpretatio est, ut l. 189. *infr. in obscura voluntate manumittentis*. Imo pariter in *d. l. 10. §. 1. de reb. dub.* in ambiguis rebus, & in *d. l. 50.* in obscuro.

Ait autem lex, *Quoties dubia interpretatio libertatis est, secundum LIBERTATEM esse respondendum*: id est, quoties alia ratio quædam, alia res minus favorabilis, veluti legatum cum libertate componitur, & pugnare videtur: Alioquin, ubi inter duos pluresve eandem libertatem in dubio vindicantes res est, tuæ huic reg. locus esse non potest: neque enim tum secundum libertatem responderetur, sed secundum unum ex iis qui ex *quo* libertatem sibi vindicant. Finge, me *Sticho* libertatem testamento adscripsisse, cum plures eodem nomine servos haberem, arque ita non apparere de quo senserim; & sic omnes sibi libertatem vindicare: Quid juris? An omnes liberi erunt? Atqui unum *propter* diserte voluit esse liberum sub nomine proprio (aliud enim foret si sub nomine appellativo in casu legis *ult. C. de fideic. lib.*) An unus? Atquin duo hic obstant: Primo, favor qui urriusque versatur, libertatis: Quare utram in partem favor inclinet adversus libertatem alterius respondebitur; denique mutuo concursu sese impediunt, Secundo obstat voluntas testatoris; nam si quem liberum hic pronuntiemus, forte eum pronuntiemus quem testator liberum esse noluit: vice versa is servus manebit, quem forte liberum esse voluit: ergo nullus liber erit: Idemque juris est & in tutore testa-

men-

mento dato, l. 30. *D. de testam. tut.* Idem & in herede instituto, l. 62. §. 1. *D. de her. instit.* In favore scilicet æquali, in neutram partem recte inclinatur.

Adversus hæc postrema dices, in Legatis aliud obtinere, puta in obscuro, ut docet l. 29. 32. §. *p.n.l.* 37. §. *ult.* l. 39. §. *serio*, *D. de leg. 1. l. 8. §. sit inter*, *D. de legat. 2.* Verum ratio differentię hæc est, quia ut libertas, tutela, & heredis institutio ab ipsomet testatore proficiuntur, qui mentem suam amplius aperire non potest: ita legata non a testatore, sed ab herede ipso proficiuntur; & quia legata ab herede proficiuntur, heres quem velit ex cognominibus legatariis eligere potest.

Porro sicut, cum dubia interpretatio libertatis est, id est, cum in obscuro est, quid testator voluerit, secundum libertatem respondendum est, ita pariter cum in obscuro est eventus conditionis sub qua libertas data est, ut in specie l. 10. §. 1. *D. de reb. dub.* & forte etiam legis 56. *infr. hoc tit.* De aliis libertatis favoribus alius dicendi locus erit.

Ait autem lex, *Respondendum erit*: Nempe hæc regula ponitur Responsis Prudentum: pariter ut dux alia l. 85. *in princ.* & 168. *in princ.* neque eo minus Judicum quoque.



P A R S V.

R E G U L A R U M S A B I N I A N E A R U M,

D E

C A U S A S T A T U S.

L E X U N I C A.

PLUS cui licet, & MINUS licet.

XXI. ULPIANUS libro vicesimo septimo ad Sabinum:

Non debet, cui plus licet, quod minus est non licere.

ARGUMENTUM ab eo quod PLUS est, ad id quod minus est affirmativum, hac R. continetur: addita formula NON DEBET, pariter ut eæ additur l. 38. 41. & 74. *inf. h. t.* non debeo l. 175. §. 1. qua indicatur aequitas R.: contra quam absurdè aliter statueretur. Huic vero R. & argumento duæ præterea regulæ concordantes occurrunt, hoc titulo, puta l. 26. ubi dicitur, *Eum qui potest invitis alienare, multo magis & ignorantibus & absentibus potest*: l. 163. ubi desinitur, *Cui jus est donandi, eidem & vendendi & concedendi jus esse*. In alio igitur atque alia specie, huic regulæ locus est; prout etiam PLUS & MINUS non una ratione dicuntur, quod docent Pauli *sentent. lib. 1. tit. 10. §. 1. & Instit. §. 33. de alien.* Hæc nostra ut speciatim pertinet,

K 2

ad

ad PLUS tempore, ita aptanda nominatim venit *legi 3. §. si ita 15. D. de statulib.* quæ ex hoc ipso libro 27. ad Sabinum Ulpiani desumpta est: Sic quidem, ut ad argumentum testamentariæ manumissionis pertineat, de quibus manumissionibus egit Ulpianus eo libro 27. ad Sabinum, cum in genere de Causis status ageret. Casus hic est: Libertatem adscripti servo meo, *Si quinquennium heredi meo serviet*: heres meus non patitur aliquandiu hunc sibi servire, ut sic explendæ conditioni integrum quinquennium serviat: Queritur, utrum hoc quinquennio adhuc durante, mutato consilio heres pati possit eum sibi servire, id est, utrum possit servitutem reliqui temporis ab eo exigere, an veto quia semel noluit, amplius non possit? Quæ utique dubitandi ratio hic militare debere videbatur, quasi poenitere non liceret, & ad residuum venire, quæ tamen his verbis profligat JC. in *d. l. 3. Sed*, inquit, *vel minus potest*. Nempe hoc ipsum vult, quod procul dubio etiam subiecerat, & vero hac regula exprimitur, *Non debere, cui plus licebat, quod minus est non licere*. Potuit scilicet heres totius quinquennii servitium initio exigere (quod utique plus est) quare non liceat eidem vel residui temporis servitium exigere (quod minus est)? Ergo ut liber esse possit statuliber ille, tantum temporis transierit necesse est, per quod operarum quantitas consumatur, ut in simili dicitur *l. si peritium 20. §. quædam, sup. cod. tit. de statulib.* Neque huic regulæ quicquam obloquitur *lex 7. D. de optione legata*: Quia in ejus legis specie si ei cui plus licebat, hodie liceret quod minus est, in injuriam alterius id referretur, puta heredis, qui jam disposuit familiam suam, ut in ea lege dicitur: ac proinde res non amplius integra erat: At enim in specie hujus regulæ res adhuc integra erat, alioquin si amplius integra res non esset, veluti si heres eum statim manumississet, nullum servitium amplius exigere ab eo posset, ut *d. §. 15. idem JC. definit*.

Ex his interim omnibus apparet, plus & minus hac regula circa eandem rem versari, seu circa eundem actum, sed dividuum per tempora: non vero circa diversos & separatos actus, quorum unus major sit, alter minor: ubi & illud sæpe queritur, utrum cui majus aliquid permittitur vel conceditur, id quod minus est concessum, commissumque quoque censetur, ut in argumento jurisdictionis, de quo non est hæc lex, ubi locus non est huic regulæ: quod nemo jam nescit, v.g. Consul relegare non potuit, qui tamen gladio feriri jubere potuit, *l. 14. D. de interd. & rel.* Item apparet, hanc regulam proprie pertinere ad potestatem alicui factam a restatore, non vero ad licentiam per leges tributam. Tertio hinc patet, alienas esse ab hac regula *legem 110. in princ. l. 137. 147. infr. hoc tit.* quas tamen cum hac cumulant Interpretes nonnulli: neque enim iis continetur argumentum a majore facultate seu potestate ad minorem, verum agitur in iis de vi ejus quod plus est, de vi totius, de vi generalium: definiturque, in eo quod plus est, minus inesse, *d. l. 110. in princ.* in toto partem contineri *d. l. 137. generalibus specialia inesse, d. l. 147.* Quarto hinc quoque patet, alienas esse ab hac regula *legem 37. 156.* neque enim iis argumentum continetur ab eo quod plus est, ad id quod minus est: verum contra, a minus favorabili ad magis favorabile. Postremo notandum, Theophilum *tit. ex quibus causis manumittere, §. 7.* non inepte hanc regulam aptare in eadem materia manumissionis, verum in alia specie: vide eum.

Tandem hinc apparet, septem fallentis quæ hic Glossa cumulat, ad rem nequaquam pertinere.

PARS

P A R S VI.

REGULARUM SABINIANEARUM,

D E

C O N T R A C T I B U S

Quo pertinent quinque Leges: puta lex 22. 23. 24. 25. 26.

De SERVI obligatione.

XXII. IDEM (Ulpianus) libro vicesimo octavo ad Sabinum.

In personam servilem nulla cadit obligatio.

DE SERVIS est hæc reg. pariter ut §. 1. *h. l.* de quibus extant quatuordecim in universum regulæ hoc titulo: puta l. 4. 18. *sup. hac reg.* §. 1. *h. l.* l. 23. 32. *in princ.* 77. *ibi, servi optio*, 107. 133. 146. 157. 175. *in princ.* 209. *ult.* Hæc nominatim est de servorum *obligatione*: primaque adeo hæc e libris Sabinianis regula est, ad obligationes & contractus pertinentibus. Et sane, prima quoque semper, ut in aliis negotiis, ita & in obligationibus & contractibus quaestio seu visio incurrit, de *personis*, in quasnam videl. personas cadat civilis obligatio, & per consequens Actio. Qua in re *status* personæ ante omnia inspiciendus venit: ac nominatim, utrum is de quo, deque ejus obligatione, quæritur, personam aliquam in civitate gerat, & in ea caput censetur, cum in eos demum cadat civilis obligatio (quod utique juris vinculum est) quos jus civile & civitas agnoscit, unde jam promptum est de servo judicium: Nempe cum jus civile in servum non cadat, l. 32. *infr. h. t. l.* 68. *D. de V. S.* Servi nullam juris communionem habeant, l. 7. *D. ad l. Cornel. de fals. l.* 3. *Cod. de jur. delib.* Inde sequitur, neque civilem obligationem in servum cadere, quæ hujusce regulæ sententia est: cui concordat in eadem obligationis materia & d. l. 32. ut & in actionum argumento lex 107. *infr. hoc. tit.* Nam quod *Persona Servilis* hæc l. dicitur, id improprie dicitur, sunt enim servi jure civili inspecto *απορρωτοι* *persona destituti*.

Ait autem lex, *In personam servilem nullam cadere obligationem*, id est, sive activam sive passivam: Rursus ait lex, *nullam obligationem cadere*, id est quæcunque tandem illæ civilis sit obligatio: nulla ergo, ut complectatur quodcunque genus obligationis civilis ex quocunque contractu, quæ scilicet efficax sit ad actionem producendam, atque adeo civilis: nam & sola civilis proprie *obligatio* dicitur, quia & sola vinculum juris continet: At improprie *obligatio* dicitur, quæ necessitate non adstringit, l. 16. §. 4. *D. de fidejissor.* puta obligatio naturalis, quæ utique in personam servi-

vilem cadit, sed nullam actionem producit; etsi hujusmodi obligatio naturalis pariet retentionem, seu exceptionem, & impediat conditionem, *l. naturaliter 13. D. de condit. indebit.* Item recipiat pignus, fidejussorem, compensationem, novationem, constitutum, *l. 1. D. de novat. l. 1. §. debitum, D. de constit. pec.* Denique naturalem obligationem leges nostræ, seu jus civile, pro nulla hactenus habent.

Iterum ait lex, nullam obligationem, ex contractu scilicet vel quasi: Eo quippe reſſeri poſſit proprie ſpecies hujus regule, & quidem ad contractum emptionis & venditionis: quando libro 28. ad Sabinum Ulpianum egiſſe de contractu emptionis & venditionis liquet. Rurſum ait, nullam cadere in ſervum obligationem: Nequidem ex jurejurando operarum: Nam ut *jurisjurandi OBLIGATIO contrahatur, liberum eſſe oportet qui juret, & libertatis cauſa jurare: Denique, jurare debet propter manumiffionem ut OBLIGETUR*, ut totidem verbis ſcribit Ulpianus hoc ipſo libro 28. ad Sabinum in *l. 7. in princ. & §. 2. D. de oper. libert.* cui jungenda & *lex 33. de jure jur.* Et hæc vero genuina huiusce regule ſpecies mihi videtur. Atenim (ut Enantiophano alteri occurramus) delictorum alia ratio eſt, quam differentiam exſerte proponit idem Ulpianus *l. ſervi 14. de O. & A.* de quo plenius ad *l. 157. infra*.

Sic igitur liquet, hanc regulam, generalem licet prima facie, eſſe accipiendam non niſi de civili obligatione, & quidem ex contractu; non de naturali aut criminali, quæ utique in ſervos cadunt: quod *Accuſſus* recte vidit, quicquid Conanus contra arguetur: ut & hic locutentur exemplum habeamus ejus, tum quod *l. 1. ſupr.* præmonitum eſt, Non ex regula jus ſumi; ſed ex jure QUOD eſt, regulam fieri oportere: tum etiam quam attente ponderanda ſint ſingulæ voces regularum, ut & ſenſus earum erui, illæque cum aliis componi poſſint: & hæc quidem cum *d. l. 14. de O. & A.*: quæ alioquin velut *marturam inter ſe adverſa videantur* committuntur.

De CONDITIONE collata in ARBITRIUM domini, &c.

§. Generaliter, 1. Legis 22.

Generaliter probandum eſt, ubicunque in bona fidei judiciis conſertur in Arbitrium domini vel procuratoris ejus, conditio, pro boni viri arbitrio hoc habendum eſſe.

DE conditione collata in arbitrium alicujus (domini videlicet vel procuratoris ejus) ſeu, ut Celfus loquitur *l. 30. D. de oper. libert.* de perſona arbitrio ſubſtituta, eſt hæc regula ſecunda & Sabinianeis ad contractus pertinentibus: de qua conditione collata, inquam, in arbitrium alterius, ſunt tres præterea hoc ipſo libro 28. ad Sabinum leges: puta, *lex 45. D. de receptis qui arbitrium, lex hac venditio 7. de contrab. empr. lex 17. de V. O.* quæ omnes proinde huic regule coaſſandæ veniunt. Et quidem ad contractus bonæ fidei pertinet hæc regula: Ponamus nos ſpeciem in *venditione conditionali*, ſeu conditione venditionis, in arbitrium alicujus collata: eſt ſiquidem, ut dixi modo, huic §. conjungenda inter alias ex eodem libro 28. ad Sabinum, *d. lex hac venditio 7. D. de contrab. empr.* cujus etiam eadem eſt omnino cum hac lege ſententia,

tentia. Quam quidem recte Glossa hic in secunda specie allegat : mysterii tamen hujus conjungendarum legum ignara.

Species mox & questio hæc est: Venditus est a procuratore meo servus meus sub hac conditione, *Si rationes domini* (id est meo) *arbitrio computasset*; vel, venditus est a me domino servus meus ea conditione *si procuratoris mei arbitrio rationes computasset*: Queritur, quodnam & quale arbitrium istud accipiendum sit: quod utique queri plurimum interest. Nam si merum seu plenum in arbitrium meum, vel procuratoris mei, id collatum dicas, non erit venditio; me domino vel procuratore meo fastidioso, procuratore, inquam, rationes forte nunquam computaturo, vel nunquam probaturo (ut ferme procuratores fastidiosi, asperi esse solent in conservos suos ut vel Martialis testatur lib. 5. epigr. 62.

===== *Uxoris res agit, inquis,*

Iste mea: sane cantus & asper homo est,

Procuratorem vultu qui præferat ipso,

Acrior hic Chiis non erit Aufidius.)

Quid igitur? In boni viri arbitrium id collatum videtur, ut veteribus placuisse ait J.C. d. l. 7. Quod & idem obtinet in operarum promissione, eaque jurata, qua quis promittit, *daturum se quot operas patronus arbitratui sis*. Nam & ibi (quod diserte ait Celsus, d. l. si libertus 30. D. de oper. liberr.) non aliter ratum erit arbitrium patroni, quam si æquum is arbitratu sit; hac elegantissima ratione: & fere ea mens est, inquit Celsus, *personam arbitrio submittentium, ut quia sperent, eum recte arbitratum, id faciant, non quia vel immodice obligari velint*. Et vero ad hanc quoque speciem hæc regula referri possit: quandoquidem, quod ad primam hujus legis regulam ostensum jam est, in eo quoque operarum obligationis seu promissionis argumento versatus est Ulpianus hoc libro 28. ad Sabinum.

Neque tantum id obtinet in contractu venditionis vel operarum promissione. verum & ubicunque in bonæ fidei judiciis, ut ait hæc lex, veluti in Locatione, ut docet l. si in lege 24. in pr. D. locati, ubi eleganter Paulus, *fidem bonam exigere, ut arbitrium sale præstetur, quale viro bono convenit*: in Societate, l. 76. cum 4. segg. D. pro soc. ubi diserte dicitur, si pravum ita sit arbitrium, ut manifesta ejus iniquitas appareat, corrigi id posse per judicium bonæ fidei: in Dote, l. 3. C. de dot. promiss. l. 69. §. rever. D. de jure dot. In his scilicet omnibus idem juris est: quo pertinere videri possint illa hujus regulæ generaliter, *ubicunque*: ac si diceret J.Ctus, non tantum in contractu venditionis, aut operarum promissione, verum & in aliis omnibus bonæ fidei judiciis, arbitrii appellatione, non merum arbitrium, sed boni viri arbitrium exaudiendum esse, & ideo si manifeste iniquum sit, corrigendum: Ut autem a nobis tota hæc questio de contractu in arbitrium alterius collato, in bona luce collocetur, eam sequentibus sententiis absolvemus. Prima esto, de eo *quidnam* in alterius arbitrium conferri possit: *Substantiam* igitur, seu substantialia contractus posse in tertii alicujus arbitrium conferri docet l. 43. §. 7. D. de legat. 1. l. 25. princ. D. locati: l. 3. §. quamquam, D. de fideicom. liberr. & alia complures. Substantiam contractus, inquit, puta, si venditio conferatur in voluntatem tertii, veluti, *Res hac tibi emptæ esto, si Titius volueris*: Item, si pretium in arbitrium alterius conferatur l. ult. C. de contrah. empt.

empti. In quo sane differunt testamenta a contractibus, saltem quoad heredis institutionem. Testamentorum enim jura ipsa per se firma esse oportet, non ex alieno pendere arbitrio, l. 32. *D. de hered. instit.* Etsi legatorum eadem ratio sit, quæ contractuum: legatum enim recte confertur in voluntatem alterius, l. 43. §. *legatum*, *D. de legat.* 1. idque pariter tanquam in arbitrium boni viri, l. 1. §. 1. *D. de legat.* 2. l. 11. §. *quamquam*, l. si filia 43. *D. de legat.* 3. l. 46. *de fideic. libert.* At substantia seu status contractus in ipsius debitoris contrahentis vel heredis voluntatem & arbitrium plenum confertur non potest, videlicet an debeatur d. l. 7. *D. de contrab. empti*. & d. l. 17. *D. de V. O.* (quæ duæ leges ex hoc eodem Ulpiani libro 28. ad Sabinum desumptæ huic regulæ conjungendæ sunt) & l. 108. §. 1. *cod. tit.* l. 13. *C. de contrab. empti*. l. 8. *D. de obligat.* d. l. 46. *de fideic. lib.* Veluti hæc res tibi *empta* esto, si volam; nulla quippe obligatio est, quæ non adstringit contrahentes.

Secunda sententia: *Modus* seu *qualitas* contractus non tantum in tertii, verum etiam in ipsiusmet debitoris contrahentis, seu debitorem se constituentis vel heredis arbitrium confertur potest, d. l. 7. *de contrab. empti*. l. 6. 77. *D. pro socio*: l. 24. *D. locati*: d. l. 46. §. 4. *de fideic. libert.* l. 69. §. 4. *D. de jur. dot.* l. 3. *C. de dot. promiss.* l. 75. *in princ. de legat.* l. l. 11. §. 6. *D. de leg.* 3. l. 30. *D. de oper. liberti*. l. 46. §. 2. *D. de V. O.*

Et hæc quidem de duobus questionibus, *quidnam* videlicet & *in cujus* arbitrium in singulis contractibus confertur possit: Sequitur ea quæstio tertio loco (huic Reg. magis propria) *quodnam* & *quale* istud arbitrium habendum sit: Quod cum quæritur, duo quærantur: Prius est, num *merum* arbitrium: i. sic, ut sive æquum, sive iniquum & pravum arbitrium sit, parere necesse sit (ut definit id Proculus l. 76. *D. pro socio*) an vero boni viri arbitrium, id est ab arbitrio boni viri qualificatum, hoc casu accipiendum sit? Posterior quæstio est, utrum hoc arbitrium egredi possit personam, in cujus arbitrium conditio collata est? sic ut alio adhuc arbitrate negotium sustineatur, an vero primo non arbitrate, veluti quod non vivente amplius, quod adesse non possit, quod rei arbitrari nolit (ut dicitur l. 6. *de cond. & demonstr.*) concidat. Et vero istud utrumque est, in quo olim bonæ fidei judicia a strictis differrebant: Nempe quod *priorem* quætionem attinet, in bonæ fidei judiciis generaliter arbitrium pro boni viri arbitrio habendum esse *b. l.* de quo sup. in strictis non item, veluti in compromisso l. 76. *D. pro soc.* ubi arbitrio sive æquum sive iniquum sit parere olim antiquo jure debebamus. Atenim id emendatum l. 3. *C. de recept. arbitri.* si videlicet serdes vel evidens gratia eorum qui arbitrati sunt, intercessit. Quod posteriore quoque quætionem attinet, in eo rursus differabant fidei judicia a strictis. Et id videatur etiam quod J Ctus hic definiebat, *Generaliter probandum est, arbitrium in bonæ fidei judiciis pro boni viri arbitrio accipiendum esse*. Generaliter, quasi diceret arbitrium istud boni viri in b. f. judiciis non tantum id operari, ut iniqua arbitri sententia quam dixerit corrigatur arbitrio boni viri, verum eo non arbitrate alterius adhuc arbitrio boni viri res definitur possit, ut indicatur l. ult. *C. de contrab. empti*. Nempe quod pretium illud certum sit, & certam contineat quantitatem, quod arbitrio boni viri definiendum relinquatur, l. 1. §. 1. *de legat.* 2. Deinde quod hæc venditio non condicionalis, sed pura sit, quia nec mora, nec conditio inesset viri boni arbitrio, d. l. 1. §. 1. *Quamquam* & hæc parte dissensibile J Ctus indicat d. l. ult. *C. de contrab. empti*. Quod secus est

in stricti juris iudiciis, puta in stipulationibus l. 43. 44. *D. de P. O.* item in compromisso l. 45. *D. de recept. qui arbit.* quæ huic quoque paritate inscriptionis conjungenda est. Nempe in his arbitrium non egreditur personam ejus in cujus arbitrium stipulatio vel compromissum confertur: denique a persona ejus non receditur, cujus arbitrium insertum est: & ideo si omnino non arbitretur, nihil valet stipulatio, aut compromissum. Et tamen etiam in bonæ fidei iudiciis quandoque olim arbitrium personale erat, neque alterius arbitrio suppleri poterat, puta si aliqua probabili conjectura conjici posset, contrahentes de certæ personæ arbitrio sensisse, ut docet l. 75. *D. pro socio*: l. 25. in princ. *D. locati*: l. 6. in princ. *D. de condit. & demonstr. d. l. ult. C. de contrah. empt.* Verum illud tandem sustulit Justinianus, d. l. ult. de contrah. empt. voluit enim is venditionem vel locationem in arbitrium tertii collatam, tertio illo non arbitrante, nullam esse: nulla, inquit, conjectura, imo magis divinatione in posterum servanda, utrum in personam certam an in boni viri arbitrium respicientes contrahentes ad hæc pacta venerint, quia hoc penitus impossibile esse credentes, per hujusmodi sanctionem expellimus. Ut proinde probandum sit hodie, Generaliter personale arbitrium esse in omnibus contractibus, vel quasi, sive bonæ fidei sive stricti juris: Ac proinde hæc regula hoc respectu abrogata videatur, in cæteris inviolata.

DE PRÆSTATIONIBUS in Contractibus, quibus res aliena momento apud alium est.

XXIII. IDEM (Ulpianus) libro vicefimo nono ad Sabinum.

Contractus quidam dolum malum duntaxat recipiunt: quidam, dolum & culpam: Dolum tantum, Depositi & Precarii: Dolum & culpam, mandatum, commodatum, venditum, pignori acceptum, locatum: Item dotis datio, tutela, negotia gesta. In his quidem & diligentiam. Societas & rerum communio, & dolum & culpam recipit: Sed hæc ita, nisi si quid nominatim convenit: Legem enim contractus dedit: excepto eo, quod Celsus putat, non valere, si convenerit, Ne dolum præstetur: hoc enim bonæ fidei iudicio contrarium est, & ita utimur. Animalium vero casus, mortes, quæque sine culpa accidunt, fuga servorum qui custodiri non solent, rapina, tumultus, incendia, aquarum magnitudines, impetus predonum a nullo præstantur.

SOLEMNIS hæc, & celebratissima omnium hoc titulo, Ulpiani lex, sive regula est; de Præstationibus in Contractibus: id est, quid is, penes quem ex contractu aliquo res aliena interim est mox rei domino restituenda, præstare teneatur: liceat ἀποζημιωσά, aliena possidentem dixisse, quomodo αὐτῶν, εὐκτηρίαν εὐδοκτηρίαν possessionibus desinimus, bene possessionibus instruimus, possessionum cupidus, dicuntur. Et primo quidem loco, quamvis contractus illi præstationes recipiant, ex sui scilicet natura: quod Harmenopolus Græcique majoris lucis ergo addunt, τῆς φύσεως ἀπὸ τῆς κατὰ φύσιν naturæ convenientiæ; ut alii κατὰ φύσιν ἀπὸ τῆς κατὰ φύσιν naturæ convenientiæ, seu φύσιν ἀπὸ τῆς φύσιν naturæ contractus: Quod quidem nil adeo necesse, si qui aures adfuetas habeat, ad veteres J Ctorum formulas: Recipere enim est natura sua recipere, de quo mox plura. Istud inquam hujus Reg. argumentum est præcipuum. Quæ qui-

quidem regula integro tractatui seu multarum regularum complexioni, imo & divisioni, accedit. Est ea certe, quod quidam recte notant, clavis totius ferme tractatus *de Contractibus & commerciis hominum inter se*. Neque eo secius recte ea stat in censu juris regularum: nam ut omittam alia, sic quoque idem Ulpianus libro primo regularum, definitionem *culpa*, de qua hac l. agitur, & quidem late proposuit in *l. cedere diem 113. §. 2. de V. S.*

Hanc vero regulam intricatam difficilemque fecere faciuntque hodiernum quamplurima. Primo quidem, veterum quoque J Ctorum hac in re dissensus aliquis, legesque adeo invicem pugnantes. Dein, ambigua variaque horum verborum, *Culpa*, *Diligentia*, *Custodia* & *Periculi* significationes. Tertio, variae graduum *culpa* distinctiones, de quibus haud parum certant juris Interpretes. Quarto, diversa verborum istorum, *In his quidem & diligentiam*, tum lectio tum intellectus. Quinto, quod Ulpianus nudam hic contractuum & praestationum divisionem facere contentus fuit; nulla juris ratione subdita, nulla regula supposita. Postremo, quia & illa ipsa regula seu distinctio, quam pro ratione in hac materia veteres J Cti subternunt, & substernunt hodie multi, ipsis etiam fatentibus, fallax omnino deprehenditur: Distinctio, inquam, illa (de qua postea, ubi *de precario*) inter contractus solius dantis utilitatem continentes, & solius accipientis, vel utriusque: Nempe in contractibus qui solius dantis causa sunt, dolum tantum praestari: in iis qui utriusque gratia sunt, dolum & culpam (levem scil.) in his qui accipientis tantum gratia, culpam etiam levissimam. Sic ut pro modo utilitatis, sit & modus praestationis. Hinc igitur tanta Interpretum varietas, imo & variationes nonnullorum. Et cum multi hanc l. illustrare adgressi sint, quae vetustiores, quae recentiores, non tantum commentariis in hunc integrum titulum scriptis, in quibus principes semper mihi Cujacius & Petrus Faber, verum peculiari complures tractatu seu interpretatione, in quibus (post Joannem Igneum, Hugonem, Cynum) Campanius, Antonius Contius, M. Antonius Delrio, Giphanius, Bocerius, Conradus Rittershusius, & nuper eam illustravit egregie admodum solideque, Joannes Davezanus Antecessor Aurelianensis, libro *de Contractibus*, postremis cum primis undecim capitibus. Et nos quoque iuxta ejus ut interpretatione defungi possimus, sequentes *perduciat praenotiones praemitteremus*.

Primo quidem, pro more nostro, notandum, hanc legem esse Ulpiani (quo Jurisconsulto nemo dedita magis opera hoc argumentum de praestationibus in contractibus executus est, id enim haecenus de eo moneri oportet, non in ejus vitam excurrendum) non modo libris ad Sabinum, hac l. & tribus insuper aliis legibus inde excerptis, puta, *l. cujus interfuit 10. l. itaque fullo 12. l. eum qui 14. D. de juris*, verum etiam libris ad Edictum, *l. si ut certo §. 2. ad §. 11. D. commodari*. Secundo, etsi similes aliquin, quod secundo loco hic notandum venit, occurrant breves aliorum hac de re tractatus: puta, Africanus in *l. si servus 108. §. 12. D. de legat. 1. ut & Modestinus, lib. 2. Differentiam juris extra corpus Juris, apud auctorem collationis legum Mosaicar. tit. 10.*

Tertio observandum, desumptam hanc Ulpiani legem ex libris ejus ad Sabinum (passim ut omnes haecenus a l. 1.) & quidem hanc ex libro ejus *vicesimo nono ad Sabinum*, e quo ipso libro huic conjungenda seu coassanda veniunt dicta *lex 10. 12. 14. D. de furt. lex 10. 12. D. commodari*. Quo quidem libro Ulpianus, posteaquam egulter su-

pe.

periore libro vicesimo octavo de emptione, venditione: sicut tricesimo proximo *exig* de mandato & de societate, hoc intermedio libro, puta 29. non de ipsa quidem emptione & venditione contrahenda egit, ut quidam ait: non de commodato, de quo quidem est *dist. l. 10. 12. & dist. l. 14. §. 10. 14. 15. 16. de furtis*, quod nonnulli censent, quique adeo hanc leg. principaliter ad tractatum commodati pertinuisse censent, ejusque occasione tantum Ulpianum hunc tractatum ingressum volunt: verum de *Admissionis contractuum, deque pedissequis eorum Aliionibus*: & quidem contractus *Venditionis*, puta, de *Traditione*, de quo est ex eo libro *lex 10. de adquirend. rerum domin. l. 16. de usurpationib.* 2. de Traditionis legibus, deque Servitutibus, quæ venditionem & traditionem sequuntur: quo pertinet ex eodem libro, *lex 15. 17. D. de servitut. pradior. urban.*: *lex 47. 49. D. de contrah. empr.* 3. de evictionibus, *l. 17. 19. 21. 23. 25. D. de evictionib.* 4. Tandem, de *Prestationibus* in contractu empti venditi: cujus occasione Ulpianus generaliter agere instituit, de præstationibus in contractibus, quibus res aliena ad tempus apud alios est, *aliquo eorum periculo*, ut ipsemet Ulpianus expresse loquitur eo ipso libro *in d. l. 14. §. qualis ergo, D. de furtis*, ad quod ipsum pertinent etiam *d. lex 10. & 12. D. commodari.* 5. Atque adeo & de *Furti actione* ob rem mobilem subreptam, eodem libro accurate tractavit: hæc enim actio confectarium quoddam est præstationum seu culpæ quam quis præstare tenetur: sæpeque adeo tractari occurrit, quibusnam videl. ea actio competat ex iis penes quos res aliena mox restituenda, momento est, ex contractu vel quasi, ob periculum, inquam, seu præstationibus quibus tenentur, seu ob eam rem tantum, quod ea res culpa eorum perierit, ut dicitur, *l. eum qui emis. 14. §. 10. D. de furtis*, ex eodem libro. Quam quidem questionem Ulpianus tractat eo libro *in d. l. 10. 12. 14. D. de furtis*: ubi posita prius hæc regula *in d. l. 10.* eum cujus interfuit rem non subripi, furti actionem habere: mox eam exemplis firmat, & retro alia hinc submovet *d. l. 12.* Sed postrema nominatim *l. 14.* quæ octodecim paragraphis constat, prolixum ea de re tractatum instituit, decurrendo sigillatim per eos omnes fere contractus, qui hac ipsa lege designantur, ex quibus videlicet res aliena mobilis apud nos momento est: Nempe (ut ordinem hujus legis sequamur) agit Ulp. *in d. l. 14. de Deposito*, in §. 3. & 4. de Precario, §. 11. de Mandato, §. 9. 17. de Commodato, §. 8. 10. 14. 15. 16. (pariter ut *d. l. 10. & 12. D. commodari.*) de Vendito, *in principio legis*, & §. 1. de Pignori accepto, §. 5. 6. 7. 16. de Locato, §. 12. 16. His adjice & colonum, §. 2. & heredes eorum qui contraxerunt, §. 14. & res quæ principales sequelæ sunt, §. 25. & casum in epistola data referenda alicui, §. 17. seu ult. Ac proinde tractat *in eal. Ulpianus* num. depositario vel precario rem alienam habenti, num. procuratori, commodatario, venditori, creditori pignoratitio, conductori, colono, heredibus eorum, latoribus seu gerulis, rei penes eos alienæ depositæ vel concessæ, commissaræ nomine, si furto lustræpta fuerit, hæc pedissequa furti actio competat, ideo quod eorum interfit, custodiamque & culpam præstare teneantur. Atque ita interim integram *συστην* seu continentiam habemus libri vicesimi noni Ulpiani ad Sabinum. Et hæc de Auctore libroque unde hæc lex desumpta est. Quæ omnia ad hujus l. intellectum plurimum faciunt. 4. Quarto loco *subiectum* hujus l. spectandum venit: quod quidem est de *contractibus συναλλαγmatic*, & quidem bonæ fidei, de quorum definitione quæ satis clara hic agere superfluo. U-

lud ad rem nostram notandum, *Contractuum* appellatione hac l. comprehendi non veros tantum contractus, verum omnis generis obligationes, actusque obligatorios, atque adeo & quasi contractus: veluti precarium, tutelam, negotia gesta, rerum communionem. Sic Paulus quoque in l. omnem 20. D. de judiciis: *Omnem*, inquit, *obligationem, pro contractu habendam existimandum est, ut ubicunque aliquis obligatur, & contrahi videatur, quamvis non ex crediti causa debeat.* Atque hæc interim prima contractuum divisio hic ad rem notanda est. Notanda & hæc secunda: Quod ex his contractibus alii solius *damis* utilitatem contineant, alii solius *accipientis*, alii *utriusque*: cuius divisionis usus hac in re apud Jurisconsultos complurimus fuit, ut jam antea indicavimus, & deinceps adhuc patebit. Tertia specialior adhuc divisio contractuum horum ratione finis sequitur: nempe ex his contractibus rem alienam penes nos periculoque aliquo nostro esse, uno ex his quinque finibus seu causis: 1. Vel *custodia*, inquam, tantum causa, ut est depositum, venditaque rei post perfectam venditionem interim custodia. 2. Vel *usus* alicujus fructusque gratia, ut est Precarium, Commodatum, Locatum, Dotis datio. 3. Vel *Possessionis*, ad securitatem nostram, ergo, quod est pignori acceptum. 4. Vel *Administrationis, gestionis*que causa, ut est mandatum susceptum, tutela, negotiorum gestio. 5. *Communione* postremum titulo, qualis est societas & rerum communio. Tot scilicet causas, titulifve, vel finibus, res aliena apud nos momento esse potest.

Quare etiam, quod quinto loco hic notari cupio, nil mirum jam, si *duodecim* tantum hi contractus (quibus tamen & vicini sociari possunt, & quidem innominati) hac l. memorentur, at non & alii, quibus dominium in instanti, simul & possessio incommutabiliter transfertur: In quibus est *mutuum* (quod & ipsum alioquin a contractibus separatur, l. creditores 10. D. de V. S.) quia ex eo *species ipsa* mutuo data, non momento tantum apud debitorem est, velut ipsa restituenda, verum a creditore in debitorem ilico transfertur alienatur: in mutuo enim de meo tuum fit, resque ita datur, ut mutuo accipientis fiat: id enim convenitur, ut tantumdem, non idem reddatur, ut Papin. l. Lucius 24. & l. 25. §. 1. *depositi*. Ex sic mutuum *alienationis* habet speciem continet: non sic tamen, ut non *καταδότης* sine rei *redditione* restitutio fiat, nam imo species mutuo data functionem recipit in genere suo, per solutionem *aquam* specie, *aquam*, inquam, num ita reponendum esse in l. 2. D. de *rebus creditis* peculiari Diatriba jam ostendimus. Contra, in contractibus, qui h. l. nominantur, *damus, eandem rem recepturi*, de quo est quoque Agrarii locus. Unde patet jam, de inani Interpretum labore, qui hic contractus quosdam enumerant hac l. omisos: quique adeo ab hac regula excipiunt mutuum, in quo profecto omne periculum debitoris est l. 11. C. si *certum petatur*: l. 1. §. 4. D. de *obligat. & act.* utpote cum pecunia mutuo data, non jam aliena seu creditoris amplius ceneri possit, verum debitoris omnino fiat. De illis quippe tantum contractibus est hæc lex, quibus res aliena suo tempore *ipsam* restituenda, apud nos momento est, uno ex illis quos dixi finibus: Ut & inanis labor est eorum, qui de variis aliis contractuum speciebus & divisionibus hic operose agunt: nos enim veram contractuum speciem hic tenemus, cui hic tractatus aptari debet & potest: utcumque hac l. *contractuum* mentio fiat indistincte, pariter ut ab eodem Ulpiano in d. l. §. 2. D. *commo-*
dati,

datis : qui contractus proinde ita secundum subjectam materiam intelligendi sunt. Illud non minus *απορριπτον αρε αλεινον*, quod hac l. Interpretes tractant, de rebus debitis ex causa ultimæ voluntatis, quid præstent Jurisperiti seu Advocati, Adfessores & Magistratus, quid Arbitri, Agrimensores, Proxenetæ, Apparitores : Quiditem furiosi, quid prodigi, quid pupilli. Sexto loco perpendendum venit generale hujus l. *prædicatum* : nempe, *Præstationem aliquam hi contractus recipere dicuntur* : id, inquam, hac regula tractatur, quidnam eum penes quem res aliena momento est, alio atque alio fine, ex *παιντα* contractus rei domino præstare oporteat. Eo enim hæcenus pertinet hac regula : neque retro hic tractatur, quid vice versa dominus rei præstare alteri penes quem res ipsius est, debeat. Et recte omnino Scholion Harmenopuli, lib. 6. tit. 2. num. 55. hac regula scopum hunc esse Jcto docere quænam contractibus *παιντα* naturaliter conveniant *τινα φυσικως τριπυτα* quædam naturaliter *congruentia*, quæque in his requiratur diligentia, & ex quibus accedentibus contrahenti periculum vel damnum immineat vel non, & *κατα φυσικον αναλλαιδικο* secundum *παιντα* consequuntur, seu *φυσικη αναλλαιδικο* *παιντα* indicavimus. Præstare porro, qua voce Ulpianus hac l. bis utitur, ut & Jurisconsulti passim, id est, ad quid is teneatur quidve eum luere, sarcire oporteat, si quid ea in re secus admiserit, si quid detrimenti in ea dominus senserit. Qua voce etiam hac in re usus est variis locis Cicero, non minus eximius Jurisconsultus quam Oratorum princeps. Hi duo inter alios insignes, & ad hanc, quam accommodo occurrunt : Primus lib. 3. Officiorum, *Qui fini*, inquit, *boni, & quid sit bene agi, magna questio est : Quinimò quidem Scævola Pontifex Max. summam vim esse dicebat : in omnibus iis arbitriis, in quibus addereent, Ex fide bona : fideique bona nomen manare latissime : idque versari in TUTELIS, SOCIETATIBUS, FIDUCIIS, MANDATIS, REBUS EMPTIS VENDITIS, CONDUCTIS LOCALIS*, quibus *vita societas continetur* ; in his magni esse iudicii statuere, præsertim cum in plerisque essent judicia contraria, quid quemque cuique PRÆSTARE oporteat. Alter locus est in *Topicis* apud Trebatium, *In omnibus iis iudiciis, in quibus ex fide bona est additum, plurimum eorum (Jurisconsultorum) usus est : ubi vero etiam, Ut inter bonos bene agier, in primisque in arbitrio REI UXORIAE, in quo est, Quod æquius melius parati esse debent : Illi enim dolum malum, illi fidem bonam, illi æquum bonum : illi quid SOCIUM socio quid cum qui NEGOTIA aliena curasset, ei cujus ea negotia fuissent, quid cum qui MANDASSET, eumve cui mandatum esset alterum alteri PRÆSTARE deberet : Quid virum UXORI, quid uxorem viro, tradiderant : Inde igitur præstationes, de quibus hac l. agitur, quæque vox etiam occurrit in l. 152. §. 3. *infra* & in Papiniani l. generaliter §. D. de usur. quæque pars etiam τὸν *κατακροτον* seu Officiorum est, cujus materia subtilis semper visa fuit : quid, inquam, cuiusque contractus natura ferat, quid ex natura eorum præstari oporteat (quod etiam Græci hic addidere). Nempe enim contractuum ut circa præstationes, ita & alias contractuum sua quæque natura est, de quo l. 7. §. *quinimo* §. *vers. idem responsum* : l. 27. §. 2. in fin. D. de pact. l. 24. circa fin. *depositi* : l. *naturalis* §. 5. *sed si facio* 4. D. de præscript. verbis : l. *si in venditione* 60. D. de *evictionib.* l. *utr. C. de adfess. toll.* §. *de illa sane*, *Inst. de societate* ; sua forma l. 43. in fin. D. *mandati* : l. 27. §. 2. in fin. D. de pact. status & natura obligationis l. 9. §. 1. de *duob. reis* : modus suus l. 26. §. 1. in fin. de-*

depositi, notissimi termini, *l. Lucius 24. depositi*: jus quod lex naturæ ejus tribuit, *d. §. 2. in fin.* Præstationes igitur quædam ex natura contractuum insunt; seu, ut loquitur idem Ulpianus, in *l. ex empto 11. §. 1. D. de act. emp. nonnulla INSUNT naturaliter horum judiciorum potestate*: Ait naturaliter, quomodo & in *l. in causa 16. §. penult. D. de minor. & l. 22. §. ult. D. locati*, dicitur, naturaliter in pretio emptiois & venditionis licere contrahentibus sese circumvenire: τὰν φυσικῶν πρὸς τὴν συνάλλαγμασι quædam naturaliter contractibus convenientia, Græcis ut Hæmænopoli Scholiastæ lib. 6. cap. 2. pag. 482. & Theodoro Hermopolitæ. Id ipsum vero sola *Recipiendi* quoque voce hac lege effertur, duobus pariter locis: *Recipere* est, natura sua quid admittere, exigere: sic enim & in *l. actus legitimus 77. infr. h. t.* actus legitimi dicim vel conditionem recipere, vel non recipere dicuntur: sic & Papinianus dixit, *d. l. 5. de injuriis*; bonæ fidei judicia non recipere præstationem, quæ contra bonos mores desideretur. Eodemque sensu, *quid venire* in his contractibus dicitur *l. 5. §. 2. D. commodati*: & teneri quis, ut *l. 16. Cod. mandati*, & exinde condemnari, ut & Modestinus apud pariatorem legum Mosaicarum titulo 10.

Denique & *Periculi* vox hac in re propria: *periculi*, inquam, non quod imprudentibus accidit, non casus improvisus, seu fortuiti casus, quos humanum consilium prævidere non potest, quibus resisti non potest, quibus infirmitas humana resistere nequit, non vis divina, majorque, quæ *periculi* voce plerunque intelligitur, de quo *sine hujus legis*: quo sensu *periculi* vox accipienda quoque in *l. si quis nec causus 4. D. de reb. cred.* quidquid Accursiani de culpa id accipiant: quod utique in contractibus hac lege designatis ex eorum natura præstandum non venit. Quid igitur? *Periculi* vox hac in re nostra σηµαντικὴ significationis est, ubi scilicet quid præstandum dicitur ex natura contractuum. Hoc sensu dicitur, periculo nostro vel aliquo rem aliquam seu alienam esse, ut *l. illud certum est 13. §. 1. D. de libr. causa*: *l. 4. in princ. D. nam. can. pon. stabul. d. l. 14. §. 16. & ult. de furtis*: periculum ad aliquem pertinere, *l. 19. in pr. D. de hered. petis. l. 62. in fin. D. de contrab. emp. l. 14. in fin. D. de furtis*: ad periculum pertinere, *l. 25. D. pro socio*: *l. 19. in princ. D. de hered. petis*: omne periculum præstare, *d. l. 5. §. 2. & 3. D. commodati*: periculum custodiæ præstare, *l. 40. D. locati*; subire, *l. un. §. quod si 4. D. furti adv. nam. v. & tit. de per. & commodato rei vend. l. 1. & sis. Cod. de periculo tutorum*: periculo suo facere, *l. 35. D. de administ. tutor. periculo illigari*, *l. 1. §. 35. D. depositi*: periculo culpæ subijci, *l. tutores qui 39. §. tutores 12. D. de administ. tutor. periculo contumaciæ vel negligentiae adstringi*, *l. 40. eod.* periculo obligari propter culpam vel segniticam, *l. 1. 3. Cod. de periculo tutor. periculum porrigi*, *l. 2. eod.* *Periculum* denique hac in re est, cuius causa quis periclitatur, teneturque, idque varie: est enim hujus periculi varius modus, varia interpretatio, pariter ut custodiæ & diligentæ (unde periculum illud descendit.) Et ideo indefinite commodatum, locatum, pignori acceptum, periculo aliquo esse dicuntur, *d. l. 14. §. 16. de furt.* Alibi, omne periculum ad aliquem pertinere, *l. 35. §. 7. D. de contr. emp.* Alibi, periculo nostro res non esse, etsi dolus & culpa præstatetur, *l. 13. in fin. D. de liberali causa*.

Nunc *sepius* loco videndum est speciatim, quænam illa *Præstationum* genera sint, qui gradus, quæ species, quot numero. Qui quidem tractatus, de præstationum, in-

inquam, culpeque gradibus, non in hac tantum contractuum materia necessarius est; verum & in alijs quamplurimis utilis, veluti in quasi delictis, in lege Aquilia, in rei vindicatione, in hereditatis petitione, in actionibus ex testamento, in materia legatorum, fideicommissorum, in officiis publicis, atqueque professionibus: ubi passim tractatur, quid quemque præstare oporteat, etsi hæc ad hanc legem tractari non debeant. Generali equidem sæpe *culpa* nomine omnia præstationum genera indicantur, ut ab eodem Ulpiano iisdem ad Sabinum libris, in l. 47. §. *culpa* §. *D. de legatis* 1. & l. sed *et* §. 1. *D. ad l. Aquil.* & l. 3. *de positi*, aliisque quamplurimis: sic ut doli quoque, i. culpa malitiæ, non culpa tantum imprudentiæ seu negligentiae, ea culpa notatione apud Scriptores passim contineatur; ut in illo inter alia

Culpam pæna premis comes.

Imo & apud eundem Ulpianum eodem libro in d. l. 14. §. 6. 10. 12. *D. de furtis* & l. 10. *D. commodati*: Verum, ut culpæ hujus generaliter acceptæ diversi gradus sunt, ita & diversa distinctaque nomina.

Tres igitur hujusmodi præstationum gradus sive species, ob culpam admissam, neque plures, hic proponit Ulpianus: pariter ut idem Ulpianus d. l. §. 2. *D. commodati*: imo initio legis duas tantum. Nempe ait, contractus alios dolum malum duntaxat, seu solum dolum recipere, seu in his dolum tantum præstari: alios dolum & culpam: Mox tamen in processu legis tertium insuper præstationis genus interjungit; puta diligentiam. Hæc tria, inquam, neque plura, præstationum genera ponit Ulpianus; puta doli (sub quo tamen & culpa dolo proxima, seu lata, de qua mox, continetur) culpæque & diligentia. Et hanc trimembrem divisionem inculcat idem Ulpianus, iisdem ad Sabinum libris, in d. l. 47. §. 5. *D. de legatis* 1. *Culpa autem qualiter sit æstimanda videamus, an non solum ea qua DOLO proxima sit, verum etiam qua LEVIS est? An nunquid & DILIGENTIA quoque exigenda est? v. ejusdem d. l. §. 2. vers. commodatum D. commodati.* Paulus quoque in l. in rebus 17. in princ. *D. de jure dot.* In rebus dotalibus, inquit, virum præstare oportet iam DOLUM, quam CULPAM, quia causa sua dotem accipit: sed etiam DILIGENTIAM præstabit, quam in suis rebus exhibet: ubi nihil necesse reponi: sed & eam diligentiam. Sic quoque Imperatores in l. sicut 19. *C. de pignoribus*, harum præstationum trigam faciunt. Sicut vim majorem pignorum creditor præstare non habet necesse, ita DOLUM & CULPAM, sed & CUSTODIAM exhibere cogitur: Ait custodiam, pro quo Ulpianus & Paulus diligentiam, de quo mox plura.

Est igitur trimembris omnino hæc præstationum & culparum divisio: Idque, pro triplici animi motu, diligentiaeque inter homines gradu, unde & diversam quoque singulae æstimationem recipiunt: Etsi, ut dixi, nonnulli duplici nonnunquam doli culpaque appellatione ea omnia complexi satis habent: Sic ut culpa a dolo distinguatur: illa, ex inficitia, imprudentia, incogitantia: hæc ex *imperio animi consilio*: Fraudis & legnitici appellatione utrumque complectitur Papinianus in l. §. 2. *inver*, *D. de fidejussor.* fraudis & culpæ, idem l. 29. §. *qui se*, *de administr. tui.* & l. 63. *de rei vind. doli & culpæ*, idem d. l. 39. §. *verum* & l. cum sale 27. §. *quid ergo*, *D. de cond. & demonstr.* l. cum tutor, *de tutel. & rat. distr.* l. 9. §. 1. *de duob. reis*: Quomodo & Salsustus, in C. Cottæ oratione, duplicem quoque fecit, doli, aut *secordia*. Quidem cul-

culpam duplicem faciunt, *malitia* unam; alteram *imprudencia*. De dolo prius. *Dolus* malus scilicet (qui & *dolus* plerumque simpliciter b. l. & p. *ssim alibi*) vel fraus (unde inelle dicitur dolo fraus, l. 7. §. 10. *D. de pactis*) mala fides, proficiscitur a consilio. *πρῶτον προposito*, *πρῶτον προposito*, *πρῶτον προposito* & *πρῶτον προposito* & *πρῶτον προposito* (quæ tria idem conjunguntur, ceu *ισοδυναμῶντα* & *ἀquipollentia*, cum dolo malo, in l. 1. *C. de dolo*: l. 7. §. *dolus malus*, *D. de pactis*;) ex *insidiis*, quomodo etiam quidam legendum contendunt in l. *dolum* 6. *C. de dolo malo*, data, vel dedita opera, vel *opera* simpliciter, ut apud Terentium, ubi vide *Donatum*: ex dolosa mente & abscondita machinatione, ut Justinianus in l. 4. *vers. justum*, *C. de litigiosis*: malitia mala, ut Plautus in *Aulul.* veluti fordidus vel gratia, ut in l. *tutor*. 7. §. 2. *D. de administ. tut.* evidenti gratia, fordidus, inimicitia, l. 15. §. *ult.* *D. de judic.* ex luxuria, ut l. 11. *D. de incend. ruina, naufr.* unde dolus hic in delictum & crimen vergit: eoque etiam nomine censetur l. 3. §. *nunc videmus*, *D. de susp. tutor.* l. 1. §. *is quoque*, *D. de verb. oblig.* Nullusque contractus est, in quo non ex ipsius natura dolus veniat, in quo non dolus præsteret. Quinimo neque ulla pactio id effici potest ut ne dolus præsteret de quo postea. Hæc denique *bona fides* est, quæ in omnibus contractibus, quibus vitæ societas continetur præstanda est, l. 4. *C. de obligat. l. bona fides* 31. *D. de positi*: l. *si dolo* 5. *C. de rescind. vend. l. si mandata* 59. §. 1. *D. mandati*. Et hæc quidem breviter de dolo, qui, ut dixi, ex *πρῶτον προposito*, *πρῶτον προposito* *πρῶτον προposito* descendit. Apage enim mihi sis triplicem doli divisionem; 1. in simplicem sine consilio; 2. in deliberatum, ex *πρῶτον προposito* *πρῶτον προposito*; 3. in insidiosum ac proditorium. Imo apage sis, commentum eorum, qui quinque species doli fingunt. Culpa vero omnis, dolo opposita, ex desidia, negligentia, ignavia, oritur l. *facinus* 71. *D. pro socio*: §. *pennit.* *Inst. quib. mod. re contr. obl.* ex imperitia, imprudentia, stultitia, securdia, segnitie, desidia denique omni: quam homines circa res alienas admittunt: vel *non faciendo*, seu negligendo omittendove quod factum oportuit; vel *faciendo*, quod non oportuit; nam & hæc duplex culpa est, vel in omitendo, vel in committendo, seu in faciendo & non faciendo, l. *si servum* 91. §. 1. *D. de P. O.* Igitur culpa a fraude & dolo separatur passim, & l. *si culpa* 6. *D. de rei vindic.* Retro hinc, *doli culpaque*, vel *doli omnisque culpa* appellatione quandoque præstationes omnes continentur l. 11. 13. *C. mandati*: l. 31. §. 9. *D. ad legem Aquil.* Et hæc de culpa, ejusque nomine in genere: unde apparet jam, falsam esse latæ culpæ divisionem in culpam versutiæ, & ignaviæ, cum omnis culpa ab ignavia proficiscatur.

Atenim ut veri, ita varii culpæ gradus sunt, arque adeo culpa multiplex. Nam, etsi culpa arbitrio judicis æstimanda veniat, l. *semper* 15. §. *culpam*, *D. quod vi aut clam*: & l. 2. 4. *in fin.* 4. §. 3. *D. de in litem jur.* & l. 2. *C. eod.* (quod hic summopere notandum est) difficilis enim est, omnis culpæ disquisitio, definitio & probatio, arg. l. *insores* 39. §. *ab eo qui* 13. *D. de administ. tut.* qua causa de ea facile transigi potest, tribus tamen gradibus æstimatur: prout scilicet tres quodque sunt humanæ diligentie gradus: quod & alii nonnulli tradunt, sed in construendis his gradibus plurimum errant. 1. Est scilicet diligentia, *communis omnium hominum*, quæ hominibus omnibus innata, non acri ingenio vel exquisita industria excitata, sed ex communi sensu descendens. 2. Est diligentia *propria contrahentis in rebus suis*. 3. Est denique diligentia *aliena*, exacta, quæ diligens paterfamilias rebus suis adhibere amat, Apage enim

enim sis mihi plures quas vulgo comminiscuntur, diligentiae species. Priori illi diligentiae opposita negligentia seu culpa dicitur *lata culpa*, in *l. cedere diem* 213. §. 2. *l. lata culpa* 213. *D. de V. S. l. 1. si mensor fals. mod. l. 31. §. 12. ad leg. Aquil. l. 8. §. ult. l. 29. in princ. D. mandati: l. 1. D. de Magistr. convens. l. 11. seu penult. D. de incendio: l. 22. §. 3. ad SCrum Trebell. l. 7. D. ad leg. Cornel. de fcar. In Codice l. 20. de negot. gest. l. 1. depositi. l. 1. de heredib. tutor. l. 2. de in licem iur. l. 7. de arbit. tuc. Eademque dicitur & latior culpa, d. l. 32. depositi, ad discrimen levis (Apagē enim mihi sis distinctionem culpae latae, in latam, latiore & latissimam) magna culpa, *l. magna* 226. *D. de V. S.* (quae una e tribus eo tit. de lata culpa lex est) culpa gravior, levi opposita *l. 54. §. 2. D. de acquir. rer. domin.* Negligentia crassa, *l. 6. D. de iuris & facti ign.* ubi in sp. illius *l. delatoria curiositatis* opponitur & scrupulosa inquisitioni: magna, *l. 1. §. 5. D. de obligat. & action. l. magna* 226. *D. de V. S. nimia, dict. l. 213. §. 2. lata, l. 6. de admin. rer. ad civ. pers. l. tutor qui repertorium, §. competat* 2. *D. de admin. tuc. l. 7. §. 1. D. de suspect. tutor. dissoluta, l. si fidejussor* 29. in princ. *D. mandati: remissor, l. 5. C. de periculo tuc. manifesta, l. 2. C. arbit. tuc.* Ignorantia item deperditi & securi hominis, *l. 3. §. 1. D. de iuris & facti ign. supina, d. l. 6. de iuris & facti ign.* quae in supinum hominem cadit, *l. 15. §. 1. D. de contrah. emp.* Ignorantia dissoluta, *l. 55. D. de adit. editi.* Securitas nimia, *d. l. 6.* Nunc videamus, quanam sit latae hujus culpae definitio seu descriptio: Quis latae hujus culpae finis, ut loquitur Paulus, *lib. 2. sententiarum*, in *d. l. lata* 223. *de V. S. finis*, inquam, id est, definitio, & unde intelligi potest quid sit id de quo quaeritur: nam & ita *finem* describit Sulpitius Victor, in *Instit. orat. pag. 260. 261.* Vide & Marium Victorinum *pag. 108.* unde & *finisiva quaestio* seu *status finisivus*, de quo vide eundem Marium Victorinum, Julium Severianum, *pag. 308.* Curium Fortunatianum, *pag. 45. &c. opus finem* Graeci vocant, *id est utraque proprietatem*, ut nonnulli, & in his Theodorus, alii vocant *ἐπιτελευταία* *ἐπιτελευταία* de eo quod res sit & quod non sit. Hermagoras denique *finem* pariter vocavit, teste Aurelio Augustino in princ. Rhetor. *pag. 294.* verum de hoc fine, statuque finitivo videndi qui Rhetoricas vel Oratorias Institutiones scripsere. Hoc certe cum non intelligeret Lopez a Madera, nescio quid de fine latae culpae, ab ipsa lata culpa diverso commentus est. Ergo latae culpae finis seu definitio est, non intelligere id quod OMNES intelligunt, ut definit Paulus in *d. l. 223.* vel ut Ulpianus *lib. 1. Regularum, in l. cedere diem* 213. in fin. lata culpa est nimia negligentia, id est, non intelligere quod OMNES intelligunt. Paulus rursus *lib. 1. Manualium in l. magna* 226. eam per magnam negligentiam describit. Item lata culpa seu summa sive ignorantia sive negligentia, est solum ignorare, vel non observare, non attendere, quod OMNES sciunt in civitate: cuius rei exempla peti possunt ex *l. 11. §. prescribere* 3. *D. de instit. ar. l. 9. sed facti* 2. *D. de iuris & facti ignor.* ac proinde id non curare, quod omnes curare solent. 1. Hinc jam lata culpa est in *deposito*, si qui depositum accepit minorem in rebus alienis quam in suis (custodiendis scilicet) diligentiam adhibeat, si non ad suum modum CURAM circa res depositas adhibeat: ut Celsus in *l. quod Nerva* 32. *D. depositi:* Id enim OMNES intelligunt, vel intelligere debent, in deposito praestari oportere: quandoquidem in *sola custodia* depositi lex & natura consistit: eaque communis omnium intelligentia est vel esse debet, *non enim error*, communis sensus proin-*

proinde qui ignorat, qui negligit, latam culpam contrahit. Unde jam apparet, quam inanis sit quorundam distinctio, ut ex *salebris d. l. quod Nerva 32. D. depositi* sese expediant, latæ culpæ, in latam culpam ignorantie, & latam culpam negligentie: quasi hæc dolo æquiparetur, non illa: quod latæ culpæ definitioni. quam supra ex Paulo & Ulpiano attuli, aperte adversatur, ubi INTELLIGENDI verbum diserte extat. Sic quoque exemplum in deposito latæ culpæ ponit Scholiastes Harmenopuli, in eo qui res suas tuto loco reponat, depositas vero in incerto & putri, *in τῷ τοῦ κῆψις παροῦσι in loco putredinem faciente*. Glossa Juris Canonici in *cap. 2. ext. de deposito*, si rem penes se depositam in scamno jacere sinat, cum suas res in atca includeret. 2. Exemplum aliud latioris culpæ seu dissolute negligentie poni potest in *fidejussore*, qui sciens debitori competere exceptionem doli, vel non numeratæ pecuniæ, eam prætermittit: & hæc dissoluta negligentia prope dolum esse dicitur, *l. 29. in princip. D. mandati*. 3. Exemplum in *mandatario*, cui mandatum est ut hominem emeret, si non quidem dolo emero neglexit, forte pecunia accepta, verum si gratia ductus, passus est alium emere, quæ lata culpa est Ulpiano, in *l. si procuratorem 8. §. ult. D. mandati*. 4. Exemplum in *Tutore*, qui male contraxit, veluti qui prædia comparavit non idonea, non quidem per sordes aut gratiam (id enim dolus est) verum per latam negligentiam, non bonam conditionem eligendo, *l. tutor 7. §. 2. D. de administ. tut.* 5. Poni possit & exemplum in eo qui ventoso die in stipulam vel spinam suam comburendæ ejus causa ignem immisit, isque ulterius evagatus & progressus alienam segetem vel vineam læsit: item qui non observavit, ne ignis longius procederet, *l. qui occidit 30. §. 3. D. ad leg. Aquil.* 6. Exemplum in *emptore*, qui servo a se empto ægrotato medicum non adhibuit ut sanari posset, vel malum adhibuit, *d. l. 30. §. qui occidit, D. ad leg. Aquil. l. 31. §. 12. D. de adit. adit.* 7. Exemplum in *magistro navis*, qui sine gubernatore navem in flumen immisit, & tempestate orta temperare non potuit, & navem perdidit, *l. 13. §. 3. D. locati* 8. Tandem & duo latæ culpæ exempla in materia criminali suppeditat lex 7. *D. ad leg. Cornel. de sicar.* nam, quidquid nonnulli dicant, in illis quoque duobus exemplis lata culpa vertitur, quandoquidem non ea diligentia ibi adhibetur, quæ communis hominum est, & communis sensus considerat. Hæc igitur illa lata culpa est, negligentia lata, magna, dissoluta, &c. quæ licet a dolo revera differat, ratione fontis seu originis (utpote cum dolus ut dixi a *πραΐσιον* a consilio, proposito proficiscatur, lata vero culpa ex supina ferme negligentia & ignorantia *l. 7. §. 1. D. de suspect. tutor. l. 1. §. 3. D. de Magistr. conv.*) in criminalibus nominatim publicisque judiciis, ibi enim lata culpa pro dolo non accipitur *d. l. 7. D. ad legem Cornel. de sicar.* (quæ quidem lex etsi de lege Cornelia de sicariis nominatim scripta sit, ad alia tamen crimina pari ratione portigenda est.) Quamquam de hac questione vide Largæum 8. *semelstrum*, cap. 15. seu ult. & Farinacii *praxim criminal.* attamen in causis civilibus seu pecuniariis, in contrariis, vel quasi, *l. 8. §. cum quoque, D. de precario l. 2. C. de in litem jur.* imo & in quasi delictis & civilibus actionibus penalibus in doli crimen cadit: ut testatur Gajus in *l. 1. §. is quoque, D. de obligat. & action.* & exinde §. 1. *Infr. de oblig. qua ex quasi delicto*: & Ulpianus *l. 1. §. 1. D. si mens. fals. mod. & in specie l. 1. §. 2. D. si quis test. liber.* & in tutelæ judicio, veluti in tutoris remotione: tutor enim

enim qui removeretur ob dolum vel latam culpam sit infamis, l. 3. §. ult. l. *impuberibus*, §. 1. de *susp. intor.* in Magistratibus conveniendis, quo pertinet *lex 9. de Magistr. eorv.* cui socianda est ex eodem Celsi libro d. *lex Nerva*: Dolo accedit, dolo comparatur, æquiparatur, dolum representat, dolo proxima est, prope dolum est, prope fraudem accedit, d. l. 1. §. non alias 2. D. si is qui test. libet. l. 19. in princ. D. mandati l. 8. in princ. D. de edendo: l. mulier 22. §. 3. D. ad SCtum Treb. l. 8. §. 3. D. de precar. l. 1. §. 1. D. si mens. fals. mod. l. 47. §. penult. D. de leg. 1. Unde & dolo proximum quid dicitur, l. 7. in princ. D. depositi: Lataque negligentia prope fraudem accedere, l. *impuberibus* 7. §. si frans, D. de suspect. intor. magna negligentia in doli crimen cadere, l. 1. §. is quoque, D. de obligat. & action. Imo lata culpa doli esse dicitur, d. l. Nerva: magna culpa doli esse, l. 226. de P. S. non quod proprie quidem doli SIT (quam ramen controvertit rationem inter JCtos fuisse quidam minus pensæ censent: Quis enim de eo dubitarum credat?) est enim hæc inter semper differentia; sed quod lata culpa interpretatione, representatione & effectu pro dolo habeatur. Unde non adeo male Interpretes hunc dolum *presumptum* vocant: Nam alioquin lata culpa, pariter ut levis, a dolo separatur, & separatim exprimitur, ut alibi passim, ita l. 8. §. 10. D. mandati: l. 2. §. 1. D. de hered. per. l. 1. §. C. depositi: l. 24. C. de negot. gest. l. quicquid, C. arbit. int. Sed ut dixi lata culpa effectu dolo æquiparatur, lata, inquam, culpa omnis: Falsum enim est, quod quidam dixit, quandam latam culpam non dolo proximam statui. Ut & quod alii, duas species latæ culpæ faciunt, unam ubi quis per negligentiam & ignorantiam peccat; alteram ubi sciens prudens: quæ demum species dolo vicinior, & fere doli sit. Quod omne invita Jurisprudencia dicitur, nam ubi sciens prudens quis peccat, doli is est: contra ubi per ignorantiam vel negligentiam fraudem, lata culpa est, & dolo æquiparatur. Hac de causa, JCti de dolo locuti subjiciunt, etiam latam culpam accipi debere, l. §. si heres, D. ut in poss. legat. l. §. nec immerito, D. de precar. Quinimo, si doli notetur, & quidem cum taxativa duntaxat, vel tantum, vel solus, vel satis est, illique præstari dicatur, tamen lata quoque culpa comprehenditur, & æque plectitur, d. l. 1. §. 2. D. si is qui test. libet. l. 1. §. hac actio, D. si mens. fals. mod. l. questum 8. §. 3. D. de precario: vide & l. 1. C. de hered. Idque etiam clare constat ex collatione hujus legis fere regulæ cum §. cum quoque, Instit. de precario: l. 1. §. ult. D. depositi, cum l. 1. C. eod. Et hæc quidem de primo diligentie gradu, deque culpa quæ ei opponitur, lata scilicet. Qua parte etiam ur dixi notandum, veteres inter se JCtos differensisse. Proculus scilicet a Nerva diversus latorem culpam dolum esse negabat d. h. quod Nerva 32. D. depositi.

Sequuntur nunc duo alii diligentie gradus, qui utrique indicantur, per modum quem hominum natura desiderat: quæque opposita latæ culpæ, in d. l. quod Nerva 32. D. depositi. Crassus enim Accursii error est & sequacium, qui hæc verba accipiunt de lata culpa, quam depositarius præstat: contra apertam JCti mentem: nam ibi discrete opponitur in deposito diligentia in rebus suis (de qua mox) diligentia ad eum modum quem natura hominum desiderat. Sicut & nimia eorum licentia est, qui in illis verbis, si quis NON ad eum modum quem hominum natura diligens sit,

negativam non expungunt. Nam imo ea retinenda est: apertissimus enim illius loci sensus hic est; etsi in deposito non veniat ea diligentia, quam hominum natura desiderat, attamen ad suum modum depositarium diligentem esse oportere. *Hominum natura* est modus humane diligentia, quo usque diligentia humana pertinere potest & debet: quod humana natura desiderat, depositis, requirit. *Natura humana* hic, non est, quod quidam censent, mediocritas, sed *modus humane diligentia*: *Natura est*, quod in anoque genere intelligitur, inquit Augustinus lib. 2. de morib. Munich. Sic & l. 38. D. de rebus creditis, dicitur, respiciendum esse, ut quantum in hominum natura sit, possit sciri: Sic & natura humane conditionis, l. 30. §. *sumum*, D. de adquir. hered. Hujus porro diligentia & modi, quem hominum natura desiderat duo gradus constitui possunt: vel enim ea diligentia est quam is qui contraxit suis rebus adhibet, vel ea quam alius *diligens* paterfamilias.

Secundus igitur diligentia gradus est, non jam communis omnium hominum, non jam nude custodie, secundum communem hominum intelligentiam, ut in primo diligentia gradu, verum ea diligentia, qualem *adspiciunt aliena possidens*, id est, is penes quem res aliena momento est, mox restituenda, in suis rebus adhibet, & sic *propria* ejus, in gerendis, administrandis iis: vide vel l. 25. §. 16. in fin. D. famil. ercisc. Hec vero propriis in rebus *diligentia* potest quandoque *exaltissima* re ipsa diligentia esse, sicut ipse qui contraxit, æque diligens sit, atque alius diligens paterfamil. ita ut ad diligentiam diligentis patrisfamil. tum recurri non oporteat, neque aliud sit in propriis diligentia quam diligentis patrisfamil. diligentia. Sed retro, diligentia in propriis rebus, aliquando etiam est *consueti negligentia*, comparate scilicet ad modum seu ad diligentiam diligentis patrisfamil. ad quam præstandam ideo nonnulli teneantur: Quare in l. 22. §. 3. D. ad Senatusconsult. Trebell. *levis culpa* & rebus suis consueti negligentia, *comparate* dicuntur. *Negligentia* scilicet est, non adfurgere ad diligentiam aliorum, sed intra vulgarem modum consistere. Hanc igitur diligentiam quæcunque illa sit in rebus suis adhibitam, si quis in alienis non adhibeat, culpam contrahit, quæ speciali *culpa* nomine, sine alia adjunctione *hic* & alibi designari ferme solet, dolo opposita. *Culpa* scilicet vocabulum simpliciter prolatum in jure levem culpam denotat, ut l. 5. §. 2. D. commodati: l. 8. §. *penult.* D. de rebus auct. jud. poss. l. 9. §. *est præterea* §. D. cod. l. 13. §. *ult. juncta* l. 14. D. de pignor. act. l. 25. §. 16. D. familia ercisc. l. 108. §. 12. D. de legatis l. 1. §. 25. §. *maritum*, D. soluto matrim. l. 2. §. 1. l. 4. §. *ult.* l. 5. §. 3. D. de in litem jurendo (quicquid contra Campanus, qui de lata culpa id accipit) Et plenius tamen quandoque ea dicitur *levis culpa*, ad distinctionem videlicet late seu latioris: idque duobus locis, l. cum res 47. §. *culpa* §. D. de leg. 1. d. l. *mulier* 22. §. *sed enim* 3. D. ad S.C. Trebell. Alio enim sensu *levis*, non *levis culpa* dicitur Papinian. l. 39. §. *error datus*, de admin. tut. Ergo *levis culpa*, seu culpa *speciatim dicta*, in contractibus (nam de delictis nunc non agimus, ubi multa mentio culpæ, imperitiæ, levitatis nimis, patientiæ alieni criminis, &c. quæ culpæ adnumerantur) est, cum quis non id agit circa res alienas, non id gerit, non id evitat, declinat, quod ipsemet in rebus suis facere, gerere, evitare, declinare solet. Nihil ita passim hæc culpa (*levis scilicet*) describitur: ut d. l. *heredes* 25. §. 16. D. famil. ercisc. l. 72. D. pro socio c. l. *si constanter*

a. 4. §. si maritus §. D. solut. matr. Contra diligentia par in alienis atque in suis, diligentia opponitur proprie dictæ: ac proinde culpa hæc, isti diligentia ut h. l. de quo mox. Et hæc tamen ipsa, diligentia quandoque nomine designari videtur, & dolo culpæque opponi, vel apponi l. 17. de jure dot. de quo postea. Hanc denique diligentiam *juris medium* vocat recte Scholiastes Harmenopoli. Inquires, imò latam culpam ita definiri in d. l. quod Nerva 32. D. depositi, nempe si non ad suum modum cura in deposito præstetur, seu minor in deposito quam suis rebus diligentia præstatur. Istud vero est, quod totam hanc materiam conturbavit: hæc crux omnibus ferme Interpretibus fixa fuit, quo minus culpæ gradus bene distinguere, alienas species fingerent: imò ultro nonnulli fatentur, se non habere quod huic rei expediendæ in medium adferre possint. Alii distinguunt latam culpam in abstracto, & in concreto. Res ita concilianda est, imò jam ante conciliavimus: nempe latæ omnino culpæ adscribi in deposito, si quis non æquam deposito custodiendo; atque rebus suis custodiendis diligentiam impendat: quia diligentia illa *custodiarum* in deposito omnem præstationis modum continet: & communis hominum intelligentia est, depositum custodire oportere, quandoquidem h'c unus verusque finis est depositi: depositum enim est quod custodiendum datur. Eademque precarii ratio, idem modus est, & si qui alii contractus sunt in quibus nuda custodia præstatur, nil præterea: Contra reliquæ præstationes in cæteris contractibus non sunt communis intelligentia, sed diligentia & solertia alicujus: ac nominatim æqua alienis in rebus quam in suis cura: sibi enim naturaliter quis mavult quam alteri.

Tertius diligentia gradus est, non jam æquus parque in alienis atque in suis diligentia, verum ad diligentis patrisfamil. diligentiam comparatus: atque adeo non communis jam omnium hominum diligentia, non propria contrahentis, verum diligentioris alterius patrisfamil. Diligentia denique exactior quam in suis, ut l. 3. D. de periculo & commodo rei vend. l. 1. §. 4. D. de obligat. & aff. §. 4. Insuper. quibus mod. re contrah. Hic vero summus diligentia gradus est, neque quidquam ultra unquam exigitur, quando neque ultra hominum natura desiderare potest, neque ea plus ultra procedere. Et sic hæc diligentia non exigitur ad modum diligentia quam qui contraxit ipse rebus suis adhibet, sed qualem diligens alienus patrisfamil. & ut Theophilus ait, « ἐπὶ αὐτῷ τῷ δυνάμει, ἀλλὰ ἐπὶ τῷ ἱκανῷ ἐπιτελεῖται τὸ τῷ δυνάμει ἐπὶ τῷ δυνάμει Non ad illam administratorem, sed ad alienam diligentiam respicitur cum de administratione judicatur. Et hic, ut dixi, summus diligentia gradus est. Non alia proinde est, diligens & diligentissimi patrisfamil. ratio seu diligentia vel custodia, l. si ut certo §. §. 1. D. commodati, l. heredes 25. §. non tantum, D. familia ercisc. l. 18. in princ. D. commodati: non alia exacte & exactissime diligentia vel custodia. Idque etiam apparet ex collatione ejus quod Gajus J.C. de exactissima diligentia in commodato scribit l. 1. §. 4. D. de obligat. pro quo Tribon. respondit exactam §. 2. Insuper. quibus mod. re. Et quod dicitur in l. 25. §. penult. D. de datis, culpam abesse, si omnia facta sunt, quæ diligentissimus quisque observaturus fuisset, nihil aliud importat, quam diligentis patrisfamil. diligentiam. Item exactissima diligentia, nil aliud est quam exacta. In quo tamen multi tumultuantur, imò vim faciunt, ut vel leges in speciem contrarias inter se concilient, vel novam culpæ

culpæ speciem inducant. Quæ omnia ineptissima sunt. Quare si mihi forte Argum vel Euctionem aliquem, unumve aut alterum, in civitate ponas, omnibus aliis diligentior, exactior, accuratior, Qui notare solet.

An revolent mergi, graditur si littore cornix,
non ad eum unquam modum diligentia, atque adeo & culpa, in jure judiciove expendenda consideranda veniet, verum ad communem diligentiam patrumfamil. modum: seu ad eum modum quem *hominum natura deservat*, ut ait Celf. in d. l. 3. 2. *D. de pos.* Hanc si quis præstet, securus est: etiam tutor, etiam gestor; in quibus alioquin singularis quædam diligentie custodique species in re aliena administranda, ac proinde & augenda requiritur. Et sic patet, quam male nonnulli confundant velut eandem diligentie gradum, diligentiam in suis rebus, & diligentiam diligentis patrisfamil.: Illi enim opposita culpa, *levis* est: huic opposita *levissima* dici potest; de quo *postea*. Ad eum veto diligentie gradum, atque adeo levissimam culpam nec quicquam pertinet *lex* 3. §. 1. *D. nauta caupon.* ubi dicitur, nautam, cauponem, stabularium, qui recepit, OMNI MODO teneri, etiam si sine ejus culpa res periit vel damnum datum est, nisi quid damno fatale contingit. Medium enim quod ibi constituitur inter culpam & casum fortuitum, non est diligentie gradus aliquis, verum eo indicatur, eum teneri ex culpa quoque familie sue furtoque, non ex sua tantum culpa. Ad rem. Hæc igitur ista est *diligentia* accuratior, acrior, intensior, quæ velut propria tertiaque *diligentia* species a culpa separatur; non hæc tantum l. ubi Harmenopolus eam recte describit, verum ab eodem Ulpiano, quo nemo Interpres melior querendus est, iidem ad Sabinum libris, in l. cum res *legata* 47. §. culpa 5. *D. de legat.* 1. & libris ad Edictum l. 5. §. 2. *D. commodati*: & a Paulo l. in rebus 17. in princ. *D. de jur. dot.* quanquam vide quæ de ea lege supra dixi: vel tertia species custodice, a dolo & culpa separata, l. fidei 19. *C. de pignori.* Eademque illa est diligentia, cujus mentio fit insuper in l. 53. §. 3. *D. de furtis*: in cuius specie agitur de tutore, qui diligentiam præstare debet. Vocatur & addito epitheto aliquo, exactissima diligentia Gajo in l. socius 72. *D. pro socio*: Idemque plenius exactissimam diligentiam custodiendæ rei vocat, sic ut non sufficiat qui eandem diligentiam adhibere quam suis rebus adhibet, si alius diligentior custodire potuit, l. 1. §. 4. *D. de obligat. & act.* & ex eo §. 2. *Instit. quib. mod. re contr. obl.* ubi loco exactissima posuit V. CL. *exactam*, subjectis tamen ibi quæ rem clare explicant. Idem, talem diligentiam, qualem quisque diligentissimus paterfamilias suis rebus adhibet, ita ut eos tantum casus non præstet, quibus resisti non potest, l. in rebus 18. in princ. *D. commodati*: Idem dixit, plenam custodiam, & eam diligentiam, sic ut fatale damnum, vel vis magna sit excusata, l. 2. §. 1. *D. de periculo & commodo rei vend.* Et ita quidem hic *diligentia* quidam & peculiaris gradus constituitur: quod & exactum officium dicitur in l. re mandata 21. *C. mandati*, quo scilicet aliena negotia geruntur, id est, geri debent, sic ut nequicquam in administratione neglectum ac declinatum culpa vacuum sit. (Ubi nonnulli legunt *neglectum*, aut *non declinatum*.) Et hæc tandem diligentie species in contractibus nisi adhibeatur, tertiam culpæ speciem constituit: quicquid nonnulli duas tantum culpæ species admittant: Quæ quidem *levissima* culpæ nomine notari potest: Quomodo unico juris textu

tu *levissima culpa* mentio sit, non quidem in materia contractuum, sed in argumento l. Aquiliæ, ab Ulpiano iisdem ad Sabinum libris in l. 44. D. ad leg. Aquil. ubi dicitur in l. Aquilia & *levissimam culpam venire*. Et si sunt qui levissimam ibi culpam eandem cum levi accipiunt arg. l. 30. §. ult. l. 32. eod. tit. Eademque diligentia includitur *omnis culpa* appellatione in l. a procuratore 13. Cod. mandati, ut recte Cujacius. Est ergo hæc tertia & peculiaris diligentie species, exactior scilicet quam in rebus suis: diligentia, inquam, pariter ut superiores, in faciendo vel non faciendo consistentes, Baronis enim jam sententia explosa est, qui diligentie vocem pro *custodia simpliciter* accipiebat: ac proinde de culpa ei opposita quæ in faciendo sit posita. Hæc illa tandem *diligentia* proprie dicta in octo contractibus hæc l. designatis ab Ulpiano desideratur: de quo postea. Et sic quidem de diligentie gradibus, culpeque speciebus. Ubi tamen adhuc notandum, *diligentiam* quandoque omni culpe opponi: ut l. si cum fundum 68. D. de contrab. empt. ubi in lpec. illius legis dicitur, si in lege dictum esset. Quod mercedis nomine a conductore venditori exegisset id emptori accessurum esse, in exigendo non solum bonam fidem, sed etiam diligentiam præstare debere, id est, ut non solum ab eo dolum malus absit, sed etiam culpa. Ex his tandem apparet, quam falsum sit, quod nonnulli dicunt, in quibus causis culpa levis præstatur, in iisdem & diligentiam quoque requiri. Quod quidem verum est de diligentia quæ respondet seu opponitur levi culpe, non quæ proprie ita dicitur.

Sequitur, ut aliquid etiam nunc moneamus de *Custodia*, quæ diligentie utique pars est, & sæpe eadem cum diligentia, cujus in hac materia frequens mentio sit: & ad quam ex contractu teneri quem penes quem res aliena momento est, passim dicitur, §. 3. *Instit. de emptione*, §. penult. & *ultim. Instit. quib. mod. re contr.* l. 1. §. 9. §. 6. D. *commod.* l. 13. §. 1. D. *de pignorat. act.* l. 2. *usufr. quem. caus.* l. 52. §. 3. *pro socio* l. 35. §. 4. *de contrab. empt.* l. 1. in princ. & §. 12. *depositi* l. 1. §. 1. l. 2. §. 3. l. 3. §. 2. *de periculo & comm.* l. 5. §. 4. *leg.* 17. §. 4. *de præscrip. verb.* l. 14. in princ. & §. 1. l. 10. 15. 48. §. 4. *de furtis*: inter alias notandæ maxime d. l. 12. 14. D. *de furtis*, quæ ex eodem ad Sabinum libro 29. desumptæ sunt. Igitur, *custodia* vocem triplici pariter significato efferi deprehendo. Primo quidem, omnis præstatio ea voce significatur ab Ulpiano d. l. 14. in princ. ubi inter alia dicitur, venditorem custodiam ante traditionem præstare, & a Gajo l. 2. §. 1. D. *de periculo & comm. rei vend.* ubi querit, qualem custodiam venditor vini ante admetiendi diem præstare cogatur (quam utique præstare debere definitur l. 1. §. 1. eod. tit.) utrum plenam, ut & diligentiam præstet, an vero dolum duntaxat: & definit, eam diligentiam venditorem exhibere debere, ut fatale damnum vel vis magna sit excusata. Secundo, custodia separatur & distinguitur a solo dolo, l. 10. §. 1. D. *commodat.* quæ est ex eodem Ulpiani libro 29. ad Sabinum: ubi dicitur, si rem inspectori dederim mea causa, dum volo pretium exquirere, dolum tantum mihi præstari; si ejus causa, non tantum dolum, sed & custodiam: Similiter §. ult. *Instit. de obligat. ex delicto* dicitur, cum apud quem res deposita est, custodiam non præstare, sed tantum in eo obnoxium esse, si quid dolo fecerit. Postremo, custodia opponitur & dolo & culpe

culpæ & vi majori, ut *l. fenus 19. C. de pignoribus*: ubi dicitur, sicut vim majorem pignorum creditor præstare non habet necesse, ita dolum & culpam, sed & custodiam exhibere cogi: item *leg. cum venderet 13. §. 1. D. de pignorat. act.* ubi dicitur, venire in eam actionem & dolum & culpam, ut in commodato, venire & custodiam, vim majorem non venire: ut & §. 3. *Instit. de empione*, ubi definitur, si homo venditus fugerit, aut subreptus fuerit, ita ut neque dolum, neque culpa venditoris intervenierit, attamen si custodiam ejus usque ad traditionem susceperit, ad ipsius periculum eum casum pertinere. Ulpianus quoque *l. 5. D. commod.* postea quam dixit §. 1. in commodato & culpam præstendam & diligentiam, subjicit §. 5. custodiam plane commodatæ rei etiam diligentem præstare debere. Paulus quoque *l. 3. D. de peric. & comm. rei vend.* ait venditorem talem custodiam præstare debere, quam præstent hi quibus res commodata est, ut diligentiam præstet exactiorem quam in suis rebus adhiberet. Theophilus *tit. de empione*, hanc custodiam vocat ἀκριβεστέαν καὶ περισσεύσαν παραποικίαν, diligentissimam & exsuperantem custodiam: ut & Græci, ad *l. 2. §. 1. de periculo & comm. rei vend.* φεικτικὴν ἀκριβοτέραν, custodiam diligentissimam. Ex his apparet, custodiam efferi modo pro diligentia omni, modo pro diligentia speciatim dicta, a dolo distincta, modo a dolo & culpa separata. Item apparet, custodiam in omnibus contractibus desiderari, sed diversimode. In deposito quippe ita custodia præstatur, ut intra custodiam præstatio omnis includatur: utpote cum eo fine hætenus depositum fiat: Est enim depositum, quod custodientium alicui datum est, *l. 1. D. depositi: & §. præsertim, Instit. quibus modis, D. contr. obl.* Alii contractus, etsi custodiam desiderant, non eo tamen hætenus fine fiunt, velve eo fine datur: in cæteris enim ferme contractibus præter custodiam administrationis quædam & gestio requiritur.

Et hætenus quidem de Diligentia & de Custodia: que duo etiam aliquando conjunguntur: veluti, cum a Gajo dicitur exactissima diligentia custodienda rei, *l. 1. §. 4. D. de obligat. & act.* & ab eodem *l. 2. §. 1. D. de periculo & comm. rei vend.* dicitur custodia plena, ut & diligentiam præstet: & ab Ulpiano *l. 5. §. 5. D. commodati*, custodia diligens: & a Paulo *l. 3. dist. tit. de peric.* custodia a venditore præstari ut diligentiam præstet exactiorem quam in suis rebus adhiberet. Denique Ulpianus *in l. 5. §. 9. D. commodati præsertim comparate*, & pronasque ponit custodiam & diligentiam. Nempe enim custodia diligentiz pars est: imo & custodia quandoque omnis diligentia expungitur, ut Tertullianus aliquis diceret.

Præstruatis ita superioribus, veniant nunc sub manum singuli contractus illi, 12. numero qui hac l. memorantur, & quidem eodem quo Ulpianus eos proposuit ordine, quem nonnulli perperam turbant: quidque adeo in singulis præstari veteres Jurisconsulti voluerint: ut ita definiri liquido possit quisnam illorum verborum, seu clausulæ interjecz. *In his quidem & diligentiam*, sensus sit, quoque ea referri debeat.

Ergo tres contractuum classes, seu species, generaque hic constituit Ulpianus: unam eorum, in quibus dolum duntaxat præstatur: alterum eorum, in quibus dolum & culpa, imo & diligentia insuper: tertium, ubi dolum & culpa tantum. Primi generis, seu in prima classe ponuntur duo, Depositum & Precarium. De his-
guis ordine.

1. In DEPOSITO igitur, dolum malum duntaxat seu solum præstari solere a depositario, definitur *h. l. & l. 1. §. 8. & ult. l. 13. §. 1. l. 16. 20. 32. D. depositi: l. 17. §. Papinianus, D. de præser. verb. l. 1. C. depositi* (quæ ex Codice quoque Gregoriana refertur ab auctore collationis legum Mosaicar. *tit. 10. l. 7.*) *l. 1. §. 5. D. de obligationib. l. 9. §. 1. D. de duobus reis: l. 5. §. 2. D. commodati: l. cum qui 14. §. 3. D. de furtis* (quæ ex eodem ut jam monui Ulpiani ad Sabinum libro desumpta est) *§. præerea 3. Instit. quib. mod. re contr. oblig.* His adde Modestini, Pauli in Sententis, Dialectici & Maximiani leges, apud eundem patiatorem legum Mosaic. *tit. 10.* At non etiam culpam præstat depositarius, ut Modestinus, *d. loc. & Justin. §. præerea, Instit. quib. mod. re contr. oblig.* seu non tenetur culpæ nomine, id est, desidii aut negligentiz, ut *d. §. 3.* Quare, etsi rem negligenter custoditam depositarius amiserit, securus nihilominus est, istiusque negligentiz seu *adversus à aquavis ignavia & negligentia* quomodo culpam Theophilus exprimit, nomine, non tenetur, *d. l. 1. §. 5. D. de oblig. & alt.* Denique non præstat custodiam, *§. sed is, Instit. de oblig. quæ ex delicto.* Quod mirum videri posset: quandoquidem nistam proprium est deposito, quam custodia; est enim depositum, quod custodiendum alicui traditur: verum meminisse oportet, quod supra prolixè ostendimus, custodiam, hic pro culpa accipiendam, & pro diligentia.

Et his tamen non obstantibus, quod depositarius dicatur duntaxat vel tantum dolum præstare, item non obstante eo quod expresse negatur, in deposito culpam vel custodiam, levem scilicet, nam id ita accipiendum, præstari; ut cæteroque lata culpa sub dolo comprehenditur, de quo supra, ita & depositarius de lata etiam seu de latiore culpa tenetur, *d. l. quod Nerva 32. D. depositi: & d. l. 1. §. 5. D. de obligat. & alien. §. is quoque, Instit. quib. mod. re contrah. l. 1. C. depositi:* seu de magna negligentia, quæ in doli crimen cadit *d. l. 1. §. 5.* Et hac tamen parte inter se JCU veteres aliquando dissenfere, ejusdem licet sectæ, Proculiani, inquam: Nerva quippe id ita censebat, quem secutus est Celsus: Proculus negabat, iis procul dubio rationibus quas mox reddam, præfacte acceptis. Qua ipsa etiam ratione quidam e JCU, in locietate quoque videntur dolum tantum exegisse, ut colligitur ex *l. 52. §. 2. l. 72. D. pro socio: & §. ult. Instit. de societate.* Ergo de lata culpa quoque tenetur depositarius; quæ admittitur, si depositarius in suis rebus *etiam* in deposito non ad suum (saltem) modum præstet, nec enim salva fide (quæ solennis in Jdice quoque rogando formula olim usurpata, teste Cicrone, *lib. 3. Offic. ita quæ salva fide facere possit*) minorem alienis quam in suis rebus diligentiam in custodiendo deposito præstat, *d. l. 32. Exempla* hujus latæ culpæ jam supra apposui, & quidem in deposito. Ratio autem, cur dolum tantum & latam culpam præstet depositarius, isthæc redditur ex parte depositarii, quia nulla in deposito, depositarii, sed solius domini deponentis utilitas vertitur: quam rationem & regulam reddunt & indicant idem Ulpianus in *d. l. 5. §. 2. D. commod. l. 1. §. 8. D. depositi:* Papinianus seu Ulpianus in *l. 17. §. 2. in fin. D. de præser. verb.* Modestinus, apud auctorem coll. *d. tit. 10.* sed & Africanus eam rationem & distinctionem adhibet *l. si servus 108. §. 12. D. de legat. 1.* Neque sua gratia depositum accipit, sed ejus a quo accipit, *d. l. 1. §. 5.* denique in suscipiendo deposito nulla mercede depositarius beneficiarius præstat, *l. 24. L. depositi:* ipseque onere gravatur, rei videlicet custodia suscepta. ut

Schollæſtes Harmenopuli & Theodorus Hermopolites *ad hanc leg.* ut proinde minus teneri eum æquum ſit, cui nihil in hoc contractu ſcritur, neque metitur, ſed beneficium unice præſtat. Redditur & hæc altera ratio ex parte deponentis petita, de ſe queri debere eum qui *negligenti* amico rem cuſtodiendam commiſit, *d. l. 1. §. 3. de obligat. & action. §. 1. Inſtit. quibus mod. re contrah. obl.* Ergo ſatis ſuperque eſt, ſi depositarius bonam fidem præſtet, ſi eam curam & cuſtodiam præſtet in deposita re quam in ſuis. Quod *exceptiones* attinet, quibus depositarius ultra dolum, latamque culpam quandoque tenetur, iis hunc tractatum onerare minus lubet, ne modum egrediamur: quod & ipſum faciemus in aliorum contractuum conſideratione. Tandem notandum, deposito hac in re æquari, ſi dominus rem ſuam alicui inſpiciendam dedit, pretii ſcilicet explorandi cauſa, idque ſua tantum cauſa, iſque eam rem perdidit, *l. 17. §. Papinianus, de præſcr. verb.*

2. **PRECARIUM** in eadem cum deposito claſſe hic ponitur: eique adeo exequatur. *Precarium* eſt, cum quid precibus petenti conceditur tamdiu, quamdiu iſ qui conceſſit, patitur, *l. 1. D. de precario*. Quid, inquam, puta res ferme immobiliſ, juſve aliquod, aut res precantis propria (veluti pignus a ſe datum) vel ſervus aut ancilla: Quod utique liberalitatis genus eſt, & donato ſimile, ut Ulpianus hoc eodem libro ad Sabinum ait, in *l. 14. §. is qui 11. D. de ſurt. & lib. 1. Inſtitut. l. 1. D. de precario*: imo & commodato ſimile dicitur, quanquam ab utroque diſtet, *d. l. 1.* & quidem ab hoc diſtinguitur in præſtationum argumento, de quo mox. Denique non eſt hic veras contractus, ſed quaſi, qua tamen ratione inter contractus *h. l.* collocatur. Ergo in precario (ſpæcit ut in deposito) nonniſi dolo præſtatur: ut præter hanc leg. teſtatur idem Ulpianus *d. l. 14. §. 11. & l. quaſtrum 8. §. 3. §. 6. D. de precario*. Exemplum doli hac in re Ulpianus *d. §. 5.* apponit: ſi iſ qui precario rogavit, ſervitute uſus non ſit, idque dolo fecerit. Adde, præter ut in deposito, & latam culpam dolo proximam, *d. l. 8. §. 3. §. 6. D. de precario*. At non etiam culpa præſtatur in precario: cui contrarium tamen dicendum videbatur: duplici ratione. Primo, quia precarium commodato, ut dixi, ſimile eſt, *d. l. 1. D. de precario*: Deinde ex diſtinctione illa veterum, quia ſolius accipientis utilitas in precario vertitur. Ex id tamen ita conſtitutam: Cujus rei ratio *h. l.* hæc ab Ulpiano redditur: quia totum hoc ſcilicet precarium ex liberalitate deſcendit: eas qui precario conceſſit, ut proinde ſatis ſit, ſi dolo præſtetur, *l. 8. §. 3. D. de precario*; cui concordat, quod precarium ad beneficii cauſam ſpectare dicitur: ad donationem potius accedere, quam ad contractum: magis ad donationis & beneficii cauſam quam ad negotii contracti ſpectare precarii conditionem, *l. 14. §. is qui precario 11. D. de ſurtis*: ex bona fide magis quam ex negotio contracto. *d. 1. D. de precario*: denique donato ſeu donationi ſimile eſſe: nam, ut donatio non eſt contractus, ſeu civilem obligationem non parit *l. 18. D. de donat. ita nec precarium, l. 14. §. 11. D. de ſurtis*, quæ ex eodem Ulpiani libro deſumpta eſt: cujus idem nomine incerti conditio competit, ſeu actio præſcriptis verbis, *l. 2. 19. §. ult. D. de precario 2.* Aliam hanc rationem reddunt, quod in precario, conceſſa ſeu donata tamdiu poſſeſſio intelligitur, *d. 15. §. cum qui 4. & alibi legib. ſir. de precario*; exitum in rei propriæ adminiſtratione culpa a examine exigi debet, *l. 18. D. ſolutio matr.*

mar. l. 11. C. mandati; & ut vis doctus id efficit, reponere culpam non satis custoditæ rei precariæ liberalitati repugnat, ex qua precarium proficiscitur, cum nemo alteri cogatur reddere rationem negligentia a se servatæ rei suæ vel donatæ.

Aliis, ut Campano, hæc ratio placet, quod quemadmodum qui precario dedit, in ea commoditate largienda liberalis extitit, is idem in culpa remittenda liberalis præsumitur. Quæ ineptissima ratio est. Aliis hæc ratio placet, quod nulla prope sit utilitas ejus qui precario rogavit, cum instabilis precarii usus sive possessio sit; quodcumque enim & intempestiva revocatione precarium per dominum rei revocari potest, *l. 1. in princ. l. 2. §. 3. l. 12. 15. in pr. D. de precar.* In quo sane cum deposito convenit, *l. 1. §. est autem, D. depositi: l. pen. C. eod.* Aliter atque in commodato, cui alioquin ut dixi, precarium simile est: nam & commodatum beneficii genus est. *l. 17. §. sicut autem, bis, D. commodati*: & usus alienæ rei in eo versatur, *sic commodati passim*; in eo quippe, ut primæ dubitandi rationi occurratur, simile commodato dicitur, quod & qui rem commodat, sic commodat, ut rem accipientis non faciat, sed ut uti ei re commodata permittat, ut dicitur *d. l. 1. in fin. de precario: l. 8. cum seqq. D. commodati*. Denique, utrumque gratuitum est, *§. item it, Institt. quibus modis re contr. obl.* Verum in eo dissimile est precarium, quod commodatum ad certum usum modumque utendum contractui habito datur: quoque non nisi finito res repeti potest per dominum, *l. 17. §. sicut, D. commodati: l. 2. C. eod.* seu certos habet terminos seu limites, qui semel constituti voluntate commodantis, mutari non possunt. Precarium vero nullos ejusmodi habet limites. Quare nil mirum, si in precario dolus tantum lateat adeo culpa præstentur, cui possessio seu usus ejus adeo instabilis sit, atque in momenta revocabilis ad nutum domini: ut æquum non sit, ulterius eum prægravari, cujus momentanea adeo possessio est: *Satisquo adeo sit, si dolus tantum præstetur, ut loquitur d. l. 8. Ut maxime* (quæ altera dubitandi ratio proponitur) fatendum sit, in precario solius accipientis utilitatem verti: Quinimo & sibi imputet dominus, qui quod poterat, non aliquo civilis negotii seu contractus vinculo alium commodato fore postulante adstrinxit, vel etiam a negligente possessore quod poterat non citius tempestivius rem revocavit. Ergo jam in precario fallit distinctio seu regula, culpam quoque præstari quoties accipientis solius utilitas vertitur, quæ alioquin proponitur vel indicatur tot locis: a Papiniano *l. 17. §. Papinianus, D. de præscriptis verbis*: a Gajo, *l. 2. §. 5. D. de oblig. & action. l. in rebus 18. in princ. D. commodati*: ab Ulpiano, *l. 5. §. 2. D. commodati*: ab Africano, *l. si servus 108. §. cum quid 12. D. de legat. 1.* ab Alferio sive Paulo, *l. 31. in fin. D. locati*: a Modestino apud *pariatorem, tit. 10. l. 1. a Justiniano, tit. quibus modis re contr. oblig.*

Verum hæc ratio, ut & pleraque superius dicta mihi nondum satisfaciant, neque rem in bono satis lumine collocant. Sane Ulpiani rationi adhiarendum, in *d. l. 14. §. 11. de furtis*, quæ huic coniungenda est, ut & secundæ quæ ab Interpretibus redditur, sed quas ita evolvo. In precario ideo dolus duntaxat præstatur, eo quod hæc liberalitas sit seu donatio: quæ scilicet possessio rei datur, donatur, *l. 15. §. cum qui, D. de precario*, conceditur (qua quidem etiam in re concedendæ res propria est *l. 1. in princ. & §. 2. l. 4. in fin. l. 6. §. 4. l. 7. 8. §. 3. l. 12.*

§. 1. de precario: l. 1. §. 11. de sinere aliquo priv. l. 163. infr.) et si non perpetuo jure habenda (precario enim id opponitur) attamen proprio interim quodam jure: precarium enim conceditur possidendum FIDEIQUE rogantis committitur, sic ut re tanquam sua qui precario habet, interim utatur, eamque possideat. Quare ab eo culpa exigi non debet, non potest, cum res ejus sit interim quodam modo: sed dolus tantum, quia reddendi conditio ei inest. Nam etsi rogantis arbitrio res utenda possidendaque conceditur, attamen ex fide bona oritur precarium, l. 1. §. 2. D. de precario: quæ in omnibus contractibus quibus vitæ societas continetur, præstanda est: de quo jam supra: Neque is qui precario rogavit, eo animo possessionem nanciscitur, ut credat se dominum esse, l. 13. §. 1. de Publiciana. Eadem proinde hic ratio, quæ in deposito, quod in utroque res in totum fidei arbitrioque accipientis deposita vel precario data committatur, concedatur.

Et ita quidem de prima contractuum classe seu specie, in quibus dolus tantum, quæque illi comparatur lata culpa præstanda veniunt. Sequantur nunc due aliae classes contractuum. Ac primo quidem eorum, in quibus præter dolum, latamque adeo culpam, culpa (levis scilicet) præstatur, imo & diligentia: nam eo pertinet generalis clausula, quæ h. l. post enumeratos quosdam contractus mox subjicitur, *In his quidem & diligentiam*. De qua nunc accuratius videndum est, quandoquidem de ejus sententia plurimum æstant Interpretes: imo & de lectione ejus. Pandectæ Florentinæ sane, ita, ut modo dixi, clare habent: At vulgare, LOCO QUIDEM, habent, QUIDAM: ut hic hujus clausulæ sensus sit, quæ post recensitam octo contractuum subdita est, quosdam tantum ex illis diligentiam recipere, seu in iis diligentiam præstari. Alii hac voce QUIDAM quorundam antiquorum opinionem referri autumant; quomodo eadem vox eodem hinc occurrit in l. 1. §. 1. D. de reb. cred. Alii hunc locum ita refingunt, *In quibusdam & diligentiam hos contractus recipere*, quasi id indicetur, non quosdam, non omnes contractus diligentiam recipere, verum quandoque, certisque casibus in illis diligentiam requiri. Qui, vocem *quidam*, & quidem ad vocem *contractus* relata tuentur, in varias adhuc scinduntur sententias. Sunt, qui ad solum commodatum id referunt: Male omnino: aperte enim JCtus de pluribus sensit contractibus; IN HIS, inquit, idque tot etiam aliis juris textibus refragatur, ubi in aliis quoque contractibus diligentia requiritur, ut postea ostendetur. Alii, in quibus & Cujacius, hanc clausulam restringunt ad quatuor contractus, commodatum, mandatum, negotiorum gestionem & tutelam. Alii ad tria priora, non ad tutelam: Alii, ut Scholiastes Harmenopoli ad hanc regulam, ad mandatum, commodatum & tutelam. Alii ad duo, mandatum & commodatum. Putaret quis, nisi omnis juris ratio obstat, longe probabilius ex filo orationis, hanc clausulam pertinere ad tres tantum postremos contractus ultimo loco nominatos, enumeratos: quandoquidem, ubi ad eos ventum est, nova periodus ita concipitur: ITEM *dotis datio tutela & negotia gesta*: quibus illico subjiciuntur hæc, IN HIS *quidem & diligentiam*. Verum prava hæc omnia sunt: nam ut postremam conjecturam primo loco convellamus, non in illis tribus tantum, sed & in aliis diligentiam, seu levissimam culpam leges aperte præstari volunt. Quod alias vero Interpretationes illas attinet, quibus ad quosdam tantum ex superioribus contractibus,

bus,

tia a procuratore fisci exigitur, l. 3. §. 5. *D. de iure fisci*. 2. Omnisque culpa, excluso tantum casu improviso, i. fortuito, praestari in mandato dicitur, d. l. 13. *Cod. mandati*. 3. & Constantinus in *dil.* l. 21. ait, aliena negotia exacto officio geri, nec quicquam in eorum administratione neglectum ac declinatum culpa vacuum esse. Ait, *exacto officio*; quod idem valet quod exactissimo; quomodo & exacta & exactissima diligentia custodiendae rei in commodato praestari dicitur a Gajo l. 3. §. 4. *D. de oblig. & act.* & exinde §. 2. *Instit. quibus mod. re conit.* exactior diligentia & custodia quam in rebus suis praestari in vendito, a Paulo l. *custodiam* 3. *D. de peric. & commod. rei vend.* Inquires, in Ulpiani l. 8. §. ult. *D. mandati*, mandatarium non nisi de dolo & lata culpa teneri. Responsio parata; in mandato, quod ibi proponitur hominis emendi, mandatum negligi non nisi dolo vel lata culpa; Aliter atque si ex mandato servus emptus fugit: tum enim, non dolus tantum, sed & culpa (levis scilicet) praestatur, eo ipso §. ult. Dices secundo, in Ulpiani l. 30. *D. mandati*; si procurator fundum emit, nihil amplius quam bonam fidem praestare eum oportere qui procurat. Facilis responsio: non alio scilicet sensu id dicitur, quam quomodo eodem tit. a Paulo, l. 59. §. 1. *D. mandati*, in omni contractu bonam fidem praestari oportere. Quousque autem bona fides haec sese porrigat, id ex natura contractus cuiusque dimetiendum est. Tertio objicies, eundem Ulpianum libris Disputationum in sp. l. *si fideiussor* 29. in *princ. D. mandati*, asserere, dissolutam tantam negligentiam praestari. Obvia responsio, & similis cum prior; nempe, factum, de quo ibi agitur, non esse tale ut industriam requirat, & non nisi dolo aut per dissolutam negligentiam admitti, atque adeo non nisi tum plecti: puta si fideiussor conventus sciens praetermisit exceptionem doli, vel non numeratae pecuniae: si ignoravit, nihil est quod ei imputetur. Imo & in §. 4. *eiusdem l. si fideiussor* quaedam tamen sciens omittere sine fraude potest: ut puta si procuratoriam exceptionem omisit, sive sciens sive ignorans: de bona fide enim agitur cui non congruit de apicibus iuris disputare: sed de hoc tantum, debitor fuerit nec ne. Quarto objicies, quod Paulus scribit in l. *naturalis* 5. §. 4. *D. de praescript. verb.* mandatum naturam suam excedere, si mandetur, ut & custodiam mihi praestes. Verum id non est accipiendum de culpa levissima, quod Accursius putavit; verum, quod Cujacius recte, loci hujus sensus idem est, qui legis 1. §. *quod si rem* 12. *D. depositi*: si tibi mandavi, ut rem meam perferres ad Titium, & Titio eam non recipiente, eam mihi custodires, Titiusque eam non receperit, teneri te mihi mandati, non depositi: & sic ex pacto mandatum posse etiam depositi legem recipere, & causam, & sic naturam suam egredi, ut depositum suam naturam egredi potest l. *Lucius, D. depositi*: locatum, suam, l. *in nave, D. locati*. Adde & similem alteram custodiam legem in mandato, *eadem l. 1. §. 13. proxime seq. depositi*.

Haecenus objectiones ex legibus petita, quibus videbatur effici, in mandato non nisi dolum & culpam latam praestari oportere. Rationibus quoque pugnatur: Primo, quod in mandato solius mandantis, ut plurimum, utilitas vertatur (nam de eo mandato hic agimus) ut in deposito deponentis, ubi tamen dolus tantum lataque culpa praestantur. Secundo, quod is qui mandatum suscipit, beneficium & officium praeficit: atque ideo aequum non sit eum praegravari, eique officium suum damnosum esse,

se, quod utique fieret: si ad tam exactam diligentiam culpæque gradum teneretur: Imo dic, quæ Ratio hic decidendi est: depositum in sola fide amici alicujus, velut alterius sui, delecti consistere, cui rei suæ custodiam committit: cujus non alius modus est, quam is ipse quem rebus suis amicus adhibet. At qui mandatarium deligit, non jam velut amicum tantum, sed ut peritum agendi, gerendi, ad curandam deligit, vel admittit lese offerentem: proinde mandati fides adimpleri nulla tenus potest, nisi exacta prout res est diligentia, quam omnem in se recepisse una cum mandato videtur: & in mandato suscipitur onus officii, omnisque adeo turpis in eo culpa est, quod duas res sanctissimas violat, non amicitiam tantum, sed & FIDEM, ut recte Tullius *pro Sex. Roscio*, insigni admodum loco, ubi hanc in rem plura: & ut Comicus in *Mercatore* ait; *Rei mandata omnes sapientes primum pravorum decet: Pravorum*, i. potiorum & antiquiorum esse mandatis rebus quam pro priis curam adhibendum, quæ vox *pravorum* eo sensu passim apud eundem occurrit. Denique, qui mandatam suscipit, fidem plenissimam & accuratorem spondere creditur, eaque re dominum de alio forte diligentiore querendo securam esse jubet. Qua ipsa ratione, si quis se deposito non rogatus obtuleris culpam & custodiam præstare tenetur, l. 1. §. *sepe* 35. *D. depositi*.

Ex hoc interim quoque exemplo Ulpianique mente apparet, quam fallax sit regula sive distinctio, in his contractibus qui unius tantum gratia fiunt, dolum tantum præstari, de qua jam supra, quæque aliquin continetur l. 5. §. *nunc videndum* 2. *D. commodati*: l. 108. §. 12. *D. de legat.* 1. l. 31. *locati*: & apud Molestinum referente pariatore, d. *via*. 10.

2. COMMODATUM mandato proxime subicitur: inque eo dolum & culpam pariter præstari dicitur ab Ulpiano, *hac l. & tribus præterea ejusdem legibus: puta l. si in certo* 5. *D. commodati*: l. 8. §. 3. *D. de precario*: l. 13. §. 1. *D. de pignorat. act.* ubi etiam pignori hac in re exæquatur. Imo in commodato diligentiam quoque præstari, clausula illa generali, *In his & diligentiam*, huc quoque pertinente, indicatur. 2. Et profecto custodia in commodato præstari dicitur ab eodem Ulpiano eod. lib. 29. ad Sabinum, d. l. 4. §. 10. 15. *D. de fureis*: 3. custodia diligens, ab eodem d. l. 5. §. 5. & 9. *D. commodati*: 4. custodia & diligentia rei commodatæ a Paulo, 2. *sentent.* 5. custodia & diligentia exactior quam in rebus suis a Paulo, *in leg.* 3. *D. de periculo & commodo rei vend.* 6. exactissima diligentia custodiendæ rei a Gajo l. 1. §. 4. *D. de obligat. & action.* pro quo habet §. 2. (qui exinde desumpta est) *Infir.* quib. mod. re contrah. obligat. exacta, quod idem valet: neque ibi vox exactissima substituenda, quod Hotomannus voluit, ex libro MS. uti retro, non admitto responsionem cujusdam, pro tuenda lectione vulgata, perpendentis ibi vocem SANE: *sane quidem exactam diligentiam*, pro valde: quomodo idem ad leg. 5. §. 1. custodiam plane diligentem, diligentissimam interpretatur, quasi articuli sane, & plane addunt & augent gradum. Quod insubium est: 7. culpa & diligentia, ab eodem Ulpiano d. l. 5. §. 2. *in fin.* *D. commodati*: 8. culpa & omne periculum, *dict. l. 5. §. 2. in princ.* 9. Sic, ut non sufficiat eam adhibere diligentiam quam suis rebus adhibet, si alius diligentior *et ipse commodatarius* custodire potuit, d. l. 1. §. 4. *D. de obligat. & action.* & d. 5. 2. *Infir.* 10. Denique ea diligentia requiritur,

ritur a Gajo, qualem quisque diligentissimus paterfamil. adhibet, *l. in rebus 18. in princ. D. commodati*: 11. a Paulo certe exequatur in eo, vendito, *d. l. 3. D. de periculo*: ut ab Ulpiano pignori, *d. l. 13. §. 1. D. de pignor. action.* Et alibi idem Ulpianus plus in commodato quam in vendito pignoreque præstari ait, veritatem Q. Mucii in eo sententiam securus, lib. 28. ad Edictum, in *d. l. si ut certo loco §. 5. 2. in fin. D. commodati*: in his duobus quippe culpam tantum præstari ait: in commodato vero culpam & diligentiam. Et contra tamen idem plus in pignore exigere videtur lib. 38. ad Edictum in *d. l. 13. §. 1. D. de pignor. act.* cum scribit, *venire in actione pignoratitia & dolum & culpam, ut in commodato: venire & custodiam.* Verum, verba illa, *ut in commodato* medio loco posita non minus referri possunt ad postrema illa *venit & custodiam*, quam ad priora. Ergo est ubi Ulpianus hac in re contrarius sibi fuit: & Jurisconsulti inter se dissentire, ut apparet ex *d. l. 5. §. 2. Quomodo & dissensus fuit*, in eo casu, quo commodatum utriusque gratia fit: nam apud quosdam scriptum inveniebatur, dolum solum eo casu præstari: contra Gajus in *l. 18. in fin. princ. D. commodati* æstimationem fieri solere ait, ut in rebus pignori datis & in dotalibus. Ulpianus sane noster in *l. 5. §. 10. D. commodati*, solum dolum præstari ait si sua causa quis commodet.

Ergo plus aliquid in commodato præstari voluit Ulpianus, quam in pignore aut vendito; libris videlicet ad Edictum: contra, libris ad Sabinum, & hac quidem lege, hos contractus exequat, relata etiam clausula illa, *In his & diligentiam*, ad omnes illos contractus. Ad rem. Ergo culpa & diligentia in commodato præstatur. Cujus rei ratio redditur ab Ulpiano *d. l. 5. §. 2. D. commodati*: quod commodatum plerumque, id est regulariter, solam utilitatem continet ejus cui commodatur. De solo igitur periculo casus fortuiti non tenetur commodatarius: periculo, inquam, casus fortuiti. Alio quippe sensu, ut objectioni occurrat, præter culpam, omne periculum ad eum pertinere dicitur *d. l. 5. §. 2. in princ. D. commod.* ut & ad ejus heredes, *l. & non tantum 19. in princip. D. de hered. petit.* vel in commodato, commodatarii periculo rem alienam esse, ab eodem Ulpiano hoc ipso libro ad Sabinum in *l. cum qui emit 14. §. qualis ergo 16. D. de furtis*: id enim non de periculo casus fortuiti, ut putabat Cujacius, accipiendum est, verum de custodia & diligentia, deque præstatione ex fide bona: cujus etiam periculi vatii gradus sunt, ut ex recensu trium contractuum *d. l. 19.* liquet. Verum de hac *periculi* appellatione jam supra plene.

3. VENDITUM sequitur proxime post Commodatum & Mandatum: interque eos contractus recensetur, qui dolum & culpam recipiunt. In re scilicet vendita post perfectam venditionem, neque dum tradita, dolum & culpam a venditore præstari definit *h. l. Ulpianus*, idemque *l. 5. §. 2. commodati*: idemque, *§. cum autem 3. & prox. Infit. de emptione*: ubi dicitur, quidquid sine dolo & culpa venditoris accidit, in eo venditorem securum esse, neque custodiam (quam Theophilus ibi interpretatur τῇ κληρονομίᾳ καὶ οὐκ ἐπὶ τῇ παραρρησίᾳ diligentissimam, & exuperantem custodiam) servi forte, debere, nisi eam promiserit. Et tamen 1. Ulpianus diligentiam in hoc contractu requirit hac generali clausula, *In his quidem & diligentiam*, 2. Et sane idem Ulpianus hoc ipso libro 29. ad Sabinum, in *l. 14.*

in princ. & §. 1. D. de furtis. custodiam venditorem ante traditionem præstare ait.
 3. Idemque Ulpianus libro proxime præcedente 28. ad Sabinum, *in l. 1. §. 1. D. de periculo & comm. rei vend.* pariter venditorem custodiam præstare debere ait.
 4. Custodiam & diligentiam præstare Paulus *l. 36. D. de action. empti*: sic ut venditor ad custodiam & diligentiam exactiorem teneatur quam in rebus suis: custodique talis desideretur, qualem bonus paterfamil. suis rebus adhibet, quam si præstiterit, & tamen rem perdididerit, securus esse debet. *§. Gajus quoque l. 35. §. §. res 4. D. de contrab. empti.* custodiam plenam & diligentiam præstet. 6. Solo fatali damno vel vi magna excepta, ut idem Gajus *l. 2. D. de periculo & commodo rei vendit.* ubi Græci recte vertunt *πολλὴν ἀρρίστητάτην* Custodiam accuratissimam 7. Custodiam talem, qualem præstant hi quibus res commodata est, sic ut diligentiam præstet exactiorem quam in suis rebus adhiberet, ut Paulus *lib. 5. ad Sabinum l. custodiam 3. cod.* 8. Diligentiam in re custodienda quam debent homines frugi & diligentes præstare, ut Alfenus Varus *l. 11. cod.* 9. Id quod prudens & diligens paterfamil. facturus esset, *l. 54. D. de actione empti.* Custodie porro & diligenti hujus pars esse dicitur in venditore ædium, damni infecti stipulationem interponere, a Paulo in *d. l. venditor 36. de action. empti*: & ab eodem in *l. 18. §. 8. 9. D. de damno infecto*: ubi ait exerte, dum venditoris custodia est, eum stipulari debere, omnemque diligentiam emptori præstare. Et contra tamen, idem Ulpianus libris ad Edictum in *d. l. 5. §. 2. D. commodati*, diligentiam in vendito non requirebat, & in eo a commodato separabat: adsumpta pro ratione regula, quia in hoc contractu utriusque utilitas vertitur: ut & Labeo, in *l. §. servus 54. seu penult. D. de action. empti*, ad dolum malum duntaxat & culpam venditoris dirigendam rem ait. Ergo hac in re variavit Ulpianus.

4. PIGNORI acceptum in eodem contractuum censu in quibus dolus & culpa præstatur, ponitur ab Ulpiano *hac l. quod & ipsum definitur l. 5. 6. 7. C. de pignor. act. l. §. 1. C. de pignorib.* ab eodem Ulpiano iisdem libris ad Sabinum *l. 14. §. 6. D. de furs.* libris ad Edictum: puta *l. 5. §. 2. D. commodati: l. §. cum venderet 13. §. 1. l. 25. D. de pignor. act. l. 9. §. 5. D. de reb. auct. jud. poss. a Paulo, l. 30. de pignor. act. & §. 5. Instit. quib. mod. re contrab. oblig.* 1. Neque tamen solum dolum & culpam (levem scilicet) sed & custodiam in pignore creditorem exhibere cogi a Imp. in *d. l. §. 1. C. de pignor. act.* 2. Et Ulpianus noster *lib. 38. ad Edict. in d. l. §. cum venderet 13. §. 1.* in actione pignoratitia venire & dolum & culpam ut in commodato; venire & custodiam. 3. Idemque *lib. 30. ad Edict. in l. 22. in fin. D. de pignor. act.* id spectari vult in creditore, si sine dolo & culpa, & ut paterfamilias diligens gessit. 4. Et Paulus in *l. 14. D. de pignor. act.* discrete in pignore exigi a creditore ait ea que diligens paterfamilias suis in rebus præstare solet. 5. In *l. 8. Cod. de pignor. act.* culpam & legnitiam in pignore spectari dicitur: ubi segnitia est *αργία inertia*, cum non accurate; omnia sunt geruntur. 6. Et vero hæc ipsa quoque Ulpiani mens fuit *h. l.* hac generali clausula subdita, *In his quidem & diligentiam.* Et Gajus tamen in *l. 18. in princ. D. commodati* in contraria sententia fuisse videtur, ubi & pignus cum rebus dotalibus comparat, culpæque estimationem sicut in rebus dotalibus fieri ait. Quomodo & ipse Ulpianus *lib. 28. ad Edictum comparat l. 5. §. 2. D. commod.* cum dote, dolumque &

culpam in his præstari ait: aliter atque in commodato, ubi diligentiam insuper requirit. Ea ratione, quia in hoc contractu utriusque utilitas vertitur. Et Modestinus pariter apud pariatorem legum Mosaic. *ist. 10. l. 1.* fiduciam & rem uxoriam adequat, & in hac actione dolum & culpam deduci scribit: eadem ratione seu regula juris, quia utriusque utilitas in eo intervenit. Quid Justinianus? §. *ult. Instit. quibus modis re contrah. oblig.* eadem semper ratione ait, placuisse iussicere, si ad rem pignori acceptam custodiendam exactam diligentiam (*τοὴν ἐπιμελειαν αὐτῆς*) creditor adhibeat: quam si præstiterit, & aliquo fortuito casu amiserit, securum esse. Quo loco *exacta diligentia*, est diligentis patrisfamilias pariter ut §. 2. *cod. ist.* Noque adfentiendum Cujacio 19. *obs. 4.* & recit. ad d. l. *sunt 19. Cod. de pignoris.* qui ita distinguebat: nempe, ut si pignus tantum creditoris gratia contrahatur, cum videlicet debitor ultro creditori non petenti pignus obtulit, exactissima diligentia præstetur, seu levissima culpa; sed si debitoris quoque causa datum sit, eo casu creditor nonnisi exactam diligentiam, id est, levem culpam præstet. Hanc enim distinctionem & juris ratio refutat, & superiores textus qui indistincte loquuntur. Ut & Græcorum distinctio, quam Continus probabat, inanis est; quod creditor ante liberatum & solutum pignus exactissimam diligentiam præstare teneatur: postquam vero luitio & repignoratitio facta est, exacte tantum diligentie levique culpæ nomine teneatur, quod hoc casu non ut pignus, sed ut depositum apud creditorem maneat. Quod recte alii jam refutarunt: nam & in deposito levis culpa non præstatur, neque distinctio illa, non magis quam Cujaciana, ullibi occurrit, imo cerebrina est, meraque harioatio. Ego conciliationis nullam aliam rationem reperio, quam in eo discussisse JCTos, imo & Ulpianum variasse: Quod etiam indicare videatur Imp. d. §. *ult. Instit. cum PLACUISSE ait.*

§. LOCATUM Conductum in eodem contractuum censu qui dolum & culpam (cujus species singularis extat in l. *si merces 25. §. culpa 4. D. locati*) recipiunt, ab Ulpiano h. l. locatur: pariter ut a Labeone l. 60. §. 7. *D. locati*, ubi additur *præter diserte*, non ultra teneri conductorem: & ab eodem Ulpiano lib. 14. ad Edictum, l. 3. §. 1. *D. naut. camp. lib. 28. l. 5. §. nunc videndum 2. D. commod. lib. 32. l. 9. in princip. & §. 3. §. & leg. 11. in print. D. locati.* Gajo, leg. 25. *in princip. D. locati*, sic quidem, ut diserte Ulpianus, d. lib. 28. ad Edict. in d. l. 5. §. 2. diligentiam non requirit in locato, eaque in re id a commodato separet: addita semper ratione, quia in hoc contractu utriusque utilitas vertitur. Paulus quoque 2. *sent. 18.* custodiam horreorum non præstare conductorem ait, & l. 55. *D. locat.* Et tamen clausula illa generalis hujus l. *In his quidem & diligentiam*, huic quoque contractui aptanda venit, ex Ulpiani mente lib. 29. ad Sabinum: quo ipso libro in l. 14. §. 12. *D. de furtis*, alioquin generatim dixit, cum qui conduxit, furti actionem habere, si modo culpa ejus subrepta sit res. Sic enim 1. & l. *in judicio 28. Cod. de locato*, definitur, in hoc judicio venire dolum & custodiam, non etiam casum cui resisti non potest. 2. Et aperte Gajus, culpam abesse dicit in l. *si merces 25. §. qui columnam*, *D. locati* (qui textus est de operis locatis) si omnia facta sunt, quæ diligentissimus quisque observaturus fuisset. 3. Et & §. *ult. Instit. de locazione* (qui

TEXTUS

textus est de usu vestimentorum, argenti, jumenti conductione) talis custodia desideratur, qualem diligentissimus paterfamilias (*οὐδὲνα νομίσταται & valde accuratissimus*, ut Theophilus) suis rebus adhibet; quam si præstiterit, & aliquo casu fortuito eam rem amiserit, de restituenda non tenetur. Fuit ergo & hac parte dissensus inter JCtos: Imo & ipse Ulpianus variavit: quæ res fecit, ut & Cujacius quoque variaret: Valere enim jubeo Decii, Contii & Hotomanni distinctionem inter conductorem rei & operis: ut in illa levis tantum culpa præstetur, in hoc levissima: eam enim clare destruit *d. §. ult.* Valere jubeo Martini conciliationem, quam Glossa refert, & Alciatus probavit ad *l. 226. D. de V. S.* & Carolus Molinæus *tractatus de eo quod interest*, aliique ad *§. penult. Inst.* distinguunt inter rem quæ interverti & depretiari facile potest, & ut alii efferunt, fragilis, quæ facile frangi potest, vel luti columna, aut dolium & tignum: & inter rem quæ non nisi difficulter atteritur & intervertitur, ut fundus, ædes, simulisque res: primo casu præstandam culpam levissimam: secundo, levem tantum. Nam JCtus in *d. §. fin.* ubi egit de columna, ait, idem posse transferri, id est, adcommodari, ad CÆTERAS RES. Alii vim ponunt in qualitate conductionis, i. in pollicitatione præsumpta ipsius conductoris, qui promisit in conducendo artem sive peritiam quandam singularem: hic enim imperitiam quamlibet culpæ adnumerari.

Hactenus veri contractus, in quibus dolus & culpa, imo & diligentia præstatur: Nunc subjunguntur tres quasi-contractus ejusdem generis, repetito sermone, novaque & peculiari enunciatione: ITEM *Dotis datio*, *Tutela*, *Negotia, gesta*.
 6. DOTIS datio (inestimatæ scilicet *adiuturæ*, ut recte hic scholiastes Harmenopuli) primo loco occurrit, quæ quidem etiam inter contractus hic numeratur: sicut & in *l. exigere 65. D. de judiciis*: & contrahi dos dicitur, *l. r. de jure dos.* Igitur maritus, in rebus dotalibus, seu in rei uxoris actione (ut ait Modestinus) & dolum & culpam præstat: ut Ulpianus *h. l.* definit, idemque *lib. 28. ad Edictum, in l. §. 2. D. commodari*: ubi & emptioni, locato, pignori, societati eam exæquat; ut & Paulus in *l. 17. D. de jure dot. l. 25. §. 1. solutio matrim. l. Marcia 49. in princ. & §. 1. eod.* Pomponius *l. 9. l. etiam 18. §. 1. l. ult. D. soluto matrim.* Javolenus *l. 66. in princ. eod.* ubi singulare exemplum culpæ memorat, simul & sententiam Publii Mucii & Servii: Modestinus item *apud Pariatorem*, ubi & cum fiduciæ judicio comparat: & Ulpianus diserte *lib. 31. ad Edictum, in l. si consente 24. §. 5. D. solus maritum*, uxorem eam demum diligentiam a marito exigere, quam suis rebus exhibet, nec plus posse: & Gajus *l. in rebus 18. in fin. princ. D. commodari*, culpæ æstimationem faciendam sicut in rebus pignori datis æstimari solet, & in commodato. Ergo non eam culpam, quam alius diligens paterfamilias. Imo ea in re Ulpianus noster libris ad Edict. in *d. l. §. 2. a.* commodato eam diserte separat: & rationem reddit Ulpianus *ibid.* ut & Modestinus *apud Pariatorem*, quod in dote utriusque utilitas vertitur: cum tamen Paulus, in ipsa re consentiens, dicat, in *d. l. 17. D. de jure dot.* maritum sua causa dotem accipere: & ideo tam dolum quam culpam præstare oportere. Sed id contrarium non est. Verum equidem est, dotem dari ab uxore, ut maritum reperiat, sed maritus non ob utilitatem aliquam uxoris eam accipit; sed ob suam unius: neque accipiendo uxori gratificatur,

eat, ut depositarius deponenti gratificatur in negotiorum gestorum actione: Et sane verior & adæquata causa est, quam idem Ulpianus indicat *in d. l. 24. §. 9. soluto. matrim.* quod uxor eam demum a marito diligentiam exigit, quam rebus suis exhibet, *nec plus possit* (exigere scilicet): Ac si diceret, nullam juris rationem aut æquitatem pati, uti mulier quæ suammet personam fidei-mariti commisit, majorem in rebus suis adeurandis fidem quam in propriis rebus maritus adhibere solet, ab eodem exigit. Quo simili argumento & ratione fidejussores dotum a maritis exigi non possunt, *sic. C. ne fidejuss. dos.* His motus vir doctus Burgius a. *Elect.* 12. cum Florentinam lectionem tueretur, *In his QUIDEM & diligentiam*, putabat hac sola dotis datione excepta *diligentiam*, ejus hic fit mentio, in contractibus venire. Et 1. Ulpianus tamen *hac l.* in hoc quoque contractu diligentiam præter dolum & culpam requirit. 2. Sed & Paulus *lib. 7. ad Sabinum, in l. in rebus 17. D. de jure dotium: In rebus.* inquit, *dotatibus virum præstare oportere tam DOLUM quam CULPAM, quia causa sua dotem accipit: sed etiam DILIGENTIAM præstabit, quam in suis rebus exhibet.* Verum, quod hunc Pauli locum atinet, *diligentia* ibi alio sensu quam *hac l.* effertur: hac quippe lege diligentiae vox significat diligentiam diligentis alterius patrisfamilias, & sic culpæ levissimæ oppositam, ut cæteroquin dolo & culpæ subjicitur. Hoc vero Pauli loco discrete diligentia ad modum suum exigitur. Quare diligentia hic non opponitur culpæ levissimæ, verum quidam gradus est ad culpam evitandam: non satis scilicet est culpa vacare, non culpolum quid admittere, sed & diligentia insuper in faciendo æstimator. Nisi hæc conciliatio placet, tum omnino ibi reponendum, *sed eam non, sed etiam*, ut ita limitationis culpæ vicem id obtineat, non ampliationis.

TUTELA sequitur, quæ & ipsa contractibus hic annumeratur, sed ævera quasi contractibus accensetur in *Instit.* In ea igitur dolus & culpa pariter præstari dicitur ab Ulpiano *hac l.* & a Papiniano, *l. 18. D. de tutela & rat. distrab. & l. 4. §. Cod. arbit. tutela* culpa, inquam, lata & levis, sive quid minores amiserint, sive cum possent tutores non adquisiverunt, *l. 2. & l. quidquid 7. C. arbit. tut. l. tutori 20. C. de negot. gest.* Imo & diligentiam in tutela præstari, sequentibus textibus & argumentis conficitur. Primo ex Ulpiani sententia *hac l.* clausulaque illa generali. *In his quidem & diligentiam*, quæ hic mox subjicitur. Secundo, idem Ulpianus *lib. 49. ad Edictum in l. 10. D. de admin. tutor.* tutorem facere teneri indicat in descendendo pupillo, quod quisvis paterfamilias idoneus facit. Tertio, Callistratus, *in l. a tutoribus 33. in princ. cod. tit.* eandem a tutoribus diligentiam exigendam esse ait, circa administrationem rerum pupillarum, quam *paterfamilias* rebus suis ex bona fide præbere debet. Quarto, in *d. l. tutori 20. Cod. de negot. gest.* tutor a negotiorum gestore distinguitur, qui præter dolum tamen, latamque culpam, & levem præstare necesse habet: atque adeo aperte in illa *l.* tutor in plus teneri dicitur, quam negotiorum gestor: Hic denique tutoris administrationis finis est, ut *ibid.* dicitur. Quinto, in *l. tutoribus 4. C. de periculo tutor.* tutor fortuitis tantum casibus non subjici dicitur. Et obijciunt tamen aliæ leges, quibus tutor non ad levissimam culpam tenetur. Primo, in *d. l. 2. Cod. arbit. tut.* præter dolum, latæ culpæ tantum & manifestæ negligentiae mentio fit, & ad id tantum tutorem alligari dicitur.

aitur. Respondeo; in sp. illius l. iniquam omnino rem visam si ultra teneretur tutor: propter conditionem videlicet rei. Quare etiam qui tutorem de levi tantum culpa teneri sinit, hunc casum singularem volunt: qui tamen ipsi consuetudo errore sub levi culpa ponunt diligentiam diligentis patrifamilias, atque adeo ad eam quoque culpe speciem tutorem teneri volunt. Similis responsio ad sp. l. tutor qui reperiturum 7. §. 2. de administr. tutor. ubi tutor nonnisi ob dolum vel solam latam negligentiam teneri indicatur: ubi ideo additum. IN HAC PARTE tutorem solam latam negligentiam prestare: nempe in emptione prædiorum. Tertio obijciunt idem Ulpianus, qui lib. 36. ad Edictum in l. 1. in princ. D. de tutela & rationibus, præter dolum & culpam, diligentiam quantam in suis, in tutela iudicio præstari ait: non ait diligentiam quantam diligens paterfamilias alius in rebus suis adhibet. Græci pro conciliatione adiungunt in d. l. a tutoribus 33. Quid si tutor sit in re sua negligens an excusabitur? Non. Dicamus nos, quemque diligentem in rebus suis præsumi, pariter ut alius diligens paterfamilias. Quare hæc duz formulæ sæpe æquipollent *οὐδὲν ἧσσον*. Quarto obijciunt Paulus, qui in l. 53. §. 3. D. de furtis, diligentiam præstari indicat, non ab omni tutore, verum ab eo qui sponte unus ex pluribus tutoribus testamento datus, oblata satisfactione solvi administrationem suscepit. Quod, seu rationem validissimam, nonnulli urgent, ut efficiant tutorem de levissima culpa non teneri, aliter atque in mandatario & negotiorum gestore: quod hi sponte suscipiunt negotia, at tutoribus & curatoribus invitis administrationis officium imponitur, l. tutori 20. C. de negot. gest. Cui imo oppono rationem quæ ea l. continetur. Ex his jam apparet 1. & veteres Ictos hac parte inter se dissensisse: 2. & casus quosdam singulares notari, quibus diligentia seu levissima culpa a tutore non præstatur: 3. & in hac re formulas illas, *diligentiam quantam in rebus suis*, & *diligentiam diligentis patrifamilias* aliquando pro eodem usurpatas. Certe & Cujacius quoque hac in re variavit, quod inter variantes ejus sententias notatur.

8. NEGOTIA GESTA in eodem sensu hic collocantur ab Ulpiano, quo dotis datio & tutela, eorum videlicet contractuum, vel potius quasi contractuum, in quibus dolus & culpa in genere præstatur, seu qui dolum & culpam recipiunt. Quod ipsum etiam definitur a Pomponio ad Q. Mucium in l. si negotia 11. D. de negot. gest. per indefinitam culpa appellationem: & quia casum tantum excludit. Pariter ut in l. fideiussor 32. eod. tit. Culpa, inquam, præter latam, quæ dolo æquiparatur, levis, l. tutori 20. C. de negot. gest. l. quidquid 7. C. arbitri. tut. In quarum priore etiam nonnulli, levis appellatione levissimam quoque culpam contineri asserunt. Sane diligentiam quoque in hoc contractu præstari voluit h. l. Ulpianus, generali illa clausula, quæ mox subijciunt. 1. Ideo & Julianus in l. 6. §. ult. D. de negot. gest. a negotiorum gestore exigere dicit quod vir diligens etiam gesturus fuerit: 2. & §. sicut autem 1. Inst. de oblig. qua ex quasi contr. teneri dicitur ad exactissimam diligentiam, *ακριβοτάτην καὶ υπερεκπαισμένην οὐκ ἐλαφίστην ἀκριβοτάτην & εὐπεριεργότεραν diligentiam*, ut Theophilus vertit. 3. Et l. si mater 24. C. de usur. omnem diligentiam præstare debere, cujus l. speciem notandum est esse in forma matre. 4. Exactam; apud Paulum 1. sentent. tit. 4. §. Nec sufficit, ut d. §. 1. Instit. eod. Subijciunt, talem diligentiam adhibere qualem suis rebus adhibere solet; si modo alius dili-

diligentior eo commodius administraturus esset negotia : & ut ibidem Theophilus *maximeque circumloquitur*, non ex gestoribus, verum ex alterius illius diligentia rem administrari oportet. Denique tutor & gestor hac in re exaquantur. Possit etiam hic argumentum duci a mandato, & quidem a ratione *l. in re mandata, Cod. de mandatis*, quæ non minus in negotiis gerendis obtinet, quam in mandato. Et ab hoc tamē abit *d. lex 20. C. de negotiis gestis*: ubi dicitur, Tutori vel Curatori similem non haberi qui citra mandatū, negotium alienum sponte gerit: subiecta ratione: quippe superioribus (id est tutori vel curatori) necessitas muneris administrationis finem: huic autem (i. gestor) propria voluntas facit: ac satis abundeque sufficit, si cui vel in paucis amici labore consulatur: secundum quæ, super his quidem quæ, nec tutor nec curator constitutus, ultro quis administravit, cum non tantum dolum & laram culpam, sed & levem præstare necesse habeat, conveniri posse. Illud semper mirum videri possit, cum in negotiorum gestorū quasi contracta sola domini, nulla gerentis vertatur utilitas, gestorem nihilominus ad culpam vel etiam diligentiam teneri. Sed enim suscepti negotii ratio fidesque adeo id deposcit. Ecce enim, nisi hæc præstare velit, *absentis* loco, cujus personam induit, sese alienæ rei immisceat? Ut omitam, quod dixi argumentum a mandato. Sunt et contra casus, in quibus solus dolus in negotiorum gestione præstatur, ut in *sp. l. 3. §. interdum 9. de negot. gest.* Et recto est, ubi casus quoque præstatur, ut in *l. si negotia 11. D. eod.*

Et ita quidem etiam hæcenus de secunda contractuum classe specie, seu de iis contractibus qui dolum & culpam recipiunt, & diligentiam insuper, quo ostendimus, clausulam hoc loco interjectam, *In his quidem & diligentiam*: In quibus scilicet contractibus, non meræ fidei arbitrioque rem alienam momento accipientis, servantis, res aliena committitur, ut in prima classe, id est, in depositis & precario, verum certis finibus & limitibus. Nunc ordinem repetit Ulpianus interruptum illius clausule embolismo, tertiamque adeo classē contractuum proponit, in quibus dolus & culpa præstatur, at non & diligentia. Quo in censu sunt duo contractus: nempe, societas & rerum communio. In quibus neque res meræ alienæ, aut meræ fidei accipientis, vel eam habentis, non etiam certis & præscriptis legibus committitur, verum una cum re accipientis commissā creditur.

1. SOCIETAS igitur, quæ consensu scilicet contracta est, & ideo voluntaria societas dicitur *l. 63. §. 8. D. pro socio*, voluntarium consortium, *l. 52. §. idem Papinianus, D. pro socio*, dolum & culpam recipit: teste Ulpiano *h. l. & l. 5. §. 2. D. commodatus*: *l. de illo 23. l. cum duobus 52. §. 2. 3. D. pro socio*: Paulo, *l. 25. eod.* Gajo, *l. socius socio 72. eod.* unde desumptus est *§. ult. Instit. eod.* Desidiaque adeo & negligentia præstatur, *d. l. 25. 72. & d. §. ult. & l. 10. in pr. D. commodati*. Quanquam de culpa dubitatur olim, utrum ejus quoque nomine socius teneretur, testatur Justinianus *d. §. ult. Instit. de societate*: ubi PRÆVALUISSE ait (*exparte obinisse*, ut Theophilus) socium etiam culpæ nomine teneri. Imo Ulpianus quoque idem facit iisdem ad Sabinum libris in *l. cum duobus 52. §. 2. D. pro socio*: ex Celsi Digestorum libris: Celsi, inquam, qui ille est qui & hac l. ab Ulpiano laudatur, in quaestione, an conveniri possit ne dolus præstatur: Quique, idem Celsus,

lus, in deposito etiam dubitatum fidei facit, utrum lata culpa in eo veniret *d. l. 32. de positi*. Hac procul dubio dubitandi ratione, quod in coeunda societate fides & industria socii eligatur, & de se queri debeat, qui minus diligentem socium elegit. Quam ipsam rationem adhibet Gajus, ut inde efficiat, socium non ad exactissimam diligentiam teneri, *l. socius socio 72. D. pro socio*. Quæ & ipsa ratio adhibetur in deposito, ad excludendam in eo culpam, *l. r. §. 3. D. de obligat. & alt. & §. 1. Instit. quib. mod. re contrah. oblig.* Sed quis modus hujus culpæ & diligentie? Seneca equidem *2. de ira 31.* dixit, salvam societatem esse nisi amore & custodia partium non posse. Non ut diligentia præstetur *b. l. & d. l. §. 2. D. commodati*. Culpa scilicet hic ad exactissimam diligentiam dirigenda non est: sufficit enim talem diligentiam adhibere communibus rebus, quam tuis rebus socius adhibere solet. Gajus *d. l. 72. pro socio*, & exinde *§. ult. Instit. eod. tit.* Cujus rei ratio a regula juris seu distinctione solita arcescit, quod utriusque utilitas in hoc contractu versetur, *diel. l. §. 2. D. commodati*.

2. COMMUNIONIS RERUM, quæ societas involuntaria seu necessaria est, quæque re, non consensu contrahitur, eadem ratio est quæ societatis contractæ. Dolum scilicet & culpam hic quasi contractus recipit, non diligentiam *hact. & l. pen. §. ult. C. comm. divid. l. 1. & puto 16. §. sed etsi 4. D. familia ercisc. l. heredes 25. §. non tantum 16. eod.* cuius hæc verba sunt ut expressa, ita elegantia: Non tantum dolum, sed & culpam in re hereditaria præstare debes coheres, quoniam cum herede non contrahimus, sed incidimus in eum: Non tamen diligentiam præstare debes, qualem diligens paterfamilias, quoniam hic propter suam partem causam habuit gerendi, & ideo negotiorum gestorum ei actio non competit: Talem igitur diligentiam præstare debes, qualem in suis rebus. Eadem sunt, si duobus res legata sit: nam & hos conjunxit ad societatem, non consensus, sed res. Ubi rationes illæ quoniam cum herede non contrahimus, sed incidimus in eum; & mox: nam & hos conjunxit ad societatem, non consensus, sed res, non illud indicant e contrario, in societate contracta aliquid præter dolum & culpam præstari: verum illud indicant, nihil amplius in hoc negotio præstandum, quia nullos contractus initus est; sed casu tantum communio contracta: Non ergo diligentiam præstandam, quia suam quoque partem hic gerit: adeoque sufficere hoc casu, si ut suis in rebus consors & particeps diligentiam præstet.

Ex superioribus jam perspicimus, hoc in præstationum naturalium in Contractibus vel quasi argumento 1. Variasse inter ipse Jurisconsultos. 2. Variasse ipsammet Ulpianum: si modo non Tribonianus hic vel alibi nobis imposuit seu fucum fecit. 3. Et cum dissentirent in nonnullis, in singularibus tamen casibus consensisse. 4. Formulæque illas, *diligentia qualem in rebus suis, & diligentia parissimam*, aliter atque aliter usurpatis, neque satis distinctas semper. 5. Et distinctioni illi contractuum, quæ pro ratione sæpe adfertur, inter eos videlicet qui utilitatem unius dantis vel accipientis continent, vel utriusque, non semper, neque apud omnes locum fuisse: Exemplo sit vel precarium, ubi cessat ea, quam dixi, distinctio. Sine hac regula ab Ulpiano ea non adhibetur, quam tamen & ipse urgebat *l. 5. §. 2. D. Commodati*. Ergo certe hæc in re consentibus accedo, vix quidquam generalius definiri posse, remque hanc ad arbitrium Judicis, prout res est, referendam.

Et

Et hæc quidem hætenus ad priorem hujus regule partem de *Naturalibus præstationibus* in contractibus. Sequuntur duæ aliæ, de *Præstationibus ex conventionione*, deque *casibus mere fortuitis*, quos nemo præstare tenetur.

II. SECUNDA igitur hujus legis pars est, de *Præstationibus* videlicet, quæ ex *Conventionione* descendunt; ubi queritur, utrum per eam naturalibus Contractuum præstationibus derogari possit? Et vero definitur (idque per modum *Exceptionis* ad ea quæ superius dicta sunt de naturalibus contractuum præstationibus) obtinere ea, *Nisi si quid nominatim convenit vel plus vel minus in singulis contractibus*. Scilicet id aperte vult JCTus, conventionione seu pacto naturalibus contractuum, de quibus hæc lege agitur, speciebus, aliquid adjici vel detrahi posse: sic ut durior vel levior ejus qui rem alienam, suo tempore restituendam, ex contractu aliquo accepit, reddatur. Potest enim conveniri, ut culpa quoque & diligentia præstetur in iis contractibus, in quibus ex sua natura, vel dolus tantum, vel præter dolum, culpa tantum præstanda veniunt: & retro, ut in iis, in quibus dolus & culpa & diligentia, præstanda sunt, dolus tantum vel culpa etiam, at non & diligentia præstetur: vel in his, in quibus dolus & culpa, dolus tantum præstetur. Hæc unica, inquam, hæc lege, circa præstationem in contractibus, exceptio proponitur. Præterquam & aliæ sunt exceptiones quibus, naturali præstationi non statuitur; puta si culpa, morave præcellerit: de quo extra rem agunt Interpretes hoc loco. Ut & separandæ sunt ab hujus legis specie aliæ conventiones, quæ non circa præstationes naturales versantur, verum circa alium modum obligationum, de quo ad l. 27. *infra*: ubi pariter contractus naturam suam excedere potest: de quibus hic quoque turbide Interpretes nonnulli agunt. Multo magis ex quæ de *natura* contractuum sunt: contra quam pacta rata non sunt. Nos intra exceptionem hic propositam maneamus: sic tamen, ut non minus ad postremam de casibus fortuitis eam applicemus seu porrigamus, & in id juris textus allegemus, quam ad priorem hujus legis partem: nam ut naturalibus contractuum præstationibus conventionione addi & detrahi potest, ita & de fortuitis casibus, præter naturam contractuum, conveniri potest, ut horum quoque nomine qui rem alienam penes se suo tempore restituendam ex contractu habet, teneatur. Igitur, definitur hoc capite, *Nominatim conveniri posse, ut plus minusve, quam naturales præstationes ferunt, in contractibus præstetur*. Hujus vero rei fides elucet in singulis contractibus, qui hac lege nominantur. Obtinet, inquam, id in Deposito, l. 1. §. *si convenis* 6. & §. *sape evenit* 35. D. *depositi*: l. 5. §. 2. *vers. aut si hoc*, D. *commodati*: l. 7. §. *item si quis pactus* 15. D. *de pactis*: l. 1. & *Aristoni* 39. D. *mandati*: & l. 1. C. *de depositis*. In Mandato, d. l. *Aristoni* 39. In Commodato, l. 5. §. 10. D. *commodati*: & l. 1. Cod. *ead. tit.* In Vendito, l. *fistulas* 78. de *contrahend. empr.* l. 1. D. *de periculo & commod. rei vend.* In Pignori accepto, l. 6. Cod. *de pignorat. action.* In Locato, l. 27. §. 29. D. *ad leg. Aquil.* l. *si quis domum* 9. §. 2. & l. 13. §. 5. D. *locati*. Nempe in his omnibus contractibus, cæterisque, quod modum præstationis attinet, hoc servatur quod convenit, seu quod præstare convenit: *Legem enim contractus dedit*, ut ait hic Jurisconsultus (vel potius *contractus*, ut l. 7. §. 5. *de pactis*): Similiter, ut in genere contractus legem ex conventionione recipere dicantur, d. l. 1. §. *si convenis* 6. *depositi*: ea ratione, quæ redditur, l. 1. *de pactis*, l. 1. *de consil. pecun.* l. 20. C. *de transact.* unde & lex con-

contractus dicitur in l. 8. D. de praescript. verb. l. Lucius 24. depositi: lex 8. de praescript. verb. & lex absolute, in l. veteribus 39. D. de pactis: l. 7. de servis export. l. 24. in prin. D. locati: l. 10. Cod. de pactis: l. 3. C. de conditi. causa datorum, & similibus quamplurimis. Proinde, cum ad iudicium ventum est, in primis in id deducitur quod praestari convenit: quod si nihil convenit, tum ea praestabuntur quae naturaliter insunt iudicii potestate, ut discrete cavetur l. exempto 11. §. 1. D. de action. empiri. Et excipienda tamen adhuc est dotis datio: ubi conveniri non potest, ut minus v. g. ut dolus tantum praestetur l. Pomponius 6. D. de pactis dotalib. propter utilitatem nubentium, inquit ibi Iurisc. consultus: quemodo & alias deterior dotis conditio pacto fieri non potest, l. 2. §. 12. de pactis dotalib. Certe & hac quoque l. limitatio hac parte adhibetur, nempe (quod ex Celso refert Ulpianus) conventionem seu legem de quo dictum est non valere, si convenerit, ne dolus (saturus scilicet, nam praeteritus dolus pacto remitti potest l. si nuns 27. §. pacto. D. de pactis, uti juri sibi quaesito quisque renunciare potest) praestetur: quam in rem ipsam est quoque dicta lex 27. §. 3. l. 1. §. illud. 7. depositi: l. 17. in princ. commodari. Et ratio hic subijcitur: hoc enim bona fidei iudicio contrarium est: nempe, quia id contra bonos mores est d. l. 1. §. 7. & invitat ad delinquendum, seu delicti illicium est arg. l. illud convenire §. D. de pactis dotalibus: l. 27. §. 4. de pactis, quae sane delicta puniri, impediri publica disciplina suadet. Et subijcit Ulpianus: Et ita videtur; formula quae & ipsa occurrit l. 152. in fin. usitatissima in jure in his quae dubitationem non admittunt, quaeque in foro quodammodo concorditer obtinent, & recepta sunt.

3. POSTREMUM hujus legis caput sequitur, primo oppositum: Nempe, non sicut dolus, culpave, imo & diligentia quandoque in contractibus quibus res aliena momento apud aliquem est suo tempore restituenda, natura sua praestari debeat, ita & casus quoque fortuiti unquam praestandi veniunt: hi enim a nullo praestantur: cum nec ab ullo praevideri possint, l. qua fortuitis 6. C. de pignorat. action. vel iis resisti non possit, l. in rebus 18. D. commodari. Qua de re ipsa sunt & alii complures juris textus: ut §. ult. Insist. quib. mod. re contrah. oblig. l. fidejussor 32. D. de negot. gest. l. si merces 25. §. vis major. D. locati: l. 18. in princ. D. commodari: l. 1. §. quod si satis 11. D. de Magistratib. convo. l. 2. §. 7. de administr. ver. ad civ. pers. l. 1. §. 5. is quoque, de obligat. & action. l. 1. C. commodari: l. 1. C. depositi: l. 5. 6. 8. 9. C. de pignorat. action. l. sicut 19. C. de pignorib. l. 12. l. in iudicio 28. C. de locato. l. 4. C. de periculo moror. De singulis fortuitis casibus, qui hic septem numero memorantur: simul de limitationibus, quae hic apponuntur, videamus: quae sane eo redeunt, ut indicetur si casum fortuitum culpa praecesserit, alienae rei interim ex contractu possessorem de casu fortuito teneri.

Primo igitur loco de casuum fortuitorum numero memorantur hic animalium casus mortefque. Hac scilicet non praestat is penes quem ex contractu aliquo res aliena mox restituenda est. Quod mories attinet, quidnam id sit notum est: Casus vero sunt morbi, vitiaque. Cum animalium porro casus mortefque dicuntur, & servi quoque comprehenduntur, & Ulpianus comprehensos voluit, eadem enim horum ratio est, l. in rebus 18. in princ. D. commod. §. cum autem, Insist. de empr. & vend. & sane animalibus servi & alias junguntur & quantur in l. 2. §. 2. l. 27. l. 38. §. 1. 2. ad leg. Aquil. l. in ratione 30. §. ult. in princ. D. ad leg. Falcid. Et additur tamen hic limitatio, Animalium vero casus mortefque, quaque sine CULPA accidit: fuga servorum, &c. ubi

Vulgata habet, *mortesque qua sine culpa accidunt*. Quomodo & Græci, Basilica, Synopis Basil. Theodorus Hermopolites, *αὐτὸν ἕως τῆς θανάτου δατάτω, & sine ignorantia culpa morietur*. Quod etiam Cujacio Contioque placet, Quamquam possit id generaliter hic exceptum videri: Etsi ita quoque haberetur in Gaji l. in rebus 18. D. commodati. *Quæque igitur, pro Quacunque*. Certe in omnibus casibus fortuitis id obtinet, ut si culpa præcellerit, casus fortuitus præsteretur, l. 27. §. mulier, ad leg. Aquil. l. §. 4. comm. & l. ult. cod. l. 30. §. qui mulas locati: l. 4. D. de periculo & comm. rei vend. & l. lector 12. & seqq. cod. l. 1. §. is quoque, de obligat. & act. §. item ex iuri, Instit. quibus modis re contrah. oblig. l. 4. C. de pignor. act. &c. Eodem certe quoque pertinet & limitatio quæ secundo mox casui fortuito aptatur.

Secundus casus fortuitus hic ponitur, *Fuga servorum*: addita & hic limitatione, *qui custodiri non solent*, pariter ut in Gaji l. in rebus 18. D. commodati. Nempe servorum nonnulli custodiri solebant, imo debebant, ab eo penes quem res aliena mox restituenda ex contractu erat: quod juxta hanc legem probat quoque *lex si a bona fidei possessor* 11. l. qui peiorior 36. in fin. D. de rei vindicta. l. §. ut certo §. 6. & d. l. 18. D. commodati: §. cum autem, Instit. de empt. & veniat. Nam & vincti quandoque commodabantur, d. §. 6. vinculaque adeo fugæ argumentum erant, & sic custodia adhuc legem tacite injungebant. l. 48. §. 4. D. de adilit. editio: & §. ult. Instit. de lege Aquil. Et alias servi nonnulli custodia indigebant, utpote quod integræ opinionis non essent, vel quod ejus ætatis essent, pueri puta & erronei, ut custodia indigerent. Quare, si fugam hujusmodi servorum præcessisset, hæc culpa, puta quod custodi non haberentur, is qui alienos servos apud se, mox restituendos, ex contractu aliquo habebat, ob hanc fugam, & sic casum fortuitum quem culpa præcellerat, tenebatur: ac maxime, quia id inter alia servorum in commune vicium erat, fuga scilicet: & ut ille ait, servi herifuge essent.

Tertius casus fortuitus est *Rapina*, quoties scilicet res per vim extoriam eripitur, quæ evitari & repelli non potest, Quo ipso tacite innuitur, aliam esse furti rationem: id enim non casui, sed levi culpæ ferme adscribitur, atque adeo periculum furti præstat, §. præterea, Instit. quibus modis re contrah. obl. l. quod si 14. D. de periculo & commodo rei vend. l. cum duobus 52. §. damna, D. pro soc. l. 17. §. Papinianus, D. de præscript. verb. junctâ l. rem inspiciendam 73. de furtis: quia a diligenti patrefamilias præcaveri potest: quo pertinet & locus Exodi 22. Neque quidquam contra movere debet *lex in ratione* 30. in princ. D. ad l. g. Falcid. ubi furtum jungitur rapinæ & mortibus servorum, aliisque casibus qui fortuiti sunt. Neque enim fortuitis casibus furtum ibi connumeratur, quasi id ab eo qui rem alienam ex contractu penes se interim habet præstare rei domino non teneatur, verum inter damna numeratur, quorum periculum ad heredem, & sic dominum, pertinere dicitur, non ad legatarium, qui nullam culpam admisit. Et sic hoc casu ubi nulla alterius culpa est, casus fortuitus & damnosus est domino. Quamquam illud quoque verum, furtum aliquando sine culpa ejus qui rem alienam ex contractu interrim possidet accidere potest, l. quod si 35. §. si res vendita 4. D. de contrah. empt. l. cum qui 14. §. idem scribis 6. D. de furtis: ut in specie l. pignus 9. Cod. de pignorat. act. si videlicet creditor pignora in hosteis, quibus & alii solebant publice uti, deposuit,

posuit. Cujacius ad Papin. *lib. 8.* quæst. recte exemplum quoque ponebat in sacculariis, qui sunt quodammodo præstigiatores, & in apertulariis qui nihil non sciunt aperire, quibus nihil est tam bene obsignatura, quod aperire non possint: ars eorum in furando est subtilis nimis.

Quartus casus fortuitus est, si quid per *Tumultum* acciderit in realiena: quoties videlicet per turbam & concursum hominum & seditionem quid amissum est, fractum, cæsum, raptum, &c. Græcis *δεσφς tumultus*: cujus tumultus mentio in materia depositi: vide *tit. depositi*: & *§. rei persequenda*, *Instit. de action. juncturque* is seditioni. *l. 5. C. de his qui ad Eccles. l. ult. C. de seditionis*. Ergo, neque hunc casum præstat rei alienæ ex contractu mox restituendæ possessor. Nisi ipsius culpa seditio facta fuerit: ut in exemplo singulari *l. 66. sen penult. in princ. D. soluto matrimon. cui vicinum est & quod habetur l. si merces 25. §. culpa, D. locati*.

Quarto loco inter casus fortuitos recensetur *Incendium*. Quam in rem sunt & multi alii Juris textus, puta *lex in rebus 5. §. 4. D. commodati: l. 9. §. si colonus 3. l. ex conducto 15. §. 3. D. locati: l. 22. de negot. gest. §. cum autem*, *Instit. de empr. & vend.* Quod quidem intelligendum est de incendio, quod per vim extrariam ortum est, ut loquitur & definit *lex qui insulam 30. in fin. D. locati*: non si inhabitantium, domini, hominumve & domesticorum ejus culpa, vitio factoque; tum enim incendium casibus fortuitis non connumeratur, atque ideo in præstationem venit, *d. l. 30. D. locati: l. si servus 27. §. 9. l. qui occidit 30. §. 3. ad leg. Aquil.* Ut inhabitantium plerumque culpa incendium evenire solet, *l. 3. §. 1. D. de offic. Praefect. vigil.* Neque huic obstat, quod Alfenus in *l. si vendita 11. D. de peric. & commodo rei vend.* absolute ait, incendium sine culpa fieri non posse, verum id quippe, sed non ideo semper inhabitantium culpa, verum aut extraria vi, aut incendio ex proximo pariete, seu domo, ut omittam cælitus immisso igne. Neque rursus obstat, quod idem Alfenus in *d. l. 30. §. ult.* dilerte incendium a fortuito casu separat: Namque ibi *fortuitus casus* est extraria vis, uti statim eam vocat, eumque opponit servi negligentiae.

Sexto loco ponuntur hic inter casus fortuitos, *Aquarum magnitudines*, id est, inundationes, vis fluminis, impetus fluminis, ut alibi vocatur, imo & controversia aquæ *l. fluvium 24. §. idem Servius 5. D. de damn. infect.* Hunc igitur casum non præstat v. g. venditor, *l. si in venditione 10. D. de per. & comm. rei vend. §. cum autem*, *Instit. de empr. & vend.*

Postremus hac l. casus fortuitus est *Imperius prædonum*, seu incursum latronum, latrocinium, seu aggressura latronum, quæ & ipsa a nullo præstantur *b. l. non a depositario l. 1. C. de pos. non a commodatario, §. item is cui res, Instit. quib. mod. re contr. obl. non a conductore, l. si quis 9. §. Imperator 4. locati: non a tutore, l. si res pupillaris 50. de administr. tut.* Uti neque retro a domino conductori præstantur, *l. damnum 12. C. locati: non a domino mandatario, l. inter causas 26. §. non omnia 6. D. mandati*. Et tamen hic semper ut alibi excipiendum, nisi culpa præcessit, *d. §. item is cui res*.

Et hæcenus quidem casus fortuiti, qui exempli gratia hic apponuntur: sunt enim & varii alii, puta Naufragium, Piratica, Ruina, Hostium incursum, Terræ-motus;

terræ labes, chasma seu hiatus, tempestas, &c. omniaque alia quæ vi divinæ adscribuntur *Suo Jus.*

De Aestimatione INTERESSE.

XXIV. PAULUS libro quinto ad Sabinum.

Quatenus cujus * interit, in facto, non in jure consistit.

* Id est alienjus: vel positum id pro cuiuscunque, vel cuiusque, ut habet hic Haloandus.

DE eo quod INTEREST, ejusque Aestimatione seu Taxatione, est hæc regula; quæ quidem quarta jam est e Sabinianis ad materiam *contractuum* pertinentibus: & hæc nominatim ad contractum emptionis-venditionis: unde etiam de aliqua hujus regula cum superiore *l. contractus* 23. connexionem liquet: quo non plane allurgere potuit Francus: etli methodum alioquin a Triboniano hoc titulo observatam, ut alibi, ita & hic quoque, probet. Hanc ipse reddit, quod superiori *l.* actum fuerit de dolo & culpa, unde interesse emergat. Imo, queritur in specie hujus regulæ: unde, quæ ratione, quo judicio, quatenus aestimatio seu taxatio incunda sit ejus quod alicujus interesse dicitur, ac nominatim *emptoris*: Est enim hæc propria hujus *l.* species, de eo scilicet quod interest emptoris, si quid in re vendita perpetam a venditore admissum fuerit, deque ejus aestimatione: sive ex proposito, id est dolo, sive re factoque ipso id evenit, laesusque adeo emptor fuerit. Eo quippe hanc regulam pertinere docet *lex si servum mihi* 4. *D. de actione empti*, quæ indidem, id est ex eodem Pauli libro 5. ad Sabinum; unde hæc regula desumpta est, atque adeo huic conjungenda venit; & in qua pariter de interesse, deque aestimatione ejus, agitur. Etli eodem alioquin respiciat in genere, quo lex superior, ad *adminicula* videlicet & *pedissequas* contractuum præstationes, de quibus ad *d. l. 13.* & ad *leg. 27. infra*: veluti ad *traditionem* rei venditæ, si rem venditam venditor tradere nolit, quæ prima hic glossæ species est, & ad *evictionem*. Ad rem. Ubi de definitione interesse ante omnia videndum est. Ergo, *id quod interest*, definiri potest, *utilitas adversarii culpa intercepta*, *Judicis* proinde officio *astimanda*. Dixi, *utilitas*, nam ita appellatur *l. si sterilis* 21. §. *cum per*, *D. de actione empti*, & passim. Dixi *utilitas intercepta*, puta vel damno dato, vel lucro averfo intercepto, nam in his duobus vertitur interesse, *l. si commissæ* 13. *D. rem rat. haberi*: & *l. quidquid* 7. *Cod. arbitr. suel. & l. unic. C. de sentent. qua pro eo quod inter*. Quare interesse modo damnum, modo lucrum nuncupatur, *l. Julianus* 13. *de act. empti*. Nam & qui lucrum amittit, damnum facit *l. 2. §. merito* 11. *D. ne quid in loco publ. Cæterum hanc utilitatem circa rem ipsam versari oportet, l. si sterilis* 21. §. 3. *D. de act. empti*. non autem extra rem; cujus rei exempla elegantissima eo §. apponuntur.

Dixi, *Ex culpa adversarii astimari interesse*, veletiam ex mora, *l. 1. D. de in lit. jurr. l. ult. D. de eo quod certo loco* 1. 3. §. *ult. D. de action. empti*. Nam non aliter interesse ratio habetur, quia interesse pæne loco est, *d. l. ult. & d. l. unic. C. de sent. qua pro eo quod inter*. Atqui ubi nulla culpa, nulla mora intercedit, nulla quoque pæna est, *l. nulla*

l. nulla 88. *infr. hoc tit.* Rursum, dixi *culpa*: nam si dolus aut contumacia non teli-
tuentis vel non exhibentis, punienda sit, jurejurando in litem locus est, quanti in li-
tem juraverit actor, *l. 64. D. de judiciis: l. 2. §. 1. l. 4. in fin. & l. 8. de jurejur. in li-*
tem. Qua causa aestimatio ejus quod interest facta a iudice distinguitur ab ea quæ sit ju-
rejurando, *d. l. 64. d. l. 4. in fin. & l. 15. §. 9. quod vi aut clam*.

Dixi, *Officio Judicis aestimanda*. Et hoc est tandem, quod hac regula traditur, *In*
falso non in jure consistere, quatenus cuius interest. Nempe quatenus, id est, quantum
alicujus interest, in jure non consistit, i. non potest de eo ABSOLUTE responderi, *l. 13.*
§. 1. D. de ann. legat. nulla certæ JURIS definitione, jureve perpetuo, aut regula, id
vel a Principibus, vel a Jurisconsultis comprehendere seu definire potest: Neque ad JCtum
aut Principem hæc cognitio pertinet, quorum est certum aliquod jus statuere (nam
quæ in jure consistunt, seu quæ juris sunt, ea certa sunt & definita, *l. 2. D. de jur. &*
fact. ignor.) Quid igitur? Quemadmodum Mora dicitur facti, non juris esse, ejusque
definitio difficilis, *l. mora 32. D. de usur.* (ubi hæc verba notanda, *An mora facta in-*
telligatur, neque constitutione ulla, neque juris auctoritate quaestione (i. tractatu, in qui-
sitione) *decidi possit; cum sit magis facti quam juris*: Quod etiam comprobat *l. sciend-*
um 21. d. rit.) Ita pariter aestimatio interesse, quod ex mora descendit, facti magis
est, quam juris: in facto, non in jure consistit: id est, arbitrio æstimatione, seu
officio Judicis, virique boni arbitrio, id aestimandum venit: denique de Arbitrari-
um numero hæc quaestio est, *l. semper 15. §. 7. D. quod vi aut clam. d. l. 13. §. 1. D.*
de ann. leg. l. 58. §. 1. D. locat. l. 6. in fin. D. de serv. exportand. pro bono, d. l. 13. §.
1. Denique ad Judicis cognitionem totum hoc pertinet, *l. 135. §. Seja. D. de V.O.* Ut
ceteroquin facti quaestio est in potestate judicantium, juris auctoritas non est, ut Pa-
pinian. *in l. 15. D. ad municipalem*, quod etiam ferme ex Papin. refert Marciianus *l. 1. §.*
4. D. ad Trebell. Ergo Judex hac in re æquitatem ante oculos habere debet, secundum
facti qualitatem, *l. 1. D. de action. empt. l. 2. §. ult. D. de eo quod cert. loc.* causis omni-
bus & circumstantiis diligenter inspectis, *d. l. 135. §. Seja.* Quia scilicet, in singulis
speciebus, prout quæque res incidit, plus minulve interest: Unde & interesse non
commune semper, sed singulare aliquando est, diciturque. Quare cum id quod in-
terest, incertum sit, & difficilis plerumque probationis, quod & ad exiguam sum-
mam deduci potest, commodum est pro eo certam pecuniam stipulati, *l. ult. D. de prat.*
stipulat. §. ult. Infr. de V.O. Indeque etiam aliquando id quod interest jurejurando acto-
ris aestimatur, quod *juszrandum in litem* dicitur. Ut proinde difficilis probatio dica-
tur ejus quanti cujusque interest, *l. ult. D. de prat. stip.* Eademque ratione dicitur facti
interpretatio plerumque prudentissimos fallere, *d. l. 2. D. de jur. & fact. ign.* Nempe
quia facta non sunt *quorum ejusdem generis*, neque interesse pretio rei semper aestimatur,
l. 1. in princ. D. de action. empt. Immo plerumque non ex annona & consuetudine com-
muni, forensique pretio aestimatur, verum adsumptis facti circumstantiis; in quo tem-
poris ratio locique non minimam partem facit, de quo est elegans *l. pretia rerum 63.*
§. ult. D. ad l. Falcid. rit. de eo quod cert. loc. Et modum tamen quandam huic rei Im-
peratores posuere; de quo vide *l. unie. C. de sententiis que pro eo quod interest*. Cæte-
rum, cum ratio ejus quod interest, varia negotia contractusque permeet, cernitur
perfecto in contractu *emptionis venditionis*, seu in actionibus *empti-venditi*, quo hanc

legem

legem pertinere jam ostendi: de quo videunda, inter alias, *l. 1. in princ. & d. l. 4.* (quæ huic, ut jam dixi, ceu ex eodem libro desumpta, conjungenda est) *l. Julianus 13. D. de actionib. empti: lex 60. de evictionibus: lex si traditio 4. C. de action. empti.* Exemplum, 1. in *Traditione*: nam si traditio rei vendite juxta emptionis contractum prociacia venditoris non fiat, quanti Judex arbitratus fuerit compleri emptionem, tantum in condemnationis taxatione deducere curabit, ut inquit dicta *lex 4.* seu, ut loquitur Jurisconsultus in *d. l. 1.* si res vendita non tradatur, in id quod interest agitur, hoc est, quod emptoris interest rem habere: Hoc autem, interdum pretium egreditur, si plus interest quam res valet vel empta est, §. *commodum, Instit. de interdictis.* 2. Item *Evictionis* nomine, si in venditione de ea actum non sit, venditor pro evictione præstare debet ex natura ex empto actionis hoc quod interest, *d. l. 60.* 3. Item si quis servum ignoranti sciens prudens furem vel noxium esse, vendiderit, ex empto quanti emptoris interest eum scisse, tenetur, *d. l. 4.* huic conjungenda. Eademque ratio est contractus locati, *l. 19. §. 1. locati.* Ergo in *facto consistere* dicitur *hæc l.* id quod interest, quia non uniformiter definiri, æstimari, taxari potest, verum arbitrarie, pro variis circumstantiis. Judicisque arbitrio, qui condemnatione taxatæ quantitatis concludere debet id quod interest, ut dicitur *l. 3. C. de inutil. stipul.* Alio vero sensu *facti questio* dicitur in *l. insulam 13. qui potiores in pign. l. 1. §. 1. qua res pignori & facti potius questio* quam juris in *l. idem eris 16. de stat. hom.* & alibi quando scilicet incertum est, quid aut quomodo actum quid sit. Item, alio sensu, venditio, solutio, traditio, facti magis quam juris dicuntur, *l. 7. in fin. de curator. furios.* nempe quia natura ipsa & facto æstimantur. At enim hic in *facto magis quam jure consistere* dicitur id quod interest, quod non certa regula definiri potest, verum in æquitate quadam consistit: quodque officio arbitrioque Judicis relinquitur, non lege ulla jurisve constitutione definiri potest. Hinc interim quoque recte colligitur, duo versari in foro questionum seu causarum genera: Juris scilicet & facti. Quis modus autem hic Judici servandus sit, & quousque id quod interest æstimandum sit, non est hujus loci disquirere. Obiter tantum sciendum, videri olim id quod interest duplo circumscriptum fuisse, *l. 44. junctâ l. 43. in fin. de action. empti: v. & de modo interesse, l. 2. §. ult. l. 3. & 4. de eo quod certo loco.* Justinianus quid hanc in partem caverit, ostendit *lex un. C. de sentent. qua pro eo quod interest.*

De POSSESSIONIS commodo.

XXV. POMPONIIUS libro undecimo ad Sabinum.

PLUS cautionis in re * est, quam in persona.

* in rem est: & mox, in personam. Haloand.

DE REI ipsius, atque adeo POSSESSIONIS, commodo (ut diserte vocatur §. *commodum, Instit. de interd.*) est hæc regula: quæ quidem quinta est e Sabinianis ad Contractus pertinentibus: cui concordant in summam quinque aliz leges: puta *lex 33. 126. §. 2. 128. in princ. 154. 204.* quarum synopsin mox habebis. Latiores

tiotes vero hac regula sunt illæ, quæ de Reorum favore sunt. Aliena autem ab hac regula est *lex inter eos* 19. *de re judicata*, ut recte Joannes: occupasse enim ibi dicitur qui prior egit, non qui possidet. Hujus regulæ species nominatim pertinet ad contractum *emptiois venditionis*, pariter ut legis superioris 24. ac nominatim argum. l. 27. & 28. *D. de evictionib.* quæ ex eodem Pomponii libro desumptæ huic conjungendæ sunt: ad adminicula & pedissequas actiones contractuum, pariter ut duæ leges superiores, 23. & 24. ac nominatim ad *evictiones*, ut argumentum præbent *dict. lex* 27. & 28. In diversis alioquin speciebus, variisque rationibus, plus cautionis est in re, quam in persona: & e contra, minus est actionem habere quam rem, l. 204. *infr.* seu melius est possidere potius quam in personam experiri, l. 1. §. 1. *de superficiebus*. Cujus rei, atque adeo commodi possessorii fides cernitur & in delictis: de quo est *lex cum par* 154. *infr.* & in civilibus: Idque partim in damno vitando; de quo est quoque *lex si servum* 91. §. 3. *de V. O.* partim in lucro: quo spectat *lex* 33. 126. §. 2. *infr.* 1. In *judicialibus* primum. Hinc enim, cum immobilium possessores judicio fisci satiscare non teneantur, diversa causa est ejus qui non possidet, sed fundi petitionem personalem habet, l. *sciendum* 15. *sen. penult. D. qui suisd. cog.* 2. in *Restituton. in integ.* Hinc minor restituitur, si cum rem ex causa judicati accipere potuisset, cautionem a debitore accepit quasi creditæ pecuniæ: quia partem ex causa judicati persecutionem novo contractû ad initium alterius petitionis redegit, l. *minor* 40. *D. de minorib.* 3. Obtenet in petitorio, seu in rei *Vindicatione*: quo pertinet *lex* 128. *infr.* Sane inter alia in rei vindicatione id obtenet, ut auctore non probante, possessor vincat, etsi nihil ipse præstiterit probet: de quo ad eam l. 128. Item, is qui in alieno solo ædificat, sumptus non alias consequi potest quam si possideat, & ab eo dominus soli rem vindicet, l. *Paulus* 14. *de deli except.* 4. Locum habet in *Publiciana*: tot. tit. de *Publiciana*: ac speciatim ibi si duo rem acceperint a duobus non dominis, melior causa est possidentis, l. *siue autem* 9. §. 3. *de duobus, de Publiciana*: quo etiam referri potest d. l. 128. in *princ. infr.* 5. Cernitur & ejus usus in *hereditatis petitione*, in *sp. d. l.* 126. §. 2. *infr.* sic ut & ibi neutro satiscante possessor in possessione maneat, *Paulus 1. sen. ent. 11.* 6. Locum habet & in *Conditionibus* veluti indebiti, quo referri potest *dict. l.* 33. vel ob turpem causam; nam si par sit dantis & accipientis turpitudine, melior est causa accipientis, l. 5. §. 1. *de calumniarioribus*: l. *penult. C. de condit. ob turp. caus.* 7. in *Exceptione venditione*: in re quippe duobus vendita ab eodem domino, vel non eodem domino, possessoris potior ratio est, i. qui primum jus ejus apprehendit, & cui primum traditus est fundus, l. *quotiens*, *C. de rei vindic. l. si ea res* 31. in *fin. de action. en. pt.* 8. in *Pignoribus*: quo spectat *lex* 204. *infr.* ubi plene de eo. 9. in *Donationibus*, puta si duobus res donata sit, is cui priori possessio tradita est, potior habetur d. l. 15. in *fin. C. de rei vindicat. l. penult. Cod. Gregor. cod.* Adde & respectu *fidejussorum*, plus cautionis esse in pignore quam in fidejussoribus: de quibus aliquid sub finem hujus regulæ. Et cum varia sint possessionis commoda, inter alia est commodum *Retentionis*: Quod sane ut alibi cernitur, ut in *sp. l.* 2. *D. de leg. Rhodia*: ita & in argumento *Emptionis-venditionis*, & (quæ adminiculum seu pedissequa ejus actio est) *evictionis*: denique in *Allionibus empti-venditi*. Sæpe scilicet retinere quid cui licet, quod petere non licet: quod quis neget maximum cautionis genus esse? Ut ecce, Naturale debitum peti utiliter non potest, & solum tamen ex debito naturali retineri

tineri

tineri potest: Et vero species huic regulæ aptanda videtur ex l. 29. §. 1. *D. de evictiōe*, (quæ ex eodem undecimo ad Sabinum Pomponii libro desumpta, huic conjungenda est) Finge, ego rem a te emi, quæ tibi ex naturali obligatione præstata fuit, & duplam a te stipulatus sum, *si ea res mihi evinceretur*, postea rem illam culpa vel sponte possidere desisti, & sic ad veterem dominum naturaliter obligatum res reversa est: adversus eum ejus rei nomine ago, & judicio succumbo, & sic res mihi evincitur: Quæritur, utrum duplæ nomine adversus te agere possim? Et definit Juri/consultus, in *dist. l. 29. §. 1.* non posse me agere, vel saltem te venditorem doli mali exceptione tutum esse: Nempè quia possessionem ejus rei culpa vel sponte amisi, quæ possidendo retineri poterat, peti utiliter non poterat, & sic plus cautionis erat in re quam in persona: Quare nec æquum est, venditorem teneri mihi hoc nomine amissa a me ita possessione: Denique doli mali exceptione venditor sese tueri poterit. Ergo ad *Retentionis* commodum & cautionem proprie spectat species hujus legis, non propterea ad pignoris & hypothecæ utilitatem, seu tractatum: unde tamen P. Faber quoque, neque aptius ullum ad hanc regulam exemplum proferri posse rebatur: qui & ideo totus in eo est, Etsi hæc eadem regula ibi recte apertur. Ex his patet, quam aliena sit Rvardi interpretatio seu species ex l. 13. *D. commodati*, juncta l. 21. *de rei vindicat.* ubi dicitur, ei qui commodatum accepit, si commodati condemnnetur non apparentis rei nomine, cavendum esse, ut repertam rem dominus ei præstet: Neque enim istius rei hæc ratio recte redditur: ideo scilicet cavendum commodatario, quia plus cautionis sit in restituenda quam in pretio solvendo: Ratio enim hæc est, quod resuso rei pretio rei domino, æquum sit reperta ea re, commodatarium ea non privari: seu (ut dicitur l. 5. §. 1. *ead.*) qui hac actione egit, & oblatam hinc assumptionem suscepit, REM offerentis fecit. Item ex superioribus patet, non debuisse adeo Interpretes hic sese eo diffundere, quando fidejussoria cautio, quando pignoratitia requiratur: Item, utrum obligatus dare fidejussorem, possit pignora dare: Item, utrum *cautionis* verbo, illaque formula, *recte* vel *idonee* *caveri*, pignoratitia an fidejussoria cautio indicetur: de quo sunt *lex 7. de prator. stipulationibus: lex 1. §. jubet 9. D. de collatione, l. si mandatum 59. in fin. mandati: lex 4. §. 8. de fideicom. libers. lex 3. C. de V. S. l. 7. C. de fidejussor.* *Cautionis* quippe verbo in hac regula non accipienda est speciatim securitas, *verumtamen satisfactio* quæ *creditori* datur, eumque securum reddit: verum utilitas omnis, quæ ex possessione percipitur: omne commodum & emolumentum, momentum, pondus (ut recte Cujacius) quomodo commodum possessionis dicitur, §. *commodum, Insist. de interditiis.* Cæterum huic regulæ necquicquam obstat *lex is qui 15. sup. hoc. rit.* quæ dicitur, eum qui actionem habet ad rem recuperandam, ipsam rem habere videri, quia illa regula spectat ad causam & rationem *dominii*, reique vindicationem, ubi sane paria sunt rem habere & actionem ad rem: sed in tractatu possessionis, ac nominatim propter commodum retentionis & possessionis, quis neget, *Plus cautionis esse in re quam in persona?*

Plura qui volet de commodo possessionis, videat quæ ad concordantes huic regulas dicemus.

DE ALIENANDÆ res sua libera cuique potestare, nullo exceptato.

XXVI. ULPIANUS libro trigésimo ad Sabinum.

QUI potest invitis * alienare, multo magis & ignorantibus & absentibus potest.

* aliis quibuscunque.

DE Alienandi jure (de quo tres alioquin sunt hoc tit. præterea regulæ: puta *lex* 119. 165. 205.) quaestio erat utrum qui rem suam alienaturus esset, destinatum saltem a se alienationem alteri denunciare prius seu significare, ejusve præsentiam expectare teneretur? Quod hac regula (quæ sexta est, seu postrema & Sabinianis regulis ad contractus pertinentibus) abscisse negatur: Argumento ducto a majori ad minus (ad quem alioquin locum topicum collimant tres præterea hujus tit. regulæ, puta *lex* 21. *sup. l.* 163. 165.) Argumento, inquam, a jure alienandi invito alio, ad jus alienandi ignorante & absente eo.

Regula sic habet, *Enum qui alienare potest invitis* (aliis quibuscunque) *multo magis iisdem ignorantibus & absentibus alienare posse.* Ait *lex Alienare.* Est scilicet ea proprie de alienationis jure, id est de rei translatione: quanquam extendi potest ad omnem actum qui altero invito celebrari potest. Sed alienus ab hac regula Interpretum tractatus est de *solutione*: etsi fatendum, ab Ulpiano eo ipso libro 30. ad Sabinum, unde hæc regula desumpta est, de solutionibus interspersum aliquid fuisse. Facessat proinde hinc quaestio, utrum *adjecto solutionis gratia* invito altero vel absente solvi possit; quod alioquin certum est ex *l. 12. §. penult. D. de solutionib.* quæ ex eodem libro desumpta est. Facessat tractatus, utrum extraneus pro alio invito vel absente solvere possit: de quo videnda sunt quæ dicam ad *l. 123. in princ. infr.*

Facessat tractatus de servo desiderante sibi bona *addicti* libertatum conservandorum gratia, invitis, vel ignorantibus aliis, de quo est *l. 4. D. de fideicomm. hered.* ubi tamen eadem ferme ratio assignatur. Imo absistant quoque tres sequentes tractatus, qui huic regulæ obstat videantur, vel saltem ut limitationes ad hanc regulam apponuntur: Primus, de *Judiciis*, quæ etsi in invitos reddantur, attamen in his citatio requiritur, *l. de unoquoque 47. D. de re judic.* Secundus de *Judiciis* vel Arbitris, ubi duo & tribus judicare possunt tertio invito & contradicente, non autem eo absente & ignorante, *l. duo 39. D. de re jud. l. si unus 17. §. ult. l. sicut 18. D. de arbitris.* Postremus de *Capitularibus* actibus & electionibus ac decretis Collegiorum, ubi etsi paucioribus invitis & reclamantibus actus expediri possit, non tamen ignorantibus potest, arg. *l. quod major. D. ad municip. d. l. duo ex tribus 39. D. de re judic. c. venerabilium 34. de elect.* Neque enim in his tribus speciebus agitur de rei alicujus nostre alienatione. Verum de juris reive alienæ administratione alicui credita quæ præsentiam ut partis, ita & omnium vel saltem partis majoris requirunt, quique si adfuissent, factum potuissent infirmare.

Quid igitur? Ad contractum *Societatis rerumque communionem* hæc reg. omnino referenda est, ut apparet ex conjunctione *legis 14. & 16. D. pro socio: & l. arbitrium 45.*

Tom. I.

Q

D. fa-

D. famil. ercisc. quæ leges ex eodem Ulpiani libro 30. ad Sabinum desumptæ huic conjungendæ sunt: Ex alioquin eodem pertinet *l. 173. D. de V. S.* ubi agitur de appellatione *collega*, & quis *absens* censetur, de quo agitur pariter *l. 14. §. 4. D. de solut. & d. l. 16. D. pro socio*. Sicur igitur verum est, generaliter (quod ex Oldrado ceteri exscribunt) non esse citandum eum quo etiam invito actus expediri potest: Ita nominatim hæc reg. pertinet ad jus *apportuarius*, *Retractus* vel *compromi*, ut vocant. Sensus scilicet hujus regulæ hic est, adeo quemque rei suæ justum moderatorem & arbitrum esse, ut quemadmodum ipse in alterum rem suam transcribere seu alienare invito altero potest, ita multo magis eidem destinatæ sibi alienationis denunciandæ necessitatem remissam: Adeo scilicet rei suæ alienandæ quisque jus habet, ut neque futuram seu destinatam sibi alienationem denunciare cuiquam cogatur: A quo non abludit omnino famosa *lex dudum*, *C. de contrab. empt. & lex 1. C. ne fiscus rem quam vendidit evincat*.

Proinde (ut ad propriam speciem nunc descendamus) potest socius vel consors rem sibi cum altero communem pro parte sua ita alienare vendereque, ut ne socio quidem aut consorti destinatam alienationem ante denunciare cogatur, vel præsentiam ejus expectare: sed partis suæ alienationem liberam habet, *l. 3. §. 4. Cod. de comm. ver. al. l. 1. C. communi divid.* Et hæc jam pertinet *d. lex 14. & 16. D. pro socio*: quæ, uti dixi, cum hæc *l.* conjungendæ sunt: ubi agitur de ea inter socios conventionem, seu pacto, ne dividatur: quo casu dicitur, nisi justa aliqua ratio intercedat, nec vendi posse: hoc sensu, venditionem quidem non impediri, sed exceptionem adversus emptorem dari. Addantur & aliæ species quibus hæc regula aptari potest *l. si socius 16. D. de rebus credit. & d. l. arbitrum 43. D. famil. ercisc.* quæ ex eodem pariter libro desumptæ est, quaque id cavetur, vel unum heredem, arbitrum familiæ erciscundæ petere seu potestatem posse, *presentibus ceteris & invitis*. Et jure tamen Gallico, qui duas tertias in domo aliqua habet, socium vel consortem ad licitationem cogere potest, de quo *Charondas lib. 9. resp. cap. 64. Papon. 2. tom. Notarii lib. 5. cap. pratique de partage*. Sunt & alibi statuta quædam municipalia, quibus socio & consorti hæc in re adversus hanc regulam favetur: veluti Mutinensi quod illustri controversiæ cuidam ansam præbuit de *Retractu* ipsi venditori competente.

Ex his apparet, hanc regulam accipiendam de eo qui plene rei dominus est, & sic rem libere alienare potest. Quare facilis jam erit responsio ad ea quæ huic legi obijci possunt. Sunt scilicet nonnulli, qui etsi invitis aliis alienare possint, ignorantibus tamen aliis id facere non possunt, quia scilicet plenas rei dominium isti non habent: ut ecce, creditor potest cessante debitore in solutione pignus eo invito alienare, *l. 1. C. debitorem vendit. pign. imped. non posse*: & prius tamen debitores presentes denuntiationibus convenire debet, *l. 10. C. de pignor.* Item emphyteuticarius potest *quovismoda elaborata* sua id est meliorationes fundi emphyteutici, invito domino alienare, & eo tamen ignorante non potest, *l. ult. C. de jnr. emphyt.*

Tandem quod de alienatione hic dicitur, id ipsum & in aliis *affiliis*, de quibus ut dixi non est proprie hæc reg. obtinet: puta ut quod quis alio invito facere potest, id etiam eo ignorante facere possit, ut in *sp. l. 4. §. illud*, *D. de fideicom. libert.* & quam apponit primo loco *Glof. l. 1. 2. C. debitorem vendit. pignoris*, nisi si alia ratio sit seu diversa *inviti & pignorantis*, ut in *sp. l. duo ex tribus*, *D. de re judicata: l. item si in tres*, *D. de arbitris*, & *sp. l. cum non solum*, *C. de bon. qua libors*.

PARS

P A R S VII.

REGULARUM SABINIANEARUM.

D E

QUASI CONTRACTIBUS.

(seu actionibus descendantibus ex NEXU PERSONARUM) puta de NUPTIIS
(seu de REI UXORIE actione) & de TUTELIS.

Quo pertinent quatuor Leges, prima lex 27. 28. 29. 30.

. De PACTIS : & quid de jure publico immutari iis possit .

XXVII. POMONIUS libro sexdecimo ad Sabinum.

Nec ex Prætorio, nec ex solemnī jure privatorum conventionē quicquam immutandum (1) est: Quamvis obligationum causa pactione possint immutari, & ipso jure, & per pacti conventi exceptionem: Quia actionum modus, vel lege, vel per Prætores introductus, privatorum pactionibus non infirmatur, (2) nisi tunc, cum inchoatur, alio, inter eos convenit.

(1) i. immutari jus est seu licet. (2) alii infirmatur. Male.

DE Pactis est hæc regula: ubi questio hæc in genere tractatur, num privatorum conventionē seu pactionē de jure *Prætorio*, quod per Prætores inductum est, vel de *Solemnī jure*, id est quod lege, *Scito*, vel constitutione inductum, immutari quid vel infirmari possit? ac nominatim in *Obligationibus & Actionibus*: Id quod hac regula negatur: duabus differentiis seu distinctionibus propositis: quatum prior hæc est: Ex *Prætorio* vel *solemnī jure*, nil immutari posse: obligationum vero causas, & actionum modum, lege vel per Prætores inductum, pactionibus privatorum infirmari posse: & quidem (quæ altera jam distinctio hic proponitur) ipso jure, si tunc cum inchoatur actio, de eo convenit, per pacti conventi vero exceptionem, si ex intervallo. Hæc ut intelligantur, termini prius explicandi sunt. *Prætorium* jus recte definit Papinianus *in l. 7. §. 1. D. de justitia & jure*, id esse, quod prætores introduxerunt adjuvandi, vel supplendi, vel corrigendi juris civilis gratia, propter utilitatem publicam: est proinde hoc jus extraordinarium & velut supplementum juris civilis. *Solemnē* vero

jus, est Jus Civile, ut recte quoque Cujacius. *Solemne* scilicet & alias idem cum ordinario: proinde jus *solemne*, quod ex ordinaria via, ratione, auctoritate jura constituentium proficiscitur, non extraordinaria, ut est jus Prætorium. Quod quidem aperte ex duobus hac ipsa lege expressis colligitur, nam & *solemne* jus Prætorio opponitur: pariter ut jus civile apud Papinianum *d. l. 7. in princ. & l. Sejo 14. de fide testium*, qui jus civile ex Legibus, Plebiscitis, SCtis, Decretis Principum venire ait: Et, quod secundum, id quod *solemne* jus initio hujus legis dicitur, mox *lege introductum* vocatur: Ut mirer ad id non attendisse quamplurimos Interpretum. Male etiam Ferrarius & Cagnolus, qui de sola *lege 12. Tabularum* id accipiunt, ex qua *solemnes* actiones descendunt, quæque *solemniter* seu *solemni* modo per trinundinum publice exposita, proquirata, & exinde recepta fuit. 2. Male, qui *solemne* jus Prætorio hic oppositum interpretantur, *solemnitatem*, & *subtilitatem*, & *scrupolositatem*, argum. *l. posthumum 12. D. de inoff. test.* 3. Neque rectius Ravardus, qui jus usitatum interpretatur, communi quodam civium consensu receptum. *Solemnis* certe juris illius, hoc sensu, nulla, quod sciam, alibi mentio occurrit. Nam quod in *l. 12. Cod. de pignorib.* dicitur, *solemni jure creditorem convenies*, id accipiendum de *solemni* more & *solemnibus* judiciorum: quomodo & *solemnia* accipiuntur *l. nisi nihil 183. infr. h. t.* quam nonnulli perperam huc trahunt. Hactenus de Prætorio & *solemni* jure (seu civili) quæ utraque jus commune efficiunt: unde Basilica hæc duo per *то кромѣ வழиван, commune infirmum* explicat: nos, *publicum* jus utrumque vocemus. Nunc de hujus regulæ sententia, deque utriusque juris illius vi. Utrumque scilicet jus obligationum & actionum essentialiam seu substantiam determinavit, ad æquitatis, honestatis, utilitatis, finem formamque; substantiam, inquam, contractuum, ut eam vocat Papin. *in l. pacta 72. in pr. vers. an idem, D. de contr. emptio.* Qua causa nec ex Prætorio, nec ex *solemni* jure privatorum conventionem quidquam immutari, jus esse hac regul. definitur: etsi obligationum causæ, vel actionum modus, lege vel per Prætozem introductus privatorum pactationibus immutari possint, & infirmari. Atque ita jus Prætorium & *solemne* opponitur *obligationum causis & actionum modo*, lege vel per Prætozem introducto. Quare hac jam descriptione liquet, cur quoque sensu ex Prætorio vel *solemni* jure privatorum conventionem nil immutari possit: Nempe, eo ipso sensu quo privatorum conventio juri publico non derogare dicitur *l. 45. §. 1. infr. h. t.* Quo sensu dixit Papinianus *l. 38. D. de pactis*, jus publicum privatorum pactis mutari non posse: & idem *l. 15. §. 1. D. ad leg. Falcid.* privatorum cautione legibus, seu juri publico non esse refragandum; idemque *l. ult. D. de suis & legit. privatorum* cautionem legum auctoritate non censeri; ut scilicet leges abrogare, vel potius iis derogare valeat: Denique, juri publico testatorem derogare non posse, *l. Cerdonem 42. l. in de oper. libert.* quomodo idem ait *l. 42. de pactis*, pactis privatorum formam juris fiscalis convelli non posse. Quo sensu dixit Paulus, *in l. §. in princ. D. de pact. dotal.* publicam coercionem privata pactione tolli non posse. Quo sensu dixit idem Pomponius *l. nemo potest 55. D. de legat. 1.* neminem posse in testamento suo cavere, ne leges in suo testamento locum habeant. Quo sensu dixit Ulpianus, *in leg. 2. §. 8. D. de administ. rer. ad civis. pertin.* jus Reipublice pacto mutari non posse: Quo sensu idem dixit, *in l. 1. §. 9. D. de magistr. conven.* conventionem Duumvirorum *jus publicum* mutari non posse: Atque ut hæc similique in aliis juris

juris articulis obtrinent, ita & in contractibus & quasi contractibus locum habent: seu, ut hac regula dicitur, in obligationibus & actionibus: Nam & ibi Prætorium & solemne quoddam jus versatur: quæ scilicet eorum substantiam & naturam præscribunt. Exemplo sit, quod definitur in l. 23. *supr. l. 27. §. 3. de pælis*, l. 1. §. 7. *depositi*, non valere in contractibus, si convenit *ne dolus præsteat*: id enim bonæ fidei iudicio contrarium est, contraque bonos mores. Exemplo esse possunt pacta, quæ a JURE COMMUNI remota generaliter servanda non esse dicitur, l. *juris gentium* 7. §. *generaliter* 16. *de pælis*: vel, alio jam sensu, a re privata remota (retinenda enim hæc lectio, contra quam Cujacius r. *Observ. 24.*) d. l. 27. §. 4. Exemplo sit, quod definitur in d. l. 7. §. 14. *cod. tit. de pælis* in omnibus ad Edictum PRÆTORIS pertinentibus, quæ ad publicam læsionem respiciunt, pacisci non licere. Exemplo sit emptio-venditio, ubi conveniri non posse dicitur, ut ne rei venditæ dominium in emptorem transferatur l. 80. §. *ult. de contrah. empt.* Item societas: ubi conveniri non potest, ut alter sociorum lucrum, alter damnum sentiat, l. 29. §. *Aristo, pro soc.* Depositum item: ubi conveniri non potest, ut dominium transferatur: quod pactum dicitur excedere notissimos terminos depositi: l. *Lucius* 24. *depositi*. Atque hoc tandem est jus illud Prætorium & solemne, quod hic vocatur, quodque immutari non posse privatorum conventionem seu pacto definitur: Denique IUS est, quod dicitur lex naturæ negotii tribuente, forma sua, d. l. 27. §. 2. in fine *D. de pælis*: natura contractus, l. 24. in fine *depositi*.

Obligationum vero *causæ* hæc sunt, non substantialia, seu quæ de substantia contractuum sunt, ut vocatur d. l. *pacta* 72. *de contr. empt. & l. 3. Cod. eod.* seu de natura rei interna, formaque essentiali, scilicet verum quæ sunt de contractuum natura (externa scilicet) ut vocatur d. l. *juris gentium* 7. §. 5. *vers. idem responsum, de pælis*: l. *naturalis* 5. §. 4. *de præscriptis verbis* (unde liquet, contractuum naturam aliquando de interna, aliquando de externa dici) quæ sunt moris & consuetudinis, l. *quod si nolis* 31. §. *quia* 20. *de adilit. edicto*: ut sunt præstationes ferme quæ in singulis contractibus vel quasi naturaliter insunt iudicii potestate, ut loquitur *lex* 11. §. 1. *de actionib. empt.* de quibus prolixè ad l. 23. *supr.*: quid, inquam, præstare debeant contractuentes, l. in *emptionibus* 43. *de pælis*: quod quidem etiam *jus & causæ crediti* vocatur in l. 24. in fine *de præscr. verbis*. Et sic omnia, quæ qualitates & accidentia contractuum recipiunt, naturalia externa: quæque adeo rem & utilitatem familiarem seu privatam tantum contrahentium spectant, ex quibus in obligationem sive expresse sive tacite deductis, privatum conciliatur commodum, & exinde obligatio & actio: denique modus, accessio, tempus, conditio: hæc quippe ferme quatuor obligationum causæ sunt, ut ait JCrus in l. 44. *de oblig. & act.* aut enim dies in his est, aut conditio, aut modus, aut accessio. In materia venditionis vocat ea Papinianus, in d. l. *pacta conventa* 72. *de contrah. empt.* adminicula: pedissequa emptionis *παρὰ τὸν ἐμπόρην*, consequentia, Justinianus: Paulus, in l. 5. in *princ. D. de act. empt.* vocat reliqua, quæ per consequentias emptionis propria sunt. Ulpianus in l. 13. §. 3. *de jurejurando*: & l. 5. §. 7. *de reb. eorum qui sub tutela*, cætera venditionis: ut est rei traditio, & de evicitione stipulatio, seu cautio duplex, d. l. 72. & d. l. 13. §. 3. Et hæc quidem etiam causæ obligationum introductæ sunt ex lege vel *per Prætorum*. Quare, quæ initio hujus regulæ obligationum *causæ* dicuntur, mox hinc legis vocantur, *actionum mo-*
dus,

aus, vel lege, vel per Prætozem introduclus. Promiscua scilicet eademque sunt hic, & vocantur, *obligatio & actio*, mater scilicet illa, hæc filia: promiscua, *causa obligatiæ & modus actionis*. Ergo, cum Prætorium & solemne jus privatorum conventionem immutari non possit, obligationum tamen causæ, modique, vel lege, vel per Prætozem introduci, mutari possunt, conventionem scilicet seu pacto pattium: quo pertinet etiam vers. *sed hæc ita, legis contrahit* 23. *supr.* Hoc sensu Ulpianus dicit, in l. 7. §. 5. de *pactis*, extra naturam contractus emptioni aliquid adjici seu conveniri posse. Hoc Paulus, in l. 5. §. 4. de *prescrip. verb.* mandatum ex pacto naturam suam excelsere posse. Hoc dicitur in l. 1. §. 5. de *pactis*, aliquid extra naturam contractus conveniri posse. Hoc sensu auctor ad Herennium, & Cicero ipse, libro 2. de *Inventione*, sciunt, pacta JURI præstare. Exemplum quoque esto in Deposito: In deposito scilicet sui natura culpa non præstatur, & tamen si convenierit ut etiam culpa præstetur, rata est conventio: contractus enim legem ex conventionem accipiunt, d. l. 23. *supr.* l. 1. §. 6. & 35. de *positis*: l. 1. *Cod. cod.* Eito & hoc exemplum in Commodato. Obligationis five actionis commodati causa five modus hic est, ut culpa & diligentia in eo præstetur: atenim hæc causa, hic modus infirmari, immutari potest, d. l. 23. *supr.* sic ut plus minusve ex conventionem præstetur. Item in Venditione: In ea scilicet obligationis causa, & modus actionis est, seu naturaliter hoc inest venditioni, ut venditor de evictione teneatur: & tamen pacto-convento huic *causæ*, huic *modo*, huic *natura* actionis empti, detrahi potest, ne scilicet venditor de evictione teneatur, l. 72. de *contrah. empt.* l. ex *emptio* 9. *ult. de actionibus empti*: l. si *fundum*, D. de *evictionibus*: ne duplæ cautio præstetur, d. l. 72. Quare & contra Edictum *Adilitium* pacisci licet, ut ne redhibitoria agatur, l. 32. 41. de *pactis*: l. 14. §. *pen.* D. de *adil. editi.* quæ & ipsa juris honorarii portio est. Idemque dicendum de solemnitatibus, quæ privatorum tantum favorem & utilitatem respiciunt. Ita sane quoque valet conventio inter litigantes, ut stetur depositioni testium non juratorum, *cap. tuis extra de resibus*.

His ita cognitis & perspicue demonstratis, nunc de genuina *specie* hujus *regulæ* videamus. Enimvero, pertinet ea proprie ad *pacta dotalia*: ut ostendunt aliæ leges ex eodem Pomponii libro 16. ad Sabinum desumptæ, unde & hæc regula petita est, quæque adeo illi coassandæ sunt: puta lex 5. D. de *sponsalib.* l. 32. D. de *jure dot.* l. 9. de *pactis dotalibus*: l. 11. 16. 18. *salvo matr.* l. 4. 8. 10. *verum amotar.* Et speciatim pertinet ea ad *Rei uxorie actiones* soluto matrimonio: quo pariter spectant lex 28. & lex 30. *inf.* ubi pacta ferme legem facere solent: de quibus peculiaris etiam titulus in Digestis, de *pactis dotalibus*: in Codice, *tit. de pactis conventis tam super dote quam super donatione ante nuptias & paraphernis*. Et sane de pactis his dotalibus hoc libro egit Pomponius, ut hac l. ita tribus præterea aliis, puta d. l. si *ita conveniat* 9. eo *tit.* de *pactis dotalibus*: l. si *cum dos* 8. *verum amotar.* l. *sub hac conditione* 8. de *oblig. & action.*

Species ut recte ponatur, positaque melius intelligatur, sciendum est, soluto inter virum & uxorem matrimonio, varias actiones tum *solemnis jure* seu lege tum per *Prætozem* tributas proditasque fuisse: ac nominatim a parte mulieris, pro dotis repetitione, actione rei uxorie, vel actione ex stipulatu: vice versa variæ merito retentiones ex dote ipso jure competeabant, ob mores videlicet ob res donatas, ob res amotas, ob impensas necessarias, denique propter liberos, etsi id dictum, id est pactum seu conventum non

non fuisset, *d. l. 8. rerum amotarum*. Quæ quidem retentiones pleræque omnes publica aliqua ratione introductæ fuerunt. Nunc finge: Pactis dotalibus convenisse de die reddende dotis, ut soluto matrimonio dos ulteriore die redderetur, quam dato statutove legibus tempore? Sane hoc pactum dotale non valet. *l. 12. §. 1. l. 14. §. 16. 17. D. de pactis dotalibus*: quia dotis reddendæ tempus, quando ea petatur, si acceptum est ut ad JUS pertineat, in quo voluntas contrahentium non servatur, ut expresse dicitur *d. l. 12. §. 1. JUS suum est*. Unde & Paulus 1. *sentent.* dixit, sponsonem dotis pacto mutari non posse, quia privata conventio juri publico non derogat. Denique conveniri quidem potest, ut ceteriori die dos reddatur, *dictis legibus*: quod etiam Ulpianus *in fragm.* definit. In marito speciem quoque ponamus. Finge, pactis dotalibus convenisse, ut soluto quodocunque matrimonio maritus agere non possit, ob mores uxoris, ob res donatas, ob res amotas, vel ob impensas necessarias? Pactum hoc dotale servandum non est: quia solemnne hoc jus est, publica utilitate aliqua introductum. Paulus *lib. 7. ad Sabinum in l. 5. D. de pactis dotalib.* Itaque conveniri non potest, ne de moribus agatur, vel ut plus aut minus exigatur, ne publica coercitio privata pactio tollatur, *d. l. 5. in princ.* Non potest conveniri, ut ne ob res donatas vel amotas agatur: quia altero pacto mulieres ad furandum invitantur, altero JUS civile impugnatur, *d. l. 5. §. 1. JUS CIVILE*, id est ut *hac l.* dicitur, jus solemnne, quo donationes inter conjuges vetitæ sunt. Denique conveniri non potest, ne ob impensas necessarias maritus agat: quia tales impensæ dotem ipso JURE minuunt, *d. l. 5. in fin.* ipso jure, id est solemnni jure, ipsaque rerum utilitate deposcente, ne maritus alioquin, præcisa spe necessarium impensarum recuperandarum, rem uxoris contemptim, incuriosius & insuper habeat, negligat, & sic eam perire sinat, quam Rei publicæ interest salvam esse, propter quam mulier nubere possit, *l. 2. de jvr. dot.* Et hæc omnia ita prodidit, ut dixi, Paulus *lib. 7. ad Sabinum (qui libro 16. Pomponii, unde hæc regula desumpta est, respondet) in l. 5. de pactis dotalib.* His adde, quod dicitur in *l. 2. Cod. de inutil. stipul.* pacta ne liceat divertere, non valere. Ut & quod ab eodem Pomponio (proxime superiore libro, qui & ipse fuit de rei uxorie actione) dicitur in *l. 19. de V. O.* stipulationem pœnæ præter eam quæ lege comprehensa est si culpa divortium factum fuerit, non valere: quod & ipsum definitur *d. l. 2.* Adde & specient *l. Titia 234. in princ. de V. O.* Aliud itaque fuerit, si inter conjuges conveniatur, ut ne retentio dotis fieret soluto matrimonio propter liberos, seu ob numerum liberorum: hæc enim *obligationis causa*, hic *actionis modus* lege præfixus tantum est: id est privilegium hoc privatam tantum spectat utilitatem: etsi secundario quoque referatur ad publicam: nempe ut Respublica sobole repleatur.

Et hæcenus quidem de prioris differentia seu distinctione inter jus Prætorium & solemnne, & obligationum causas, seu actionum modum: quod illud conventionione immutari, infringi non possit; ista possint. Sequitur altera distinctio seu differentia circa hoc posterius. Nempe, obligationum causas, seu actionum modum conventionione ita immutari, infringi posse, ut quandoque ipso jure, quandoque per pacti conventi exceptionem immutentur: Nempe, si pactum *cum inchoatur actio*, ut *hac l.* dicitur, id est si in initio actus fuit contractus, ex continenti, in ipso contractu, in ingressu contractus, pactum initum fuerit, *l. 7. §. quinimo §. de pact.* ipso jure, civili scilicet seu solemnni

lemui & Prætorio, valeat, ad infirmandum modum actionis, seu actionem informandam, *d. §. 5. & l. 3. de rescind. vend.* quia scilicet pars est contractus, eique inest, efficitque, ut actio ex contractu non detur talis qualis alioquin jure prodita est, verum qualis pacto informata est: sin postea, ut Papinianus in *l. pacta conventa 72. de contrah. empr.* seu ex intervallo, ad exceptionem tantum prodeit, *l. 6. D. de rescind. vend. dist. l. 7. §. quinimo 5. de pactis: l. lella, D. de rebus creditis: d. l. 72. de contrah. empr.* nisi pactum ex intervallo factum sit super iis quæ ex eodem sunt contractu: nam tum & actionem pariunt & insunt ex parte agentis, *dist. l. 7. §. adeo, de pactis*: quod recte explicavit V. CL. Merillius, 3. *Observ. 21. 22. 23.* Ergo, si quid convenit, cum inchoatur actio, id ad actionem valet: cum inchoatur actio, id est cum actionis prima fundamenta jaciuntur; obligatio enim & contractus actionis mater est: sic actio jam tum inchoatur, cum obligatio contrahitur. Neque enim hic audiendi sunt Interpretes, qui actionem pro actu interpretantur, Ille sane gravior error est eorum, qui sinehujusl. pro nisi emendant, nec si: in errorem eo inducti, quod non viderunt, obligationum causas, & modum actionum pro eodem hic accipi: atque ideo actionum modum, pro Prætorio & solemnî jure ipsi accipiunt: aperte enim *modus, Prætorio & solemnî juri* hic opponitur.

DONATOR quatenus conveniri possit.

XXVIII. ULPIANUS libro trigésimo sexto ad Sabinum.

*Divus Pius rescripsit, eos qui ex liberalitate * conveniunt, in id quod facere possunt, condemnandos.*

* Sna, additum in Haloand.

DONATOREM in id tantum quod facere potest *ipse impotens donec dives sit*, ut Græci) conveniendum & donatario condemnandum hac regula definitur: Quæ quidem secunda est e Sabinianeis, quæ circa rei uxoria actionem soluto matrimonio versantur, regulis. Pertinet ea scilicet ad donationes & liberalitates dotalitas, donationesque inter virum & uxorem; ut ostendit ex eodem Ulpiani libro 36. ad Sabinum *lex 6. de sponsalibus: l. 27. 29. de jure dot. l. 33. de donat. inter vir. & uxor. l. 12. 19. soluto matrim. l. 1. 3. 5. 7. 9. de impensis in res dotales: l. 7. verum amorum*; eodemque pertinet & *lex 49. de pactis*: Denique proprie, actionum soluto matrimonio competentium occasione, hanc regulam proposuit Ulpianus. Antequam eam explicemus, observanda nonnulla. Primo, hanc regulam exscriptam ex *l. si extraneus 33. de jure dot.* restituito hinc libri numero qui illi legi inscribitur: pro sexto scilicet *trigésimo sexto*: quod etiam Cujacius & Pet. Faber jam monuerunt, & Labitius: quam quidem etiam legem hic recte allegat Glossa; idque etiam argumento dictæ *legis 27. 29. eodem tit.* quæ ex eodem libro Ulpiani 36. ad Sabinum desumptæ sunt: Secundo observandum, concordare huic regulæ in eodem argumento *legem in condemnatione 173. in princ. inf. hoc tit.* Tertio monendum, perperam hanc legem a Cujacio de regularum numero expunctam: nam ut maxime rescripto seu constitutioni D. Pii ea accepto feratur; ut maxime sin-

ſingulare privilegium contineat, attamen in regulam juris id tranſiſſe certum eſt: cujus non una etiam alibi mentio extat, *l. 20. l. 41. §. ult. de re judic. d. l. 33. de jure dot.* in regulam juris, inquam, tranſiſſe, cum antea, id eſt, ante D. Pium contraria regula obtineret: nempe quemlibet debitorem in ſolidum condemnandum, & capitis diſtractiſque pignoriſ judicatum facere cogendum, *l. Labeo 84. de jure dot.* Hoc, inquam, juſ regulare erat, ut ſolidum creditor conſequeretur, etiam donatarius a donatore. Atenui ex reſcripto D. Pii ſingulari beneficio ſeu privilegio donator excipi coepit, eaque exinde regula ſeu juris conſtitutio conſtituta, ut ſi quis ex liberalitate conveniretur, non in ſolidum, verum in id tantum quod facere poſſet, condemnaretur. Quinimo videri poſſit, D. Pium hoc reſcripſiſſe non Reſcripto aliquo ſpeciali ad conſultationem Judicis alicujus, vel ad preces privati emiſſo, verum generali aliqua conſtitutione ſanxiſſe, ut ita *Reſcribendi* verbum hic de generali quoque conſtitutione accipiat. Sane hæc Divi Pii conſtitutio vocatur, *l. 20. l. Neſennius 41. §. ult. D. de re judic.* Verum in hoc vim non facio. Denique, quod initio dixi, in regularum cenſum veniunt etiam id genus breves ſententiæ, quæ REI, & conſtitutionis, alicujus ſummam & velut cauſæ conſectionem continent.

Ex liberalitate autem ait lex, generaliter ſeu indefinite, quæcunque tandem illa ſit, ſi modo mera liberalitas ſit, id enim demum *donari* creditur, quod nullo jure cogente conceditur, *l. 81. infr.* Etiamſi in conſtitutum deducta ea fuerit *l. 33. D. de donation. Cauſam enim* (inquit ea lex) *& originem conſtitui, non judicii poſſeſſum prevallere placuit*: Pariſter etſi poſtea condemnatus ex ea donator fuerit, *d. l. 33.* Imo etſi dotis cauſa donatum, ad quam ſpeciem propiæ aptari hæc regula debet: ut appareat ex *d. l. ſi extraneus 33. D. de jure dot.* ubi hoc ipſum Divi Pii reſcriptum laudatur, imo unde hæc regula, ut dixi, deſumpta eſt. Aliud vero fuerit, ſi quis ex aliena liberalitate conveniatur, puta heres, qui utique hoc privilegio non potitur, *l. 12. 13. 15. D. ſoluto matr. l. 24. 25. D. de re judic.* (excipe pollicitationem in ſp. *l. 6. 9. pen. & ult. de pollicit.* ubi oſtenditur deminutionem pollicitationis quandoque heredibus fieri) Item aliud fuerit, ſi ex donatione remuneratoria quia conveniatur: ratione æquabili quæ redditur in *l. 25. §. conſuluit, D. de hered. petis. l. Aquilius Regulus 27. & l. hoc jure 19. §. La-beo, & §. ſin. & penult. ſeu 34. D. de donat.* Item aliud fuerit, ſi ex ſecuta donationem delegatione quis conveniatur, ut maxime res originem capiat ex liberalitate, *l. 33. §. ult. D. de donat. & l. Neſennius 41. D. de re judic.* Denique aliud fuerit, ſi traditione ſemel facta donator rei vindicatione conveniatur *diſt. l. 41. §. 1.* Horum omnium hæc ratio unica eſt, quia non jam ex liberalitate hiſ caſibus quis convenitur, verum aut hereditario jure, aut jure debitoris, aut titulo remunerationis, aut jure poſſeſſionis: Atqui regula noſtra eſt de conventis ex liberalitate.

In id igitur quod facere poſſunt conventi condemnantur donatores: & quidem ita, ut licet aliæ quoque perſonæ ſint, quæ (propter *αἰσῶν convenientiam* perſonarum, vel *τῶν αἰδῶν decentiam*, ut loquitur Hermopolites ad hanc *leg. & l. 173. infr.*) in id quod facere poſſunt condemnantur, ut ſunt de quibus agitur *l. 173. infr. hoc. tit. l. 63. §. 3. D. pro ſocio: l. 33. de jure dot. l. 12. 54. D. ſoluto matr. l. 16. 17. 18. 19. §. 1. & l. 20. D. de re jud.* (in qua poſtrema hujus quoque conſtitutionis Divi Pii mentio ſit) puta maritus de dote conventus, ſocius omnium bonorum, parentes, patroni,

eorumque parentes & liberi, miles denique: attamen non tam plene his consultum fuit, ut contulitur iis qui ex liberalitate conveniuntur. Nam, ut eleganter ait l. 49. *D. de re jud.* pinguius donatori succurrere debemus quam ei qui verum debitum persolvere renetur: ne (ut subjicitur sequenti l. 50.) liberalitate sua inops fieri periclitetur. Quare, cum in cæteris non etiam deducatur æs alienum l. 19. §. 1. *in fin. l. 49. D. de re jud. l. 54. D. soluto matrimon.* solus donator, qui ex liberalitate convenitur, etiam æs alienum deducit: Omni demum scilicet ære alieno deducto donator facere posse intelligitur, l. 16. 19. §. 1. *dict. l. 49. & 50. D. de re jud. d. l. 54. D. soluto matrimonio*, quam postremam legem observandum est desumptam esse ex Pauli libro *De jure singulari*: Nam hoc est quod diximus, de jure singulari seu privilegio & beneficio juris certis personis dato, hac regula agi: de quo privilegii genere speciatim agitur l. 68. & 196. *infra, hoc tit.* Ergo donator in quantum facere posse dicitur, in quantum æs alienum patitur: Item, ita ne egeat, nam & hactenus quoque ipsius ratio habenda est, ut ipsi aliquid sufficiens relinquatur l. 19. §. 1. l. 30. *de re jud.* de quo plura ad leg. 173. *in princ. inf.*

De VITIOSO ab initio.

XXIX. PAULUS libro octavo ad Sabinum.

Quod ab initio vitiosum est, non potest tractu temporis convalescere.

VITIOSUM seu inutile ab initio utrum convalescere postea possit tractu temporis, quaeritur: Et non posse hac regula definitur, quæ proprie spectat ad Tractatum de *Tutelis*: ut recte quoque P. Faber indicavit. Hoc enim libro octavo ad Sabinum Paulum de *Tutelis* egisse docent ejus libri fragmenta omnia, sex numero, puta l. 4. 17. *D. de tutel. l. 2. 4. D. de tutel. & ration. l. 3. D. de auctor. tut. l. 27. D. de contrah. empr.* Unde apparet, hanc legem postponi debuisse legi proximæ, quæ ad actionem Rei uxoriæ spectat. Species hujus regulæ eo pertinet, ut indicetur, auctoritatem Tutoris STATIM IN IP SO NEGOTIO requiri: quam in rem est expressa Gaji lex *obligari* 9. §. *tutor. 6. D. de auctor. tutor. Statim in ipso negotio*, ait Gajus, *d. loco: initio*, ait hæc lex. Alioquin post tempus interposita auctoritas nihil agit, ut subjicit Gajus, *d. loco*: & ut hic dicitur, quod initio vitiosum est, non potest tractu temporis convalescere. Et huic tamen definitioni Gajoque JCto opponitur Ulpianus *lib. 8. ad Sabinum*, in *l. si quis mihi 25. §. jussim 4. D. de acquir. hered.* ubi ait, tutoris auctoritatem interponi (recte scilicet) *perfecto negotio*: & in eo non esse simile jussim ejus qui in potest te habet; quia jussim præcedere debet. Cujacii conciliatio, vel interpretatio, *lib. 13. Observ. cap. 31.* nunquam mihi placuit, qui autumat, si statim atque peractum est negotium tutor in præsentem auctor fiat, satis esse, nec quidquam nocere si in ipso tractatu & gestu negotii non interfuerit, atque hanc esse Ulpiani sententiam. Nam imo in ipso negotio & tractatu tutorem præsentem esse oportet: Quare levi tantum emendatione rem conciliari oportet: scribendum enim in *d. §. 4. perfecto negotio*. Scilicet satis est interponi tutoris auctoritatem PROPECTO NEGOTIO: contra jussura ejus

ejus qui in potestate habet PRÆCEDERE debet: opponuntur scilicet *præcedere*, & *provento negotio* interponi: id est, quod jam tractatur, promovetur: ut ita velit Ulpianus, et si non *præcesserit* tutoris auctoritas, si tamen ipsi negotio superveniens, & *provento negotio*, auctoritatem suam interponat, satis esse. *Proventum negotium* est, quod jam aliquo usque processit, promotum est, nondum tamen perfectum. Quo sensu passim *proventum* quædam dicuntur apud scriptores: vide vel *Tacitum*. Et hunc quidem casum, qui tamen hujus regulæ genuinus est, cum varios alios asserat, omisit Glossa. Huic æteroque regulæ in summam concordant duæ præterea hujus tit. leges, puta *lex 201. 210. infra, hoc tit.* ubi ostenditur, hanc regulam in testamentis & in heredum quoque institutionibus obtinere, & in Legatis: Quæ sententia est Regulæ Catonianæ. Imo lastissime, si quæ alia patet hæc juris regula: In cujus applicatione ne labamur, & ut contrariis seu objectionibus nonnullis, quæ moveri possunt, satisfiat, unica distinctio servanda est: Nempe, in iis negotiis & actibus, in quibus leges pro forma statum personæ & rei præsentis spectari jubent, & ex quibus negotium statum seu substantiam capit, denique in quibus semel tantum velle possumus: In his, inquam, omnibus actibus hæc regula nostra locum obtinet, sive de contractibus, sive de testamentis agatur, sive de actionibus.

In *contractibus*: ut ecce, in hac ipsa specie nostra auctoritas tutoris pro forma & substantia negotii desideratur: Quare initio, id est *provento* etiam negotio eam interponi oportet: Rursum ad substantiam & formam contractuum pertinet, ut res de qua agitur, sit in commercio hominum: Quare si initio non fuerit, et si postea esse cæperit, non ideo negotium sustinetur, *l. 38. §. sacram, D. de V. O. & l. continuus 137. §. 10. eod. tit. §. 1. Instit. de inutil. stipul.* ubi dicitur, non secundum futuri temporis jus, sed secundum præsentis æstimari debere stipulationem. Tandem ad substantiam contractuum pertinet: ut qui contrahit, contrahendi jus habeat: Quare in PRAXI, si mulier in Gallia sine consensu mariti contraxerit, soluto quamlibet matrimonio contractus non valet, quam in rem varia sunt Parlamenti Parisiensis Arresta: Et hæc de Contractibus.

Testamentorum par ratio est, quo proprie refertur Regula Catoniana, sive ipsum testatorem spectes, sive heredem instituendum, sive heredem institutum, sive legata: Testatorem, inquam, initio quippe testamenti conditi testandi jus eum habuisse oportet, neque ideo quia ex postfacto seu tractu temporis testabilis esse capiat, testamentum sustinebitur, *l. 8. 19. D. qui testam. fac.* de quo tamen vide quædam *infra, ad leg. 191. Heredem*, pariter instituendum: Quare si pater filium testamento præterit, & postea filius decesserit; non ideo testamentum sustinebitur, *§. 1. Instit. de exher. liber.* Dixi etiam, *heredem instituendum*: hinc illud est quod dicitur in *l. 210. infra*. Quæ ab initio inutilis fuit institutio, ex postfacto eam convalescere non posse: Denique dixi, *Legata*: Nam & eo pertinet decantata illa regula Catoniana. Si testamenti facti tempore inutile sit legatum, non valere id quandocunque testator decesserit. Tandem claudatur hoc, regula generali *legis 201. infra*: Omnia quæ ex Testamento proficiuntur, ita statum capere & eventum, si initium quoque sine vitio acceperint.

Actionum quoque par ratio est; nam & hæc nisi initio valeant, ex postfacto non convalescunt. Nempe actiones legitime ab initio ordinatas oportet, ut in specie *l. 2. §. ult.*

D. quod jussu, l. 17. in princ. *D. de furtis*: l. penult. *D. de noxal. action.* Tandem his omnibus casibus, quæ initio sui *auxiliata substantiam non habentia* sunt, semel & semper sunt.

At enim si non pro forma & substantia quid negotio subternatur, & prohibitionis causa temporaria sit, tum tunc quod vitiosum initio erat, etsi non solo temporis tractu, attamen ex novo quodammodo consensu & voluntate convalescere incipit, sive de contractibus quaratur, sive de quasi contractibus, nuptiis, testamentis, legatis. De *contractibus*, inquam, ideo si rem alienam obligavero pignori, ejusque postea dominium consecutus fuero, obligatio utiliter confirmatur, l. 41. *D. de pignor. action.* l. 22. *D. de pignor.* l. 5. *C. si res alien. pign.* Pariter, si rem dotalet uxoris meæ constante matrimonio inutiliter alienavero, posteaque conjugi heres exitero, alienatio convalescit, l. 22. *D. de usucap.* Pariter, si unus ex sociis initio servitutem inutiliter constituerit, secuta sociorum cessione servitus confirmatur, l. ult. *D. commun. prad.* Idem obtinet & in *Donationibus*: Nam si Rectori provinciae quid in officio donavero, deposito officio donatio jam confirmata valet, l. 1. *C. de contrah. judic.* Idem obtinet in *donationibus inter conjuges*, quæ initio invalidæ tractu temporis in eadem voluntate decedente conjuge convalescunt: Eadem ratio quarundam *Nuptiarum*: Nuptiæ quippe ab initio vitiosæ inter minorem XII. vel XIV. annis iusta postea ætate confirmantur, l. 4. *D. de ritu nupt.* Item nuptiæ contractæ inter Senatorem & libertinam, & sic vitiosæ, amissa dignitate convalescunt, l. 7. *D. de Senator.* l. 27. *D. de ritu nupt.* Nuptiæ pariter inter mulierem provincialem & officium in provincia gerentem contractæ, deposito officio convalescunt, l. 65. §. 1. *D. de ritu nupt.* Quorum omnium hæc unica ratio est, quia his casibus prohibitionis causa temporaria fuit, neque res quæ negotio intercessit, seu negotium impediēbat, substantiam aut formam negotii afficiebat.

Addatur, neque in his hunc regulam obtinere, in quibus non ex præsentī negotium perficitur, sed in futurum, aut a lege aut a testatore, aut a contrahentibus, negotium confertur, ut in *specie legis* 3. & 4. *D. de Reg. Caron.* l. 41. §. 2. *D. de legatis.* In speciebus totius tituli, *Quando dies legatorum*, in *spec. l. un. §. libertatem*, *C. de caduc. tollend.* l. 2. *D. de excus. tutor.* In his quippe omnibus casibus totius negotii vis a fine & eventu pendet, & tamdiu in suspensio est. Quamquam & in his ferme omnibus speciebus non tam res ab initio VITIOSA est, de quo est hæc regula, quam in effectum deduci non potest. Denique perpetua est hæc regula, suos intra fines coarctata: Quæ causa formula illa NON POTEST peremptoria hic eodem sensu posita, quo alibi sepe.

NUPTIAS quid facias.

XXX. ULPIANUS libro trigesimo sexto ad Sabinum.

NUPTIAS non concubitus, sed consensus facit.

NUPTIÆ unde æstimari, & a quo tempore computari debeant, hac regula (quæ superiorem antevertere debuit, servato materiæ ordine) definitur: ad eum videlicet finem, uti liqueat, quinam conjugum, maritorum & uxorum jure censerentur de-

debeant. Porro, quemadmodum hæc regula ex eodem trigesimo sexto ad Sabinum libro, unde desumpta est *lex 28. sup.* petita est: ita & ad eundem juris articulum spectat, ad actiones, inquam, soluto matrimonio inter conjuges utrimque competentes; ut ostendit *lex 12. §. 19. D. solut. matrim. l. 39. D. de donat. inter vir. & uxov.* quæ ex eodem Ulpiani libro 36. ad Sabinum huic conjungende sunt. Quinimo hæc ipsa regula continetur in *l. cum fuerit 15. D. de condit. & dem.* quæ tamen inscriptum habet Ulpiani librum 35. ad Sabinum, cum hic habeatur 36. Unde Antonius Augustinus lib. 1. *Emend. c. 7. p. 54.* & ex eo Labittus, alteratrubî mendam irrephisse putabat. Quod etsi cui verum videri possit, ego tamen nil mutem: potuit enim Ulpianus hanc regulam usurpasse, utroque libro, 35. & 36. ambo quippe libri illi occupati fuere circa *res uxoria actiones una cum 340.*

Igitur hac regula definitur, unde æstimari matrimonium, & a quo tempore computari debeat: atque adeo unde in genere matrimonii probatio petatur. Et ait Ulpianus generaliter & indefinite: *Nuptias non concubitus, sed consensus facere.* Quomodo Justinianus in *Novella 22. c. 3. γαμος διαδίου ἴσται καὶ ἀφ' ἧς αὐτῆς αὐτοῦ. Nuptias consensus nudus & reciprocus facit.* Quomodo idem Ulpianus, in *l. cum hic status 32. §. si mulier 13. de donat. inter vir. & uxov.* non coitus, inquit, matrimonium facit, sed maritalis affectio: Quomodo Papinianus, in *l. donationis 31. de donationibus*: maritalis honor & affectio, si videl. quod idem ait, in *l. cum hic status 32. §. 1. de his que ut indignis*, honore pleno quis mulierem diligat: Quo sensu & sola dignitate uxor a concubina separatur, *l. 49. §. 4. de legat. 3. vide & l. 8. Cod. de operis lib. l. 13. Cod. de postliminio.* Non igitur de concubitu æstimantur nuptiæ, vel inde computantur, neque ex concubitu nuptiæ satis probantur. Sicuti & retro secubitu matrimonium non dissociatur, seu separatione thori aut habitationis: imo solo consensu retinentur nuptiæ, *d. l. cum hic status 32. d. §. 13.* Ex solo igitur consensu nuptiæ æstimantur, solaque animi destinatione: quomodo & retro, concubinam ex sola animi destinatione æstimari oportet, *l. pen. D. de concubinis.* Alia vero jam questio est & ulterior, quomodo hæc animi destinatio, hæc maritalis affectio seu honor, plenus honor, consensus hic declaratur, quibusque adeo conjecturis matrimonium contractum censetur: de quo late Menochius, 1. *presumpt. 1. 2.* Papinianus sane has probationes & conjecturas suppeditat in *d. l. 31. de donat.* puta, 1. ex comparatione personarum: cujus exemplum videre est in *l. in libera 24. de ritu nupt.* 2. Ex vitæ conjunctione, cujus etiam exemplum existit in *cap. illud, extra de presumptionibus 3.* Ex vicinorum opinione, *l. si vicini 9. Cod. de nuptiis l. filium, D. de his qui sunt sui.* 4. Item regulariter ex deductione in domum consensus declarabatur, & matrimonium perficiebatur, *l. cum in te 6. Cod. de donat. ante nupt. l. 5. de ritu nupt. l. pen. D. de donat. inter vir. & uxov.* etsi sine ea matrimonium contrahi poterat, *d. l. pen. in domum, inquam, deductione*, quamvis nondum in cubiculum mariti mulier venerit, *dist. l. 15. de condit. & demonstr. 5.* Aquæ item & ignis acceptione, *d. l. penult. 6.* Dotilibus instrumentis seu tabulis nuptialibus (quomodo & apud Turcas sola dote uxor a concubina differt, teste Busbequio) seu Testatione: quæ tamen & ipsa necessaria non fuere, in domum, inquam, deductio, tabulæque dotales: ut ostendit *lex 4. D. de fide instr. l. 4. de pignori. l. donationes 31. de donation. l. 66. seu pen. D. de donat. inter vir. & uxorem: l. 3. l.*

3. *l. si vicinis* 9. *l. 13. & l. 22. Cod. de nuptiis*: Novella 22. c. 3. Novell. 74. Nov. 117. & Quintilianus *lib. 5. Orat. Instit. cap. 12.* Quanquam in nonnullis matrimoniis scriptura necessaria fuit, Nov. 117. & *l. Nuptia, Auth. sed novo jure, Auth. maximis, C. de nuptiis, §. ult. Instit. de nuptiis.* Hæc, inquam, omnia ad nuptiarum probationem pertinebant, non ad substantiam matrimonii seu nuptiarum contrahendum: exceptis, ut dixi, casibus singularibus, ubi scriptura de substantia erat. At Christiana hodie Jurisprudentia sola ferme *secundum sacras ceremonias* nuptias fieri vult: cujus sane usus in prisca Ecclesia antiquissimus fuit, secundo jam, tertio quartoque Ecclesie Christiane seculo, Ignatii jam, Tertulliani, *lib. 2. ad uxorem: & lib. de pudicitia*: Ambrosii *lib. 9. epist. 1.* Nazianzeni seculis: Hanc ad rem videatur & posterior Novella Leonis 89. item Novell. Alexii Comneni, & Scholiastes Harmenopuli *lib. 4. tit. 4.* & Theod. Hermopol. hic, & Hotomannus, *Ilustr. quest. 23.*

Et ita quidem etiam satisfactum jam iis quæ vulgo obijci solent adversus hanc regulam. Uno verbo: de consensu *substantia* hæc lex est, cui opponitur concubitus: non de modis quibus consensus declaratur: Item de legitimo consensu est hæc regula. Quare neque huic regulæ obstat *lex pen. D. quando dies legat. l. 39. §. 1. de jure dotum.* Denique, quod dicitur de concubitu, eum non facere nuptias, id accipiendum de *17.º*, ipso: dummodo potentia adsit, alioquin nuptiæ non consistunt.

Nunc de hujus regulæ vi usque & effectu. Eo scilicet ea pertinet, uti liceat, quando jam nuptiæ contractæ censeantur, uti quis nuptiarum commodis potiri possit, & e contra, iis quæ conjugibus prohibita sunt, abstinendum sibi norit. 1. Hinc adeo dos, deque dote actio mulieri competit, si post consensum adhibitum maritus subita forte morte, antequam uxorem cognosceret, moriatur, *l. 6. 7. de ritu nupt.* 2. Hinc legato alicui relicto, si *nuptias contraxerit*, contracto statim matrimonio conditio impleta videtur, & legatum debetur: quamvis mulier nondum in cubiculum mariti venerit, *l. cum fuerit 15. de condition. & demonstrationibus.* 3. Hinc maritus exinde, a tempore consensus, in id quod facere potest, condemnabitur, de quo jure singulari *ad leg. 28. supr.* De eo sane egit Ulpianus hoc ipso libro 36. ad Sabinum, uti constat *ex l. maritum 12. soluto matrim.* sicut ex eodem libro desumpta est *d. l. 28.* 4. Hinc donatio inter aliquos constituit, prout in concubinam, vel conjugem collata erit, *l. 31. de donationibus: l. 3. §. 1. vers. Divus: l. si pretia 58. de donationibus inter vir. & uxorem.* 5. Hinc præmia quæ maritis seu conjugibus lege tributa sunt, jam inde ut consensus intercessit, conjuges potiuntur: & retro pœnas coelibibus propositas jam inde evitant. 6. Exinde bonorum possessio *unde vir & uxor* his competit. 7. Eodem pertinent & Arceia Parlamenti Parisiensis, quibus judicatum est, communionem bonorum inter conjuges, moribus Gallicis receptam, & dotarium mulieri adquiri a die benedictionis, etsi maritus opus mariti nondum impleverit.

Ex his jam patet, quam alieno plane loco, extraque aleam hic Interpretes, & sæpe quidem prolixè, tractent de consensu parentum in nuptiis requisito. Hæc enim reg. est tantum de ipsarummet partium seu conjugum consensu. Ad extremum, neque illud prætereundum, adversus hanc regulam simileve certis legum conditoribus aliquando placuisse, si corpore non convenissent conjuges, nuptias non videri contractas: ut memorat Zeno in quadam specie de Aegyptiis, *l. penult. C. de incest. nupt.*

P A R S VIII.

REGULARUM SABINIANEARUM.

D E

NOXIS SERVORUM.

seu de NOXALIBUS actionibus.

De IMPOSSIBILITATE facti.

XXXI. IDEM (*Ulpianus*) libro quadragésimo secundo ad Sabinum.

*VERUM** est, neque pacta, neque stipulationes factum posse tollere: Quod enim impossibile est, neque pacto, neque stipulatione potest comprehendi, ut similem actionem aut factum efficere possit.

* Concedentis formula hæc est.

DE IMPOSSIBILITATE facti est hæc regula, (quæ *συγγνωμην concessionem* quandam primis statim verbis continet) uti quatuor alix sunt hoc eodem titulo, puta lex 135. 182. 185. 188. §. 1. de impossibilitate rei dandique: quanquam & ad utramque speciem referri possit d. l. 185. & 188. §. 1. Et hæc quidem nostra est de impossibili deducto collato in pactum contractui scilicet adjectum, nam ita accipienda est hoc loco *pacti* vox: vel in stipulationem. Quo ipso sensu pactiones & stipulationes junguntur l. 3. de usufructu: & exinde §. 1. *Inst. eod.* utrumque eadem in re complexus est Imperator, *voluntariis contractibus* appellatione. Ac nominatim pertinet hæc regula ad *noxas servorum* & *noxales actiones* servorum nomine: de his enim egit *Ulpianus* hoc libro 42. ad Sabinum; ut ostendunt exinde l. non impossibile 50. de pactis: l. 20 44. ad leg. Aquil. l. 15. de præscript. verb. l. si ita quis 31. de evictionibus: l. aliud est 174. de V. S. Pertinet & ad Edictum ædilium curulium de venditione Mancipiorum: & speciatim (quod etiam recte divinavit Glossa) ad id sive pactum, sive stipulationem in servi venditione, *Furem cum non esse*, verispeccionem non esse: quod docent ex hoc ipso lib. 42. ad Sabinum tres leges, quæque adeo huic coassandæ veniunt, puta d. lex 50. de pactis: ubi etiam eadem questio ab eodem *Ulpiano* tractatur l. si ita quis 31. D. de eviction. (quam hic recte adfert Gl.) l. aliud est 174. D. de V. S. Quo etiam ipso libro 42.

ad

ad Sabinum Ulpianus egit inter alia de pacto seu de decisione super furto, ut docet ex eodem libro *lex si pro fure 7. D. de condit. furi. l. generaliter 26. D. de P. O. l. inter omnes 46. §. usque adeo 5. D. de furtis*. Vel etiam pertinet hæc regula ad id pactum, *servum fugitivum* non esse: quod ut aliunde patet, ita præbet argumentum dicta *lex 15. de præscript. verb.* quæ ex eodem pariter Ulpiani libro desumpta huic coniungenda est. Hæc scilicet pacta & stipulationes in mancipiorum venditione adiciebantur, de præstandis scilicet his & similibus servorum vitiis noxisque: unde & illa *Adiliti Edicti* verba, *Si adversus quod DICTUM PROMISSUMVE fueris cum venires*, &c. id est pacto vel stipulatione adjectum fuerit.

Hoc in tractatu cum versaretur Sabinus, duas has generales regulas proposuisse videtur, occasione actionis noxalis ex furto servi: Quarum prior hæc fuit, Turpes stipulationes nullius esse momenti, *d. l. generaliter 26. de P. O.* turpem porro non esse stipulationem, qua de furto jam admissio decisa est, *d. l. si pro fure 7. D. de condit. iur. tiva: & d. l. inter omnes 46. §. 5. de furtis*. Alteram hanc regulam obiter, & pro dubitanti ratione proposuerat, Pactum & stipulationem quod impossibile continenter non valere, *d. l. 50. de pactis, & d. l. 31. de evictionibus*: in stipulatione vel pacto, *Fu em* vel *Fugitivum* non esse, nil impossibile contineri *b. l. & d. l. 50.* Nempe ibi tractabat sive Sabinus, sive Ulpianus, utrum hoc pactum, hæc stipulatio, in servo vendendo, *furem* vel *fugitivum eum non esse*, impossibile quid contineret? Quod utique videbatur, ex ea dubitandi ratione, quæ hic pro regula affertur, & per *συγχωρησις* concessionem proponitur, nempe, *Neque pactum, neque stipulationem factum posse tollere; quod enim impossibile est, neque pacto, neque stipulatione posse comprehendere, nisi utilem actionem aut factum efficere possit*: Quemadmodum & venditor, qui non vitiosum etiam in posterum servum futurum promissit, non tantum temere promittit, verum etiam impossibile promittere videtur, *l. 3. Cod. de adilit. action.* Et vero nonnullis veterum ita visum fuisse ait *d. l. 31. de evictionibus*. Nempe enim, si servus in hac causa sit, id est, si servus venditus fur sit, impossibile esse quod promittitur (quia effici non possit, ut non sit quod est) si vero fur non sit, frustra esse, *d. l. 31. D. de eviction.* Verum respondet Ulpianus hac *l. συγχωρησις*, seu per concessionem, eadem formula & per concessionem qua *l. 142. inf.* Verum quidem id esse, certam esse regulam superiorem, atque in proposito casu, non impossibile verti VERIUS videri, ut idem aperte definit in *d. l. 31. D. de evictionibus*: Hoc enim pacto, hac promissione, *Furem servum NON ESSE*, non id agi, ut factum haud factum fieri, sed contineri quanti interest furem non esse. Actus scilicet hominum ita interpretandi sunt, ut aliquid operentur, & ut utilem actionem efficiamus. Quare pacificentes aut stipulantes non videntur impossibile quid pacisci vel stipulari voluisse, cuiusmodi sane esse factum tollere, seu haud factum efficere, factum infectum reddere, facere ut non sit quod est: Verum id egisse videntur, ut quanti interest præstaretur, si id factum aut vitium emptor in servo comperisset, puta, si furta ab eo admittit, si furatrinam eum exercuisse, vel etiam sepe fuisse, denique si furacem & fugacem ei esse constiterit: si *περιπέλιον*, quomodo legi possit in *d. l. 31.* Id enim *facti* appellatione initio huius legis intelligendum est: το αταξ ζαρον απαγμα quod semel extrin factum, ut *Greci* recte vertunt. Denique impossibilibus prima specie stipulatio pactique, quacunque ar-

P A R S IX.

R E C U L A R U M S A B I N I A N E A R U M .

D E

D O M I N I O E T P O S S E S S I O N E .

SERVI jure civili pro nullis .

XXXII. ULPIANUS libro quadragesimo tertio ad Sabinum .

QUOD attinet ad jus civile, Servi pro nullis habentur : non tamen & jure naturali ; quia quod ad jus naturale attinet, omnes homines aequales sunt .

DE SERVIS est hæc regula : de quibus quatuordecim hoc titulo regulæ occurrunt , quas semel cumulavi ad *leg. 22. sup.* E quibus etiam multe huic concinunt . Spectat autem hæc proprie ad tractatum , de *adquirendo rerum Dominio* , vel de *adquirenda possessione* : & quidem per servum & cum servo acquirendis , retinendis , amittendis : Quod ostendant complures aliæ leges ex eodem Ulpiani *lib. 43.* ad Sabinum desumptæ : quæ proinde huic conjungendæ sunt : puta *lex nec servus 41. D. de peculio : l. 19. D. mandati : l. 2. 9. D. de contrah. empr. l. 24. de peculio leg. : l. 23. de adquir. rer. dom. l. 3. de fidejussor.* In quibus omnibus agitur de servis , & quatenus per eos dominis adquiratur & quatenus obligent dominos . Quod obligationes attinet , definitur (quod alioquin tratitium est) dominum servilis obligationis nomine peculio teneri : *De peculio* , inquam , utpote quod ad juris naturalis æquitatem magis accedit , quam ad rationem juris civilis : Quare eatenus & servus obligatur , & dominum obligat : alioquin enim servus nil debere potest , neque ei deberi , & cum eo verbo abutimur , factum magis denotamus , quam ad jus civile obligationem referimus , ut hoc ipso libro idem Ulpianus scribit , *d. l. 41. D. de peculio* . Et hæc , ut dixi , ratione nititur actio de peculio adversus dominum : Eadem ratione , cum servi naturaliter obligentur , *l. 13. D. de condit. indeb.* pro servo naturaliter obligato solum condici seu repeti non potest , *dict. l. 13. & l. 64. eod. tit.* ubi eleganter Jctus , debiti rationem in condictione naturaliter intelligendam esse ait : Ab eadem ratione proficitur , quod cum solventis sit allocare (de quo est *lex 1. 3. §. 7. D. de solution.* quæ ex eodem Ulpiani libro desumptæ sunt) sane in naturalem servi obligationem a domino solum quid non videtur , verum in civilem. potius & graviores .

Por-

DE DOMINIO ET POSSESSIONE, SABINIAN. REGG. PARS IX. 139

Porro quod Ictus hic addit, quod ad jus naturale attinet, omnes homines æquales esse, id ut l. 4. *de justitia & jure*: l. *hos accusare*, D. *de accus.* l. *si id quod*, D. *de condition. indeb.* quoque inculcatur, ita a Stoicis mutuatum recte comprobatur Doctissimus Merilius 1. *Observat.* 18. vide & Euripidis dictum in *Ilexuba*.

POSSESSORIS in lucro potior ratio.

XXXIII. POMPONIUS libro vicefimo secundo ad Sabinum.

IN eo quod vel is qui petit, vel is a quo petitur lucrifactorius est, durior est causa petitoris.

DE commodo POSSESSIONIS, præcipuove possessorum jure & favore, est hæc regula: cui concordant hoc titulo quinque insuper alix: puta *lex* 25. *sup.* 126. §. 2. l. 128. *in princ.* l. 154. l. 204. Quarum omnium synopsin habes ad primam illam l. 25. *sup.* quomodo in commune alias plures sunt de reorum favore hoc titulo regule. De hac videamus. Definitur ea, cum de lucro adventitio inter actorem & reum agitur, certatur, meliorem esse causam possidentis: id est in pari causa & ubi utrinque lucrum vertitur, potior haberi debet is A QUO, seu unde quid petitur, id est possessor: contra, durior est causa petitoris: Quæ sententia quoque est d. *legis* 126. §. 2. Quare spectat hæc regula ad concursum possessoris & petitoris; & utriusque quidem in hac hujus regule specie lucrum captantis: Nam si neuter litigatorum lucrum captans possessor sit, tum alia via regulæ insillendum est: tunc enim is præferendus est, cujus causa lucrum tempore præcedit: quod definitur l. *quotiens* 98. *infr.* hoc tit. Imo & illa regula insillendum erit, quæ proponitur in l. 19. D. *de re judic.* Ait autem Pomponius, *vel is qui petit, vel is a quo petitur lucrifactorius est*: (ut recte Flor. non ut alii *lucri petitorius*, vel *lucri possessorius*) Species porro hujus regule ponenda est in argumento Adquirendi, retinendi, recuperandi dominii vel possessionis, de quo Pomponius egit hoc libro 22. *ad Sabinum*, directo sermone in futurum & eventum judicii: quare vocula VEL proprio significatu hic stat & accipienda est: ut recte Gloss. adversus Bulgarum: non nisi *alterutrum* quippe lucro res cellura est, etsi *utrumque* lucrum petat remque vindicet.

Exemplum poni potest in re duobus donata vel legata separarim, quam in rem est funola *lex quotiens* 15. *in fin.* C. *de rei vindicat.* *si ex causa donationis*, inquit, *utriusque dominium rei vindicatis, cum cui priori possessio soli tractata est, haberi potiorem convenit*: l. *pen.* C. *Gregor. eod.* vide & Paulum 5. *sent. tit.* 11. Possit & hæc regula referri ad tractatum de *Conditione* indebiti: de qua etiam Pomponius egit hoc libro 22. ut docet *lex* 19. 22. *de condit. indebit.* l. 21. *ad Senatuscons. Trebell.* l. 29. D. *de usucap.* l. 3. D. *pro socio*. Et quidem objectio inde formari. Finge, Rem alienam indebitam mihi solvisi? Sane conditio indebiti tibi competit, l. 15. §. 1. D. *de condit. indebit.* At dicit aliquis (quod Pomponius hac regula dixerit pro ratione dubitandi) durior esse causam petitoris in eo quod lucrifactorius est vel is qui petit vel is a quo petitur: contra cum de lucro duorum queritur meliorem esse causam possidentis d. l. 126. §. 2. *infr.* denique in pari causa possessorem potiorem haberi debere l. 128. *infr.*

Verum respondendum est, quæ hujus regule sententia est, ut & l. 126. §. 2. *infr.* in

proposita specie petitozem non certare de lucro, verum de damno vitando, & sic prae-
rem causam non esse. Ergo ubi de lucro utrimque certatur, potior est causa possiden-
tis: pariter ut vice versa, si de damno vitando utrimque contendatur, de quo est *l. 91. §. 3. de P. O.* ubi pariter dicitur, cum quaeritur de damno, & par utriusque causa est,
potentiorum esse qui tenet quam qui persequitur. Cetera de commodo possessionis, &
possessorum prerogativa habes ad concordantes huic regulas, & in synopsi ad *l. 25. sup.*
que prima de eorum numero est.

P A R S X.

REGULARUM SABINIANEARUM,

D E

OBLIGATIONIBUS ET STIPULATIONIBUS.

De INTERPRETATIONE stipulationum & contractuum.

XXXIV. ULPIANUS libro quadragesimo quinto ad Sabinum.

SEMPER in stipulationibus, & in ceteris contractibus, id sequimur, quod actum
est: aut si non pareat * quid actum est, erit consequens ut id sequimur quod in
Regione, in qua actum est, frequentatur. Quid ergo, si neque Regionis mos
appareat, quia varius suis? Ad id quod minimum est, redigenda summa est.

* i. appareat.

DE OBSCURÆ, seu obscuridicæ, stipulationis vel contractus interpretatione est
hæc regula: de qua aliquin obscuri interpretatione sunt septemdecim præterea
hujus tituli regulæ: quarum omnium synopsin habes supra ad *leg. 9.* quæ una de ea-
rum numero est. Et hæc quidem R. est de obscuritate ob indistincta seu indefinita con-
trahentium verba. Quia in re hic tres status conjecturalis, seu conjectura gradus κριμα. δ. ο
της λυσης της ατορης scalula solutionis difficultatis proponuntur. per quos scilicet conjectu-
ra animi ducenda est, & obscuritas enodabilis est. Principe igitur loco conjectura ducen-
da, seu sequendum dicitur, quod actum est: Actum, inquam, etiam facite: nam & hoc
quoque actum est, etsi explicitum non est. Hoc sensu Pomponius, libris pariter ad Sabi-
num, in *l. 3. D. de reb. cred.* ait, in contractu quod agitur pro cauto habendum esse;
Hoc sensu Marcellus in *l. triticum 94. D. de P. O.* si de aliquo tritico cogitaverint con-
trahen-

trahentes, id haberi pro expresse: Cogitaverint, inquam, contrahentes: nam ita lex illa explicanda est; alioquin enim quod ab una tantum parte cogitatum est, non consideratur, l. 7. *Cod. de conduct. ob causam*. Et ita quidem id quod initio hujus legis dicitur, interpretandum venit: non, ut interpretes ferre omnes, quasi id quoque hic indicetur, inspicendum potius esse quod actum est, quam quod scriptum. Et idem tamen dicendum hic est, si captiosa, calumniosa, vel cavillatoria interpretatione, dictum urgetur. Ad quam speciem pertinet quod ait Pomponius libris pariter ad Sabinum in l. *sed Celsus* 6. §. 1. *de contrab. emptione*, in emptis venditis potius id quod actum, quam id quod dictum sit, sequendum. Pertinet & quod definitur in l. 35. *de passis*: in l. 5. & l. *qui cum minoribus* 9. §. *ult. l. non est ferendus* 12. *de transactionibus*, inquam captiosamque interpretationem esse, si Aquiliana stipulatio, vel pactum, aut transactio, ad ea de quibus cogitatum non est, trahatur: contra, eo tantum illa pertinet, de qua cogitatum actumque fuit. Eo, inquam, quoque hujus legis initium porrigi potest: Verum, talis species proprie fingenda est, ubi per tres gradus illos conjectura duci potest.

Secundo igitur pedato attendendus dicitur h. l. *Mos regionis*, nempe in negotio uniformi. Postremo succedit, quod *minimum* est, si videlicet mos regionis varius fuit: ut ceteroquin in obscuris quod minimum est sequimur, l. 9. *sup.* & 100. *inf.* Exempla ad hanc regulam nostram, & quidem de more regionis sequendo, apponi possunt. 1. in *usuris*: ut docet *lex* 1. 37. *de usuris*: l. *inter qui repertorium* 7. §. 10. *D. de administ. inter*. Nempe ex usurae veniunt in bonae fidei iudiciis, de quibus actum est: si non apparet, tum veniunt ex, quae in regione frequentantur. 2. Exemplum poni potest in contractu emptionis-venditionis, ut docet l. 6. *D. de coact.* Si furdus, inquit, venerit, ex consuetudine ejus Regionis, in qua negotium gestum est, pro evictore caveri oportet. Neque ab hoc abit, quod dicitur l. *quod si nolit* 31. §. *quia assidua* 20. *D. de adit. edit.* ea quae sunt moris & consuetudinis, in bonae fidei iudiciis venire. Idemque in quibuscunque contractibus & stipulationibus obtinet. Ad quam stipulationum speciem hanc regulam referendam, non tantum ex primis ejus verbis colligitur, verum etiam ex aliis pluribus legibus, quae ex eodem Ulpiani 45. ad Sabinum libro desumptae, huic conjungendae sunt: puta l. 4. *de negot. gest.* l. 42. *pro facio*: l. 4. *de fidejussorib.* l. 12. *de solutionibus*: l. 176. *de V. S.* Denique in hoc argumento obligationum & stipulationum contrahendarum versatus est eo libro Ulpianus. Et in *Testamentis* tamen *ultimisque voluntatibus* eadem regula, triplexque illa gradatio militat, ubi videl. indefinita & indistincta testatoris verba sunt, seu ubi conjectura ultimae voluntatis educenda est. Exemplum in nummis indistincte legatis, l. *si servus* 56. *in fin. de legat.* 1. & l. *nummis* 75. *de leg.* 3. ubi triplex haec itidem conjectura, eodem *quantumvis scilicet*, ponuntur. Hoc, inquit JCtus, *receptum est, nummis indistincte legatis, si neque ex CONTEXTU TESTAMENTI possit apparere, neque ex CONSUETUDINE REGIONIS, ut EXIGUJORES legatis videantur*. De quo jam ad l. 9. *supra*.

Et haec quidem ad hujus regulae intellectum sufficient, A quibus abeunt nimis longe, quae P. Faber conabatur 3. *Semestr.* 10. ex libris Ulpiani ad Sabinum vicinis, & sic ex alio libro, quam unde haec regula desumpta est. In iis quippe legibus quas adfert, intra unam, primam scilicet quae hac l. indicatur, obscuri interpretationem, res om-

uis

nis consistit: nobis verò ut dixi, talis ad hanc leg. species fingenda est, ubi per tres gradus conjectura duci potest: Admitto contra speciem ceu similem superiori, quam ponit hic Gl. in venditione vel stipulatione *pro decem* facta: uno ex contrahentibus dicente, se de Veronenisibus sensile, altero de Imperialibus. Quae omnia in praxi utilia sunt & quotidiana.

De OBLIGATIONIS tollenda, dissolvenda modis.

XXXV. IDEM (Ulpianus) libro quadragesimo octavo ad Sabinum.

Nihil tam naturale est, quam eo genere quidque dissolvere quo colligatum est: ideo verborum obligatio verbis tollitur, nudi consensus obligatio, contrario consensu dissolvitur.

* quodque, Haloand.

AD locum de *Ortu & interitu* in summam subtilis pertinet hæc Ulpiani regula: *ut & dæ præterea hujus tit. regulæ: puta Gaji lex omnia 100. & Pauli lex fere 153. infr. & extrinsecus Pomponii ad Q. Mucium l. prout 80. D. de solutio. Eandemque in sententiam est Papijani illud elegans (ut sunt ejus omnia) l. quattuor 46. D. de acquir. poss. eodem modo vinculum obligationis solvitur, quo quæri adsolet. Atenim suas ut singula & singulares species habent, ac nominatim lex 100. pertinet ad obligationes seu nexus personales: lex 153. *infra*, propriè ad causam acquirende & amittende possessionis: ita hæc nostra speciatim respicit stipulationes seu verborum obligationes (quo etiam pertinebat lex proxime præcedens, pertinet & lex proxime sequens) ut vel contextus ipse legis ostendit. Ostendit insuper & conjunctio legis 1. *D. de V. O. l. an inutilis 8. §. 3. D. de acceptil. l. 2. D. de novation.* quæ ex eodem libro desumptæ sunt: Et in universum argumentum libri 48. Ulpianei ad Sabinum, qui versatur in argumento stipulationum. Igitur definit hæc l. Ulpianus, propositis duarum obligationum exemplis, *Nihil tam naturale esse, quam ut eo genere quidque dissolvatur quo colligatum est.* Et sic destruentis eadem principia esse, quæ constituentis. Atque autem, *Nihil tam naturale esse:* nempe id Philosophorum quoque schola scilicet: quomodo & Syneusius de regno, *τοις γὰρ ἀναίτις τοις συνισταῖσι καὶ συσχεῖται* singula enim (regna) *rebus contrariis iis quæ consistunt sine, corrumpuntur.* Ergo naturale hoc principium est nam (quo forte respexit hic Jurisconsultus) civili jure Eurermatica quadam seu cautele adinventæ sunt, quibus alia ratione quidque dissolvitur: de quo ad leg. 100. *infr.* Exemplum duo addit Jurisconsultus: Primo, *stipulationis:* nempe stipulatio contraria stipulatione tollitur, seu dissolvitur, seu, ut hic dicitur, verborum obligatio verbis tollitur: & quidem, vel ex promissione, de qua Ulpianus hoc ipso libro 48. egit in l. debitor 36. *D. de jure dot. vel acceptilatione, §. 1. Insti. quib. mod. toll. oblig. & d. l. an inutilis 8. §. acceptum ferri, D. de acceptil.* quæ ex eodem libro 48. desumpta huic *in idem* coassanda est: quæque omnino huic legi concordat in §. 3. *Acceptum*, inquit, *fieri non potest, nisi quod verbis colligatum est: acceptilatio enim verborum obligationem tollit,**

sollit, quia & ipsa verbis fit: neque enim potest verbis solli, quod non verbis contractum est. Deque hac ipsa acceptilatione hoc ipso libro 48. egit idem Ulpianus non tantum in d. l. *debitor* 36. D. de jure dot. sed & l. *sane* 38. eod. tit. Egit & Paulus libro 12. ad Sabinum, huic concordante in l. 14. de acceptit. & Pomponius libris ad Mucium, l. *prout* 80. de solutionib. Ergo, acceptilatione tollitur verbis contracta obligatio: quo in numero est & operum obligatio per jusjurandum liberti contracta, l. 13. D. de acceptit.

Secundum exemplum est obligationum ex consensu. Nempe & hæc contrario consensu dissolvuntur: quod & ipsum definitur, l. 72. de contrah. empt. l. 27. §. *patim quia*, D. de pactis l. 1. 1. 2. C. quando liceat ab empt. disc. Contrario, inquam, consensu, seu ut dicitur l. 153. infra, modo in contrarium acto: Rebus scilicet adhuc integris §. ult. Infit. quib. mod. toll. obl. l. 7. §. adeo, & l. 58. de pactis l. 1. 2. de rescind. vend. l. 1. quando liceat: id est traditione vel solutione nondum facta, contrarie voluntatis adm niculo l. 5. de rescind. vend. d. l. 1. C. quando liceat ab empt. d. l. *prout* 80. de solution. si nondum impleta sunt quæ utrimque præstari debuerant l. 6. §. ult. de contrah. empt. etsi forte aut fidejussor aut pignus, aut etiam arra data fuerint l. 95. §. ult. de solut. l. 2. Cod. quando liceat ab empt. disc. §. 7. Infit. de emptione: his enim nil obstantibus res integra adhuc dicitur: cum hæc vincula sint contractus, non implementa. Sic & hypothece ut nudo consensu contrahitur, l. si tibi 17. §. de pignore, D. de pactis, §. item *Sereima*, de action. sic & nudo pacto tollitur, l. 2. C. de remiss. pign. l. 10. C. de pignor. In tantum vero hæc regula de dissolvenda verborum obligatione per verba pariter obtinet: ut si obligatio verbis contracta non fuerit, non possit ipso jure tolli per acceptilationem, nisi in stipulationem Aq.ilianam prius obligatio transfusa fuerit, §. item per acceptit. Infit. quib. mod. toll. oblig. Id nisi factum fuerit, obligatio equidem tollitur, non ipso quidem jure, sed ope exceptionis & potestate facti, l. 8. §. penult. l. 13. 19. D. de acceptit. l. 5. D. de rescind. vendis.

His ita explicatis, apparet, non debuisse Interpretes de tollendæ obligationis modis per solutionem vel solutioni similem hæc tractare: cum hæc lex non sit de omnibus finierendæ obligationis modis, sed de resolutoris tantum, quibus (ut bis in hac regula, sed & l. *prout* 80. de solution. dicitur) obligatio DISSOLVITUR: vel ut ait lex 153. LIBERAMUR, de quo ad eam leg. Cujusmodi non est solutio, quæ utique finit quidem obligationem, sed proprie loquendo non dissolvit.

Rursum ad hanc leg. Interpretes tractare non debuerunt de modis acquirendæ & amittendæ possessionis: etsi verum sit. & ibi rationem contrarii obtinere: nam eo proprie pertinet d. lex fere 153. infra. h. s. & l. *quemadmodum* 8. D. de acquir. p. ss. Non debuerunt differere de cognatione civili seu legitima, id est agnatione per actum civilem, id est adoptionem quæ sita, per actum pariter civilem seu legitimam, id est emancipationem, dissolvenda, etsi vera sit doctrina, de quo est dict. lex omnia 100. in r. Non debuerunt item hæc multa cumulare de iisdem solennibus requisitis in testamentis ordinandis, & revocandis. Non debuerunt Interpretes de solennibus hæc agere: solennibus, inquam, probationum & fidei, & in his scripturæ: quæ ab hac regula aliena sunt, cum hæc lex sit de substantialibus & essentialibus, id est de iis quibus res quæque constituitur, imo speciatim obligatio colligatur, & mutata vice partium contrario tractatur, resol-

reolvitur: Alioquin quid vetat a scripto contractu, v. g. recedere contraria voluntate, etsi non scripta. Denique non debuerunt Interpretes fere omnes hic proponere exceptionem, quod videl. si quis in priore actu maiorem legitima solemnitate servaverit, non teneatur in actu contrario servare. Quia hæc regula est tantum de naturali & legitima solemnitate.

His addatur omnibus, pertinere hanc regulam ad obligationes reales, id est ad res creditas, non etiam ad personarum vinculum & obligationem personalem, quo personarum vinculum & creditum nexu vel contrahitur: sic enim loqui malim quam ut alii, non pertinere ad ea quæ forum animæ spectant. Exemplo sit matrimonium vel obligatio matrimonialis, quæ nudo consensu colligatur, ut docuit *lex 30. supr. hoc tit.* At contrario dissenso non dissolvitur: etsi aliquando id ita quoque obtinuerit, non Gentili tantum verum etiam Christiana Jurisprudentia, ut bona videlicet gratia matrimonium dissolveretur. Plura tandem adhuc ad *leg. fere 153. infr.*

DE ALIENÆ rei sese immiscentibus.

XXXVI. POMPONIUS libro vicesimo septimo ad Sabinum.

CULPA est, immiscere se rei ad se non pertinenti.

DE iis qui sese alienæ rei immiscere est hæc regula: cujus quæstio eo tandem pertinet: Num officii forte circa rem alienam exhibitæ obtentu, quis ideo semper excusetur, & a culpa immunis sit? Quod hæc regula negatur. Non equidem, ut jam hinc *Objectionibus* occurramus, quasi absque ἀλλοτριότητα, ἀλλοτρίωνibus, ἀλλοτρίωνibus, *res alienas administrantes, insipientes, gerentes* hæc regula insequatur damnetur, id est, non quasi immiscere sese rei alienæ nemo unquam sine culpa possit; quod utique quandoque bono more licet: veluti si iusta, *amicus voluntarius* (sic enim *gestor* a Cicerone appellatur) affectione bonaque fide rem gerat alienam. Nam qui id facit, magis officio fungitur, quam culpæ alligatur, *l. 2. de neg. gest.* Denique culpa non est, bene & utiliter gerere negotia absentis amici: Culpa non est, amici rem servare, amicis officii & fide colere: qua causa Negotiorum absentis gestori competit actio negotiorum gestorum adversus dominum, *l. 2. & passim, tit. de negot. gest.* Verum eo sensu, ut temeritati tantum perperam & inconsulto & non necessario (id enim est proprie *immiscere se rei ad se non pertinenti*) sese rei alienæ immiscerentium occurratur: puta, si quis alium temere defendat, & inconsulto alienæ liti se ingerat, aut negotium suscipiat, *l. cum qui 46. de minorib. l. is qui se obtulit 25. de R. V. l. 3. §. 10. l. si quis negotia 24. de negot. gest.* ac multo magis, si domino vetante, *l. ult. C. eod.* aut alio quocunque modo sese rei alienæ, ad se nullo modo pertinenti, intempestive, temere, & inconsulto immisceat: veluti si venditor rei venditæ post venditionem, & interpositas ibi *stipulationes*, sese immisceat.

Et sane hujus regule species aptanda venit in hoc argumento de *Stipulationibus* seu *Cautiōibus* quippe singularibus quibusdam, Pomponius ex professo egit, libro 27. ad Sabinum: ut comprobatur *lex 3. de rebus credit.* quæ est de tacita cautione in mutuo:

lex

lex 34. *D. de evictionibus*, quæ est de stipulatione in servi venditione, deque duple stipulatione: lex 15. 40. 42. *D. de V. O.* quæ sunt de stipulatione domus ædificande, hominum in potestate positorum, dandi intra certum tempus: lex 15. *D. de acceptil.* quæ est de supervacua stipulatione. Ergo, & hæc quoque regula eo pertinet: ac nominatim ad stipulationes, quæ in vendenda hereditate inter venditorem & emptorem hereditatis interponebantur: ad quam hereditatis venditionem, imo & stipulationes pertinet quoque ex hoc eodem libro Pomponii 27. ad Sabin. l. 3. *de hered. petit.* quæ, quod jam alii quoque indicarunt, huic coassanda venit: optimeque congruit: mox ut patebit. Species hæc sit: Hereditatem a re emi; hæc stipulatione addita (quam utique addi soliram testatur lex 50. *D. de V. O.*) *Quanta pecunia ad te (venditorem) perveneris, vel dolo malo tuo factum est eritve, quominus pervenias, a te prestari*: Post hereditatem ita venditam, exegisti tu venditor pecuniam a debitoribus hereditariis: ea pecunia sine dolo malo tuo culpave alia perit. Queritur, cuinam hæc pecunia pereat? & an tu venditor ejusce pecuniæ nomine emptori mihi tenearis? Sane si nulla necessitate cogente, id est emptore me fortassis præsentem in civitate eam exegeris, pecunia tibi venditori peribit. Cujus utique definitionis non alia ratio quam ab hac regula petenda est: *culpam* videlicet hoc casu præcessisse hunc casum fortuitum: enim vero *culpam* esse hoc casu, si præsentem domino quis immisceat se rei ad se vel non, vel non amplius, pertinenti. Aliud enim fuerit, ut alteram objectionem profligem, si amici officio necessitate aliqua urgente aut necessitatis suspicione, puta me absente, vel debitore jam decocturo, denique citra culpam aliquam eam exegeris, eaque fortuito casu perierit: nam tum emptori mihi non teneberis. Et ita quidem accipienda videtur *diff. l. 3. D. de hered. vel action. vend.* quam huic compaginandam dixi, juncta l. 3. §. 10. *D. de negot. gest. l. ult. C. eod.* Nisi potius cum nonnullis *diff. leg. 3.* accipiamus, de exacta pecunia ante venditam hereditatem: hoc enim casu si venditor hereditatis exactam pecuniam sine dolo malo & culpa perdiderit, emptori non tenetur: aliud, si post venditam: & sic ea amplius ad se non pertinente ei se immiscuit. Ratio prioris hæc est, quod absentis negotia resque ad te recte pertinere dicuntur, communis officii & humanitatis contemplatu, *σχετικῶς, familiaritatis causa* (ut habebat porticus Stoica) quia homini expedit hominem beneficio affici, l. 7. *D. de serv. export. l. non tantum, D. de appellat.*: ob *συναν necessitudinem* & naturalem conjunctionem inter omnes homines, l. *ut vim, D. de justis. & jure*. Et sic ex natura negotii semel utiliter gesti: Quæ ratio contrariam quoque negotiorum gestorum actionem induxit.

Cum hac igitur regula nihil commune habent alienæ plures species, quæ alioquin ab Interpretibus turbide commisceri hic solent, etsi in his quoque culpæ genus vertetur. 1. Nil, inquam, commune habent quatuor casus quos apponit Gloss. ex l. *cum quærebatur, C. unde vi*: l. *si putator, D. ad leg. Aquil. l. si in arca, D. de condit. indeb. l. ex argento, D. de cond. jurt.* 2. Nil speciatim cum hac regula commune habet, *Imperita professio* (quæ proprie *impostura* dicitur (seu *artis imperitia*, de qua proprie est l. 132. *infra*, quoties videlicet, quis eam artem promittit, quam recte non novit, cujus est ignarus, & in ea imperite versatur, quæ modum & peritiam ejus sperat. In hac quippe regula agitur de RE, ad aliquem prorsus non pertinente: *immiscere*, inquit, *se REI ad se non pertinentis*. 3. Nil commune habet publicæ potestatis officique ad se

non spectantis usurpatio : de quo erit *lex factum* 170. (quam cum hac tamen una fidelia dealbant male nonnulli) & *lex* 176. *in princ. infr. h.t.* Id quod etiam non in *culpa* tantum privatam dolumve incurrit, verum maiestatis sæpe criminari, vi denique imputatur. 4. Hinc etiam alienum est monitum, quo quique intra vocationis suæ metas continere sese iubetur, ne promiscuis rerum actibus officia miscantur. 5. Ut & ad huius regulæ speciem minime pertinet, quod observant de vetito civis, de Republica absque mandato cum hostibus vel hostilia cogitantibus commercio. Quod & ipsum non in *αδισταπορευμένης rerum ad se non pertinentium administrationis* culpam incidit, verum in maiestatis crimen. 6. Sed neque cum hac regula quidquam commune habet quod Martinus tamen aut Bulgarus, & post hos P. Faber, probant, *lex ult. C. unde vi: l. 17. 37. D. de rei vindic.* (quas alioquin species ad hanc regulam aptari video) quia illis legibus non rei alienæ quis sese *tanquam aliena* immiscet (de quo proprie est hæc regula nostra) verum de eo qui rem alienam veluti suam sibi vindicat, & possidere incipit, & ea tanquam sua utitur, in ea tanquam sua agit, *ιδιοκτημον, καὶ ταύτην πρᾶττει propria agens, & quæ sua sunt faciens.* 7. Illud omnium absurdissimum, quod quidam hic tradunt & apponunt, ideo negotiorum gestorem de levissima etiam culpa teneri, quia etsi sedulo quam maxima potuit fide res alterius gesserit, semper tamen ei obijci possit, quod hoc ipsum culpa sit, quod sese rei alienæ immiscuerit ad se non pertinenti: quod ut a ratione alienum est, ita adversa fronte pugnat cum *d. l. 2. D. de negot. gest.*

Ergo ut ad huius regulæ speciem redeamus, stipulatio hereditatis emptioni addita, *Quanta pecunia ad te (venditorem) pervenerit*, &c. potestatem venditori non tribuit exigendæ deinceps promiscue rei hereditariæ, & sic alienæ: id si faciat, tenetur is de periculo rei amissæ: stipulatio enim illa id tantum operatur, ut si quid ad eum quacunque ratione antea pervenit ex rebus hereditariis, id emptori præstare teneatur: item, si quid deinceps probo more acceperit: non vero, ut inconsulte in eas manum mittat. Atque ideo etiam si sumptum ea in re fecerit impenderitve aliquid, ab emptore non repetet, non recuperat: quem alioquin repetiturus esset, si probo more quid hereditarium curasset, vel pecuniam hereditario nomine dedisset, *l. 2. §. 9. 10. 11. de hered. vend.* quo nomine etiam stipulatio concepta fuisse inter venditorem & emptorem videtur: arg. *l. si ex pluribus 18. D. de hered. vend. l. liber homo 20. §. 1. de stipul. servorum, §. ergo si quidem 6. Instit. de fideicom. hered.*

Atque hæc quidem ita se habent: eaque huius regulæ quam dixi, sententia est: quæ ad privatos, privataque officia pertinet. Alio vero, ut dixi, spectat *lex factum a Judice* 170. *infr.* est enim ea de officio Judicis: etsi ius idem ibi obtineat: nempe *factum a Judice quod ad officium ejus non pertinet, ratiū non esse.*

P A R S X I .
R E G U L A R U M S A B I N I A N E A R U M ,
D E

J U D I C I I S :

Et quidem de POSSESSORIIS, seu de INTERDICTIS :

Quo pertinent quatuor Regula seqq. pnta 37.38. 39.40.

De ABSOLVENDI potestate.

XXXVII. ULPIANUS libro quinquagesimo primo ad Sabinum .

NEMO qui condemnare potest, absolvere non potest.

DE ABSOLVENDI seu LIBERANDI potestate, Judici competente, est hæc regula: qua quidem argumentatio continetur, a jure seu potestate *condemnandi*, ad *jus absolvendi*; velut a minus favorabili ad magis favorabile, hoc sensu. Eum qui condemnandi rei jus habet, multo magis absolvere eum, seu liberare; si inuocens appareat, posse. *Multo magis*, inquam, quod duplici abnutivo hic indicatur. *Nemo*, &c. *absolvere non potest*. Perperam enim hæc lex ut ab Accursianis legitur, ita & explicatur: Ita, inquam, legitur, addita negativa, *Nemo, qui condemnare non potest, absolvere non potest*: quasi hic sensus sit, eum demum Judicem absolvere seu liberare posse, qui &, si velit, condemnare possit: Quod sane etsi regulariter verum sit, *l. solent 6. in fin. princ. D. de officio Proconsulis*: Tertullian. 4. *advers. Marcion. cap. an ejus sit absolvere, cujus non sit etiam damnare?* Attamen nonnunquam vitatur. Nam cum favorabiles sint rei quam actores (de quo *l. 125. infra hoc tit.*) & absolutionis favor major sit quam condemnationis, seu proniores sint leges ad absolvendum quam ad condemnaudum, *l. Arriani 47. D. de O. & A.* sane casus quidam sunt singulares, in quibus etsi Judici condemnare non licet, absolvere tamen licet, ut in specie *l. 3. §. 1. C. ubi Senatores*: at non etiam in sp. *Novell. 83. seu Auth. Clericus*, subdita *legi 33. C. de Episcop. & Cleric.* quod tamen Accursius ejusque sequaces volebant: illud enim hæcenus ibi constituitur, Judicem secularem in crimine seculari seu civili, clericum reum inventum punire non posse, nisi prius per Episcopum sacerdotio spoliatur. Quod cum hac regula nil commune habet: & in *spec. cap. penult. de offic.*

offic. deleg. & cap. ad eminentiam, de sent. excomm. de quo & aliis vide Menochium 1. *de arbitr.* 43. Atquin hæc regula nostra perpetua sit oportet: & nunquam fallax, *Nemo*, inquit, &c.

Quare verissima est Florentina & Haloandrina lectio, qua continetur (uti dixi) contrarium argumentum *perpetuum* a jure condemnandi ad jus absolvendi seu liberandi affirmative; hoc sensu, eum qui injuncta potestate nocentem condemnare potest, multo magis absolvere eum qui sibi innocens videatur posse. Et sic eadem omnino hujus regulæ sententia est, quæ Pauli *lege* 3. *D. de re judic.* De qua ex professo Menochius *d. loco* 1. *de arbitr.* 43.

Enimvero pertinet hæc regula ad *Judicis & Formula* seu *Actiōis* dationem, qua Judex olim dabatur, quaque *Judex Pedaneus* a Magistratu judicare jubebatur, ut ostendunt quamplurimæ leges ex eodem Ulpiani lib. 51. ad Sabin. desumptæ, omnesque in eodem argumento de *Judiciis*, deque *Judicibus* datis, & condemnatione ab his facienda, factave occupatæ: puta *lex eum judicare* 13. *D. de juristict.* l. 6. *de capite minui.* l. 59. *de judiciis*: l. 1. *de in litem jur.* l. 33. *de evictiōib.* l. 55. *de re judic.* l. 179. *de V. S.* Ac nominatim, argumento dictæ legis 179. ubi agitur quoque de hac formula seu clausula, *Quanti ea res erit, vel Quanti eam rem esse pares*, referenda est hæc regula ad eam formulam, *si paret Titium dare facere oportere*, vel *quid fecisse, Judex eum condemna*. Quæ formula frequenter occurrit apud Theophilum, *tit. de actionibus*. In formula scilicet ista, a Magistratu Judici data, fiebat *prout discre* mentio *condemnandi*, nempe quia formula dabatur secundum actoris intentionem. Hinc jam nata questio, ratioque dubitandi, cum præcisè olim præscripto formulæ alligatus judex esset, sic ut ab ea recedere ne latum quidem unguem posset, utrum judex condemnare jussus, absolvere retro posset? Id quod hac regula affirmatur; ex natura contrariorum. Scilicet, ei qui nro casu condemnare jussus est, si *PARERET*, re ipsa & vice versa contrario casu, si *NON PARERET*, tacite absolvendi potestas facta creditur: *Nemo qui condemnare potest, absolvere non potest*: Et sic, ut dixi, eadem omnino hujus regulæ sententia est quæ Pauli *l. 3. D. de re judicata*. Qui damnare potest, is absolvendi quoque potestatem habet. Quam l. notandum est desumptam ex Pauli lib. 17. ad Edictum, quo idem argumentum de *judiciis* persecutus est.

Ait autem Iuriconsultus, *Nemo*, &c. ac si diceret, rem utique absurdissimam fore, si qui condemnare potest eum injuncta potestate seu notione, non & absolvere eundem innocentem posset: imo hoc ei potius licere oportere, cum favorabilior sit absolutio quam condemnatio: Simili plane modo, etsi *Prætor prout discrete* edicto suo postulaturis actionem daturum se polliceretur, attamen & denegandi actionem, uti quæque res esset, causa cognita, potestatem sibi servavit: Quo pertinet etiam Ulpiani sententia lib. 1. ad Edictum in l. 102. *infra hoc tit.* *Ejus est actionem denegare, qui possit & dare*. Ita in *cap. verbum*, de *penitent. distin.* 1. potestas data ad ligandum, etiam concessa ad absolvendum dicitur: quamquam ibi Gloss. casus aliquos recenset, quibus illa regula locum non habet: Jure civili hæc nostra perpetua est, nam licet hæc contraria videantur respectu finis, non tamen sunt respectu potestatis & jurisdictionis, ut Ripa loquitur in l. 3. *num. 1. de re judic.* denique a pari procedunt condemnare & absolvere; ita Gloss. *Clem. cum a repulsione*, de *appellat.*

Et

Et hæc quidem regula, ut vel ex genuina ejus specie apparet, tum demum locum habet, ubi causa cognita condemnare quis jubetur: Alioquin, quod hic a Bulgaro recte notatum, si nudum ministerium, nudum exercitium facti, nuda executio cui mandata sit, regulæ isti locus non est: quia executor nihil ultra potest, quam ei mandatum est, neque quidquam potest contra ea quæ inter partes statuta sunt, *l. si ut propriis 6. & l. executorem 8. Cod. de execut. rei jud.* de quo post alios Menochius 1. *de arbitrar. quest. 43. num. 21.* Interim ex superioribus apparet, rationem hujus regulæ non esse argumentum a majore ad minus, ut plerique perperam censent: imo a convertibili seu ab odio ad favorem, vel saltem a minus favorabili ad magis favorabile, pariter ut *l. 156. §. 1. inf. Cui damus actionem, eidem & exceptionem competere multo magis quis dixerit.* Quod vero quidam putarunt, jura cavillantes, ex hac regula id effici posse, eundem noxium promiscue pro animi sui libidine a iudice vel condemnari vel absolvi posse, quomodo Tacitus Neronem memorat, *Senam etiam si vellet, absolvendi ejusdem rei inimici sui ad speciem clementia potestatem dedisse*, id sophisticum est. Agitur enim hac regula de legitimo usu jureque potestatis exercendæ, quæ in condemnando noxio, absolvendo innoxio, consistit, non vero de eodem promiscue reus is sit nec ne pro animi sui libidine vel condemnando vel absolvendo. Hinc proinde etiam alienus est tractatus, quatenus Principi liceat etiam noxios liberare: quo se tamen Interpretes nonnulli hic effundunt *apostrophos ad rem nihil facientia.* Denique alienus ab hac regula tractatus est, & exemplum de Iudice, qui actorem ex mutua petitione & Reconventioni condemnare potest, reum contra absolveret, *l. cum Papinianus 14. Cod. de sent. & interloc. jud.* quandoquidem ut actor vice mutua conveniri potest, ita & se defendere debet coram eodem iudice, *l. si idem 11. §. 1. D. de jurisd. l. qui non cogitur 22. de judiciis:* & iudex datus de mutuis petitionibus cognoscere debet & judicare, *l. 1. §. ult. qua sent. sine appell. cap. 1. de mut. petit.* Alienus, inquam, hic tractatus est ab hac regula: in ejus quippe specie unum idemque causæ meritum præsupponendum est, cujus causa reus vel condemnandus vel absolvendus venit.

In HEREDES ex delicto defuncti quatenus actio detur.

XXXVIII. POMPONIUS libro vicefimo nono ad Sabinum.

SICUTI pœna ex delicto defuncti heres teneri non debeat, ita nec lucrum facere, si quid ex ea re ad eum pervenisset.

DE PŒNALIUM judiciorum ex delicto defuncti vi seu potestate contra HEREDES (de quo peculiaris alioquin titulus extat in Codice, *ex delicto defunctorum quatenus heredes conveniantur*; est & tractatus §. non autem, *Instit. de actionib.*) est hæc regula: pariter ut quatuor aliæ hoc titulo concordantes, puta *lex 44. 111. §. 1. 127. 164. infra*: Queritur autem: An & quatenus heres ex delicto defuncti teneatur? Et definitur, sicuti pœna heres ex delicto defuncti teneri non debet, ita nec lucrum facere eum oportere: ideoque teneri si quid & quatenus ad eum pervenit.

Cui,

Cui, ut dixi, concordant quatuor illæ hoc ipso titulo leges seu regulæ, at non & lex 87. *infra*, quod quidam temere volunt. Quemadmodum & ab hac regulâ separandæ sunt duæ aliæ, puta lex 151. *in fin.* & l. 157. *infra. hoc rit.* sunt enim illæ de Actionibus ex persona defuncti ex contractu. In his sane postremis certum est, & quidem in his in quibus doli præstatio vel bona fides inest, si heredes ex dolo defuncti conveniantur, eos in solidum teneri, non in id tantum quod pervenit: quod non tantum Ulpianus ait in l. si hominem 7. §. 2. *D. de positi*: & Paulus l. 49. *de obligat. & act.* sed & idem Pomponius definit eodem lib. 29. ad Sabinum in l. ex deposit. 12. *D. de oblig. & act.* quæ huic proprie iungenda est: ea quippe κατ' ἀντιστάσεως ad distinctionem pecnialium iudiciorum ex delicto defuncti, defuitur, ex depositi & commodati & mandati & tutelæ & negotiorum gestorum, ob dolum malum defuncti in solidum heredem teneri. De quo sane etiam agitur in d. l. 152. §. ult. & l. 157. *infra*. Ergo quaeritur in hac l. ut & in quatuor reliquis huic concordantibus, de pecniali iudicio, quatenus ex dolo defuncti, heres ejus teneatur? Nempe in id quod ex ea re ad eum pervenit: Licet enim crimina morte extinguantur, turpia tamen luctra scelereque quæ sita heredibus extorqueri oportet l. 5. *D. de calumniatoribus*; vel ut dicitur in l. 16. *quod metus causa*, licet poena ad heredem non transeat, attamen quod turpiter vel scelere quæsitum est, non debet ad heredem pertinere: vel, ut Papin. in l. 12. *ad leg. Cornel. de falsis*, quod scelere quæsitum est, heredi non relinquatur. Ac nominatim id hac regulâ quaeritur in argumento de vi & materia interdictorum, possessionisque turbata, vel deteriorata: ut argumentum præbent reliquæ leges omnes ex eodem Pomponii libro 29. ad Sabinum desumptæ (qui in hoc argumento interdictorum, & quidem de vi & vi armata, quod vi aut clam, & de precario occupatus fuit) ut ostendunt exinde l. 60. & 70. *D. de R. V. l. 14. de vi & vi arm. l. 21. quod vi aut clam*: l. 5. 15. *D. de precar.* Et vero certissimum est, in interdictis heredem poena ex delicto defuncti non teneri, sed in id tantum quod ex ea re ad eum pervenit, l. penult. *D. de oper. nov. nuntiat. l. 1. §. ult. l. 2. & 3. in princ. & §. ult. de vi & vi arm. l. 15. §. 3. D. quod vi aut clam, l. 8. in fin. D. de precario*: quia in his interdictis id quod interest petitur, quod poenæ genus est. Et hæc quidem ita speciatim obtinent in interdictis (quæ propria species est hujus regulæ.) Sed generalis nihilominus est hæc juris constitutio (ut etiam generaliter hic offertur, pariter ut d. l. 44. & 111. §. 1. *infra*.) sic ut certissimi & absolutissimi juris sit, actiones pecniales ex delicto venientes, in heredes non dari: de quo videnda insuper est inter alias l. constitutionibus 33. *D. de O. & A. l. 1. D. de privar. delict. §. 1. Instit. de perp. & temp. actionibus*: l. 17. §. 1. & l. 26. *de dolo*, ut sint actiones pecniales furti, damni, injuriæ, vi bonorum raptorum, injuriarum, d. l. 111. §. 1. & l. inde Neratius 23. §. 8. *D. ad l. Aquil. l. 10. in princ. communi divid. l. 2. in fin. vi bonor. rapt. l. furti 15. C. de furt. §. 1. Instit. de perp. & temp. act.* Atenim datur in id quod pervenit ad heredes: sola vi bonorum raptorum actione excepta: ibi quippe ne in id quidem quod heres locupletior factus est, actionem Prætor pollicetur: ea ratione quæ continetur l. 2. *in fin. D. vi bon. rapt.* Et hæc de pecniali actionibus ex delictis, de quibus proprie est hæc regulâ: Et peculiaris tamen quadam ratio est legis penult. §. quod autem, *D. quod quisque juris*: ibi scilicet poena

pena edicti illius quod quisque juris ad heredem transmittitur, quod alioquin huius regulae opponi solet: verum ejus ratio hæc est, quia ibi non agitur de solemnibus aliqua pena, neque de pœnali actione in heredes tribuenda, verum de pena juris novi imperatæ in actione pecuniaria, quæ ad heredem suo cum novo adfecta transit, & ideo heres ibi ad eandem normam formamque, quæ defunctus redigitur, in actione hereditaria exercenda: quæ utique ex persona heredum non immutatur l. 2. §. ex his 2. de V. O. Obtenet & hæc regula in actionibus ex quasi delicto, l. ult. §. hæc judicia, D. nautæ canponet stabul. leg. Julianus 16. de judiciis: leg. 3. §. 5. §. 5. D. de his qui effud. Obtenet & in actionibus, non tantum mere pœnalibus, ut furti & injuriarum, &c. sed & in mixtis rei videlicet & pœnæ persecutoriis: veluti ob metum incussum, l. quod diximus 16. quod meus causa: in interdicto de vi & vi armata, l. 3. §. 1. & §. ult. de vi & vi armata: de quo jam sup. columnæ, l. 5. sup. de calumniatoribus: servi corrupti, l. hæc actio 13. de servo corrupto: arborum furtim cesarum, l. 7. §. ult. arbor. furt. cas. in l. Aquilia, l. inde Neratius 23. §. hæc actionem 8. D. ad legem Aquil. in incendio, ruina, naufragio, l. Pedius 4. §. ult. de incendio, ruin. Obtenet & in actionibus ex delictis in factum, quibus persequimur id quod interest: nam & hoc pœnæ quoque genus est, ut jam dixi: l. 5. §. ult. & l. seg. D. ne quis eum qui in jus vocab. l. 1. §. ult. de eo per quem fact. l. si plures 17. §. 1. de dolo: l. 2. §. penult. si mens. fals. mod. l. 9. §. 1. quod falso iure. Imo obtinet hæc regula, quæ negat heredem defunctum ex pena teneri, & in actionibus ex contractu pœnalibus, puta in deposito tumultus, incendii, ruine, naufragii causa: Nam etsi ibi heres in solidum teneatur, non tamen tenetur in pœnam l. 7. §. 1. in fin. & l. 18. depositi. Eademque ratio est actionis rerum amotarum, ut heres ibi de pœna non teneatur, l. 6. §. 3. rer. amot. l. ult. C. eod. tit. Eadem ratio est conditionis furtivæ, argum. l. 2. §. penult. D. de peculio: l. 3. in fin. rerum amotarum: nequequam obstante d. l. contra 6. §. 3. eod. tit. rer. amotar. & l. 7. in fin. de condit. furtivæ: de quo videndus Cujacius 7. observat. 37. in quo tamen nonnulli dissentiunt. Eadem ratio judiciorum seu actionum criminalium, quæ similiter rei persecutionem tantum in se continent, nam & itum heredes etsi pœnæ nomine ipsi non teneantur ultra bonorum defuncti rationem, tamen in solidum tenentur, veluti in crimine peculatus, repetundarum, de residuis, l. ex Judiciorum 20. D. de accus. l. 2. D. repetund. l. ult. D. peculatus: nec immerito, cum ut Papinianus ibi loquitur, in his questio principalis ablata pecunia moveatur: Accedat & actio seu persecutio commissæ, gabelle & vestigialis fraudati nomine, ut & illicitarum mercium commissum: quia & hæc rei persecutionem continet, & quod commissum est statim definit ejus esse qui crimen contraxit, l. 8. 11. §. 3. l. 14. D. de publican. & vestigial. Quare caute dicitur l. 111. §. 1. dicitur, in heredem non solere actiones transire, quæ PŒNALES sunt ex maleficio: Ad exclusionem scilicet actionum ex maleficio quæ non sunt pœnales.

Quare ita jam definiamus: In omni actionum genere, in quibus PŒNA vel quod interest petitur ex DELICTO; unde actio promanet, sive principaliter ex delicto, sive ex negotio gesto, contractu, heredem pœna non teneri, sed vel in solidum quibuscumque casibus teneri, aliis, lucrum tantum (id est id quod exinde ad eum pervenit) ei extorqueri, ne alieno scelere dicitur, l. unic. C. ex delict. defunct. in quant. heredes; quia

quia tum calculi ratione potius quam maleficii convenitur *l. 29. D. de dol. Exceptio* tantum hic addenda est, nisi poenale iudicium semel acceptum fuerit, seu lis contestata cum defuncto: tum enim poenale iudicium transit in heredem seu transmittitur, *d. l. 164. infr. hoc tit.* ubi dicam, quæ quidem quinta jam huius tituli regula est, de poenalis iudicii vi & transmissione. Eaque exceptio subnixa generali regulæ legis 139. *sup. & l. 58. de obligat. & aff. l. 34. de iudiciis*: Exceptis tamen adhuc hac parte publicis iudiciis (aliis quam maiestatis & repetundarum: nam ibi quod jam antea monuimus bonorum defuncti proscriptioni in heredes locus est, et si lis nec contestata quidem fuerit) ibi quippe litem contestatam non sufficit, sed condemnatio secuta fuerit oportet: *l. 20. D. de accusat.* Tandem, quia hæc regula nostra prima omnium occurrit in hoc argumento, operæ pretium facturus videor, si omnium quæ in hoc argumento versantur hoc titulo, synopsis conficiamus. Ergo, omnibus illis in commune definitur, vel præsupponitur, poenales actiones ex delicto defuncti in heredes non dari, nisi in id quod interest. Hæc, inquam, regula ex æquo omnibus illis legibus stabilitur: Atenum diversæ sunt illarum species. 1. Hæc 38. pertinet ad Interdictum de vi. 2. *Lex 44.* ad Tributariam actionem. 3. *Lex 111. §. 1.* ad Edictum de eo per quem factum erit quod minus quis in iudicio sistat: 4. *Lex 127.* ad malæ fidei possessorem in hereditatis petitione. Et hæc de regula, deque diversis ejus speciebus. Sed enim *Ampliatio* continetur quoque in *dist. l. 127.* nempe satis esse hac in re, ut vel momento quid pervenerit ad heredes. Tandem & *Exceptio* continetur in *l. 164.* nempe, judicia quædam in heredes transmitti iudicio semel accepto, seu post litem contestatam: cui succiunt *dist. lex 87. inf.*

De MORA ab alio admissa.

XXXIX IDEM (Pomponius) libro trigesimo secundo ad Sabinum.

*IN omnibus causis pro facto accipitur id, in quo per alium mora * fit quo minus fiat.*

* In Haloand. *mora est: quomodo & P. Fabet mora sit.*

DE Mora alterius est hæc regula: per quam videlicet fit, ut quid quod oportet non fiat, non impletur: Quod sane cum evenit pro facto haberi id hæc regula definitur: pariter ut duabus aliis regulis huic concordantibus: puta *l. in jure civili 161. & l. qui potest 174. in princ. infr.* Species hujus regulæ pertinet ad interdictum uti possidetis seu possessorium iudicium: de eo quippe hoc *lib. 32. ad Sabinum Pomponium* egisse, docet *lex si colonus 31. lex fundi venditor 33. D. de adquir. possess. l. 32. D. de usucap. l. 1. D. pro empto, l. 1. D. pro herede, l. 4. D. pro donato, l. 5. pro derelicto, l. 6. D. pro legato, l. 4. D. pro suo, l. 16. D. de precario.* Et quidem species hujus regulæ in vacuæ possessionis traditione poni potest, quod Rævardo quoque placuit, suadente *d. l. 33. D. de adquir. poss.* quæ huic, ut dixi, inter alias coassanda est. Casus ita figuretur: Fundus (idem in servo) venditus est a Titio? Sane priusquam venditor eum emptor-

emptori tradat, vel tradi curet, non recte emptor per se possessionem transiit, vel in possessionem venit, *l. 5. D. de acquir. possess.* Sed finge, in mora esse Titium venditorem, vel Titium venditoris amicum, aut actorem, cui negotium vacuæ possessionis tradendæ mandatam erat, id est morari, frustrari, per eum denique moram fieri quo minus vacua possessio tradatur? Poterit emptor per se in possessionem venire? Hæc, inquam, hujus regulæ species videtur, quam cum Pomponius tractaret, pro ratione hanc generalem juris regulam subtraheret: *In omnibus causis pro facto id accipi, in quo per alium mora sit quo minus fiat:* Dixit JCtus: *In quo per alium mora sit: Per alium:* 1. veluti si is, qui quid ex contractu in complementum ejus quid facere tenetur, non faciat, ut in *sp. hujus leg.* contra quam Cujacius ad *leg. 34. §. 4. de legat. 2.* qui ad eam *sp.* quam tertio mox loco proponam, hanc reg. referebat. 2. Si is, a quo implendæ conditionis commoditas, opportunitas præbenda erat, eam non præbeat: veluti si heres quis institutus sit, si statuas in municipio posuerit, & locus ei a municipibus non derur, *l. Titius 14. D. de condit. & demonstr.* Si quis alterius arbitratu monumentum facere jussus sit, & is arbitrari nolit, *l. multa 6. D. de condit. & demonstr.* Si bibliotheca tibi ita vendita fuerit, si decuriones locum tibi vendidissent, in quo eam poneret, & per decuriones stet, arg. a contrario *l. Labeo 50. D. de contr. empt.* Si alienum servum qui manumittere jussus est, & dominus eum vendere nolit, *l. si fundum 92. §. 1. de legat. 2.* Si relictum legatum fuerit cui, *ne a filio ejus recederet*, & per tutorem factum est quo minus conditionem impleret, *l. Titia 34. §. 4. de legat. 2.* His enim omnibus casibus si is, cui conditio adscripta inculpatus sit, i. per eum mora non sit, conditio pro impleta habetur. 3. Si is, in cujus persona factum vel conditio implenda erat, moram faciat vel nolit: conditio, inquam, vel *dandi*, si dederit quid; vel *faciendi*, si fecerit, si uxorem duxerit hanc vel illam, si nupserit huic vel illi, & is nolit, vel moram faciat, *l. si ita 3. l. iter 23. D. de condit. institut. l. Marcia 13. de annuis leg. l. Titia 34. §. 4. de leg. 2. l. 5. §. 5. quando dies legatorum: l. 24. 31. l. Julianus 45. l. heres 66. l. cum pupillus 78. de condit. & demonstr. l. 3. in fin. l. 38. de statuliberis: l. 1. C. de instit. & substit. l. 1. C. de his qua sub modo: l. ult. ibi, si per eum, & c. C. de condit. insertis. 4. Si is, cujus interest conditionem non impleri, moram faciat, vel per eum fiat quo minus conditio non impleatur, *l. in iure civili 161. infr. l. iure civili 24. de condit. & demonstr.* qui si impleta conditio esset, debitorus erat, *l. Julius 81. in fin. eod. tit. de condit. & demonstr.* & per eum fiat quo minus quid fiat, denique conditioni non pareat: v. g. Promissor, seu obligatus sub conditione, *d. l. 161. & d. l. 24. l. in executione 85. §. ult. D. de V. O. Creditor, l. 8. de nautico fœnore: l. qui decem 72. in princ. de solution. Venditor, l. hæc venditio 7. in fin. princ. D. de contrab. empt. Emptor, l. Labeo 50. eod. tit. Heres denique, in fraudem creditorum, legatariorum, vel statuliberi, *l. 174. in princ. infr. l. 3. §. ult. D. de condit. causa data: l. ult. ibi si stet per herodem, C. de condit. insertis: l. cum quidam 17. §. si pupillo 3. de usuris: l. 1. §. 8. si quis omissa caus. test. l. 5. §. 5. quando dies legatorum: l. 20. §. 5. in fin. de statuliber. Fieri potest, & non tam mora quam impedimentum obijci a tertio extraneo, quem negotium non contingit, *l. quibus diebus 40. in princ. de condit. & demonstr.* Potest & per fortuitos casus factum impediri, ut *d. l. ult. ibi per fortuitos casus, C. de condit. insertis:* veluti si res conditione comprehensa moriatur, vel occi-***

datur, ut in *sp. l. inde Neratius 23. §. 2. ad leg. Aquil. & l. 7. §. 7. D. de condit. inst.* si servus qui aliud dare iussus erat, hostium vel latronum incurſa id perdidit, *d. l. ult. C. de condit. inst.* Si is, cui quis operas suas locavit, deceſſit, *l. 18. in fin. l. 38. locat: l. 1. §. 13. de extraord. cogn.* Verum (quod ſummopere notandum) hi duo poſtremi caſus ad hanc regulam non faciunt, ut nec ad duas alias concordantes, 161. 174. verum ad quatuor priores & hæc & illæ pertinent. Ergo, 1. quemcumque mihi ſingas, qui in complementum contractus initi quid facere tenetur: 2. quem voles cumque, a quo opportunitas conditionis implendæ vel faciendi quid accipienda erat: 3. quem voles cumque, in cuius perſona qui faciendum, conditiove implenda erat: 4. quem voles cumque, cuius intereſt quid non fieri, vel conditionem non impleri: ſi per eos mora ſit quo minus quid fiat, pro ſacto quod faciendum erat, accipitur. Et quidem IN OMNIBUS CAUSIS: de quo ad *leg. 161. inf.*

Ex his jam apparet, quam male Giphanius hic vocem *Mora* expungi voluerit, quæ hic omnino neceſſaria eſt. Deinde quam male hanc regulam Bulgarus, Placentinus, Decius, Ferrarius, Cagnolus, Francus, de vi metu injecto acceperint, Accuſius enim utramque lectionem ſecutus eſt, tam de mota quam de metu, ut oſtendunt exempla ejus in Gloſſa: propter corruptam lectionem, *in quo quis animi perhorreſcit*, pro, *in quo per alium mora ſit*. Quam tamen etiam hodie nonnulli contra hîdem Florentini archetypi tuerentur, atque ideo de juſto metu & terrore hic uniſe agunt: ſic ut in appellatione ob metum Judicis non interpoſita, vel libellis appellatoriis non obtentis, caſum ponant; inque eo qui cum opus faceret fecit quo minus proſubiri poſſet: denique in ſcôre vel extraneo, qui fecit quo minus reus in jus venire poſſet. Quæ hinc proſus aliena ſunt.

DE FURIOSO & de BONIS INTERDICTO.

XL. IDEM (Pomponius) libro trigeſimo quarto ad Sabinum.

FURIOSI, vel ejus, cui bonis interdictum ſit, nulla voluntas eſt.

DE Furioſo deque Bonis interdicto, eorumque ſcientia & patientia in re quæ in rei ſue familiaris detrimentum vergit, eſt hæc Pomponii regula: cui in ſummam concordant quatuor alie hujus tituli regulæ, puta *lex 5. ſupr. l. 50. 109. 110. infr.* Porro ex omnibus illis legibus, quæ ex 34. Pomponii libro ad Sabinum deſumptæ ſunt, apparet, Pomponium eo libro egiſſe de *Interdicto de Aqua, & de actionibus aqua nomine proditiis*, ſive fluminet aquæ ſint, ſive pluvix, ut oſtendunt *lex 25. D. de ſervit. R. P. l. 30. D. de acqu. rer. dom. l. 2. D. de flumin. l. 3. D. de aqua quot. tandem l. ſed hoc ita 20. D. de aqua pluvi. arcend.* Finge, opus novum me feciſſe, te vicino patiente, id eſt, non nolente: atque ex hoc novo opere aquam pluviam tibi nocere? Sane non teneor tibi actione aquæ pluviæ arcendæ, *l. Labeo 19. dict. tit. de aqua pluviæ arcend.* Excipe ſi, quod habet dicta *lex 20.* (quæ ex eodem Pomponii libro 34. ad Sabinum deſumpta eſt, ac proinde huic conjungenda venit) proxime cohærens, *ſi non per errorem aut imperitiæ deceptus fueris: nulla enim voluntas errantis eſt.* Ad hanc limitationem hæc

hæc quoque regula nostra pertinet : quæ id ipsum furioso prodigoque bonis interdicto aptatur : quia, inquit ea, *horum nulla voluntas est*. Is scilicet demum pati seu non nolle potest, qui potest & velle ; *l. 3. sup. hoc tit.* quæ ita quoque huic regulæ omnino concordat. Et ita quidem in hoc interdicto aquæ pluvie arcendæ species hujus regulæ ponenda est : Quamquam & aliis interdictis similiter aptari potest : nam & ita Ulpianus ait in *l. 1. §. 6. D. ne vis sit ei*, eo interdicto neque pupillum, neque furiosum, quia affectu careant, teneri. Unde jam efficitur generaliter in interdictorum argumento, has personas quamcumque voluntatem adhibuerint, non ideo bonis suis fraudari, jureque suo excidere : neque eosdem, furiosum scilicet & pupillum doli non capacem, potius obnoxios reddi.

Comparatio porro quæ hac regula instituitur, seu exæquatio isthæc, seu *æquitas*, æquipollentia, legum similitudo, furiosi & prodigi bonis a Prætorè interdicti, non simpliciter accipienda est, sed secundum quid, restringendaque ad similes casus ei quo hæc lex pertinet, id est, ubi de re jureque suo amittendo deque re familiari agitur : Sane enim ut prodigus furiosum bonorum exitum facere dicitur, *l. his qui 12. §. 1. D. de tutor. dat.* ita tum demum pari passu ambulant, cum de jactura seu alienatione bonorum quæritur : Ideo scilicet nulla utriusque voluntas habetur, *h. l.* ideo neuter obligatur ne naturaliter quidem *l. 1. §. furiosum 12. D. de obligat. & alt.* ideo utrique curatore dato prospicitur *tit. D. de Curatoribus furioso*, & aliis extra minores dandis : & expressius *tit. Cod. de curatore furiosi vel prodigi* : Neuter alienare, transferre, solvere, tradere, diminuerè potest, nec alienanti consentire, *l. 1. & l. Julianus 10. D. de curatore furios. l. interdum 29. D. de condit. indeb. d. l. 6. de V. O. l. 26. de contrab. empt.* Neuter jusjurandum deferre potest, *l. tutor 35. §. 1. D. de jurejur.* Neuter novum opus fieri pati censetur, *hæc l.* Utriusque bona sine decreto alienari non possunt, *l. si prædia 12. D. de reb. eorum qui sub tutor.* Inestabilis uterque est, *l. 18. D. qui testam. facere poss. §. prodigo*, *Instit. quib. permissum non est testam. facere : §. testes*, *Instit. de testam. ordin.* Sicut pater substituere filio furioso potest, *l. 43. D. de vulgari & pupill. l. humanitatis*, *C. de impuber. & aliis*, ita & prodigo potest, ex Interpretum saltem sententia : At enim in delictis jam separantur furiosus & bonis interdictus, quia interdictio non nisi bonorum contemplatu fit, quibus regendis ineptus quis est : Furiosus scilicet delinquere non potest, cum affectum delinquendi non habeat, *l. 13. §. 1. & l. seq. de offic. Præsid. l. §. 1. D. de injuriis : l. 12. D. de fideiuss. l. pen. §. ult. D. de parricid.* Prodigus delinquere omnino potest, cum doli & fraudis capax sit. Denique differunt etiam in Adquirendo, sed & in Negotiis contrahendis, meliore denique conditione sua faciendi, *l. 5. sup. hoc tit. l. 6. D. de V. O. l. 3. D. de novation. l. §. §. 1. D. de adquirend. hereditat.* Quam quidem differentiam acquisitionis & obligationis exerte Julianus *dist. l. 6.* tradit.

De aliis porro personis, quæ pati non posse intelliguntur, puta de Pupillo, *v. l. 3. sup. l. 110. §. 2. inf.* ut & de eo qui prohibere non potest, *v. l. 50.*

Atque hic Primæ Collectionis, seu Regularum SABINIANEARUM quadraginta quatuor, finis esto.



SECUNDA REGULARUM

Collectio, seu Systema,

EDICTALES REGULÆ XX.

Ex medijs veterum Interpretum AD EDICTUM LIBRIS desumpta, Legibusque
XVII. comprehensa, a l. 41. ad l. 57. inclusive.

E DICTALES Regulae quaedam sequuntur, desumpta ex libris commentariis Gaii, Ulpiani, Pauli ad Edictum: neque tamen ex præmissis adhuc eorum ad Edictum libris, verum ex medijs, quaque adde Regula melius inter l. 138. & l. 139. inf. posita fuissent; quam ut hodie hoc loco, de qua luxatione dicam plenius in ingressu legis 102. & 139. inf. Quare sex aliae partes Regularum Edictalium has antevertere debuerunt, quae jacent a d. l. 102. ad 139. quas hac septima nunc excipere debuit.

PARS

P A R S S E P T I M A
 • E D I C T A L I U M R E G U L A R U M ,

Respondens libb. XII. XI II. XIV. XV. XVI. XVII. Digestorum.

D E

C O N T R A C T I B U S R E A L I B U S :

Quo referenda sunt septem priores leges, puta lex 41. 42. 43. 44. 45. 46. & 47.

ACTORIS & REI comparatio.

XLI. ULPIANUS libro vicefimo sexto ad Edictum.

NON debet auctori licere quod reo non permittitur.



ÆC Lex duabus Regulis constans, duplicem favorem & aequitatem in contractuum argumento suppeditat, quam præ oculis Iudices & Jurisconsultos habere oportet: Prior favor est personalis, posterior realis: Nempe ut rerum, ita & reorum & personarum quarundam in jure aliæ aliis favorabiliores sunt.

DE REIS est prior hujus legis Regula: De quorum in communem favore præ actoribus est generalis illa regula, quæ continetur l. 125. *infr.* ubi dicitur, *favorabiliores reos quam actores haberi*: sunt specialiores vero tres numero, quæ ad illam velut matrem referuntur: puta, l. 42. 43. 156. §. 1. *infr.* 1. Ignorantia scilicet rei facilius quam actoris excusatur d. l. 42. 2. *Exceptiones* multo magis reis competunt, quam dantur actiones d. l. 156. §. 1. 3. Imò exceptionibus uti rei pluribus possunt, at non & actores, actionibus; d. l. 43. 4. In *processu seu progressu judiciorum*: & inter alia, in iurjurando deferendo, & in sententiis Judicum formandis rei potior ratio quam actoris, *dist. leg.* 125. Et hæc interim synopsis regularum, quæ hoc tit. de potiore reorum favore quam actorum occurrunt, notanda est. Quibus adde & speciales adhuc quatuor leges de *possessorum* nominatim favore; puta, *legem* 33. *supr.* l. 126. §. 2. l. 128. *in princ.* l. 154. *infr.* Hinc adeo (quæ tres sententiæ ab hac regula diversæ sunt, & turbide tamen ab Interpretibus cum hac commiscantur) 1. *Multa auctori prohibita sunt, quæ reo permittuntur.* 2. Ex retro: *Quod auctori licet, multo magis reo permittitur.* 3. Et, ut maxime quandoque æquo jure habeantur, parique passu ambulant: veluti in procuratore

ratore post litem contestatam causa cognita mutando, *l. post litem 17. juncta l. que omnia 35. D. de procuratoribus*: attamen (quæ jam distincta a superioribus regula hic proponitur) *Quod reo non permittitur, non debet actori licere*; & quod illi denegatum est, id actor vindicare non potest: cum alias tantum abest, id fieri possit, ut contra, quod jam supra præstuximus, favorabiliores sint rei. Et æquitatem hujus sententiæ seu regule, Jurisconsultus indicat hæc formula, *Non debet: quæ & ipsa eodem sensu sineque addita in l. 21. sup. & l. 74. in fin. qua æquitas regule commendari seu inculcari solet*: a: si diceret Jurisconsultus, rem absurdum & iniquam fore, si aliter comparatum esset, si inquam actori liceret quod reo non permittitur.

Exemplum seu species huius regule poni potest, quod ab aliis quoque jam indicatum est, in *jurejurando*: de eo quippe actum hoc libro 26. ad Edictum ab Ulpiano fidem faciunt *lex 18. 23. 25. 34. D. de jurejurando*, quæ proinde huic consilande veniunt. Et hæc primum specie apposita. Nempe ita ius est, ut in defectum probationis actor reo iusiurandum deferre soleat, reus vero (nisi solvere malit) iurare necesse habeat: quod quidem edicto Prætoris nominatim comprehensum fuit: cuius verba refert, mox etiam explicat Ulpianus in *d. l. 34. §. 6. Ait Prætor, Eum a quo iusiurandum petetur solvere aut iurare cogam*. Mox subiicit, dari & aliam facultatem reo, ut si malit, iusiurandum referat (actori scilicet: manifeste alioquin turpitudinis & confessionis est, nec iurare, nec jusjurandum referre, *l. 38. D. de jurejur.*) & si is qui petit (id est actor) conditione jurisjurandi non utatur, iudicium ei Prætor non dabit, addita ratione: *Æquissime enim hoc facit (Prætor) cum non debeat displicere conditio iusiurandi ei qui detulit*. Ex his jam patet quod hæc regula habet, actori non licere quod reo non permittitur: Non, inquam, licet actori jurisjurandi conditionem defugere, quam reo non licuit secusare, nisi solvere mallet aut referre.

Imo subiicit ibidem Ulpianus, in quo diversa jam potiorque rei ratio est, jusjurandum de calumnia quod is qui iusiurandum deferret (actor scilicet) prius iurare debet si hoc exigeret, ut docet quoque *d. lex 34. §. 4. & lex 37. eod. tit. l. delata 9. C. de iurei. & Paulus lib. 2. sentent. tit. 1. iusiurandum referenti (reo) deferre non possit: addita ratione, quia non ferendus est actor, si de conditionis (iurisiurandi scilicet) quam ipse detulit, calumnia velit sibi iurari. Actor scilicet qui iusiurandum detulit, de calumnia iurare tenetur: at non & reus qui retulit: de calumnia quippe actoris, qui ad agendum ultro processit, pensoque consilio, & certa animi destinatione (de quo *ad d. l. 42.*) promior suspicio est, quam de reo, cui defendendi sui necessitas incumbit. Atque hæc quidem huius regule species commodissime aptanda videtur.*

Unica tantum exceptio huius regule notanda est, sed quæ per varias species decurrit, unica ratione subnixæ: Evenit, inquam, aliquando, ut actori liceat quod reo non licet: non equidem actoris ipsius favore, qui utique minus favorabilis est quam reus, verum iudicii ipsius necessitate, eiusque explicandi gratia, ubi alioquin iustus eludendi vel distrahendi iudicii metus est a parte rei: denique in constituendo ordinandoque iudicio, litisque ingressu, & ne deterior actoris conditio reddatur, incommodove aliquo adficiatur, actori magis favetur, eique licet quæ reo non permittuntur, ut in *spec. l. 5. §. 7. D. iudicium solvi: legis cum clericis 25. in prin. C. de Episcopis & Clericis: Novella 53. c. 1. & 2. & Novella 69. Item in sp. legis de die 8. D. qui suisfidele. Ut & in*

DE REB. CREDIT. ET JUREJ. II. COLL. EDICT. REGG. PARS VII. 159
 in interpretatione intentionis, id est actionis seu formulæ, l. 172. *infr. hoc tit. & l. si quis intentione* 66. D. de judiciis. Eodemque spectat tractatus leg. *solemus* 61. D. de judiciis (quæ & ipsa ex eodem Ulpiani libro 26. ad Edictum cum hac conjungenda est) circa illud vulgare dictum: *Id venire in judicium, de quo actum est inter litigantes: ubi Ulpianus ex Celsio refert, periculosum esse id ex persona rei metiri, qui semper ne condemnatur, hoc dicit, non concessisse. Cui concinit & lex inter stipulantem* 83. §. 1. de V. O. ubi par ratio redditur: *Altori, inquit, potius credendum est, alioquin semper reus negabit se concessisse.*

REPETITIONIS favor pro lucro.

§. In re obscura legis 41.

*In re obscura melius est favere repetitioni *, quam advenisse lucro :*

* id est conditioni indebiti.

DE REPETITIONIS, seu CONDICTIONIS, favore est hæc Regula, & quidem in OBSCURO (de quo sunt sedecim præterea hoc tit. regulæ) Quod & ipsa satis arguit. Ad *Promittuntum*, inquam, seu *indebiti solius repetitionem*, seu conditionem, pertinet hic §. sic ut ea pariter, ut superiore, favor quidam contineatur, favor, inquam realis, puta ut repetitioni in re obscura melius sit favere, quam adventitio lucro. Et sane species huic regulæ aptanda venit in *conditione indebiti*: de qua Ulpianus egit hoc libro 26. ad Edictum, ut liquet ex proluxa ejus l. *si non fortem* 26. D. de *condict. indebiti*, quæ ex eodem Ulpiani libro desumpta huic conjungenda est. Et figurari potest in hoc argumento conditionis indebiti ad hanc regulam casus: & in obscuro seu incerto voluntatis: & in incerto eveniunt. In incerto seu obscuro voluntatis, ut species ponatur, præsupponenda est indebitum ab ignorante per errorem facti solum repeti seu condici posse; a sciente contra se non debere, cessare repetitionem: Hæc, inquam, obtinent, cum exploratum videlicet est, scivisse aliquem vel nescivisse: sed quid si hæc res in obscuro & in incerto sit? id est, neque liqueat, utrum si qui indebitum solvit, sciverit indebitum, & sic donandi animo solverit, an vero crediderit debitum? Hic jam regula nostra aptanda venit: *In re obscura melius est favere repetitioni, quam advenisse lucro*: & sic præsumi quem potius nescientem indebitum solvisse, quam scientem.

Secundo, species ad hanc regulam poni potest in obscuro seu incerto eveniunt: cujusmodi casum expressum in conditione indebiti suppeditat Papiniani *lex sufficit* 56. D. de *condict. indebiti*. Finge, cum deberes mihi pecuniam, pacti sumus, ne ea a me peteretur, donec Titius Consul fieret? Ex hac pactione quaritur tibi exceptio, si antequam Titius Cos. factus fuerit, pecuniam a te petam: & quidem, si Titius mortuus fuerit, exceptio perpetua: exceptio vero temporaria, si ante consulatum Titii petero: & sic si Titius consulatum inear, inveniatur exceptio fuisse temporaria: Quid si ante consulatum Titii solvam? Sane regulariter temporaria exceptio non inducit conditionem, sed perpe-

perpetua tantum: Verum in hoc casu, sufficit ad causam & conditionem indebiti, INCERTUM esse, temporariae sit an perpetua exceptionis defensio, seu sufficit defensio juris, quæ causam incertam habet: atque adeo quod hoc casu & dum res in iaceto est, interim solvitur, repeti potest. Et addit Papinianus, *Summa ratione*, quod hæc defensio juris, i. e. exceptio quæ causam incertam habet, conditionis instar obinet: cuius scilicet conditionis eventus in incerto est. Ergo hoc casu ceu in *obsuro* eventus scilicet melius est favori repetitioni quam adventitio lucro.

Sane Justinianus quoque quod ad priorem casum magis accedit, decisione sua, puta *l. ult. C. de condit. indeb.* (unde Glossa primum casum hic ponebat) eandem præsumptionem & regulam aptavit in illa veterina controversia, etsi diversa: Utrum scilicet qui mente titubante seu ancipiti animo indebitum solvisset, videretur sciens aut nesciens solville, & sic repetere posset nec ne? Qui repetitionem denegabant, duplici argumento nitebantur. Primum, quod dubitans & in aliis casibus quibusdam pro sciencie habebatur, nempe ubi dubitatio non respicit substantiam negotii, ut in *spec. legis 6. §. 4. D. de adqu. her. l. 22. §. 3. D. de liber. causa*. Secundo quod is qui dubitans solvit, videatur transactionis causa, animoque ut a lite discederet, solvillet. Verum contrariam prætulit Justinianus sententiam, & hic in re obscura repetitioni potius favendum esse: hoc etiam argumento, quod etsi dubius median sortem inter scientem & ignorantem teneat, ignoranti tamen vicinior sit, ubi videlicet substantiam negotii respicit dubitatio; quod videre licet etiam, in *specie leg. 1. in princ. D. de legat. 3. l. 15. D. qui testam. fac. poss. l. 2. in princ. D. qui ord. in poss. l. ult. §. fin autem, C. de furtis*. Sic ut dubitans & errans pro iisdem habeantur *d. l. 15*. Ait autem lex, *Melius*, id est æquius, ut cateroquin omnis conditio indebiti ex bono & æquo introducta est: & revocare convenit, quod alterius apud alterum sine causa deprehenditur: ut ait idem Papin. *l. 66. de cond. indeb. ita & hic melius*. Nempe æquius melius est ei qui de damno vitando cætat, quam ei qui de lucro contendit, favori: Quæ & ipsa quoque formula occurrit, ut alias leges omittam plures, *l. 85. in princ. infr. hoc tit. In ambiguis pro doctibus respondere melius est*. Alioquin id absurdum foret, si contra statueretur; ut dicitur *l. ult. C. de jure delib.* de qua mox.

Porro, cum in genere hæc regula pertineat ad *conditionem indebiti*, aptari quoque ea possit in usuris indebite solutis *d. l. 26. in princ. & §. 2. D. de condit. indeb.* non quidem quod *lucri* appellatione hic intelligantur usuræ, ut quidam censent, quas etiam notum est, non propter lucrum; sed propter moram infligi, verum quia adventitium lucrum est, *αποδο του αχρητου*, si quid indebite solutum est retineri possit.

Et hæc quidem, quas dixi superius, species huic regulæ aptari possunt, non ex quas Græci, & in his Theodorus Hermopolites, & Scholiastes Harmenopoli *lib. 1. tit. 15*, habent, ubi repetitionem qua de hic agitur pessime accipiunt de repetitione mutui dati creditori competente, oppositæ ad usuras quas alius creditor petit: *Repetitio* enim hic dicitur de indebiti soluti conditione: & sic de promutuo, non vero de mutuo. Vicinior huic regulæ species seu casus est *l. ult. §. fin vero creditores §. C. de jure delib.* quem secundum casum Glossa hic ponebat, ubi quoque de re recuperanda agitur, diciturque: *Cum satis absurdum sit, creditoribus quidem jus suum persequentibus auxilium denegari: legatariis vero, qui pro lucro certant, suas parvas leges accommodare*. Verum

rum

DE REB. CREDIT. ET JUREJ. II. COLL. EDICT. REGG. PARS VII. 164
 rum in ea specie pugna est inter creditorem, qui legatum solutum ab herede repetit, & legatarium, qui lucrum captat adventitium: Et si verum ibi quoque sit, repetitionis quam lucri potiorum haberi rationem. In specie hujus regulæ non creditor repetit, verum opinatus debitor, indebitum a se solutum condicit, contra contentente alio qui adventitium lucrum captabat; lucrum adventitium, veluti donationem, liberalitatem.

De iusta HEREDIS & Fidejussoris IGNORANTIA.

XLII. GAJUS libro nono ad Edictum Provinciale.

*QUI in aliorum locum succedunt, iustam habent causam ignorantie, an id quod pete-
 reur, deberetur: Fidejussores quoque, non minus quam heredes, iustam ignorantiam
 possunt allegare. Hac ita de herede dicta sunt, si cum eo agitur, non etiam si agatur:
 Nam plane qui agit, certius esse debet, cum sit in potestate ejus quando velit experiri:
 & ante debet rem diligenter explorare, & tunc ad agendum procedere.*

DE iusta Heredis potissimum, sed & Fidejussoris IGNORANTIA, est hæc regu-
 la, pariter, ut de iusta heredis ignorantia sunt duæ aliæ hoc titulo: puta *lex*
19. in princ. & l. 99. infr. Quibus accedunt & duæ aliæ regulæ de iusta aliorum quo-
 rundam ignorantia, veluti mariti, puta *lex 63. & actoris l. 177. §. 1.* Hæc nostra
 pariter ut superior ad indebiti per ignorantiam soluti, conditionem pertinet (mox ut
 plenius ostendetur) Ac nominatim est de indebito soluto per ignorantiam heredis aut
 fidejussoris. Dum in eo argumento versatur Gajus, de Ignorantia heredis & fidejusso-
 ris plenius agere instituit. Et inter alia quidem, de iusta ignorantia heredis & fidejusso-
 ris rei quæ a se petitur in iudicio. Hæc enim propria est hujus regulæ species, non de
 iusta ignorantia quam rei a se factæ extra iudicium heres obtendit: ut in *sp. l. 2. in*
fin. D. depositi: quam aliquin speciem hic inter alias ponebat Glossa. Quatuor por-
 ro sententiis constat hæc regula sive lex, ipsa primum regula; dein Extensio & Limi-
 tatio. Ipsa regula hæc est 1. Heredem conventum iustam habere ignorantie causam,
 an id quod petitur, debeat; Ex suo videlicet contractu conventus quis non facile
 ignorantiam obtendere potest, ex alieno potest, & in alieni facti ignorantia tolerabilis
 error est, *l. ult. in fin. D. pro suo*. 2. Ampliatio seu Extensio sequitur: *Fidejussoris*
 scilicet similis quæ heredis esse ratio dicitur; quia & ipse non minus quam heres iustam
 ignorantiam potest allegare: veluti, si cum fideiussor alieno contractui & mutuo in-
 tervenisset, mutuum autem numeratum revera non fuisset; Sane hoc casu, si indebi-
 tum solvit fideiussor, id condicere poterit, quia iam facti alieni ignorantiam præten-
 dit, vel si fideiussor iure liberatus pecuniam errore solverit, *l. si fideiussor 59. D. de*
condict. indeb. l. si fideiussor 29. D. mandati. Atenim idem, an id quod petitur, de-
 beat, facta numeratione, iustam ignorantiam allegare non potest. Maneat igitur in
 suo facto, neminem errare facile aut excusari, in alieno excusari. Et hac ipsa ratione
 ex alieno facto conventus iurjurandum recusare potest, veluti heres, procurator, cu-
 rator, *l. iurjurandum 34. §. procurator 3. D. de iureiur. l. 4. in princ. de in lit. iur. l.*
Marcellus 11. §. penult. D. rerum amotar. Paulus *lib. 2. fement. tit. 1.* Hæc ipsa de

causa litigator ipse non temere petit dilationem, heres facilius, *l. oratione 7. in fin. D. de feriis*: *l. ult. C. si pend. appell. mors interu.* Eodem pertinet species legis *ult. §. 1. D. de fideiussor. & hered. eorum.* 3. Sequitur Limitatio: nempe heredi *agenti* ignorantiam non opitulari. Cujus rei & differentie Ratio (quæ jam quarta est hujus legis sententia) subjicitur, quæ per se aperta est: quamque illustrat *lex 1. de edondo: lex ult. D. de feriis: lex pure §. §. ult. D. de doli except. l. 2. C. si pendente appellatione, §. sed hæc quidem, Instit. de actionib.* Interim & hic exemplum habemus differentie inter actorem & reum, & quam hic favorabilior illo sit: de quo favore sunt & *lex superior 41. & l. 43. infr. prox. & l. 125. 156. §. 1.*

Variis autem speciebus aptari hæc lex potest; sed tamen in summam ad materiam *Contractuum* ea pertinet; ut docent fragmenta omnia ex eodem libro 9. Gaji desumpta: Aptari, inquam, potest *Deposito*. Finge, heredem depositi conventum? Sane depositi damnatus infamis non fiet, cum alias prope furtum sit depositi infamatio, *l. 1. D. qui not. infam. l. 67. D. de furiis*. Ad hunc, inquam, speciem referri potest hæc lex, argum. *l. 14. D. depositi*: quæ ex eodem libro desumpta est. Cateroquin eo ipso libro aliquammultis locis agitur de herodibus & fideiussoribus, ut docet *lex 27. D. de peculio*. Sed quid moramur? lex hæc proprie referenda est ad *pluris petitionis* periculum, & vice versa *pluris soluti*, id est, indebiti conditionem. Ut per tres sententias hujus legis decuramus: Finge primum, *Heredem* conventum indebitum solvisse? Justum ignorantie causam prætereundum potest, & sic indebitum condicere: & hæc regula est. Finge secundo, *fideiussorem* plus solvisse, id est, ante diem forte? Conditionem indebiti non habebit, vel si etiam plus loco solverit, *l. 22. §. 1. l. 31. D. mandati: l. 31. D. de fideiussor.* & argum. *l. 1. §. 3. D. de eo quod certo loco*: quæ ex eodem libro Gaji sunt: & hæc secunda est hujus legis sententia. Tandem finge, heredem *plus petiisse*? Sane plus petitionis periculum incurrit, *l. 1. §. 2. Cod. de plus pet.* si plus debito persecutus fuerit, puta si plus re, tempore, loco aut causa exegerit: Ultro agenti heredi non adeo succurritur, *l. 49. §. 2. D. de V. O.* Et hæc tertia est hujus legis sententia: qua hæc unica Limitatio seu Exceptio continetur.

Neque hic admittendæ sunt Interpretum exceptiones, quas hic cumulare solent: Non ea quæ desumitur ex *l. 12. D. de transact.* ubi dicitur, non esse ferendum, qui generaliter transigit, qua de his quæ sibi testamento relicta sunt, si postea ignorantiam præterdat, quasi ignoraverit sibi quædam legata in posteriori testamenti parte. Nam hæc species non est de herede: & justa ratione lex ea nititur, quia & generaliter transegerat legatarius de his quæ testamento relicta fuerant, cujus continentiam integram si legatarius ignorasse se dicat, jam facti sui ignorantiam obtendit, quæ non excusatur.

Non admitto etiam spec. legis si *servum* 91. §. de illo 2. *D. de V. O. §. si res legata 16. Instit. de legatis*: quia in specie illa factum ipsius heredis intercessit, quod ei in alterius jacturam, etsi ab ignorante admissum, torqueri non oportet: Finge, testator servum heredis legavit: heres cum nesciret eum legatum, eum manumisit, vel alteri donavit a quo manumissus est? Heres nequicquam ignorantia se tuebitur, sed servum præstare cogetur. Tandem cum hujus legis specie hæc & similes alia nil commune habent: nam in hujus legis specie fingendum est, conventum fuisse heredem, & conventum vel infamatum

DE REB. CREDIT. ET JUREI. II. COLL. EDICT. REGG. PAR§ VII. 163
 ciatum debitum, vel ignorantem indebitum solviffe. Arenum quod postrema hujus legis sententia de herede agente, & sic de actore dicitur, justam ejus ignorantiam non esse, id quandoque fallere ostendit *lex 177. §. 1. inf.* puta, si ignoret causam cur non debeat petere: cujus exemplum ibi trademus. Sane fallit quoque, si causa sit probabilis, ut quia facti alieni ignarus est: E. g. si falso instrumento utatur: de quo vide Menoch. 2. de arbitrar. 315. num. 11. 12. &c.

Porrigenda contra est hæc lex ad quemcumque alium, qui in alterius locum succedit: ut sit par quoque ratio legatarii, par sit ratio emptoris: Nam & hi justam habent ignorantie causam, etsi de herede proprie hæc lex concepta sit.

EXCEPTIONUM & ACTIONUM comparatio.

XLIII. ULPIANUS libro vicesimo octavo ad Edictum.

NEMO ex his qui negant se debere, prohibetur etiam alia defensione nisi: nisi Lex impediat. (1) Quotiens (2) concurrunt plures actiones ejusdem rei nomine, una (3) quis experiri debet.

1 impediatur. Haloand. 2 quotiens vero. 3 una tantum. Haloand.

EXCEPTIONUM & ACTIONUM differentia hac tota lege, quæ in duas regulas dividi non debuit (non magis quam *lex 124. & 172. inf.*) proponitur: ac proinde differentia inter ACTORES & REOS: de quorum reorum favore est hæc tertia jam e quinque continuo ferme ordine hoc titulo regula: fuerunt etiam dux supra *l. 41. in princ.* & *l. 42.*: erunt infra, dux, puta *lex 125. & l. 136. §. 1. inf.* Quarum omnium synopsin habes ad *d. l. 41.* Hæc proprie pertinet ad materiam rerum creditarum, ut præter eas leges quæ ex eodem libro quamplurimæ desumptæ sunt, docent insuper illa: *Nemo ex his qui negant se DEBERE.* Et speciatim quidem hanc regulam concinnavit Ulpianus in tractatu 1. commodati. *l. 1. §. 7. commodati.* 2. de actionibus quæ ex alieno gestu competunt, ut ex eodem *lib. 28.* ostendunt, *l. 1. de executor. l. 1. §. 7. 9. 11. 13. 15. de infort. l. 183. 185. de V. S. 3. & de præscriptis verbis, l. 17. de præscript. verb.* Quamquam & ulterius ea porrigitur ad omnes sive exceptiones sive actiones, non tantum rerum creditarum nomine. Ac nominatim est hæc lex de concursu plurium defensionum, id est exceptionum; & de concursu plurium actionum seu de concurrentibus actionibus (de quibus singularem olim Paulus librum scripserat, quod ostendit *lex 34. de O. & A. l. 88. D. de furtis.* Ad quem eundem tractatum pertinet præterea *lex 130. infr. hoc tit.* pluresque alie in Digestis, inter alias vel maxime *lex 32. 34. 41. §. 1. §. 3. penult. D. de O. & A. l. 76. §. 8. D. de legat. 2. l. 1. D. arbor. furtim casar. l. 1. D. de vi bon. raptor.)*

Quæstio est in hac lege: Utrum reus pluribus defensionibus, id est exceptionibus; simul uti possit; quo pertinet initium legis: vice versa, utrum actor pluribus actionibus una experiri possit: quo spectat altera sententia (quæ vulgo *§. 1. hac l.* notatur.) Sic ut cumulatio seu variatio in eodem judicio hac parte admittatur? Et vero differentia

seu discrimen hac parte statuitur inter exceptiones & actiones, seu inter actorem & reum; nempe, hunc varias exceptiones cumulare, multiplicare posse, imo in eodem judicio variare seu varias proponere posse exceptiones: actorem vero una tantum actione eodem judicio experiri posse. Cui definitioni de pluribus exceptionibus consentit & *lex is qui § 1. l. nemo 8. D. de exception.* quas hic Gl. recte allegat, neminem videlicet prohiberi pluribus exceptionibus uti, quamvis sint diversæ. Quod exemplum seu speciem attingit, singe: *Conventus nego me debere*: v. g. dico mejurasse? Possum & aliis exceptionibus uti: veluti exceptione pacti conventi, compensationis (de quo mox) pecuniæ solutæ, rei judicatæ, doli mali, *dist. leg. §. D. de exception.* Sequuntur *Ampliationes* duæ: prior, quam suppeditat *dist. l. §.* nempe, eum qui una exceptione usus est, aliis *cum ea* defensionibus uti posse, vel relicta scilicet *ea* vel omissa, aliis solis. Et sic sive cumulative sive successive. Altera ampliatio continetur in *d. l. 8.* neminem prohiberi pluribus exceptionibus uti, *quàmvis diversa sint.* Et tamen hodie *cautela* ista vulgo utuntur Advocati, ut plures exceptiones disjunctive cumulent & subordinate, si forte exceptiones inter se in facto contrariæ & pugnantis *avertat quæ consistere non possunt*, videantur, aliquin supervacanea hæc cautela est. Non est igitur reus coarctandus ad certum defensionis genus, si plures suppetant; & ratio hæc adsignatur, quia ubi de liberando quaeritur, faciliores ad liberationem esse debemus, *l. Arrianus 48. D. de obligat.* quæ jungenda est cum *d. l. 8. de exception.*

Unica hic, verum obscura *exceptio* subjicitur, *Nisi lex impediat*: cui similis occurrat & *l. 136. inf.* Hæc nostra ex Interpretum sententia plures species admittit, quotiescunque videlicet aliquem alterius exceptionis præsidio leges submovent; cujusmodi sane species apponunt ex *l. quotiens 21. §. Prætor. l. 22. §. ult. D. de noxal. action. l. 1. §. 15. D. si quadrupes: l. de arate 12. §. 3. D. de interrog. l. ult. D. de R. V. l. cum de indebito 25. D. de probat. l. ult. §. 1. C. de compensat. l. ult. C. de fideicommissis: & §. ult. Instit. de fideicom. heredit. l. si unus 67. §. ult. D. pro socio, l. sed hoc ita 12. §. 1. D. de re judic. l. si dubitet 10. §. 1. D. de fidejussor. Nov. de triente & semisse 18. cap. 8. Auth. contra, C. de non numerat. pecun. & cap. 10. ejusdem Nov. cum Auth. item possessor, C. qui poiores: In quibus omnibus speciebus alterius & ulterioris defensionis auxilium reo denegatur, propter mendacium videlicet inficiantis, dominium rei forte vel titulum, vel factum suum, vel personæ conditionem. Ad postremam sane speciem proprie hanc regulam refert Hærmænopulus, *lib. 3. tit. 3. §. 88.* puta ad *Nov. 18. cap. 8.* Verum cum Digestorum editio, ubi hæc lex posita est, Novellam illam præcesserit, ad eam referri minime potest. Neque aptus ii qui ad legem Lætoriam hæc verba referunt. Illud verisimilius nonnullis, hanc exceptionem additam a Tribonianò: Nam hoc emblemâ legibus Tribonianus ferme adfigere solet, propter novas Justiniani constitutiones, veluti in *l. 27. §. ult. D. de minor. propter l. ult. C. qui & adversus quos: in l. penult. C. de rebus cre lit.* propter *l. ult. C. eod. tit.* Quare putet quis hæc verba addita propter *d. l. ult. C. de compensat.* quod funderet conjunctio legis *7. D. de compensat.* quæ ex eodem libro Ulpiani 18. ad Edictum est: ut ita sensus sit, eum qui exceptione alia jam usus est, veluti jurisjurandi, possit in eodem judicio compensationem quoque objicere: *Nisi lex impediat compensationis objectionem*, puta debiti non liquidi. Quod mihi non placet.*

Et

Et hæc quidem de reo : ex diverso, *actor*, si plures actiones ejusdem rei nomine ei competant, si plures actiones concurrant, una tantum experiri potest : Quare neque plures uno judicio cumulare potest, neque in eodem judicio variare, quia certa esse debet agentis intentio : & altera contentus esse debet, unam eligere debet, unaque electa, altera tollitur : de quo est & *lex 74. §. variis 8. de legat. 2. §. 5. Instit. quod cum eo qui in al. pos. l. 9. §. eligere 1. de tributor. act. l. 38. §. 1. pro socio : l. 3. §. ult. namque camp. Exceptio hæc tantum addenda, si incertus sit actor, qua actione experiendum habeat, ut in specie legis 1. §. quod autem 4. D. quod legator : Quemadmodum, inquit, solemus facere, quotiens incertum est, qua potius alio teneat ; nam duas dicimus, id est in libellum conjicimus : protestati, nos ex altera velle consequi quod nos contingit : Et hæc de cumulatione & variatione in eodem judicio. Jam enim alia quaestio est de actione successiva, de qua non est proprie hæc regula : verum *lex 130. inf. & de quo ad eam legem plene*. Sicut & aliena quaestio est ab hoc de concurrentibus actionibus, tractatus de eo, qui per errorem rem aliqua actione petiit, loco alterius veræ actionis : ut in specie *l. habebat 13. D. de institor. act.* (quæ alioquin ex eodem Ulpiani libro 28. ad Edictum desumpta, huic legi conjungenda est) & *l. 4. §. ult. D. quod cum eo qui in al. pos. l. 1. §. ult. quando de peculio actio annalis est*. Sicut & aliena quaestio est de reo, cui ante judicium restituendæ rei legibus facultas datur, ut sese graviori judicio imminenti subducatur : ut in specie *l. item si cum 14. §. 4. quod meus causa : & l. 1. §. 4. D. de publicanis*. Denique aliena quaestio est, de concursu plurium actionum ex eodem facto adversus diversas simul personas : veluti adversus exercitorem & nautam : de quo est *lex licet 6. sen penult. §. ult. D. nauta, campones : l. 1. §. 3. D. furti adversus nautas* : Hæc enim regula nostra est de concursu plurium actionum adversus unum & eundem.*

De Actionibus in HEREDEM, de eo quod ad eum pervenit.

XLIV. IDEM (Ulpianus) libro vicefimo nono ad Edictum.

TOTIENS in heredem damus, (1) de eo quod ad eum pervenit, quotiens ex (2) dolo defuncti conveniuntur, non quotiens ex suo.

(1) actionem additum in Haloan. quod hic subauditur. (2) de dolo. Haloand.

DE Actionibus in heredem dandis ex dolo defuncti in id quod ad eum pervenit, est hæc regula (cui alioquin in summam concordant quatuor præterea hujus tit. regulæ alia ; puta *lex 38. supr. l. 111. §. 1. l. 127. & l. 164.* quarum omnium synopsis aliquam habes ad *act. l. 38.* Nam de actionibus ex contractu sunt *lex 152. in fin. lex 157. in fin. infr. hoc tit.*) Et est hæc conjungenda cum *lege 7. §. ult. & l. quod in herede 9. in fin. D. de tributor. action.* ex qua posteriore hæc regula transcripta est : Quem casum *d. l. 9. in fin. Azo & Accursius* hic apponebant, etsi inscriptionis paritatis, & sic conjunctionis, nescii : Quamquam & jungi potest paritate cum *l. 30. §. ult. D. de peculio*. Pertinet igitur ea nominatim ad actionem

tribun-

tributoriam & de *peculio* ex negotio gesto cum servo, quæ rei persecutoria est. Finge, ex contractu servi, dominum de peculio conventum dolo malo peculium imminuisse, vel mercem peculiarem intervertisse, vel dolo malo eam minus aquis portionibus divisisse, distribuisse? In dominum certe hujus postremi doli nomine competit actio tributoria, quæ persequi solet & ulcisci dolum perpetram distribuentis. d. l. 7. §. ult. l. 8. & d. l. 9. §. 2. *D. de tribus. action.* Et hæc ita in domino ipso obtinent: sed quid fiet heredi domini? In eum actio dabitur in id quod ad eum ex dolo defuncti pervenit, d. l. 7. §. ult. l. 8. 9. *cod. sic.* Perpetua hæc scilicet juris regula est, pœnali defuncti nomine judicio seu ex delicto conventam heredem, non in solidum, verum in id tantum quod ad eum pervenerit, teneri; quam in rem uti dixi præter hanc legem, sunt hoc titulo tres præterea regulæ concordantes: *Pervenisse autem quid & quando ad heredem ex dolo defuncti dicatur, definitur d. l. 127.*

Sed finge rursus, ipsummet heredem dolo malo peculium vel peculiarem mercem intervertisse, imminuisse? Utique in solidum heres tenebitur: *Torrens*, inquit lex nostra, *in heredem damus (actionem scilicet, seu judicium) de eo quod ad eum pervenit, quotiens ex dolo defuncti conveniunt, non quotiens ex SUO.* Quæ reg. latius evagatur, & per varios juris articulos permeat. Idem enim dicendum est & in causa depositi, l. in deposito 9. *D. depositi*: commodati, l. 17. §. 2. *D. commodati*, aliisque. Cætera ad l. 138. *supr.* ubi & *synopsin* habes hujus & concordantium hoc titulo regularum.

Res SUA, num in contractum cadere possit.

XLV. IDEM (*Ulpianus*) libro trigésimo ad *Edictum*

*NEQUE pignus, neque depositum, neque precarium, neque empti, neque locatio * rei sua consistere potest.*

* i. conductio.

Rem suam utram quis pignori vel deposito aut precario aliquando accipere possit quaeritur, utrum emere, utrum conducere? Id quod hac regula negatur. Quæ, ut ad contractuum materiam manifeste pertinet, ita nominatim ad contractum *pignoris* & *depositi* (de quibus etiam principe loco initio hujus legis agitur) referenda est: uti liquet ex leg. 35. *D. de dolo malo, leg. 3. D. de in lit. jur. leg. 1. §. 7. D. depositi, leg. 18. D. de præscript. verb. leg. 186. de V. S.* quæ omnes de deposito tractant: uti rursus liquet ex l. 22. §. 4. *de pignorat. action.* quæ de pignoribus sunt. Et pro more tamen Jurisconsultorum ad alios contractus, eandem regulam transulit Ulpianus, eamque generaliter extulit, nempe rei suæ, sive de re sua contractum nullatenus consistere posse: De pignore sane, id ipsum quoque definitur l. debitor 40. in *princ. D. de pignorat. action. l. penult. in fin. de except. rei jud.* sive ab initio res mea fuerit, sive postea factus fuerim rei pignoratæ dominus, quia neque hoc casu potest perseverare pignus. De deposito, l. qui rem suam 15. *depositi.* De precario (quod deposito vicinum hic & l. 23. *supr.*) d. leg.

leg. 15. & leg. 4. D. de precario, leg. 1. §. 11. D. de iun. aliquo priv. leg. 40. §. ult. de adquir. poss. De emptione juxta hanc legem, l. 15. in fin. & l. 16. de contrab. empt. d. l. 40. de pignor. action. l. cum res 4. C. eod. De conducto (nam ut promiscue veteres in locatione & conductione appellationibus utebantur l. 20. D. de action. empti, ita hic locatio pro conductione dicitur) d. l. 15. & d. l. 40. l. 20. C. de locat. His adde & Commodatum, d. l. 15. D. commodati. Stipulationem, l. nemo 82. de V. O. Dotem, l. cum in fundo 78. de jure dot. Legatum, §. sed si rem, Instit. de legatis, & Usumfructum & Servitutem: nemini enim res sua servit, l. nisi frui 5. D. si ususfr. per. l. in re 25. D. de serv. urb. Eadem ratio conditionis, nemo enim rem suam, nisi furi condicere potest, l. ult. in fin. ususfr. quemadm. caus. §. sic iaque, Instit. de action. Licet autem hæc regula nostra apertum sensum habeat, & apertam rationem, sic ut dubitandi ratione nonnullis carere videatur, non adeo tamen notæ sunt ejus consequentiæ: sed & contrarij, quæ contra hanc regulam moventur, respondendum est.

Ut de consequentiis seu illationibus primum agamus. Hinc sequitur, quæsito quod postea dominio res ex illis causis constitutas evanescere, l. penult. in fin. de except. rei jud. l. 1. quemadm. serv. amitt. veluti pignus, &c. de quo jam antea. Hinc sequitur, ex his causis de re restituenda quem non obligari, d. l. 25. depositi: & l. 40. §. ult. de adquir. poss. Hinc rursus sequitur conditionem pretij soluti re sua emptora competere: Hinc sequitur, exactam usucapionem interpellari, si a possessore (quocunque tandem contractus genere) res ad dominum redierit, cum alias inter emptorem & venditorem, auctorem & successorem tempora usucapionum continuari receptum sit; l. 29. D. de pign. action. l. 21. 33. §. pen. D. de usucap. Instit. de usucap. Nempe duo contraria in uno coire non possunt.

Est tamen & hæc regula suos intra coercenda limites, seu fines: Primum enim pertinet ea ad proprietatem, non vero ad commodum possessionis; ideo scilicet dixit Jurisconsultus, *Rei suæ*; id est proprietatis & domini: Alioquin & possessionis rei suæ commodum conventionione dominus recipere potest: Hinc & precarium possessionis, & conductum & usus rei suæ pignori datæ consistit, denique pignoris rei suæ possessio ad debitorem conventionione transferri potest, & vero sæpe transferri solet l. cum & fortis 35. D. de pignor. actione, l. 4. §. item si rem meam 3. l. 6. §. ult. D. de precario, l. si aliquam 28. D. de adquir. poss. l. si in emptione 34. §. rei sua 4. D. de contrab. empt. Et sic huic necquicquam obstat, quod debitor rem a se pignoratam conducere possit: quia Res SUA hic ita accipienda est, in qua scilicet nullus alius jus aliquod habet. Atque in pignore jus habet creditor, sicquidem ut ei securitatis gratia incumbat. Quare debitor id conducere potest, ut ita re uti possit, qua alioquin propter jus & detentionem creditoris uti non posset. Item rei suæ pignus, depositum, &c. consistit, si sub conditione in illum calum quo res sua futura non est, recipiat, nam neque res sua tum amplius est, l. exilimo 96. D. de V. O. l. 61. D. de contrab. empt. Denique & res sua accessio quandoque esse potest alterius rei majoris & alienæ, & emere cum tota re etiam nostram partem possumus, ut in specie legis quod si auro pretio 13. in fin. D. de in diem addit. laud aliter atque res sacra rei profanæ accessio esse potest: Non equidem ut pretium ejus rei nomine debeat, verum ut pars illa cum reliquis ambulet.

Di

De Jure PUBLICO.

§. Privatorum, 1. Legis 45.

Privatorum conventio juri publico non derogat.

AD eisdem *Pignoris & Depositii* contractus pertinet, pariter ut superior, hæc regula, & planum habet ea sensum; ac maxime cum *l. 27. supr.* id ipsum inculcetur: Addatur & in eandem sententiam *l. 38. D. de pælis, l. 5. princ. D. de pact. dotal. l. 1. §. 9. D. de magistrat. convent. l. 55. de leg. 1. l. 15. §. 1. D. ad l. Falcid. l. ult. D. de suis & legitim.*

Species hujus §. pariter ut superioris regulæ, contractui *Pignoris & Depositii* aptanda venit: *Pignoris*, inquam, non tantum argum. principii *h. l.* verum etiam legis *22. 23. D. de pignorat. action.* ac nominatim in pacto fiduciario species aptanda est, argum. *l. 3. D. de lege commissor.* quæ tres leges ex eodem libro desumptæ huic regulæ coassandæ sunt: Scilicet conveniri non potest, ut creditor fiduciam pleno jure acquirat, sic ut *υπεροχην, excessum* id est superfluum pretii restituere non cogatur: cujus rei ratio non alia quam ab hac regula petenda est, *Privatorum*, scilicet, *conventionem juri publico non derogari*. Nempe. publico jure publicaue ratione, odiosa vis est in pignoribus *lex commissoria*: apertam enim ea voracitatem creditorum seu fœneratorum continet: Imo, ex Constantiiana sanctione *l. ult. Cod. de pætion. pign. & l. 1. Cod. Th. de l. commissor.* ne quidem conveniri potest (quod his Jurisconsultorum temporibus tamen poterat) ut creditor fiduciam citra denunciationem vendere possit. Vice versa quoque si inter creditorem & debitorem convenerit, ut fiduciam vendere non liceat, ex tali conventionem actio nasci non potest, quare non solvente debitore creditor denunciare ei solemniter potest & distrahere, Paulus *2. sent. 2. tit. de leg. Commissor. 13. §. 5.*

Ponenda est quoque species in *Deposito*, arg. *l. 1. §. 7. & 10. in fin. D. depositi*, quæ ex eodem libro desumpta est: Scilicet conveniri non potest, ut ne depositarius do- li teneatur: quod etiam *l. 23. supra* comprobatur.

De eo quod PÆNÆ nomine exallum est.

XLVI. GAJUS libro decimo ad Edictum provinciale.

QUOD a quoquo 1. pæna nomine 2. exallum est, id eidem restituere nemo cogitur.

1. quoquam. Hal.

2. jure.

PÆNAM, quam quis ob delictum suum aliquod solvit, utrum *idem ipse* sive ab eo cui soluta est, sive ab alio unquam recuperare possit, quaeritur, Id, inquam, quaeritur *de eo ipso*, in quo opes hujus regulæ sitæ sunt: ait enim *lex eidem*. Nimis enim generaliter Basilica hanc legem exprimit, *οὐκ ἀπὸ καθ' ἑαυτὴν, καὶ ἀπὸ ἀλλοτρίων*?

Et

Et absque id hac regula negatur; quæ & ipsa pertinet ad contractus, & eos quidem ex quibus non equidem dominium rei in alium transfertur, verum usus tantum, ut est Locatum, Commodatum, vel Possessionis commodum, ut est Pignus: vel custodia, ut est Depositum: De his quippe contractibus omnibus alii quæ egit Gajus hoc libro decimo ad Edictum provinciale: sic quidem etiam ut ex eodem libro *lex 6. D. locati. lex 49. de furtis*, huic sociandæ sint potissimum ut quæ ad hujus intellectum maxime condecunt.

Ut speciem hujus regulæ & sic vim ejus teneamus, præsupponendum prius est, in his quos dixi contractibus omnibus hanc regulam seu jus istud obtinere, ut qui rem hoc titulo tenet, si furto eam amittat, ejus nomine furti actionem nihil secius atque rei dominus ipse habeat, pœnamque consequatur: quia furti actio ex æquo omnibus quorum inter est honesta causa, competit, *d. l. 13. 87. D. de furtis*. Et in his creditor, si ea res quæ ipsi pignoris jure obligata est, furto ablata sit, *d. l. 49. de furtis*, quæ ex eodem, ut dixi, libro desumpta est. Nunc fingamus: Rem mihi tuam tu pignori dedisti, vel rem tuam commodasti, vel locasti? Utique, si eam furto tu ipse dominus rei mihi sustuleris, furti actione pœnam a te consequar; verum, die rei tibi a me restituendæ allapso num condemnationem saltem, seu pœnam a te exactam simul tibi restituere cogor? Minime: scilicet, quod a quoquo pœnæ nomine exactum est, id eidem restituere nemo cogitur. Quod præter hanc legem ostendunt præterea, *l. qui ob rem 35. de condic. indeb. l. si pignore 22. in princ. & §. 1. D. de pignor. alt.* Unde Accursius exemplum ad hanc legem primo loco apponbat; *l. 6. D. locati, l. 15. §. 1. l. 19. §. ult. l. 59. §. 5. l. si debitor 79. D. de furtis, l. 3. §. 14. D. de tabul. exhib. l. id quod 74. D. de solutio.* (& has quoque allegat Gl.) unde exempla seu species plures desumi possunt. Denique perpetua est ista juris regula: Pœnas non solere repeti, cum depensæ sunt, seu pœnam, EIDEM restituere neminem cogi, *l. pœna 42. D. de condic. indeb.* quod etiam hac regula indicatur: NEMO, inquit, *cogitur eidem restituere*.

Et hæc quidem ita obtinent, si de eodem, id est de rei domino qui pœnam delicti sui dependit queratur, de quo est hæc regula: *Eidem*, inquit, *restituere nemo cogitur*. Aliud enim quandoque fuerit, si queratur, de pœna a Tercio aliquo ab his penes quos res aliena suo tempore domino restituenda, momento est exacta, tum enim quandoque non nemo, pœnam ita exactam a tertio, rei domino una cum re restituere tenetur. Et vero quod hac regula definitur, id *pat' artibus* hujus casus a Gajo propositum fuit: quod etiam discimus ex *l. 6. D. locati*, de qua mox. Finge tertium aliquem rem mihi ab alio pignoratam, vel locatam, vel commodatam, furto sustulisse, num pœnam eo nomine exactam ego lucrifaciam, an vero die restituendæ rei allapso, rei domino una cum re pœnam a tertio exactam restituere cogar? In hac questione distinguendum est, inter pignus & locatum commodatumque. In pignore equidem id certum est, pœnam videlicet a tertio exactam domino rei restitui oportere: idque etiam Papinianus fitebatur, *d. l. 22. in princ. & §. 1. D. de pignor. alt. & l. creatoris 15. D. de furtis*. At in conducto & commodato anxie dubitatum fuit, sic quidem etiam ut Papinianus ipse hic variaverit, & cum aliis crediderit, etiam hic pœnam rei domino restitui oportere; & quidem in commodato ideo: nempe quod satis esset, commodatarium habere usum gratuitum rei commodatæ, quam ut lucrum aliquod extrinsecum

inde captares, quod occasione rei commodatæ obtingeret, ut indicatur *d. l. ult. §. penult. C. de furtis*. Verum obtinuit ea sententia, comodatarius & conductorem non cogi restituere domino pecuniam a tertio exactam, ut Gajus hoc ipso libro *l. is qui rem 6. D. locati*, (quæ huic uti dixi ex eodem libro conjungenda est) tradit, & traditur præterea *l. ult. §. penult. C. de furtis*, ac nominatim in commodato, ex postrema Papiniani sententia, quam prætulit Justin. *d. l. ult. §. penult. C. de furtis*, contra quam Græci *lib. 60. Basilic. tit. 6.* qui primam Papiniani amplexati sunt sententiam. Ratio differentiarum elegans & aperta est, non ea tantum quam Justinianus reddit *d. l. ult. §. penult.* quod ubi periculum sit, ibi & lucrum collocetur, verum quia *pignore* ad tempus subrepto, mox creditori restituto, ejus jam interesse desit, utpote ejus securitati temporaria subreptione nil detractum fuerit: At enim *commodato & conducto* semel intercepto, certum est mediis semper temporis interusurium commodatario & conductori abesse, cui compensando pecuniam exactam eodere par est. Diversa igitur admodum est creditoris ratio, & commodatarii, & aliter interest creditoris, aliter commodatarii ratione possessionis, quæ aliquandiu interceptitur. Hinc igitur jam liquet, verissimum & perpetuum esse, id quod a QUOQUO pecunæ nomine exactum est, id EIDEM restituere NEMINEM cogi, ut *b. l. dicitur*: At enim, quod ab alio exactum est, nonneminem ALII restituere nos cogi: ad quam differentiam respexit Gajum hac regula jam ostendi: veluti creditor pignoris sibi subrepti mox restituit pecuniam a fure exactam rei domino eidemque debitori suo una cum pignore restituere cogitur: Eademque ratio est *possessoris hereditatis*: Is enim re hereditaria a se vendita, pretium cum pecunia tardius soluti pretii restituere tenetur: *l. utrum 23. §. 1. D. de hereditasibus perit.* ut & dupli pecuniam ex lege Aquilia, *l. evicta 55. cod. tit.* itemque lucrum quod sensit ex lege commissoria, *l. 25. cod. tit.* lucrum enim ex eo quod propter hereditatem accepit facere non debet, seu locupletior fieri non debet *d. §. 1. & d. l. 55.* Aliud fuerit, si vi dejectus fuit: neque enim restituere pecuniam ex eo commissam debet. Item aliud fuerit, si de pecunia agatur, quam adversarius ei promisit & solvit, si ad judicium non venerit, *l. at ubi 24. D. eodem tit.* Ideo scilicet, quia eo nomine dominus actionem non haberet, *d. l. 24.* & hæc personam & injuriam possessoris non domini respiciunt.

Ex his omnibus jam patet, non proprie ad hanc regulam pertinere, quod quidam temere pro exemplo hic asserunt, quod ab eodem Gajo, iisdem ad Edictum provinciale libris, dicitur *in l. qui proprio 46. §. 5. D. de procuratoribus*, non debere procuratorem recuperare a domino contrario mandati judicio pecuniam, quam ex suo delicto præstitit. Item non pertinere, quod interpretes asserunt, si quis mandato alicujus rem illicitam admiserit, pecuniam a se præstitam a mandatore seu domino exigere non posse. In specie quippe hujus regulæ præsupponendum est, EUNDEM pecuniam repetere qui delictum admisit, pecuniamque ipse dependit.

De CONSILIO, num ex eo obligatio nascatur.

XLVII. ULPIANUS libro trigésimo ad Edictum.

CONSILII non fraudulentum nulla obligatio est: Ceterum, si dolus & calliditas intercessit, de dolo alio competat.

DE CONSILII, quod alteri scilicet in re aliqua datum fuit, natura vi & effectus est hæc regula, quæ ad tractatum seu contractum *Mandati* pertinet. Et quaeritur in ea, num consilii istius nomine obligatio aliqua contrahatur; seu, num aliquo casu consiliator eventum consilii præstare teneatur, si forte consilium, quod alteri, bona fide, bono animo, dedit, male ceciderit: prout genus humanum caligine damnatum est, vel etiam pleraque res, beneque, ut videbatur, consultata DEUS pro *prudencia* sua, seu beneplacito agitat versatque. Denique, num eadem consilii quæ mandati ratio sit? Id quod hæc regula ab Ulpiano de consilio non fraudulento negatur: differentiamque adeo constituit inter mandatum & consilium: Id quod ipsum inculcatur etiam l. 2. in fin. *D. mandati*, & §. 1. *Instit. cod. tit. & aliis quinque legibus*. Ratio differentie isthæc est, nempe quod mandator negotii gerendi auctorem se præbet & periculum in se suscipit l. 2. §. 2. *D. mandati*. In consilio vero seu consiliatore nil tale: qui si fidem præstet, abunde est: contra, consilium spernere cuique licet, & (quo nil elegantius dici a nobis potest) consilium non est obligatorium, seu nemo ex consilio obligatur, etiamsi non expediat ei cui dabatur: quia liberum est cuique apud se explorare, an expedit sibi consilium, ut Cajus ait d. l. 2. §. ult. *D. mandati*: & §. 1. *Instit. cod.*

Species nunc apponamus: Prima hæc sit: Consilium tibi ego amicus tuus, ut pecunias tuas potius in emptiones prædiorum collocares, quam fœnerares, vel ex diverso? Consilium hoc magis est, quam mandatum, & ob id non est obligatorium, d. l. 2. §. ult. & d. §. 1. Secunda species sumatur ex l. *idemque & in fundo* 10. §. 7. *cod. tit. D. mandati*: quæ ex Ulpiani lib. 31. ad Edictum desumpta dicitur. Jussi Procuratori meo, ut interventu seu consilio Sempronii, quod mihi promissit, negotia mea gereret; Procurator meus consilio ejus pecuniam male credidit: Non ideo Sempronius tenebitur? Nam qui affectionem amicalem promissit, in regendis procuratoribus consilio, mandati non tenetur. Tertia species sumi potest (& vero sumitur a P. Fabro hic) ex l. 1, §. *idem Pomponius* 14. *D. depositi*, (quæ ex eodem jam lib. 30. ad Edictum desumpta est; & cujus argumento defendi potest inscriptio hujus legis, adversus Antonium Augustinum, Contium, Labitum pag. 96. & 116. qui libro 31. eam reddebant, sic ut hæc prima sententia libro 30. congruat, posterior, libro 31.) Quarta peti potest ex l. 7. §. ult. *D. de dolo*. Eadem ratio l. 2. *D. de proxenetis*. quæ & ipsa desumpta est ex libro 31. cujus hæc species est. Proxenetæ (un *Convetier*) seu Pararius, *proxeneta*, sculna (tot enim nominibus munus hoc exprimitur) intervenit faciendi nominis causa, & laudativum nomen, id est, renuntiavit fœneratori, posse eum tuto credere: Quaeritur, num velut mandator teneatur? Quod ea lege negat JCrus; Quia, inquit, hic monstratur magis nomen, quam mandat, tamen laudes nomen. De qua alioquin quaestione plenus

agit Stracca Ancopolitanus, peculiari *libello de Proxeneris*. Et hæc omnia: si consilium non sit fraudulentum, alioquia (quæ limitatio & differentia hic additur & d. l. 2.) Si dolo & calliditas intercessit, de dolo actio competit: vide & l. quod si cum scires, de dolo: Cicero l. 6. ad Atticum 7. Quid debet qui consilium dat prestare præter fidem? Denique etsi consilium non fuerit prudens, certe si optima fide atque ab optimo animo proficiatur, abunde est, ut idem Cicero ait: Ad praxin hujus regulæ vide quæstionem quam tractat Peleus, quæst. 145.

Hæc cum ita sint, liqueatque, pertinere hanc regulam ad Contractus & Negotia, scilicet liquet, non proprie ad hanc regulam pertinere tres tractatus Interpretum de tribus aliis Consiliorum generibus; puta 1. de Consiliis seu Responsis Jurorum, de quibus alioquin ad hanc legem prolixè agunt: Quanquam & ibi hujus regulæ æquitas militat. 2. item de consilio Adfessorum, de quo aliquam multa hic cumulant & opponunt, ubi sane Adfessor imperitiæ nomine, non doli tantum tenetur, l. 2. D. quod quisque juris: item jurisperitus, qui consilio suo judicem ad perpetram pronuntiandum permaavit: l. culpa, sup. hoc tit. Abbas Panormit. ad cap. iua, extra de homicidio. Rom. cons. 278. 3. de consilio in delictis, de quo ad hanc legem anxie quæruntur. Qui tractatus ab hæc regulæ alieni sunt, utpote quæ ad contractus pertineat, & ad consilia quæ ibi dantur, ab amicis fere: quo alioquin pertinet lex 1 r. D. de injur. l. 5. 2. §. cum Trio, de furtis. l. 1. in pr. & §. persuadere, D. de servo corrupto. Et nominatim furti actio operatur consilio. Postremo, consilium de quo hæc lege agitur, quoque naratur est, sedulo distinguendum est a consilio naratur: de quo est lex 75. & 79. inf.

§. Socii, 1. Legis 47.

Socii mei socius meus socius non est.

AD societatis contractum aperte pertinet hæc regulæ: quæ etiam totidem verbis repetita exstat in l. nam socii 20. D. pro socio: quæ inscriptum habet *librum 31.* ad Edictum: Quo argumento etiam colligi potest, hujus legis inscriptionem saltem quoad hanc sententiam vitiosam esse (quod etiam jam monuit Antonius Augustinus, lib. 1. Emendat. cap. 7. pag. 54. & Contius.) Et vero dictæ legi 20. præmittenda est lex 19. eod. ut species ei recte aptari possit. Societatem (*securariam* forte) tu & ego contraximus; Tu vero solus cum tertio? Tibi tantum socius ille erit, qui cum admittitur: scilicet tertius, qui ab uno ex duobus sociis aut redemptoribus adscitus est, non ideo alteri socius fit. Et ideo adscitus, in socii sui socium nullam habet actionem, & retro socius socii in adscitum nullam habet: Quare, si alter qui non adscitus solvere, pro socio suo, adversus adscitum a socio suo, eo nomine experiri non potest: quam in rem memoratur quoque placitum Curie Parisiensis 2. Junii 1566. Et hæc quidem hujus regulæ species est. Sed trahi nihilominus potest hujus regulæ argumentum, seu dispositio, ad varias species alias. Ad eundem quippe modum l. 105. D. de V. S. libertus liberti mei, libertinus meas non est. Ad eundem modum l. 23. D. de adp. fratris mei frater non ille frater meus est: Sed utilis trahitur ad vasallos, ut & ad colonos: Vasalli quippe mei vasallus, vasallus meus non est, nisi ejus fundi

DE CONTRACTIBUS II. COLL. EDICTAL. REGG. PARS VII. 173
fundi feudique causa quod in subfeudum accepit: Neque colonus coloni mei, colonus meus est. Quare si vassallus meus aut colonus in me quid admisit, vel in canone præstando cessaverit, ad res subvassallorum vel subcolonorum venire, iisque manum injicere non potero, nisi ejusdem rei subvassalli sint & subcoloni. Quam questionem accurate tractant feudistæ, argumento adducto tum hujus regulæ, tum & l. 11. §. 5. D. de pignorat. actio. Denique num trahi possit hæc regula ad debitoris debitores, vide Consilium Surdi.

P A R S O C T A V A
E D I C T A L I U M R E G U L A R U M ,

Respondens libro XXI. XXIV. XXV. XXVI. & XXVII. Digestorum.

D E
Q U A S T C O N T R A C T I B U S
E X N E X U P E R S O N A R U M :

Id est,

D E N U P T I I S , E T D E T U T E L I S ,
D U Æ R E G U L Æ .

De IRACUNDIA, & per eam factis dictis.

XLVIII. PAULUS libro trigésimo quinto ad Edictum :

QUIDQUID in calore iracundia vel fit, vel dicitur, non prius ratum est, quam si perseverantia apparuit (1) iudicium animi fuisse: ideoque, (2) brevi reversa uxor, nec divorisse videtur.

1. apparuit Haloand.

2. per calorem misso repudio.

DE IRACUNDIA deque Factis dictisque per IRACUNDIAM, quo iure ea censeri haberique debeant, est hæc R. Quæritur, inquam, utrum per iracundiam calorem (alius est enim calor licitationis in l. licitatio 9. D. de pub. & vellig.) facta dictave statim ideo rata haberi debeant, ac nominatim DIVORTIUM ita factum: Nam eo hanc regulam pertinere, tum extrema huius legis sententia, seu exempli ad regulam applicatio

tio ostendit, tum repetitio eius totidem verbis in l. 4. *D. de divorciis* (quod etiam Glof. monuit) ubi & sub finem, his verbis cumulator seu auctior proponitur: *Ideoque per calorem misso repudio, brevi reversa.* &c. quod hic supplendum est. In summam quoque concordat huic legi *lex 7. eod. tit. de divor.* *lex 33. D. de ritu nuptiar. l. 31. D. de jur. dot. l. 37. D. de pact. dotalib.*

Quæstio igitur ad hanc speciem pertinet: Utrum divulsum calore iracundiæ matrimonium, & sopita mox deservescenteque ira instauratum, idem matrimonium censeretur? *Calore iracundiæ* id est, inconsulto animi motu, *disrupti*, quomodo & *Lucanus lib. 7.*

iraque calore

Signa perunt: non animi iudicio, ut hac ipsa lege dicitur? Quod hac regula affirmatur, proposita generali hac R. seu definitione. Quemadmodum, scilicet, multum interest inter calorem iracundiæ seu jurgium (ut vocat Papinianus l. 31. *D. de jur. dot. l. si liberis, D. de pact. dotalib.*) vel frigusculum, sive fribusculum (ut loquitur *lex 32. §. 12. D. de don. int. vir. & uxor.*) id est, frivolarium & instabile dissidium, & verum divortium; quod non est nisi cum animo perpetuam constituendi dissensionem sit, *dicitur l. 3. D. de divor.* Ita multum interest inter divortium quod diu stetit; & quod brevi postea revocatum est, seu non multo post, ut juxta hanc legem quoque scriptum extat l. 33. *D. de ritu nupt. l. 64. D. de donat. int. vir. & uxor.* Nempe, morosarum uxorum quotidiana ferme repudia apud Romanos fuerunt, ut Seneca loquitur, sic ut uxores passim exigereunt, seu expellerentur domo, mox & reciperentur. Ergo eadem ratio est constantis matrimonii & divulsi, sed brevi instaurati seu integrati: Hac, videlicet, ratione, quod divortium de eorum negotiorum genere sit, quæ animi iudicio, ut *h. l.* dicitur (& l. 189. *inf.*) agenda sunt, de quo *ad l. 76. inf.* seu, ut hac quoque lege dicitur, quæ perseverantiam & iudicium animi *in propriis* requirunt; non subitaneum animi & impetus inconsulti calorem, *ἀρχαίως διακρίνας*.

Hinc jam sequitur (quo spectat *usus* hujus regulæ) repetito ita matrimonio, etiam dotis functionem, id est dotem, citra novam & expressam conventionem repetitum censeretur, l. 30. 31. *D. de jur. dot. l. 19. D. soluto matrim.* quia redintegrato ita matrimonio, omnia in statu pristino manent, & brevi reversa uxor nec divertisse videtur: cum alias, ut habet vetus regula apud Ulpianum *dict. l. 30. Dos qua semel functa est, amplius frangi non possit*. Hinc sequitur rursus, donationem constante matrimonio factam, redintegrato postea matrimonio, etsi fribusculum intercesserit, mox quieverit, donatore moriente confirmari, seu divortio nunquam irritatam; quæ alioquin vero divortio seu penitentiâ donatoris tacita revocaretur, l. cum hic statim, §. si divortium, *D. de donat. inter vir. & uxor.* Neque hinc abludivit (ut hoc exemplum aliunde addam) quod traditur l. 1. §. quæri possit, *D. ad l. Turpill. l. 2. C. de abolition.* cum, qui calore quodam inconsulto ad accusationem alterius profectus, abolitionem petere posse, & calumniæ poena non teneri.

Ex his apparet, primo hanc definitionem (non attendi videlicet ea quæ sunt aut dicuntur in calore iracundiæ) locum tantum obtinere (ut recte monuit Baldus) ubi rei alias licite operatur: puta in divortio, voto: de quo etiam Glossa notabilis, in *cap. dudum, de conversis conjugatis*: Item in jurejurando ab irato inconsulte facto, de quo etiam

est Alexandri Imp. *lex 2. C. de reb. credit.* & ejusdem Imp. *lex 2. Cod. ad leg. Jul. majest.* Nam e contra, non obtinet ea, ubi rei illicitæ opera datur, veluti in maleficiis, de quo videnda *lex 5. C. de injur. l. 11. §. sciendum, D. de penis: l. 16. §. 1. D. eod. tit.* Quare per iracundiam admittitur non excusantur, *l. 3. C. de injuriis.* Quoniam clementissimi quique Imperatores in se etiam dicta jactataque per iracundiam & levitatem, imo & injuriam facile remittere: de quo est *lex un. C. si quis Imp. maled.* Sed & per impetum doloris seu justum dolorem facta quandoque mitius puniuntur, *l. 38. §. 8. ad leg. Jul. de adulter.*

Rursum liquet, hanc regulam obtinere in iis quæ revocari facile possunt, quæque penitentia non etiam poena eluuntur, & quidem revocari possunt sine præjudicio tertii; de quo videndum est *cap. si quis iratus 2. q. 3.*

Videndum superest, quantum illud tempus sit quod Paulus hic breve vocat: & Marcellus; *Non multum tempus interpositum in d. l. 33. D. de ritu nupr. non multo post.* Non probanda est Hotomanni sententia, qui trinoctium illud, quod usurpandæ olim uxori præstitutum erat, huc refert: Audiendus omnino Marcellus *d. l. 33.* & alii, quos refert Javolenus *l. 64. D. de donat. inter. vir. & uxor.* qui id ita explicant, si non longo tempore mulier vidua fuerit, id est, si inter moras ad alias nuptias non convolverit, & dorem vir non reddiderit. Ergo, quamdiu hoc factum non est, si interim revertatur uxor, brevi reversa censetur. Vox brevi, ut & *max, cito, celeriter, ut tuus* & *ut tuus* accipienda sunt: ut *l. pen. de cond. trit.*

Ex hac tandem regula generale æquum conficiatur, *Cito redintegrata, qua per iracundiam dissociata fuerint, nec distracta unquam videri.* Cito autem vel brevi, prout res est: certe in *sp. l. 5. C. Th. de domest., & protectiorib.* id est intra annum vel biniunium.

De DOLO alterius.

XLIX. ULPIANUS libro trigesimo quinto ad Edictum.

*Alterius circumventio * alii non præbet actionem.*

* Circumventio activo significatu, id est, dolus admissus ab aliquo.

¶ **E** x Dolo alterius, alteri aliquando actio num quæri possit, quæritur? Et definitur, non dari actionem *αλλοι περιγρηγορητος, αλλος αργυριον εχου*, Basilica vertunt. Et nominatum quidem id de tutoris dolo quæsitum hic fuisse, ostendit argumentum ejus libri, unde hæc lex desumpta est; quod utique ad tutores pertinet; & quidem ad tutorum administrationem, ut liquet ex cæteris legibus, quæ ex eodem Ulpiani libro 35. desumptæ sunt, puta ex *l. 1. 2. 3. 5. 7. D. de admin. tutor. l. 1. 3. 5. 7. D. de rebus cor. qui sub tut. l. 7. 10. 13. D. de tut. & rat. distrab. l. 11. D. quod falso tutore.* Hoc quidem apertum & indicatum jam ab aliis fuit: sic, ut etiam Accursius hic de tutore exemplum attulerit, sed nondum liquet, quoniam questio hujus legis pertineat.

Questio igitur eo pertinet, utrum tutoris circumventio, id est dolus a tutore admissus (quo videlicet tutor tertium aliquem circumvenit) obtentu administrationis sue & nego-

negotiorum pupillarium, aliquo casu actionem utilem pupillo quaerere possit: an vero pupillus exceptione repelli queat? Id quod postremum hac l. asseritur: Generali hac regula adsumpta: cujus hic sensus est, non magis pupillo quam cuiquam alii alterius circumventionem, actionem prabere: Actionem, inquam, cum effectu scilicet seu utilem, quin & ipsa doli exceptione submoveri possit. Quod ipsum in terminis terminantibus de tutoris circumventionem seu dolo deciditur in l. 15. D. de dolo malo: l. apud Celsum 4. §. illa etiam 23. & §. si quis 24. in fin. D. de doli mali except., ex qua lege exemplum Glossa quoque advocavit. Ubi alioquin ratio dubitandi hanc affertur, quod per eas personas (tutorum scilicet) pupillis faveatur: verum aptanda hęc est decidendi ratio, quam & ibidem Jurisconsultus indicat his verbis: *Et ego puo utilius*: quæque abscis hujus regulæ verbis quoque indicatur, *non prabet*. Nempe *utilitas*. id est æquitas, hujusmodi compendia suspecta, quamlibet per legitimas personas seu tutores quaesita, etiam pupillis adimit: Tutor equidem quoad providentiam pupillarem domini loco haberi debet, l. 27. D. de administr. tutor. vice domini est, l. 157. in princ. infra; attamen eam demum diligentiam circa administrationem rerum pupillarium adhibere eum oportet, quam paterfamilias rebus suis ex bona fide, more probi, adhibere solet, l. 33. D. eod. tit. de administr. tutor.

Neque frustra tamen hoc quaeri potuit, quandoquidem parata semper actio videbatur circumvento adversus ipsummet tutorem, sic ut satius videretur, actionem in tutorem tribui quam pupillo competentem adimi. Sed ut dixi *utilitas* hanc futilitatem, id est subtilitatem submoveret: Nemo scilicet ideo obligatur, quia recepturus est ab alio quod præstiterit, l. 171. in fr. Quare verum est, quod Papinianus rotunde definiēbat l. 3. D. quando ex facto int. dolum tutorum puero neque nocere (de quo agitur l. 198. in fr.) neque prodesse debere, quo spectat hęc lex.

Atque hęc est genuina hujus regulæ species, quam *Bulgarnus* quoque e veteribus perspexit: Non ut recentioribus quoque quibusdam, etiam Cujacio post Placentinum, placuit, *circumventionis* vocem passivo significato accipere, quasi id b. l. indicetur, circumvento altero, alteri actionem exinde non dari. Præsertim cum sint personæ quædam, quæ altero circumvento, circumventionis nomine agere possunt, ut pater, dominus, tutor: Similes alioquin species aliæ in servo, procuratore, socio, huic regulæ aptari possunt, ex l. quod servus, in fin. D. de acquir. possess. ex d. l. apud Celsum 4. §. quasimus est 18. de except. doli: l. quod autem ex facto, D. pro socio: l. 37. D. de action. empti: quæ exempla & hic ab Interpretibus apponuntur.

P A R S N O N A
 R E G U L A R U M E D I C T A L I U M.
 D E
 . N O X A L I F U R T I A C T I O N E .

De PROHIBERE non valente .

L. PAULUS libro trigesimo nono ad Edictum :

CULPA caret qui scit , sed prohibere non potest .

SCIENTIA , seu Patientia nuda , alieni delicti utrum quem culpæ adstringat quaeritur ? Et definitur , culpa carere seu crimine vacare , neque patientiam delicto adcommodasse suam videri posse , cum qui nudam habet delicti scientiam & conscientiam , nisi & prohibendi simul facultatem idem habuerit . Hæc scilicet scientia culpæ demum imputatur , quæ aut princeps delicti est , aut quacunque ratione approbatrix . Quam in rem e multis , & hæc duo loca apud exteros scriptores occurrunt . Seneca in Troade : *Qui non vetat peccare cum possit , jubet* . Salvianus lib. 7. *Cujus in manu est ut prohibeat , jubet agi si non prohibet* . Contra culpa caret , qui scit sed prohibere non potest ; non prohibere , quocunque tandem justo impedimento intercedente , vel potestatis seu virium defectu . Hæc ut generalia , ita & appetitissima sunt : quibus etiam alioquin in genere concordant in summam quatuor aliarum regulæ hoc titulo , puta *lex* 3. 40. *supr. lex* 110. §. 1. 189. *infr. hoc tit.* At non etiam *lex* 109. (ut ibi ostendam) quod tamen vulgus Interpretum censet .

Species tantum huic sua aptanda venit , in noxali judicio , argum. l. 9. *D. de noxalib. action.* quæ ex eodem Pauli libro 39. desumpta huic conjungenda est . Nempe is demum dominus ex delicto a servo vel familia admissio in solidum & singulorum servorum nomine tenetur , qui non scit tantum , sed & qui prohibere potuit : alioquin noxali tantum actione tenetur : quam decisionem sane suggerit l. 1. §. 1. *D. si famul. furt. fecisse* . l. 2. l. *in omnibus* 3. & l. *in delictis* 4. §. 2. & d. l. 9. *D. de noxal. action.* (unde etiam Gl. hic casum potuit) l. 45. *D. ad leg. Aquil.* l. 1. §. *occisorem* , de Senatusc. Syllan. Cætera ad leges concordantes .

Ex hac interim specie liquet , hanc regulam propriæ ad delicta privata , seu noxas privatas pertinere . In atrocioribus enim criminibus , & quidem majestatis , & conjurationis , quid hac parte dicendum sit , & utrum nuda scientia crimini quem involvat , non

huius est loci tractare: erit forte alibi commodior: quia & accuratior magna id tractandum est.



P A R S D E C I M A

R E G U L A R U M E D I C T A L I U M

D E

B O N O R U M P O S S E S S I O N I B U S .

CAPERE *quid proprie.*

LI. GAJUS libro quintodecimo ad Edictum provinciale.

Non videtur quisquam id capere, quod ei necesse est alii restituere.

Tres Regulae sequentes ad eundem tractatum pertinent, de Bonis seu successione in bonis libertorum. Haec ut intelligantur, eosdem praestruenda nobis sunt principia, singula videlicet singulis Regulis seu Legibus respondentia. Primum, liberti libertis non extantibus, patrono dimidiam bonorum liberti defuncti deberi; adeo ut patrono bonorum possessio contra tabulas liberti eo nomine competat, puta si dimidiam, quae dixi, non habeat, non capiat. Secundo, imo si libertus dolo malo fecerit, quo minus eam patronus haberet, Favianae actione patronus in fraudem suam alienata revocare potest. Quod in parente manumisso non aequè obtinet, ut idem Gajus eodem libro 15. scribit l. 2. D. si a parente quis manum. Tandem, ut alienata in fraudem suam patronus revocare potest, ita & donata.

HAC Regula, quae significationem tantum prima specie vocis *Capere* continere videatur, quae revera tamen recte in Regularum censu stat, ut jam ostendimus ad concordantem huic l. 13. *supr.* quaeritur, utrum quis id *capere* videatur, quod ei necesse est alii restituere. Id quod negatur: verbum enim hoc *capendi* cum effectu accipiendum est: quod & ipsum definitur duabus praeterea legibus huic concordantibus, puta d. l. 13. *supr.* & l. 71. de *P. S.* Ad quarum priorem jam concordantes alias cumularimus.

Superfunt tria ad hanc legem, proprie spectantia. 1. Species videlicet ejus genuina. 2. Similium proinde legum eodem tendentium synopsis. 3. Conciliatio cum l. 140. de *P. S.* Quod speciem ejus attinet, pertinet ea ad bona libertorum: in hoc enim argumento Gajum lib. 15. ad Edictum provinciale versatum, docent complures aliae leges ex eodem libro desumptae: puta lex 5. & 7. de bonis liberti. l. 22. de vulgari substit. l. 11. D. de

de auctor. int. Hoc posito, præsuppositoque simul eo quod initio hujus partis Edictalis præmissus, fingamus: Libertum patrono legatum reliquisse, sed eundem idem legatum alii restituere jussisse? Bonorum nihilominus possessio ei contra tabulas liberti dabitur: Non videtur scilicet patronus id habere, id capere, quod ei necesse est alii restituere: tunc patronus dimidiam bonorum liberti revera habere, percipere debet, ut bonorum possessione excludatur. Et hæc quidem genuinæ species videntur *hujus l.* Variæ alioquin aliz plures atque adeo effectus occurrunt, in quibus hujus reg. fides & veritas cernitur. Fingamus vice versa, extraneum heredem institutum a liberto, eundemque jussu patrono hereditatem restituere? Bonorum possessio patrono non competet, cum ipse effectus heres sit, neque extraneus id cepisse videatur, quod eum patrono necesse est restituere: hoc unico fundamento, quod in fideicommissio seu eo quod restituendum venit, subducta accipientis seu interpoliti persona, capientis persona spectatur, *l. cum dotem 57. ad leg. Falcid.* indeque æstimetur. Et primo quidem quoad fideicommissi validitatem, oneraque, & interitum. 1. Hinc scilicet evenit, ut qui solidum ex lege Julia & Papia capere non possunt, ex asse heredes instituti, rogatique restituere solidum, adire hereditatem & restituere cogantur: cum nihil oneris vel honoris sit apud eos remanens, *l. cogi poteris 16. §. si qui solidum 15. D. ad Senat. sc. Trebell.* 2. Hinc, si ei qui partem tantum ex eadem l. Julia & Papia capere potest, legatum sit, *ut alii restituatur*, solidum capere potest, *l. cum ei 42. de legat. 1. & l. si fidei 28. D. de legat. 3.* Et hæc de incapace. Nunc de indigno. 3. Hinc, quod quis sibi adscripserit, si alii restituere a testatore jussus est, cum onere fideicommissi id apud heredem remanet, quamvis pro non scripto sit, *l. ult. de his qua pro non script.* 4. Hinc si mulier marito fundum tradidit, *ut post mortem filio restitueretur*, & solo hac in re mariti ministerio usa est, donatio valet, filii respectu, *l. Sulpicius 49. D. de donat. inter vir. & uxor.* 5. Hinc cum maritus dotem alicui legaverit, *ut uxori restituatur*, non habet lex Falcidia locum: omnia quippe interpoliti persona, capientis persona spectatur, *d. l. cum dotem 57. ad leg. Falcid.* 6. Hinc evenit, ut si mihi usufr. legatus sit, eumque restituere Titio rogatus sim, nulla revertendi ad me usufr. spe, fideicommissarii cavere cogitur, *l. si usufr. 9. D. usufr. quemad. cau.* 7. Hinc si legatum usufr. legatarius alii restituere rogatus est, ex fideicommissarii persona magis quam ex legatarii, perit usufr. morte scilicet fideicommissarii & capitis diminutione, *l. 4. D. quib. mod. usufr. amitt.* *l. si quis usufr. 29. de usufr. legato.* Secundo, hinc efficitur retro, fiduciarius nil nocere hoc alteri restituendi ministerium, & sic legatum vel fideicommissum alii administranti. 1. Hinc apud eos qui solidum capere non valent, si ex asse heredes instituti solidum restituere rogati sint, nihil oneris remanet: *diçl. l. 16. §. 15. ad Trebell.* 2. Hinc, & si cui non solidum capienti amplius concessa lege portione relicta est si heredi quid dedisset, id quod implendæ conditionis gratia dedit, consequi potest ex causa legati, & sic tanto amplius capturus est, quasi non capiat id quod erogat: unde computatione facta non amplius lege concessæ portionis apud eum subideat: *l. sed si 62. §. 1. D. de condit. & demonst.* 3. Hinc excusare se tutor potest, qui legatum sibi restituere jussus est, *l. 26. de excusationib.* 4. Hinc pariter de inofficioso nihilominus agere potest, qui legatum alii administravit, *l. 10. §. 1. de inoff. test.* 5. Hinc si cui sub hac conditione fundus legatus est, *si centum heredi dedisset*, si tantum sit in pretio fundi quantum heredi

dare

date jussus est, cogendus non est fideicommissum a se relictum prestare: quoniam nihil ex testamento videtur capere, qui tantum erogat quantum accipit, *l. civitatribus* 122. §. ult. de leg. 1. Similiter, quotiens cuidam amplius legatum est, quam ei capere licet, & *lex Falcidia* locum habet, prius Falcidia ratio habenda est: scilicet ut subducto eo quod *lex Falcidia* exceptit, reliquum si non excedat statutam lege portionem debeat: *l. quotiens* 67. D. ad leg. Falcid. Quæ species tamen non proprie huc pertinet. Tertio, sicut fiduciario hæc res non nocet, ita retro nec prodesse potest, Hinc scilicet si quis ex his personis, quibus contra tabulas bonorum possessione petita legata nihilominus præstantur, rogatus sit restituere extero quod sibi relictum est, legatum ei non præstatur, quia emolumentum ad eum non respicit, *l. 3. §. 4. de legatis præstandis*.

Ex his interim omnibus apparet, quam male nonnulli hanc sententiam de regularum numero expunctam veliunt, quæ tot speciebus aptari potest, ubi sane non de vi verbi agitur, verum de rei veritate. Nunc de *Antinomia*. Pugnare scilicet cum hac *l. videatur lex cepisse* 140. de V. S. ubi definitur, *cepisse quem intelligi, quamvis alii adquirat*: verum conciliatio in proclivi, ope inscriptionis illius legis: dicitur enim ea desumpta ex Pauli lib. 6. ad leg. Jul. & Pap. Est ea scilicet accipienda, non de restitutione seu de fideicommissio, verum de jure acquisitionis per filium. (cave dicas etiam servum, ut nonnulli temere: in hunc enim capiendi verbum non cadit, utpote cum *απρὸς* sit, & ex sola domini persona *χαρακτηρίζεται*) De filiosam, inquam, est illa lex accipienda, cujus persona jure civili integra est, etsi patri adquirat. Quare, in *l. Julia & Papia*, quæ modus capiendi ex testamento præstitutus fuit, legato relicto id spectandum modo est, num filius cui relictum quid est, capax sit, seu capiendi facultatem habeat: contra si ipse incapax sit, non ideo legatum subsistit quod alii adquirat, quia cepisse videtur semper filiosam, quamvis patri adquirat: Quare fraus fieret legi Julæ & Papiæ, si filiosam, incapax, qui capiendi jus non habet, institueretur, etsi pater capax sit. Et hanc sane speciem illi legi 140. aptandam indicat quoque *lex* 29. D. de liber. legat. quæ & ipsa ex eodem Pauli lib. 6. ad leg. Jul. & Pap. desumpta, de Capaci & de Incapaci patiter agit. Est igitur hac parte differentia inter Restitutionis conditionem, seu fideicommissi præstationem, & inter Acquisitionem jure seu vinculo patriæ potestatis.

NON DEFENDERE quis censetur.

LII. ULPIANUS libro quadragesimo quarto ad Edictum.

*NON defendere * videtur, non tantum qui latitat, sed & ei qui præsens negat se defendere, aut non vult suscipere allionem.*

* Non videtur defendere. ita Haloand.

ET hæc lex de regularum numero vulgo expungitur, atque ideo inter necvos Triboniani ponitur. Perperam: est enim hæc regula non magis verbi significatio, quam ipsius REI brevis enunciatio. Definitur ergo ea, quis NON DEFENDERE videatur, nempe non is modo qui latitat, sed & qui præsens negat se defendere, aut non vult suscipere

seipere actionem. Species huic Regula aptanda venit in eodem argumento, in quo legis superioris § 1. & legis proxime sequentis § 3. nempe in materia successionum in bonis libertorum, ut docet conjunctio legis 10. 12. *D. de bonis libert. l. 1. 3. D. si quid in frandem patroni*, quæ ex eodem 44. libro Ulpiani ad Edictum desumptæ, huic conjungendæ sunt. Hoc in argumento, ut jam præmonuimus, notandum, si libertus dolo malo fecisset; quominus dimidia bonorum ejus ad patronum perveniret quocunque alienationis genere, id Faviana actione revocari potuisse. Nunc finge: Libertus, non quidem de manu in manum alienavit, verum, cum senon defenderet dolo malo, per contumaciam condemnatus est, & sic justissima causa prodita in bona ejus ex Edicto itum est? Sane ita quoque factum a liberto a patrono jure revocabitur: ita factum inquam, dum defensionem legitimam defugit libertus: sive latitat dolo malo (quod indubitatum magis, clariusque notiusque erat) sive quamvis in præfenti constitutus actionem suscipere noluit. Nempe ex æquo non defendit, ac proinde in fraudem hoc casu alienat, qui conventus vel conveniendus latitat, & qui præfens actionem defugit: Quod postremum haud ita clarum erat. Quare non admittenda P. Fabri & sequacium sententia, existimantium naturalem ordinem hic poposcisse ut diceretur: *Non defendere videtur, non tantum qui præfens negas se defendere, aut non vult suscipere actionem, sed & is qui latitat*: vel saltem converso ordine scripruræ ita intelligendam ex ordine intellectus. Nam imo recte hæc regula concipitur, neque aliter concipi debuit: Latitatio quippe fraudationis ferme causa fit, neque ulla justa satis excusatio est latitantis: atenim præfens, videri possit probabili quadam ex causa defensionem detrectare, vel actionem non suscipere. Ad hanc alioquin latitationis causam, & ob eam missionem in bonor. possess. pertinet Edictum de possidendis & vendendis bonis debitoris sese non defendentis, id quod refertur & explicatur l. 2. 3. 4. 5. 6. l. *Fulcinius 7. D. quib. ex causis in possess. eatur*. Hoc discriminis intercedit, quod Edictum illud comparatum est ad plectendam contumaciam non defendentis: Regula nostra, ad revocationem eorum, quæ ita amissa sunt in favorem patronorum. Quare non erat, quod de contumacia patris hic Interpretes multa cumlarent.

DATI per ERROREM, & DONATI differentia.

LIII. PAULUS libro quadragesimo secundo ad Edictum.

CUJUS per errorem dati repetitio est, ejus consulto dati donatio est.

INter datum per ERROREM, & CONSULTO datum differentia hæc regula continetur. Cujus sane differentia usus est in tribuenda vel deneganda indebiti conditione: nempe enim illud, per errorem, inquam, facti datum, repeti, condici potest: non istud: de quo sunt tituli textusque obvi: vide vel l. 15. *D. de condit. indeb.* In conditione, inquam, indebiti huic regule & differentia locus est: Non itidem in actione fraudatoria Faviana & Calvisiana. Nempe enim etsi vera sit hæc differentia, attamen ibi non inconsulto tantum seu per errorem a liberto dati repetitio patrono competit, verum & consulto dati. Eo enim tendit hujus regulæ tracta-

status : nam , quod jam monuimus , pertinet hæc regula quoque ad *bona libertorum* & successiones in his patronis competentes : ac proinde ad revocationem eorum quæ in fraudem patroni facta sunt : uti liquet ex conjunctione legis 4. 9. *D. de bonis libert.* l. 5. *D. si quid in fraudem patr.* quæ ex eodem Pauli ad Edictum libro 42. desumptæ , huic conjungendæ sunt . Et vero in *dist. leg.* 5. aperte agitur , de donatione revocanda per Favianam actionem : pariter ut *leg. 12. eodem tit.* Ex his jam apparet , non debuisse Interpretes in tractatum de conditione indebiti ulterius hic sese diffundere , quam ut constaret ibi differentie isti locum esse , non hic .

TRANSMITTI in alium quid possit .

LIV. ULPIANUS libro quadragesimo sexto ad Edictum .

NEMO plus juris ad alium transferre potest , quam ipse haberet .

TRANSMITTI in alium quid juris possit , definit hac regula Ulpianus : cujus species pertinet ad BONORUM POSSESSIONEM unde legitimi (mox ut ostendamus) pariter ut lex proxime sequens §§. eodem pertinet . Ad alium , ait lex , v. g. ad heredem : nemo scilicet plus juris in heredem transmittere potest , quam ipse habet vel haberet : & sic æquo jure heres cum defuncto est : De qua heredis cum defuncto *sententia servanda* , æquo jure , sunt septem præterea hujus tituli regule : puta l. 59. 62. 120. 128. §. 1. 143. 156. §. 2. 160. §. ult. E quibus etiam dicta lex 120. iisdem pene verbis concepta est : *Nemo plus commodi heredi suo relinquit , quam ipse haberet .*

Harum vero omnium legum , quæ de defuncti & heredis *sententia* , æquo jure , agunt (inter quas hæc omnium prima est) Synopsis hæc esto . 1. In genere , heredis jus idem est quod defuncti , l. 160. §. 2. Eiusdem potestatis jurisque est heres , cujus fuit defunctus , l. 59. In universum jus succedit quod defunctus habuit , l. 62. 128. §. 1. 2. In specie . Nemo plus juris ad heredem transmittere potest , quam ipse haberet , h. l. 54. Nemo plus commodi heredi suo relinquit , quam ipse haberet , l. 120. Non debet heres melioris conditionis esse , quam auctor ejus , l. 175. §. 1. Quod ipsis qui contraxerunt obstat , & successoribus eorum obstat , l. 143. Contra . Non nocere debet heredi quod defuncto non nocuit , l. 156. §. 2. 3. Et hæc omnia obtinent , non tantum in heredibus jure civili & directo , verum etiam in Prætoriiis , & fidei commissariis , l. 128. §. 1. 4. Fides usque seu praxis harum octo regularum istiusque æqualitatis cernitur , in jure Transmissionis ad heredes , h. l. 54. cui adde & l. 18. *supr.* In Tutelæ actionibusque soluto matrimonio competentibus l. 56. In hereditatis petitione , l. 62. In Restitutionibus in integrum , l. 120. In rei vindicatione & Publiciana , l. 128. §. 1. In rebus debitoris auctoritate Judicis possidendis , l. 143. In bonorum possessione , hac ipsa l. 54. In interdictis , l. 156. §. 2. In exceptionibus , d. l. 143. & 168. §. 2.

Hactenus synopsis octo regularum , quæ hoc titulo de defuncti & heredis *sententia* ,
oc-

occurrunt . Ad quem etiam tractatum reduci possunt quæ de jure singulari, deque privilegiis tractantur , utrum ea ad heredes transmittantur : de quo est *lex 68. & 196. infr.* De peculibus tandem judiciis , quomodo heredes ibi cum defuncto conveniant vel disconveniant , aliæ sunt regulæ . Nos ad hujus regulæ nostræ sententiam redeamus . Est igitur hæc regula propriæ de æquo defuncti & heredis jure . Potest tamen & hæc regula produci seu porrigi ad alias quoque personas , quæ jussu ex alterius vel auctoris persona derivant : non tantum, inquam , ad heredes legitimos vel scriptos, verum etiam ad emptores, legatarios, successores quoscunque juris vel domini, qui in alterius locum succedunt, ut dicitur *d. l. 156. §. 2. Dixi juris universalis scilicet vel domini singularis*; verum hæc seponimus uberius enarranda in synopsi ad *d. l. 175. §. 1.* Nos in specie hujus regulæ quæ ad heredes propriæ spectat, inhæreamus . Est vero ea , ut jam quoque breviter perstrinxi, aptanda in bonorum possessione & successione unde legitimi: de ea quippe, ut & de bonorum possessione unde cognati, egit Ulpianus hoc libro 46. ad Edictum: ut apparet ex *l. quandam 39. D. de acquir. heredit. l. 2. unde legitimi: l. 1. unde cognati: l. 2. de gradibus: l. si quis 5. de suis & legitimis: l. pronuntiatio 165. de V. S.* quæ velut ex eodem libro desumptæ huic sociandæ sunt . Præsupponendum porro est in eo argumento (quod certi juris est, & indubitati) ad heredem non transire jus bonorum possessionis, *l. 3. §. acquirere, D. de bonor. poss. l. emancipata 4. C. qui admitti ad bonor. poss. l. si is cui 7. D. ratam rem haberi, l. Pannonius Avirus 86. de acquir. hered.*

Nunc finge casum , ubi status alicujus in incerto est . Finge , inquam , patrem tuum ab hostibus captum : teque medio tempore decessisse patre adhuc vivo ? Sane quia incertum est, utrum paterfamilias vel filiusfamilias decesseris, bonorum tuorum possessio legitimis heredibus tuis non deferatur, neque ad heredem quidquam transmittes : sed si apud hostes pater decesserit, retro paterfamilias fuisse judicabere, fictione l. Cornelie : & sic exinde bonorum tuorum possessio a legitimis heredibus tuis peti poterit : si reversus fuerit, heredem non habebis , *l. 2. §. si quis decesserit, D. unde legitimi* . Vel finge etiam, eodem casu retento : post mortem tuam, legitimis quoque heredes tuos decessisse, vivo adhuc patre apud hostes, vel morte ejus nondum comperta, atque ita nondum agnita bon. possessione ab intestato, nondum adita hereditate ? Nihil illi transmittent ad heredem suum . Bonorum possessio non agnita, non transmittitur ad heredes , Nam & ipsi legitimi heredes hoc casu jus bon. poss. non habent . Cæterum nemo plus juris ad alium transferre seu transmittere potest, quam ipse haberet, eo scilicet casu, ut hæc l. dicitur . Et tamen his casibus tibi heredibusque tuis subveniunt decretali bonor. poss. tributa , *l. 1. §. 1. D. ad SCrum Terull. ut similiter subveniunt in sp. l. 4. §. ult. D. de bon. poss. cont. tab. & l. ventre 84. D. de adq. heredit. ne nihil alioquin vel tui ad heredes tuos transmittant, vel illi ad suos d. l. 1. §. 1. ne nihil heredi suo relinquant d. l. 84.*

Hæc cum ita sint, liquet una ferme ligura expungenda esse, quæcunque ad hanc legem Interpretes commentantur . Neque enim id queritur : An quælibet res, quæ in jure defuncti jam fuit, ad heredem transmitti possit . Rursum non queritur : An eodem semper jure, & cum sua causa, res a defuncto in heredem transferatur . Multo minus queritur : An res quandoque a non domino, officii ratione, vel juris interpretatione, vel tacita expressæ domini voluntate in alium transferri possit ; quam

quam neque illud proprie transferre est: Et in genere non queritur quis & quid alienare possit, verum quid juris TRANSFERRI transmitti ad alium possit. Quare apagelis mihi jam novem fallentias, quæ ab Accursio ad hanc regulam cumulantur: quæ ad hanc regulam seu ejus speciem minime pertinent.

JURE suo qui utitur, nil dolo facit.

LV. GAJUS libro secundo de Testamentis, ad Edictum Urbicium.

NULLUS videtur dolo facere, qui suo jure utitur.

HÆC lex ut ex lib. 2. Gaji de Testamentis delumpta est, ita speciatim pertinet ad Edictum, Si quis omiſſa causa testamenti ab intestato vel alio modo possideat hereditatem, ut ostendit collatio legis 15. 16. 18. D. eod. tit. quæ ex eodem Gaji libro desumptæ huic coaslandæ sunt. Id ut intelligatur, sciendum est, Prætores edicto illo calliditati heredum scriptorum occurrere voluisse, qui videlicet causam sive titulum successione testamentariæ, ideo sæpe dolo malo omitebant, ut possidæ ab intestato hereditate legata ruerent: Ruente nempe institutione & cætera olim ruebant. Et acquisitima tamen exceptione hoc edictum temperavit Prætor, puta in eos heredes actionem non datum iri, qui causam testamentariam suo jure omisissent, & citradolum malum. Id quod innumeris exemplis eo ipso titulo comprobatur, in l. 1. §. 5. l. 5. l. 6. in princ. §. 1. 2. 3. 4. 8. l. 17. 19. 22. 26. §. 1. l. 27. §. 1. Ac nominatim, si quæ causa intercessit quæ Edictum non offendit, si scriptus heres ex voluntate testatoris vel tacita vel expressa, arbitrium legitimæ vel testamentariæ successionis eligendi habuerit, hujusque rei testator author fuerit, nulla collusionis suspitione, id ei impune cedit: hac generali regula quæ hic proponitur: *Nullum videri dolo facere qui suo jure utitur*. Et aliquin huic regulæ tres aliæ præterea hujus tit. leges in summam concordant, puta *lex nihil dolo* 129. in princ. l. nemo damnum 151. l. falsum 155. §. 1. inf. hoc tit. Accedat & *lex injuriarum*, §. 1. D. de injuriis. Aptatur vero & hujus regulæ æquitas & ad alias species, veluti juri ædificandi in suo, venas aquæ in vicini fundum manantes incidendi, ut in spec. l. si finita, §. notandum: l. fluminum publicorum 24. §. 12. D. de damno infecto, l. 1. §. 11. l. 25. D. de aqua pluvia arcenda. Aptatur & contractibus, ut in specie legis si marito, D. pro socio. Legatis, ut in l. 53. §. si heres, D. de legat. 1. juncta l. 96. de V. O. Tandem & interdictis, veluti interdicto de liberis exhibendis, ut in l. 1. §. 5. & §. ult. l. 3. D. eodem tit. de libero homine exhibendo, l. 3. §. 2. D. de homine libero exhib. ne quid in loco publico, quo pertinet d. lex 151. inf. unde vi, quo spectat dicta lex 155. §. 1. inf. Aptatur & in rei vindicatione in spec. dicta legis 129. in princ. Quibus omnibus hæc unica regula subternitur: *Nullum videri dolo facere, qui suo jure utitur*.

Ni tamen, quæ exceptio addenda est, nocendi tantum animo jure suo quis utatur, neque enim malitiis hominum indulgendum esse: de quo est elegans textus in l. 38. D. de R. V.

PARS

P A R S U N D E C I M A
EDICTALIUM REGULARUM
 DE
 L E G A T I S.

BENIGNIORA *in dubiis* preferenda.

LVI. (1) IDEM (*Gajus*) libro tertio de *Legatis*, ad *Edictum Urbicum*.

SEMPER *in dubiis* Benigniora (2) preferenda sunt.

1 Haec lex in Haloand. edit. ante l. 55. posita est.

2 Pro benigniora.

Quemadmodum ad Tractatum de *Legatis* pertinet haec edictalis Gaji regula, pariter ut lex prox. ejusdem Gaji (quod de hac vel ipsa legis inscriptio prodit) ita ad interpretationem dubiorum legatorum pertinet. *In dubiis*, inquit lex: Est scilicet ea de dubiis & obscuri interpretatione: de quo sunt septemdecim praeerea regulae hujus tituli, quarum omnium synopsin habes ad leg. 9. *supr.* una cum omnibus *notae* *et* *apices*. Ergo & hac regula id quaeritur, quid in dubiis faciendum sit? Et definitur, semper in dubiis benigniora preferenda esse: quod & ipsum tribus aliis regulis hoc tit. concordantibus, puta l. 155. §. 2. l. 168. *in princ.* 192. §. 1. inculcatur. Ait lex, *semper*, id est, ut in aliis juris articulis & speciebus (quas suppeditat lex 2: 3. *de his quae in testam.* l. 14. C. *de fideicom. liberr.* l. 5. C. *de bon. quae liberis*: & tres ille praeerea hujus tit. regg.) ita nominatim in argumento legatorum: quo pariter pertinet d. lex 9. *sup.* 73. §. 3. l. 192. §. 1. *infra*: *Legatorum*, inquam, dubiorum in sp. hujus legis, non quidem ob obscuritatem voluntatis (etsi & ibi quoque eadem benignitatis ratio valeat) vel etiam ob ambiguitatem sermonis, vel quia perperam quid in testamento scriptum est; de quo est lex cum in testamento 24. D. *de rebus dub.* quam Accurs. ad hanc R. assert.

Verum propter ambiguitatem seu obscuritatem *falli* & *evenire*, ut quia in obscuro est, quid & quo ordine evenierit, aut extiterit cordicio, ut legato locus esse possit. Egit scilicet Gajus hoc libro de variis legatorum *vitiis*, puta de legatis, quae incapacibus relicta sunt, quo pertinet lex 11. D. *de donat.* l. 73. D. *de legat.* 1. l. 8. D. *de usu legato*: item de Falcidia, quae & ipsa inter legatorum vitia est: *speciat* lex 72. 74. 76. 78. 80. D. *ad leg. Falc.* Denique hoc libro egit de legatis dubiis, & quidem ob incertum eventus seu conditionis. Et sane hac ipsa regula usurpatum ab Ulpiano in spec.

Tom. I.

A 2

legis

legis si fuerit 10. §. 1. *D. de rebus dub.* Finge, relictum esse legatum vel libertatem ancillæ: *Si primum marem pepereris*; eamque uno utero marem & fœminam edidisse, sic ut incertum sit, utrum marem an fœminam prius ediderit? *In ambiguis*, inquit JCtus, *rebus humaniorem sententiam sequi oportere*: quasi priore masculo per præsumptionem edito: de quo vide etiam quæ dixi sine l. 20. *sup.* & de hac præsumptione plene Menochium 6. *presumpt.* 53. Ergo in hac sacti eventusque obscuritate libertatis favore sumitur præsumptio, quasi masculus primus in lucem venerit. Fingi potest & species in commorientibus, seu pariter seu simul ubi sæpe obscurum est qui prior decesserit: de quo agitur l. 8. 9. 16. 17. 18. 23. *D. de rebus dub.* In quarum penultima pariter dicitur: *humanius esse credere, filium diutius vixisse*.

Hæc cum ita sint, apparet falli Interpretes, qui de obscura testatoris voluntate hanc regulam acceperunt, & sic cum l. 9. eam commiscuerunt, cum hæc nostra sit de obscuro eventus. Rursum falluntur Interpretes, qui de aequitate stricto juri præferenda hanc regulam intellexerunt. Item hinc liquet, *benignius* in hac regula ita accipiendum, puta ut actus seu legatum potius valeat quam ut ruat. Aliæ quippe sunt benignitatis species ab hac diversæ, de quibus d. l. 9. *sup. hoc tit.* l. 17. *de leg.* 1. l. 10. *D. de rebus dub.* Tandem, est hæc lex de his juris questionibus, quæ extra testamentum incurrant: In quibus huic nostræ geminam conformem regulam tradit idem Gajus lib. 1. de testamentis ad edictum Prætoris, in l. in his 16. *D. de condit. & demonstr.* Verba ejus hæc sunt: *In his quæ extra testamentum incurrent, posse res ex bono & æquo interpretationem capere*. Nempe & hujus regulæ species pertinet ad eam questionem, quæ extra testamentum incurrit.

BIS *idem non exigendum*.

LVII. IDEM (G. juri) libro octavodecimo ad Edictum provinciale.

BONA fides non patitur, ut bis idem exigatur.

ET hæc quoque lex 57. pariter ut superior ejusdem Gaji ad materiam *legatorum* pertinet: Nam libro 18. ad Edictum Gajum de *Legatis* ejusdem evincunt omnia quæ supersunt ex eo libro fragmenta, puta lex 18. 22. *de condit. instit.* l. 66. 68. 70. *de leg.* 1. l. 2. 4. *de pecul. legat.* l. 73. 77. 79. 81. *ad leg. Falcid.* ita quidem ut de vitiis legatorum pariter eo libro egerit. Regula hæc est: *Bonam fidem non pati, ut bis idem exigatur*. *Bona fides* est æquitas. Hujus porro regulæ vis cum varia negotia perinet, locumque habeat nominatim in omnibus contractibus, & quasi: multarque species ab Interpretibus afferri solcant ex l. 18. *de F. O.* l. 3. §. *pen.* *D. de tab. exhib.* unde speciem ponit hic Gl. l. 51. §. 1. *de re judic.* l. 26. *de pecul.* l. 21. *de heredit. vendit.* l. 4. §. 11. *de dol. exceptione*, l. 16. §. 1. *de pælis*: l. 1. *C. de re jud.* imo & ex l. 43. *sup. hoc tit.* Veram tamen speciem nondum apposuerunt. Maxime probibis hactenus ea visa, quam Ruvardus apponebat ex dict. l. 79. *ad leg. Falcidiam*, hoc sensu: In duplicibus tabulis, id est, in quibus substitutio pupillaris facta est, non nisi unicam Falcidiam de-trahi posse: Quod cum verissimum sit & vulgatum, ut docet lex 11. §. 3. *ad legem*

lul-

Falcid. Ita non inepte hæc regula pro ratione subalternatur: *Bonam fidem non pati ut bis idem exigatur*, ac proinde unica Falcidia detrahenda. Malim tamen ipse speciem apponere ex l. 34. §. 1. & seqq. *D. de legat. 1. l. 66. D. de legat. 2. §. 6. Instit. de legat.* Fingamus, eodem testamento eandem rem mihi sæpius legatam? Amplius quam semel petere eam non potero, sufficietque vel rem consequi, vel rei æstimationem: puta si certum aliquod corpus legatum fuerit: hoc scilicet IDEM hac regula dicitur. Alioquin si quantitas eadem in eodem testamento sæpius legata fuerit, tunc sæpius eadem summa exigetur, neque enim tunc idem est. Quinimo fingamus duorum testamentis eandem rem mihi legatam? bis eam petere potero, nam ex altero testamento rem consequar, ex altero æstimationem. Quare quod hac regula dicitur: *bis idem exigi non posse*, id ad unum idemque testamentum pertinet, non ad plura: Rursum pertinet ad idem seu eandem rem corpore, non quantitate: *Idem* scilicet non est, nisi per idem, nisi ad idem.

Et vero id quoque ipsum videre est in sp. d. l. 3. §. 15. *D. de tabulis exhib.* quam Glossi hic allegat, ubi Ictus Ulpian. *Inde quaritur, si hinc* (ex hoc interdicto, ob tabulas non exhibitas) *consecutus æstimationem legatarius, postea legatum petat, an sit audiendus? Et putem, si heres IDEM præstiterit, exceptione doli repellendum: si ALIUS, repelli non oportere. Et ideo & si heres sit qui interdicto usus æstimationem consecutus est, eadem est DISTINCTIO.*

Atque hic quoque finis esto Regularum EDICTALIUM mediarum.



TERTIA REGULARUM

Collectio, seu Systema.

E DISPUTATIONUM ET OPINIONUM

ULPIANI LIBRIS Regule desumptæ quatuor, totidem legibus comprehensæ, puta lege 58. 59. 60. 61.

EX Ulpiani Disputationum libris decem, quatuor tantum Regula sequentes hoc cit. occupant: Disputationum, inquam, seu disceptationum publicarum: nam ita eas indigerat lex Divo Marco 11. C. de quaestio. Scilicet Ulpianus libris illis Disputationum, quaestiones, seu ut ipse loqui amabat, visiones, eas maxime arduas publice tractatas, neque dum suis definitas, in utramque partem prolixè disputando tractare, tandemque proposita aliqua distinctione definire instituit; ut colligere est ex innumeris fragmentis per Pandectas exinde desumptis. Similes quoque Disputationum libris olim scripsere Pseudeus Saturninus & Claudius Tryphoninus. Ex Ulpiani quoque Opinionum libris unica postea Regula subijciunt: Opinionum, inquam, id est sententiar. & regularum: sic enim Papinianus in l. vulgo 2. de usuris, quod initio vulgo receptum esse dixerat, statim opinionem vocat. Eodemque sensu opinionis vox ab eodem usurpatur l. in ratione 11. §. 3. in fin. ad leg. Falcid. Inanis enim est hac parte observatio & distinctio Theophili, inter sententias Jurorum, & opiniones: Quandoquidem & hæ ipsæ sententia sunt, modeste tantum vocabulo velata.

De

De actione de PECULIO in patrem.

LVIII. ULPIANUS libro secundo Disputationum.

Ex penalibus causis non solet in patrem de peculio actio dari.



RIMA hæc e Disputationum Ulpiani libris Regula pertinet ad actionem de Peculio filiofamil. ut vel ex ea ipsa satis apparet: sed & præterea ex aliquam multis ejusdem libri fragmentis, in quibus aperte agitur de actionibus & negotio gesto cum eo, qui in aliena potestate est, ac nominatim de actione de peculio: puta, l. 7. D. de iurelis: l. 6. D. quod cum eo qui in al. pot. l. 32. 36. D. de peculis: l. 15. D. de in rem verso. Ut hæc regula intelligatur, d. 10 præsupponenda sunt: Primo, sæpe patres pusillam quandam pecuniam filiisfamil. suis olim apud Romanos concessisse (quomodo & domini servis suis) ut in ejus pecunie seu peculii administratione, conversatione, industriam suam exercebant: id quod peculium dicebatur, toto tit. de peculio: ac nominatim l. 5. §. 3: D. d. peculio: Secundo notandum, peculio ita a patre concessio, patrem ex acta filii obligatum de peculio, seu peculio tenuis, id est quatenus in peculio filiofamil. esset, §. actiones. Instit. de action. toto tit. D. & C. quod enim eo qui in al. pot. & tit. de peculio. Eatenus scilicet in patrem actio dari solita ex acta filii, pro modo scilicet peculii: cum alias pater pro filio nullo modo teneretur, etiam ex contractu filii, l. 1. C. ne filius pro patre. His ita positis necessario, etiam ea vulgo nota sint, nunc de hujus regule sententia. Quæritur in ea, an ex penalibus quoque causis in patrem de peculio, seu quatenus in peculio filii est, actio detur? *Ex penalibus causis*, id est ex delicto, ubi pena irroganda venit? Id quod absente negatur hæc regula: NON SOLET, inquit. Inducitur proinde ea differentia inter causas negotiales sive negotium gestum a filiofamil. & inter causas penales: nempe, quod ex illis in patrem de peculio actio dari solet, d. l. 36. D. de peculio, & d. l. 7. D. de iurelis, quæ huic inter alias conjungende sunt: & quidem ex omni contractu vel quasi, l. 49. D. de obligat. & action. l. 49. in princ. D. de V. O. ex his vero non solet.

Ratio istius differentie non alia est, non aliande petenda, quam ab expressa tacite patris peculium concedentis destinatione seu voluntate. Nempe, in id peculium a patre dabatur filiofamil. uti rem faceret, uti in conversatione seu commercio suam, quod dixi, industriam exercebat; non uti rem disperderet: sive donatione (in generati quippe peculii administratione peculii non venit donatio, leg. 7. D. de donat. l. contra iuris, D. de patris) sive actu aliquo illicito, puta delicto: maleficio, inquam, vel quasi: nunc & alias concessa administratione delictum aut illicitum quod concessum non videtur, ut notant Doctores ad l. 6. §. pen. D. de cond. indeb. Neque pater filio in illicitis continuisse videtur: facit lex 46. D. de peculio: & arg. l. si procurator, in princip. D. de conflict. indeb. Et hæc quidem ita, ut certissi ne regula

regulæ vicem obtineant : aequitate dictante , ut hoc ipso libro 2. Disput. Ulpianus loquitur , in alio casu *d. l. 32. in fin. princ. D. de peculio* . Id quod hac ipsa l. indicare voluit hæc formula NON SOLET : quæ & in aliis pluribus regulis occurrit : veluti *l. 19. §. 1. supr. l. 86. infr.* non ut indicetur , pari hæc regulam aliquas exceptiones , verum contra , & ut ejus æquitas inculcetur .

Et dantur tamen casus singulares , in quibus ex pœnalibus causis in patrem actio datur . Primo quidem , quatenus malis artibus peculium auctum est , & unctius factum : & sic in quantum pater factus est locupletior : seu peculium auctius & unctius , id enim peculij causam non adprehendit , *l. 1. §. si quis , l. 16. D. de vi & vi armata : d. l. 30. D. de actione empti : l. 3. §. penult. D. de peculio : l. 3. §. ult. l. contra naturam 6. §. item cum 2. D. rerum amotar. l. 24. in fin. D. de adquir. possess. l. 11. C. quod cum eo qui in al. pot. l. pen. D. de cond. furt. l. ult. C. rerum amotar.* Et , sic non tam de peculio quam in peculiam . Et ratio est , quia hoc casu non vindicta quaeritur , quæ non potest porrigi ad patrem non delinquentem , sed commodum peculij ponderatur , *arg. l. non solum 6. in fin. D. de restit. in integr.* Secundo , de peculio licet juste qualiro pater quandoque tenetur ex pœnalibus causis : puta , si filius Magistratus creatus fuerit , isque non curaverit caveri pupillo rem salvam fore : nam & hoc casu pater de peculio tenetur , *d. l. 3. §. ult. D. de peculio* . Id quod pupillorum favore inductum est ; sed tamen peculio tenus semper . Nam , quæ tertia exceptio notanda est , quod publicam utilitatem attinet , si filius voluntate patris decurio factus fuerit , pater in solidum pro filio obstrictus est quasi fidejussor : Remque publicam salvam fore obstrictus , *dist. l. 3. §. ult. & l. quæstus 7. D. ad municipalem* (quæ ex Ulpiani lib. 1. Disputat. desumpta est) & *l. 7. D. de administ. tutor.* Addatur & hæc exceptio , patrem quoque de peculio teneri ex pœnalibus causis , si videlicet peculiatas adhuc filius condemnatus fuerit : nam & judicio contrahitur , ut proinde hoc casu non origo judicii spectanda sit , verum ipsa iudicari velut obligatio , *d. l. 3. §. 11. D. de peculio : l. 57. de judiciis : l. 35. D. de noxal. act.* veluti noxæ nomine (seu damni in patrimonium) dati ; ex quibus alioquin non potest pater actionem de peculio pari .

HEREDIS & defuncti jus idem .

LIX. IDEM (Ulpianus) libro tertio disputationum .

HEREDEM ejusdem potestatis jurisque esse , cujus fuit defunctus , constat .

HEREDIS & defuncti exæquationem *verba* , *verborum* continet hæc regula , de qua exæquatione seu similitudine , occurrunt hoc titulo septem præterea regulæ concordantes , puta *lex 54. supr. l. 62. 120. 128. §. 1. 143. 156. §. 2. 160. §. ult.* Quorum omnium synopsin habes ad *d. l. 54.* Quare & eo brevius hæc defungemur , speciem ei aptare contenti : Præterquam quod in proclivi est ejus sententia , videlicet heredem , ejusdem potestatis & juris esse cum defuncto : eadem commoda & incommoda cum fequi : denique utriusque fortunæ succedaneum & personæ defuncti vicarium esse heredem . Exceptis tantum personalibus sive juribus sive privilegiis , quo pertinet *lex 68. &*

196. *infra. hoc tit.* Et sane non alio fine hanc regulam disputando præmiserat Ulpianus, quam uti eam fallere certis casibus ostenderet, vel saltem ut eam ad suam speciem restringeret, quod Ulpiani institutum quoque fuit libris Disputationum: *Constat*, inquit, ac si diceret, verum quidem est regulariter. Enimvero conjungenda hæc regula est cum aliis legibus quamplurimis ex eodem libro desumptis, puta l. 4. *D. de magistrat. conven. l. 5. D. de divers. & tempor. præscript. l. 12. D. de donat. l. 21. 29. D. soluto matrim.* quæ ex eodem libro desumptæ sunt, in quibus proponuntur exempla, quibus huic regulæ locus esse potest vel non. Et quidem in actione *intels.* & actionibus *soluto matrimonio* competentibus, in *donationib.* De his enim eo libro Ulpianum egisse apparet. Exemplum igitur ponamus in heredibus mariti, arg. d. l. 21. & 29. *D. soluto matrim.* qui unique in solidum conveniuntur, aliter atque maritus ipse, qui nonnisi in quantum facere potest convenitur, l. 12. 13. *D. soluto matrim.* l. 24. 25. *de re judicata.* Exemplum ponamus in heredibus Magistratus, qui cautionem exegit; item in heredibus tutoris, quorum præstationes non eodem sunt quæ ipsorummet tutorum aut Magistratum, seu non similiter tenentur heredes, ut ipsi reuenter: nam nec heres tutoris negligentia nomine tenetur, & Magistratus quidem in omne periculum succedit, at heres ipsius dolo proxime culpe succedaneus est d. l. 4. *de Magistrat. convenien.* Ponamus & exemplum in præscriptionibus, & exceptionibus adversus heredem vel heredi competentibus in materia usucapionis & longæ possessionis, in speciebus, d. l. 5. *de divers. & temp. præscript.* Ponamus exemplum in heredibus donatoris (de quo alioquin dictum fuit l. 38. *supr.*) idque arg. d. l. 12. *de donat.* Tandem ponamus exemplum aliquod in donatarii heredibus, arg. l. si quis 37. *de contrab. empt.* quæ & ipsa ex eodem libro est.

Quare jam tandem definiamus, hanc R. esse de jure *communis*: atque adeo ei locum non esse in jure & privilegio singulari seu personali: item in odio personali: JURIS appellatione hac l. ut ferme alias, *jus commune* & ordinarium intelligendum est.

De PATIENTIA & de RATIHABITIONE.

LX. IDEM (Ulpianus) libro decimo Disputationum.

SEMPER qui non prohibet pro se intervenire, mandare creditur; sed & si quis ratum habuerit quod gestum est, obstringitur mandati actione.

Patientia, itemque Ratihabitio negotii gesti, utram actionem mandati pariant queritur? Id quod hac regula affirmatur: Ad quam nova nobis species apponenda venit: Nam, ut maxime verum sit, quod tradunt Interpretes (in specie ad hanc leg. ponenda) mandati actionem fidejussori acquiri, non modo si debitor mandaverit, verum & si sciens debitor, alio fidejubente tacuerit, & pro se fidejuberi passus fuerit: *Semper* qui non prohibet pro se intervenire, neandare creditur: vel etiam si olim absens & ignarus, hodie ratum habeat (id quod etiam probatur l. 6. §. item queritur, *D. de negot. gest. l. 6. §. si passus: l. 18. l. 55. D. mandati l. 1. 56. D. de judic. l. 6. Cod. mandati*) Item, etsi verum sit, quod in genere ex h. l. colligitur, patientiam alicujus, in quamplurimis pro mandato haberi, l. 3. 50. *supr.* Rursum, ratihabitionem man-

dato comparari & retrotrahi (id quod comprobat *lex 152. §. 2. infra hoc tit.* ubi plenior de *ratihabitione* dicendi locus erit) Nondum tamen vera apponitur ab ullo species : Neque enim *intervenendi* voce *hæc l.* fidejussores indicantur, verum (eadem prorsus notatione, qua *l. 2. sup. hoc tit.*) cognitores & negotiorum gestores : Quod alioquin ex ipsis hujus legis verbis colligere licet, ibi, *Quod gestum est.* Neque enim ad intercessorem fidejussoriam ea pertinent. Et vero ponenda species in negotiorum Universitatis seu municipii gestoribus, ut docet *lex 1. D. de admin. rer. ad civit. pertin.* item *l. 30. D. de consuet. indeb.* (conjuncta *l. 2. §. 4. D. de admin. rer. ad civit. l. 3. C. de compensat. l. 17. D. eod. tit.*) quæ omnes ex eodem Ulpiani libro decimo Disputationum desumptæ, huic conjungendæ sunt, conjunctæque adeo docent, Ulpianum eo libro in jure municipali describendo occupatum fuisse.

Ut ad veram igitur speciem deveniamus, præsupponendum est, procuratorem ut privati, ita & universitatis posse, post litem contestatam alium procuratorem constituturæ, quia per litem contestationem procurator sive syndicus lris dominus efficitur : Nunc finge, non quidem syndicum negotia universitatis alteri mandasse (ubi nullum dubium est eum qui mandavit geri, ipsum gestisse videri *l. ita autem, §. egiße, sup. de administ. tutor.* de quo ad *d. l. 152. §. 1. infr.*) verum, cum alius sponte interveniret hujusmodi negotiis cum non prohibuisse, vel etiam ex postfacto ratum habuisse ? Ex æquo mandati tenebitur : Taciturnitas & patientia vel etiam insecuta ratihabitione mandati vicem subeunt. Ex hac jam facti specie liquet, quod dictum est, *Intervenendi* vocem hæc *l.* non ad fidejussoriam, verum ad negotialem operam pertinere, id est, ad cognitores sive procuratores ; quo ipso sensu eadem vox, ut dixi, accipitur *l. 2. sup. hoc tit.* Ergo ratihabitione, ut in delictis seu maleficio mandato comparatur, *l. 152. §. 2. infr.* ita & in civilibus, de quo plene ad *d. §. 2.*

Porro ei quod hæc *l.* dicitur, eum qui ratum habuit quod gestum est, obstringi *mandati actione*, opponi solet *lex 6. §. 9. D. de negotiis gestis: l. 9. mandati: l. 7. C. quod cum eo* : ubi ex ratihabitione datur tantum actio negotiorum gestorum, non mandati. Aliis aliter distinguuntibus, hæc placet distinctio : si revera ejus qui postea ratum habuit, negotia fuerint, mandati actionem ex ratihabitione nasci, hæc *l.* si vero non revera negotia mea fuerint, ut quia a non debitore meo aliquid nomine meo exegisti, & ego cujus nomine a te exactum est, ratum habeam, negotiorum obstringar. *dictis legibus.*

DE REFECTIOE domus.

LXI. IDEM (Ulpianus) libro tertio Opinionum.

DOMUM suam reficere unicuique licet ; dum non officina invito alteri, in quo jus non habes.

REFICERE domum suam unicuique promiscue licet, unica tantum limitatione addita, hæc regula definitur, quæ obscura hætenus nonnullis creditur. Quæ quidem regula desumpta est e tertio Ulpiani Opinionum libro; ubi is ex professo egit de OPERIBUS, & de ædificiis, qua publicis qua privatis excitandis, reficiendis, ut docet

cet quoque *lex Præfes 7. D. de officio Præsidis l. 4. D. de muneribus l. 2. de operibus publicis*: quæ omnes ex eodem libro descriptæ huic conjungendæ sunt. De regula primam, dein de limitatione ejus.

Ergo domum suam reficere unicuique licere definitur *hac l. pro arbitrio suo* scilicet: si privatam spectemus utilitatem: Quo respectu sane hæc quoque regula recte dicitur, quidquid Cujacius contra. At enim si publicum ornatum & commodum spectes, imo *cogi* quis potest competenti remedio, deformitati auxilium ferre, id est, domum suam reficere, *d. l. 7. de quo unice* hic egit Ravardus transmissa hujus legis interpretatione. Et ita quidem etiam hæc lex cum illa conjungenda est, & concilianda. *Cogi*, inquam, vel auctoritate *Præsidis d. l. 7. vel curatoris Reipublicæ, l. ad curatores, antepenult. de damno infecto*, & in urbe jussu *Ædilium l. 2. §. iisdem, de orig. jur.* Et hæc quidem in domo reficienda ita obtinent: at enim (quæ altera differentia notanda hic venit simul & conciliatio) alia ratio est monumenti, nam etsi monumentum, domus quædam sit, atque ita etiam vocetur, domus eterna, item, domus *Manianæ*, attamen id non nisi Pontificum exploratu reficere olim licuit: ut idem Ulpianus iisdem Opinione libris scribit *l. ult. D. de mortuo inferend.* propter religionem videlicet sepulcrorum, neve ea violarentur, *d. l. ult. (quorum sane cura ad Pontifices pertinebat, d. l. ult. & l. 8. D. de religiosis l. 50. infr. D. de petis. hered. v. & l. 3. §. 4. D. de sepulcro viol.)* Idque etiam constitutum Imperatoria constitutione *l. 2. Cod. Th. de sepulcro viol.* ubi plene de eo dico.

Ergo domum suam unicuique reficere licet: imo etsi servitutem vicino debeat, dummodo salva servitute: Imo etiam attollere, si servitutem non debeat: de quibus *v. tit. D. de servit. præd. nrb. ac nominatim eo titulo l. 9. & l. alius 8. & l. 9. C. de serv. & aqua*. Ita quoque alias prohibitus ædificare, non prohibetur reficere, *l. 5. C. de operibus publ. & arg. l. 3. §. reficere l. 5. D. de itinere asque privato*. Et ita quidem perspicua est hujus Reg. sententia.

Subjicitur tamen limitatio: *Dum non officiat invito alteri, in quo jus non habet*. Rectificationi nempe domus suæ quidam modus impositus; quomodo & ædificationi. Et inter alia quidem tres hæc olim leges ædificiis positæ. Prima, ita ædificare, ita reficere seu instaurare licet, dummodo forma publica servetur: de qua multa veterum testimonia multæque leges occurrunt: quæ congersere Cujacius, 1. *Observat. 4. & 17. Observ. 35. & Brisslon. lib. 2. Select. cap. 1. & 2.* In quo etiam P. Faber meliorem commentarii sui ad hanc l. partem pariter locavit. Et tamen id ad hanc l. proprie non pertinet. Secunda lex est, ut si servitus debeat fundo vicino, ita reficere domum seu instaurare liceat, ut eadem specie & qualitate reponatur, sic ut vicino jus servitutis habenti non officiat: de quo *v. d. tit. de serv. præd. nrb. & in eo nominatim legem 33. & l. 1. §. 9. Cod. de serv. & aqua*. Et hæc quidem duæ leges seu conditiones & limitationes ad hanc l. non pertinent, quas tamen breviter perstringi oportuit, ut ita distinguerentur a tertia, de qua mox. Tertia igitur est lex illa, superiori contraria, quæ hac limitatione continetur: *Dum ne officiat invito alteri in quo jus non habet*: i. ut sine injuria vicini id fiat, (quomodo & alias permissio aliquo fieri in publico, id sub eadem conditione permittitur, *leg. 2. §. merito 10. D. ne quid in loco publ.*) dum ne vicini fundo servitutem aliquam imponat, immittendo forte fumum tignumve, Maniano protegendo, projiciendo stillicidio: vicini, inquam, fundo, in quo jus non habet. Id enim omne officendi verbo hic intelligendum est, non vero, ut alias, officendi

tantum luminibus: nam officere quisque vicini luminibus potest, nisi servitutem debeat, *d. l. 9. D. de serv. urb. prad.* Officere hic est generaliter obesse, damnum inferre, nocere, præjudicare, *βλαπτεται*, ut Græci, & quidem v. g. immittendo. Et sane hunc casum huic legi secundo loco aptat quoque Glossa: eoque pertinet species *l. sicut 8. §. Adisto. D. si servit. vindic.* Ait autem lex *invito domino*: quod & ipsum passum in servitutibus ingeritur: ut *l. 4. l. invium §. l. 21. 26. D. de serv. prad. urb.* Scilicet in *l. 4.* dicitur, cum servitus imponitur, *ne luminibus officiamur*, hoc maxime adeptum me videri, ne jus sit vicino, invititis nobis altius ædificare, atque ita minuantur lumina nostrorum ædificiorum. In *l. 5.* definitur, quis *invitus* in servitutibus dicatur. In *l. 27.* proponitur singularis casus, in debita a domo tua ædificiis meis atraque servitute, *ne alius tolleretur*, & *ut stillicidium ædificiorum meorum reciperet*, posteaque concessione facta, *ut jus sit invito me alius tollere ædificia sua*: & quidnam importet hæc concessio. In *l. 26.* definitur, in re communi neminem dominiorum jure servitutis, neque facere quidquam invito altero posse, neque prohibere quo minus alter faciat.

Ergo & hic quoque ita demum suam cuique domum rescire licere definitur, dum non officiat alteri, *in quo jus non habet*: *et jus non habet* ut Græci per modum exceptionis. Insolens tantum hæc locutio videri cui possit: non modo, quod si ad personam vicini hæc verba referuntur, tum dictum potius oportuerit, *in quem jus non habet*, verum eo potissimum, quod cum de servitutibus agitur, verba ad personam dirigi non oportet, ut hic, invito alteri, *IN QUO jus non habet*: verum ad fundos: sunt enim servitutes prædiorum non personarum, & ædes servant, & qui servitutem habet, in fundo jus habet. Quare & P. Faber ita hoc loco hæc verba interpretatus est: *IN QUO*, i. in ea re locove. Ita quoque Græci, *ἐν ᾧ*. Quod si ita esset, tum supra scriptum porteret *invito ALTERO*: non *Alien*. Glossa, *in quo* interpretatur, *in quantum*: quod erroneus est. Quare putet quis, dictum hic potius oportuisse: *A QUO jus non habet*, i. si a vicini fundi domino id jus non habeat. Verum ita quoque ICrus in *l. 9. D. de serv. prad. urb.* Cum eo qui tollendo obscurat vicini ades quibus non serviat, nulla composuit actio, translato sermone a domo ad dominum. Quidquid sit, ita clarius haberet lex: *dum non officiat invito vicino*, alteri, domni scil. *in qua jus non habet*. Ad rem. A contrario igitur officere servitute imposita vicino licet, domum resciendo, si volente altero id fiat: si servitus hæc imposita fuerit aut concessa: si vicinus ita ædificandi, rescindi JUS habeat a vicino concessum.

Et hæcenus quidem de hujus *l.* sententia. Illud in transeursu monitum volo, Ulpiani libros *Opinionum* (unde hæc lex desumpta est) non esse veteris illius Ulpiani, qui sub Caracalla scripsit, verum posterioris alicujus longe scriptoris Constantiniani avi: & forte quidam ejus ipsius Ulpiani Rhetoris Antiocheni: de quo Ulpianus & Suidas. Nam & Constantini seculum stylus ejus redolet, & Græculum fuisse & in Græcia scripsisse vel inde apparet, quod Græca munerum nomina ibi usurpata & ipse usurpat, veluti *Decaprocia*. *Stenonia*. *Opinionum* vero libros inscripsit quod virorum prudentium placita, responsa, opiniones, & eas in eos libros congererit, sententias illustres, *ὡς ἀπὸ μακρῆς* maxime nobiles. Id enim sunt *opiniones*: quæ cum sententiis conjunguntur; & *responsa prudentium*, dicuntur §. 6. *Inst. de l. N. G. & C.* quomodo & Solinus, præfat. operis sui. Quapropter, inquit, *quæso*, ne de præseni tempore hujus editionis fidei libros: *quæ*

nicus

EX ULP. DISPUT. ET OPIN. III. COLLECT. REGG. 195
*niam quidem vestigio moneta veteris persequenti OPINIONES eligere maluimus potius,
 quam innovare (id est, novi aliquid scribere).*



QUARTA REGULARUM

Collectio, seu Systema;

JULIANI REGULÆ SEX,

¶ libris JULIANI DIGESTORUM desumptæ, totidem legibus comprehensæ,
 puta *lege* 62. 63. 64. 65. 66. & 67.

JULIANI *Regula 6. sequuntur, e libris ejus Digestorum: in quibus scilicet Edictum
 perpetuum, quod sub Hadriano Imp. per titulos Digestorum distinxerat, novisque
 clausulis adaukerat, brevis etiam commentario illustravit.*

HEREDITATIS *vis & definitio.*

XLII. JULIANUS libro sexto Digestorum.

*Hereditas nihil aliud est, quam successio in universum jus quod defunctus habuerit. **

* *habuerat.* Haloand.



Ereditatis definitionem seu vim continet hæc R. cui concordant,
 eodem *Juliani* sine inspecto, septem præterea aliæ hujus tit. Re-
 gulæ, puta *lex* 54. 59. 120. 128. §. 1. 143. 156. §. 2. 160. §. 2. Quini-
 mo totidem verbis eaispæ definitio repetita extat e Gajo Jcto in
leg. 24. *supra de V. S.*

Neque ideo tamen Cujacium vel P. Fabrum audio, qui, ut
 alias nonnullas, ita & hanc quoque legem, inter fugitivas nu-
 merabant: non alios, qui istud inter alia vitium hujus titu-
 li in eo notant, quod definitiones nonnullæ, & hanc quidem
hereditatis, eo conjectæ fuerint. Nam, prout Jcti scopus est seu finis, ita
 & definitio vocis seu rei in Regulam facile migrat, proque Regula traditur seu
 B b - 2 pro-

proponitur. Ita definitio hæc hereditatis superiore titulo de *V. S.* proposita fuit, ut quæ esset verbi *hereditatis* significatio, constaret: hoc vero titulo, in censu Regulæ recte locata est, ut ostendatur, quid quantumque JURIS ad heredem perveniat. Quod utique hac definitione efficitur, quæ multis aliis specialioribus R. in hac materia pro universali R. & ratione subternitur. Qua causa & Papinianum ipsum *libris Definitionum*, i. R. nonnullas rerum definitiones adpersisse comperio: quod docet *lex 1. de legibus c. l. 7. de justitia*. Et vero species quæ huic l. aptanda venit, id diserte docet: Nempe Julianus hoc *lib. 6.* unde hæc R. desumpta est, Edictum de *hereditatis petitione* interpretatus est, ut ostendit *lex 13. §. 5. l. 16. §. 1. l. 20. §. 1. 4. 18. l. 30. in princ. 31. in pr. c. §. sua. l. 54. D. de heredit. petit. c. l. 2. §. solet de hered. vel alt. vend.* Quare dum in eo esset Julianus, docere inter alia quoque semel voluit, quid juris ad heredem peculiatiter, quidque adeo in hereditatis petitionem veniret, ipsius iudicii vi & potestate: inter alia, v. g. non ea tantum quæ mortis tempore in bonis defuncti fuerunt, verum ea quoque quæ postea argumento hereditati accesserunt. Quæ omnia Julianus veteri hac definitione & Regula proposita, firmare instituit: nempe id ita fieri, quia *Hereditas nihil aliud sit quam successio in universum JUS defuncti*. Nempe, etsi in bonis defuncti, ea quæ diximus, nondum fuerint, in JURE tamen ejus fuerunt.

Julianus ergo hanc Reg. seu definitionem eo quo dixi sine proposuit, seu hereditatis petitionis occasione. Quia ipsa occasione sineque & Gajus eam proposuit in *d. l. 24. de V. S.* uti constat ex legibus quæ ex eodem *lib. 6.* ad edictum provinciale desumptæ, illi conjungende sunt: puta *lex 1. 3. 10. 15. 17. 21. 35. 39. 41. D. de heredit. petit. l. 2. §. pars heredit. l. 2. de possess. heredit. petit.*

Neque alia est hujus Reg. sententia, quam septem aliarum, quæ hoc titulo concordare jam dixi. Hoc illud scilicet est quod *l. 34.* definitur, *neminem plus JURIS ad alium transferre posse quam ipse habeat*. Item quod *l. 59.* dicitur, *heredem ejusdem potestatis JURISQUE esse, cujus fuit defunctus*. Quod *l. 120.* statuitur, *neminem plus COMMODI heredi suo relinquere, quam ipse habuit*. Quod *l. 128. §. 1.* proponitur, *eos qui in universum JUS succedunt, heredis loco haberi*. Quod *l. 143.* asseritur, *quod ipsi qui contraxerunt obstat, & successoribus eorum obstat*. Quod *l. 156. §. 2.* cum quis in alio locum successerit, non est aequum ei nocere, quod adversus eum non nocuit, in cujus LOCUM successit. Quod *l. 160. §. ult.* Absurdum est plus JURIS habere, cui legatus sit fundus, quam heredem, aut ipsum testatorem si viveret. Quare & ad eas leges dicta huc accessi possunt. Illud denique pro Triboniani defensione addendum, hanc hereditatis definitionem, non definitionis modo proponi, verum etiam substratum quid pro ratione & regulæ alicui juris definitioni: *Hereditas Nihil aliud est*: quomodo & sortitis definitio proponitur: *EA NATURA est cavillationis, &c. l. 65.* ubi v. adhuc quæ dicam.

De MORA: deque PROVOCANTE ad JUDICIUM bona fide.

LXIII. IDEM (Julianus) libro decimo septimo Digestorum.

Qui sine dolo malo ad Judicium provocat, non videtur moram facere.

AB Tractatum de Mora pertinet hæc secunda Juliani Reg. quo etiam pertinetur quoque alix Regule hujus tituli *lex 39. 83. 161. 173. §. 2. 174. in princ. infra h. tit.* Cujus Mora definitio etsi cæteroquin in facto magis quam in jure consistere dicatur, & utrum mora facta intelligatur, neque constitutione ulla, neque Juris auctorum decisione decidi semel possit *l. mora 32. D. de usur.* utpote cum ejus æstimatio ex facti qualitate pendeat: Specialis tamen hæc Reg. in hoc tractatu Mora hic a Juliano proponitur; & quidem negativa: *Non videri eum moram facere, qui sine dolo malo ad judicium provocat.* Cui concordat præterea hoc tit. *lex non potest 99. infra.* Non eo ipso scilicet debitor, quod solutionem detrahet, & moram facere ilico intelligendus: Quid enim, si iusta ignorantia, quantum solvere debeat, id faciat, *d. l. 99. infra?* Quid si optima ratione, ut ait *lex 23. de usur.* Quid si iuste (ut loquitur *lex si quis solutioni 24. D. de usur.*) Quid si Reipubl. causa abesse subito cepit, &c. *leg. 23. d. 1.* Quid si sine dolo malo (ut hac Reg. dicitur) ad judicium provocat? Juris utique persecutio injuriam in se non continet: & ideo hæc mora inculcata est, ut loquitur Papin. *l. 9. §. 1. de usuris* & (qui alioquin more sunt effectus) debitorum non subijciat usuris, fructibus, interesse, pene, periculo rei, & expensis seu sumptibus litis: Quæque, etsi moram revera faciat, moram tamen facere NON VIDETUR, id est non ideo mulcandus vel puniendus venit: *Non videtur*, formula in his Regula tralatitia, qua in speciem apparentia removentur profligantur. Nemo scilicet metu litis jus suum indefensum relinquere tenetur *l. illud 40. in fin. princ. D. de heredit. petit.* Neque improbus videri potest, qui ignorat quantum solvere debeat, *d. l. 99. infra, hoc tit.*

Ut hæc in genere recte dicuntur, ita (quod Glossa recte divinavit) pertinet hæc Reg. ad eam ipsam speciem, quæ aptanda venit *d. legi 21. 23. & 24. D. de usuris.* Nam sicut Ulpianus lib. 34. ad edictum, & Paulus lib. 37. ad edictum (unde ex leges desumptæ sunt) de Rei uxoris actione, ac nominatim de *Retentionibus ex dote* egerunt, ita etiam Julianus hoc ipsum argumentum exsecutus est lib. 17. Digestorum (ut ostendat *lex 5. §. 9. D. de jur. dot. l. 3. §. ult. l. 4. §. ult. l. 5. §. 1. 8. in fin. l. 11. §. 3. 9. 13. l. 27. D. de donat. int. vir. & uxor. leg. 1. lex 24. D. de donat. l. 2. 13. D. de mort. caus. donat.*)

Species igitur hæc facillima nunc sit in *Marito* (nil enim jam moror eam speciem quam Cujacius libris ad Julianum prodidit). Tu uxori meæ, solum matrimonium dotem repetis: Ego ejus retinendæ mihi jus vindico, ex causis jure proditis, bona tamen fide: mox lite cado? Non ideo tamen in usuras tenebor: Bona fides moram eluit. Neque in hac tantum specie hæc R. spectatur, verum etiam in spec. *legi 3. §. 1. D. de usur. l. 78. de leg. 2. l. 21. C. de usur. & fructib. leg.* nempe & in *Herede* hæc Reg. locum obtinet: Finge enim, Falcidia interveniente seu herede Falcidiam obijciente (ut *d. l. 28. de legat. 2.*)

here-

heredem morari praestationem legatorum? Utique si heres legis Falcidiae rationem bona fide iudicii subjecerit, vitio morae non subiacebit. Similes alias species in herede repetere licebit *ex l. 19. q. 2. 99. infra*.

Addatur tertia species & in *Reo ex lege 13. D. de positi*. Finge de persona actoris & ejus habilitate, ut loquuntur, dubitare me, atque ideo ad iudicium provocare? Non ideo morae periculo obnoxius ero.

Et hæc quidem ita obtinent in *provocante ad iudicium*, ut hæc l. dicitur, id est in *Reo*: Quamquam idem obtinet & in *Actore* seu petitore: Nam & actor pariter non videtur dolo exequi seu exercere actionem, qui ignorat causam cur non debeat petere, *l. 177. §. 1. infra h.c.*

Sedenim quæ limitatio hæc l. additur, obtinet tantum hæc Reg. in provocante ad Iudicium *sive dolo malo*. Alia enim ratio est *furis & praeconis*. Nam licet fur paratus sit excipere conditionem, id est, ad iudicium provocet, attamen non ideo moram purgat, *l. ult. D. de condit. furti*. Prædo seu fur, idemque morator semper est, & moram dolumque facere semper intelligitur, etsi ad iudicium provocet, etsi iudicio expectiatur, quia dolo malo provocat, & expectitur: quod firmatur & in *sp. d. l. illud quoque 40. in fin. princ. D. de hered. petis.*

RARI casus incogitantiam in negotiis agendis excusari.

LXIV. IDEM (*Julianus*) libro viceſimo nono *Digestorum*.

Ea quæ raro accidunt, non temere in agendis negotiis computantur.

DE *Raro contingentibus*, seu *παράλογα, σπανίως*, est hæc R. e. Julianæ tertia: Cui tres casus seu species & exempla vulgo male aptantur. Nolim primum ab Interpretibus ferme omnibus eandem huic Reg. sententiam assigni, quam alioquin præ se ferunt hodie *lex 3. 4. 5. 6. D. de ll.* Hæc leges quippe, ut hodie posite sunt, sunt de Legislatione Jurisque determinatione: illudque indicant, rarum aut mirabilem aliquem casum & extraordinarium impedire non posse, quo minus Jura aliqua generalia in Republica constanter, seu leges generales a Legislatoribus sanciantur: Quo pertinet etiam illud Theophrasti, *το γὰρ παράλογον παραβῆναι οὐ νομιμαίται*. Quod etiam ad casum multiplices puerperii trahunt Jurisconsulti in *d. l. antiqui, D. si pars hered.* Nam ut Aristoteles ait *4. Ethic.* ad Eudemium c. 8. *το αἰσίοι το πλείον συμβαίνει οὐ νομιμαίται*: Similiterque *Ethic. Nicom. l. 5. c. 14.* vel ut Heliodorus Præfatus in Paraphrasi, c. 16. *των αἰσίοι το πλείον συμβαίνει οὐ νομιμαίται συγγεγραμμέναι*: Quomodo & Gregor. Nazianz. Orat. 39. *legis vim in Ecclesia non obtinere ait, quod raro fit: οὐ νόμος ἐκκλησίας το σπανίως*: Ejusque rei exempla extant in *l. 1. D. de minor.* & in *Nov. 94. c. 1.* Quamquam & hoc ipsum eo enantiophano percelli vulgo videtur, quod aliquam multa jura constituta reperiantur de raris & mirabilibus casibus, puta de *Hermaphrodito d. 10. D. de statu homin.* de partu monstroso *l. 14. cod. rit. & l. 135. de V. S.* item de *Cæsaribus*, id est ex electis utero matris *l. 12. de liber. & postum.* de matre quinquagenaria, id est, partum edente *l. 12. C. de legis. heredis.* de muliere patiente undecimo mense, *Nov. 39.* de insula in mari nata, *l.*

7. §.

7. §. *insula D. de acquir. rer. dominio*: tandem de dedito hostibus & non accepto atque in civitate revertente, l. ult. *D. de legation. l. 4. §. ult. D. de captiv.* Verum ita res concilianda est: Quemadmodum rarus casus facere non potest, quin lex generalis publice statuatur: quo pertinet etiam d. Novella 94. cap. 2. ita neque lex generalis facere potest, quin raro casu emergente lex super eo iam constitui possit: Nempe, quemadmodum cum de Legislatione tractatur, inspicienda est frequentia & universitas: ita sine ordinatione politica nihil quamlibet rarum aut singulare relinquendum est. Verum hæc, uti dixi, ab hac R. aliena sunt.

Nolo etiam hanc R. misceri cum l. 114. *infr. b. t.* ubi dicitur: *In obscuris inspicere quod plerumque fieri solet*: Quia hæc Reg. nostra non est, ut illa, de obscura voluntate, vetum de aperta, quæ non eo minus valida esse adsignificatur, quod rarum casum non præviderit is qui negotium aliquod egit, veluti qui testamentum condidit. Nolo tertio hanc Reg. accipi de casibus fortuitis, & eventu seu successu, quod Accursius in secundo casu tentabat, & Hotomannus putavit, quos mandatarius exempli gratia non præstat: est enim hæc Reg. de raro contingentibus, non de fortuitis & imperatis casibus, & successu seu eventu contrario. Quare apagelis mihi interpretationem Accursii, qui vocem raro de fortuito casu accipit.

Non igitur ad publicam Legislationem, non ad obscuræ voluntatis interpretationem, non ad casum & eventum fortuitum, pertinet hæc lex, verum ad *Negotia agenda*, quæ ob insoliti casus incogitantiam non ideo irritantur. In *Negotiis agendis*, ait lex: uti lex 5. *supra*, in *Negotiis contrahendis*: Inter quæ tamen subtilis hæc differentia est, quod *negotia contrahi* dicuntur, in contractibus, vel quasi, *Negotium vero agi* in actu etiam *μενεσθαι* veluti testamento: Nam eo pertinet species hujus R. non ad contractus, seu *συνελλεγματα*, quomodo Græci perperam hanc R. interpretati sunt. Quærebatur in specie hujus Reg. nostræ, utrum in his negotiis agendis casus rari prævideri debuerint ab his, qui negotium aliquod agerent tractarent, & quia non præviderunt, ideo negotium corruat, quia, aliquid sit quod eis imputari possit? Quod hac R. negatur: quia scilicet ea quæ raro accidunt, non temere in *agendis negotiis computantur*: *Non computari* ait lex, i. non prævideri solere, non animo cujusquam obversari, & ideo nec imputari negotium aliquod agenti si id non prævidit: non imputari inquam, hic enim effectus est hujus Reg. non quasi *computari*, hic pro imputari accipiendum sit, quod Placentino placuit, etsi alicubi apud Plautum eo sensu esset. *Non temere computari* ait lex: non abscessa negatione: possunt enim computari & prævideri, verum non facile; hoc sensu: paucos admodum mortalium esse, qui in negotiis agendis eos casus raros computent animoque volent: Hæc vis est istius formulæ, *non temere*, id est, non facile. Joculari enim est quod Glossa in primo casu tentabat, quasi id indicetur, temerarium esse si tales causæ in legibus enumerentur. Sic passim Suetonius, in *Augusto* cap. 53. 73. 77. in Claudio, cap. 33. in Nerone cap. 15. Vespasiano cap. 15. in Tito, 6. 8. in Domitiano, cap. 19. Livius quoque lib. 30. *Non temere incerta casuum REPUTAT*, quem fortuna nunquam decepit: ubi habes, non temere reprehendere, ut hic non temere & computari. Quintilianus lib. 1. cap. 3. *Illud ingeniorum velus præcox genus non temere nunquam pervenit ad frugem*. Omitto sexcenta his similia: Jure nostro nunc contenti sumus, occurrit hæc ipsa formulæ non uno loco: ut l. *auxillam* 27. *D. de pet. hered.*

hered. l. cum in testamento 28. D. de ann. leg. l. si fidejussores 41. D. de fidejussorib. l. 7. §. sed & si quis 3. D. de injur. l. non ignorat 9. Cod. de his qui accusare. Denique non computari aut lex, id est, si de actibus privatorum queratur, non prævideri: si de Judice, non attendi in judiciis & causarum decisionibus: Denique, ubi interpretatio facienda est de validitate negotii vel actus alicujus, rara hujusmodi in computationem non veniunt: ut ideo invalida sint negotia si prævisa non fuerint. Quare inanis prorsus est eorum interpretatio, qui huic l. hunc sensum affingunt, quod contrahentes in negotiis agendis non inconsulteo quoque casus qui rarissime eveniunt, sed tamen evenire possunt, prævidere debeant, ut ita lites præcaveant: quasi hac Reg. laudetur providentia contrahentium, & vox temere significet inconsulto: non temere, non inconsulto: nam imo hac R. incogitantia eorum, qui rarum casum non præviderunt, excusatur: non vero eorum qui præviderunt providentia laudatur. Et vero genuina species, quæ huic R. aptanda venit, hanc interpretationem magis magisque profigit, nostram contra egregie firmat. Venit scilicet aptanda ea questioni seu tractatui de injusto testamento, ut docet lex 13. D. de liber. & post. l. 4. §. 5. l. 37. de hered. inst. l. 26. D. de vulgari & pup. l. 11. de condit. & demonstr. quæ omnes ex eodem Julianilib. 29. Digestorum desumptæ huic conjungendæ sunt: Et quidem aptanda venit tractatui de injusto testamento, ex causâ præteritionis postumi, d. l. 13. d. l. 37. d. l. 26. Quare nunc tuto fingamus. Pater testamento suo (quod quidem Negotium est actusque ultimatius) filium postumum heredem instituit: & sic unico filio postumo instituto decessit: mox uxor duplicem vel trigeminum partum edidit, vel etiam quinque, quod idem Julianus, ut omitam alios, fieri posse testatur l. 36. de solut. De quo multiplici partu sunt solemnes leges: pura l. antiqui 3. D. si pars hered. l. nrum 7. de reb. dub. l. sed etsi 28. de judiciis, l. 2. §. 10. de suis & legit. l. 30. §. 6. de adquir. hered. Non ideo patris testamentum injustum erit, nulliusque momenti, quasi filio vel filiis postumis præteritis: quia rarum est, ut non uniparæ sint mulieres: imo rara volutaria est, rarus multiplex partus: etsi non rarum ADMODUM, d. l. antiqui 3. raro trigemini nascantur: & quia rarum est, ideo nec in condendo testamento, in negotio hoc agendo, id testator computavit: neque hunc casum prævidere debuit. Computare est, ut dixi, animo suo supputare, volutare, colligere, & sic ad id actus suos componere: ac nominatim ea quæ in numero consistunt, futuraque. Sic, rationes computare passim: computare annos. Sic & illa apud Senecam. Si bene computes. Sic & Tacitus, 1. Historiarum 22. ubi de Mathematici cujusdam prædicatione: Cum supersuorum eum (Orthonem) Neroni, promississet, postquam ex eventu files, conjectura jam & rumore sentum Galba, juvenem Orthonis computantium, persuaserat fore ut in imperium ascisceretur. Quanquam vero species hujus Reg. proprie pertineat ad testatores & ad testamenta, & sic ad actus privatorum, artamen eadem traduci seu porrigi potest ad actus Judiciales, processum, inquam, judicalem, & ad judicis officium instruendum: quo sane pertinet species d. legis 3. D. si pars heredis. per. (quæ tamen hujus legis species non est) unde transcripta est d. l. 6. D. de legibus: Item species l. 9. D. de probat. tandem spec. l. 44. D. de nupcap.

De SORITICA cavillatione, ejusque natura.

LXV. IDEM (Julianus) libro quinquagesimo quarto Digestorum.

Haec est natura cavillationis, quam Graeci Σωριτικὴν appellant, ut ab evidentibus veris, per brevissimas mutationes, * disputatio ad ea quae evidentibus falsa sunt, perveniant.

* σωριτικὴ in vulg. & Haloand. σωριτικὴν vel σωριτικόν.

Soritica Cavillationis icon & character a Juliano hac quarta Reg. exprimitur: quae ante Pandectas Florentinas nullo sensu legebatur, voce σωριτικὴ posita, loco σωριτικὴ: de quo videndus est Anton. Augustinus, lib. 4. emendat. cap. 16. pag. 266. Neque tamen audio interpretes, qui ad Philosophos hanc Reg. ablegatam, deque censu Regularum expunctam vellent: ut maxime etiam ab Ulpiano (Juliani sequace) totidem verbis repetita exstet in l. natura 177. D. de V. S. Multum scilicet interest, quo animo, quo fine, quidque dicatur, aut inculcetur, nam pro scopi diversitate eadem lex non unius, verum hujus modo illius tituli vel tractatus finibus recte includitur. Quod etiam supra jam ostendimus ad l. 62. sup. ubi hereditatis pariter definitio, superiore quoque titulo inculcata, reponitur: Quare & hac ratione ipsemet Justinianus inculcationis ac repetitionis veniam deprecatur, tit. de Veteri Jure enucleando, & praefat. Pandectis praefixa. Ad rem. Cautionis igitur sive Cautela (ut loquuntur) vice, denique ceu natura quoddam salutare hunc in titulum hae sententia seu mentis Reg. conjecta fuit, adversus σωριτικὴν ἀρτησίαν, seu adversus εἰρηκὴν, ἀρτηριατικὴν sophisticam, & Soritarum gradus, ut Hieronymus eos vocat: Quo sane animo sineque primitus a Juliano hae Reg. concepta fuit, ut ita iconio ejus expresse, ab ea sibi contraheutes, aliiue diligenter caverent.

Hoc ut liqueat, sciendum est, Julianum egisse libro 54. Digestorum, unde hae R. desumpta est, de Modis distrabenda obligationis: primo quidem, de modo naturali tollendae obligationis; i. de solutione, tum de Acceptilatione (ut docet vel lex 17. D. de Acceptil. quae indidem desumpta hanc conjungenda est) id est, de actu legitimo, ut vocatur l. 77. infr. h. t. seu imaginario, de quo obligatio tollitur, cuiusmodi est Acceptilatio. Ad hanc vero acceptilationem hae R. pertinet, arg. d. l. 17. quomodo & eandem Regul. ex Ulpiano relatum in l. 177. de V. S. acceptilationis pariter occasione propositam, colligere certo licet ex conjunctione l. an inutilis 8. D. de acceptil. Ceterum, cum acceptilatio ista verbis per interrogationes & responsiones perageretur, quandoque etiam stipulatione Aquiliana praecedente, ita quidem aliquando, ut una acceptilatione plura debita ex diversis causis tollerentur, hinc reo stipulandi interrogante, inde reo debendi spondente; mox, hinc acceptio rogante reo debendi, inde accepto ferente reo stipulandi, & quidem conceptis, typicis, formalibus verbis (ut docet lex 1. C. de acceptil. §. 1. Inst. quib. mod. toll. oblig. & l. 1. D. de acceptil.) denique verbis solutio peticeretur, ut Seneca 6. de benefic. loquitur, necessarium duxit

xie Julianus, contrahentes premonere adversus hujusmodi sortitem (cujus meminit etiam Cicero in *Horatio*,) noscos veternotissimi artificii, ut Senec. ep. 82. seu cavillationes has & vitiosum & captiosissimum *interrogationis* genus (ut Sortitem Cicero in *Lucullo* vocabat) interrogationum laqueos, ut idem lib. 1. de *Oratore*, ac captiosas, lubricas & vaserimas *interrogationes* de quibus Seneca ep. 45. 48. 49. 82.) seu fallaciam plurium interrogationum, quæ subtilissima collectione per brevissimas *mutationes*, id est, per gradus, minutias, adjectiones, παραμικρὰ ἐρωτημάτων (ut ipsi Stoici vocabant) paulatim, sensum, sine sensu surrepunt, & serpere non desinunt, donec ad absurdum rem deducant, quibusque difficile est modum imponere, ut Seneca loquitur: imo interrogatus ad confusionem perductus aliud respondet, aliud putat. Unde & ἀπορίστη ἀπορία. Denique adversus has plagas elancularias, interrogationum laqueos, & obreptitias *mutationes*, quibus homines incauti facillime a vasis hominibus ἀπαγνύται illaqueantur, irretiuntur ceu præstigiatorum acetabulis & calculis, παραμικρὰ ἐρωτημάτων, præmonere contrahentes voluit hic Reg. Julianus, uti discerent caute stipulari, caute spondere, caute accepto rogare, ferreque: caute, inquam, vel sustinendo, de quo illud Persii.

Invenimus Chrysippe tui finitor acervi, id est acervus Syllogismi, seu sortitis: (supra enim est acervus) qui a Chrysippo inventus dicitur, auctore Laertio, in eius v. Nempe ad hujusmodi δυσπαρακρίτων ἐρωτημάτων, id est *difficilem ad respondendum interrogationem* (quod unicum ferme isti rei remedium & iuxta Chrysippum notat) παρρησιαστικὸν ὅπλον, id est sustinendo, verbisque ad lancem datis, vel etiam interloquendo, quomodo Seneca 9. de *benefic.* 26. *Permitte me interloqui, ne interrogatione insidiosa capiar*, seu frangendo, cum ad imum declinant, ut Cicero in *Lucullo* loquitur, id est ut in singulis interrogationibus insistatur, ejusque vitium demonstretur.

Ait porro lex, Cavillationis QUAM appellant, &c. Nempe hoc relativo *quam* (cujus vis est, suum antecedens restringere: pariter ut vocis quæ in l. 77. sup. vocis *quos*, de quo interpretes late ad l. *cunctos populos*) apparet, non omnem hic cavillationem describi, aut cavillatione de sorte proprie dici (quod tamen nonnulli volunt) vel quasi sortites omnis sit cavillatio & vitiosus, quod verum non est: nam & legitimis aliquis sæpe sortitis usus est, quo & Stoici passim usi, verum cavillationem tantum sortiticam, & acervalem. Non est scilicet cavillationis genus unum: Cavillatio est, quodcumque tandem verborum & syllabarum aucupium, tecta & insidiosa fraus, captiosa ratiocinatio, fallacia, λήγους πηροῦνται, verba cavillantium. Seneca quoque ep. 45. *Multum illis temporis verborum CAVILLATIO eripuit, & captiosa DISPUTATIONES, qua acumen mentium exercent.* Ait lex per brevissimas *Mutationes*: nisi malit quis *Mutationes*, i. interrogationes & responiones mutuas, vel *Mutationes*: eodem sensu. Sed nil necesse est: brevissimæ mutationes sunt, cum aliquid minutatim & gradatim additur aut demitur, ut Cicero, in *Lucullo*: & sic mutatur. Ait lex *Disputatio*, ἀποδομαστικὴ, pariter ut in superiore Senecæ loco, *disputationes*. Disputatio significat actum omnem, qui perititur hinc inde sermones serendo, commutando, perque mutuum interrogationem, ac proinde & responionem, quod de acceptilatione diserte dicitur l. 1. *D. de acceptil.* interrogationibus & responionibus ἐρωτηματικὸς, lege dialectica, paulatim seu minutatim assurgendo: Dialectica est ἐρωτηματικὴ, ut Aristoteles ait: *Disputationi adversa perpetua Oratio*, ut Cicero inquit.

Veta

Vera jam hac specie & scopo hujus l. perspectis, nil moror exempla Soritis alia, quæ hic aut affingi aut cumulari solent. Imo vera hujus l. lectione perspecta, in qua perperam olim legebatur *obortum*, nil moror exempla ad hanc l. Accursiana, quæ ad Sophismatum fraudes pertinent, non vero ad Soriticæ cavillationis gradus. Et sic Accursius, oleum & operam hic omnem perdidit.

QUIS DEBITOR esse definat: & de justa EXCEPTIONIS quaesita vi:

LXVI. IDEM (Julianus) libro sexagesimo Digestorum.

*MARCELLUS: * Definis debitor esse is, qui nactus est exceptionem justam; nec ab æquitate naturali abhorrentem.*

* *notat* scil. ut add. in Vulg. et Haloand. alii ita supplent, definis, vel ait.

QUIS DEBITOR esse definat, quaeritur hac quinta e Julianis Reg. ? seu qua exceptione is uti possit, quænam ei profit ? Et distinguitur inter exceptionem justam & ab æquitate naturali non abhorrentem, & abhorrentem injustamque: Nempe qui illam *nactus* est, definat debitor esse: non qui hanc obtendit.

Est autem hæc definitio non Juliani, verum *Marcelli*, qui inter alios Jurisconsultos ad Julianum Notas scripserat: quod postremum docet quoque *lex 75. D. ad leg. Falcid. & l. 2. in fin. de noxal. action.* & Justinianus noster l. 1. C. de commun. serv. manum. Vera scilicet hujusce l. lectio & interpunctio est: *Marcellus* (scilicet *notat*). Deinde nova sequitur sententia, ipsa scilicet *Marcelli* nota seu Regula. Quod vulgo tamen aliter male habet, vel perperam emendatur. Sic & alias Jurisconsultorum ad alios Notas effruntur: veluti, Ulpianus, Paulus &c. *notat* scilicet.

Nunc de ipsa *Marcelli* nota seu Regula. Huic sane regule in genere congruit *lex creditor 55. de V. S.* ubi dicitur, creditorem cum demum esse, qui exceptione summovi non potest: uti retro, nihil interest, actio ipso jure non competat, an per exceptionem elidatur, *l. nihil interest, 112. infra, h. t.* Sed tamen peculiaris hujus reg. species est: Quæ ut melius intelligatur & ab aliis speciebus, cum quibus Interpretes eam confundunt, distinguatur, genuina primum ejus species indaganda venit.

Cum igitur Julianus lib. 60. Digestorum *de donationibus* egerit, aptanda huic l. species est ex l. *mortis causa* 18. §. *Titia* 2. D. de mort. caus. donat. (quæ & ipsa refertur ex 40. Juliani libro, l. 3. §. 2. D. de liberat. legat.) denique ad Conventionem, tacitam quoque, seu *Donationem*, referenda est hæc Reg. cujusmodi sane tacita conventio, donatio, ex postfacto exceptionem justam nec ab æquitate naturali abhorrentem debitori tribuit, & sic efficit ut donatarius debitor esse omnino definat: Finge, debitori redditum chirographum a creditore, vel jussu creditoris testatoris? Sane si debitor postea, vel a creditore, vel (quod frequentius) ab heredibus creditoris conveniatur, pacti conventi, seu conventionis, vel doli mali exceptione eos summovere poterit, d. l. 18. §. 2. Imo & si solvetur, condicere poterit. Chirographo scilicet reddito tacitum pactum de non petendo, & sic plena donatio, inducitur, & nomen

penitus expungitur, l. 2. D. de pact. l. hujusmodi 84. §. 7. D. de leg. 1. l. qui chirographum 59. de leg. 3. d. l. 18. §. Titia 2. D. de mort. causa don. d. l. 3. §. 2. de liber. leg. c. l. 7. C. de remissione pign. In quo sane differt pignoris redditio a redditione chirographi, ut ex eodem Juliano, l. 1. §. 1. D. de liberat. leg. refertur: pignore quippe debitori reddito, vel pignore legato, superest adhuc debiti exactio: hac differentia ratione, quod chirographum substantiam nominis seu debiti afficit, pignus securitatem hactenus, Nolim vero cum Cujacio huic Reg. aptari speciem legis 2. §. 3. D. de donat. (quæ alioquin ex eodem Juliani libro desumpta est) Finge, cum existimarem, me tibi aliquid debere, jussu tuo pecuniam alteri sponendi, cui donatam eam volebas; vel cui debere te putabas? Utique errore comperto, exceptione doli mali tueri me, stipulationemque indebiti condictione revocare potero. Nolo, inquam, hanc speciem huic Reg. aptari; quia species hujus Reg. ponenda est in *vero debitor*, sed qui factio aliquo postea desit esse debitor, eo quod *nactus sit*, ex postfacto scilicet, justam aliquam exceptionem. Ab hac pariter Regula separandæ sunt seu submovendæ *lex 3. §. ult. D. quod quisque juris*: l. 26. §. *indebitum*, l. 28. 60. D. de condict. indeb. *lex 9. in fin. c. ll. seqq. ad SC. Macedon.* quibus definitur, obligatum naturaliter, etsi civiliter non teneatur, solum repetere non posse: Nam & hæ species ad initium contractus pertinent: neque ibi ex postfacto exceptio supervenit. Eademque ratione aliena est ab hac Regula *lex 1. §. ult. l. 3. D. de constit. pecunia*. Aliena pariter Regula seu distinctio Marciani lib. 3. Regularum, inter exceptionem quæ ejus cum quo agitur causa datur, ut in Senatusconsulto Vellejano: & exceptionem, in odium ejus cui debetur, ut in Senatusconsulto Macedoniano, in l. *qui exceptionem* 40. D. de condict. indeb. nam & ibi agitur de exceptione quæ initio contractus competit: non quæ supervenit, seu quam debitor ex postfacto nanciscitur.

Hujus autem Reg. *Effectus* continetur his verbis, *Definit esse debitor*, &c. id est, qui debitor revera erat ita definit esse debitor, ut omnis obligatio expuncta censeatur; etiam naturalis; & ideo si solverit tanquam indebitum condicit. Verum id intelligendum est de *justa* exceptione, deque eo qui nactus est exceptionem justam nec ab æquitate naturali abhorrentem; *justam*, ut vocatur quoque, l. 1. §. *denique*, D. *quod vi aut clam*, & *justa* defensio, l. 3. Cod. de iis qui in princ. cred. Exemplum, uti dixi, in chirographo reddito, vel reddi jussu; quæ hujus l. species est: item si pactum de non petendo secutum fuerit, si debitor juraverit: de quo v. vel *tir. Inst. de Exceptionib.* & *tir. D. de condict. indeb.* Si iudicio absolutus fuerit: vel præscriptio intercesserit, quas species hic Græci ponunt. His sane casibus omnibus definit omnino quis debitor esse, sit ut nec naturalis quidem obligatio remaneat. Atque huc jam pertinet, quod dicitur in l. *Strichum* 95. §. *naturalis* 4. D. de solutionibus, *naturalem obligationem, ut pecunia numeratione, ita JUSTO pacto vel iurejurando ipso jure tolli: quia vinculum æquitatis, quo solo sustinebatur, conventionis æQUITATE dissolvitur.*

Ergo his casibus, indebite solum condici poterit, ut in commune condictio indebiti ex bono & æquo introducta dicitur, l. *hac condictio* 66. de cond. indeb. & indebiti soluti condictio, naturalis, l. *indebiti* 15. eod. Aliud fuerit, si *injuncta* sit exceptio, & ab æquitate naturali abhorrens: veluti, ut in eadem de chirographo quod debitor nactus est, specie maneamus, si debitor per errorem creditoris vel heredum ejus, vel do-

lo vi metuve chirographum nactus sit, aliisve malis artibus, vel pactum aliud subsecutum sit, uti petere liceat. Non ilico scilicet qui chirographum suum nactus est seu recuperavit, vel cum quo pactum de non petendo initum est, debitor esse definit: sed qui iuste. Illa denique exceptio prodest, quæ iusta est, quæque æquitati naturali convenit: quæque iusta replicatione elidi potest: non quæ iniusta est, quamque ABHORRET æquitas naturalis: nam & illa proprie exceptio est, non ista: quia exceptio omnis æquitate nititur. Ex his jam apparet, quam parum hujus Reg. sententiam allicutus sit Accursius, & bona interpretum pars. Apparet, hic DESINENDI verbo, designari eum qui revera, initio contractus vel negotii, debitor erat, verum qui NACTUS est ex postfacto justam quandam exceptionem: & sic qui ante exceptionem natam debitor erat. Hæc enim vis est vocis *desinendi* (de quo ad l. non potest videri *desisse infra*) quamquam & improprie quandoque *desinere* dicitur quod nec coepit, l. 3. §. *desinere* 1. D. *usufr. quest. caus.* Eademque vis est vocis *Nactus* est.

De AMBIGUI sermonis interpretatione.

LXVII. IDEM (Julianus) libro octavo septimo Digestorum.

*Quotiens idem sermo duas sententias exprimit, ea potissimum excipiantur, * quæ rei gerendæ aptior est.*

* accipitur Vulg. & Haloand.

DE AMBIGUI sermonis, quæ Græcis ἀμφίβολα, interpretatione seu resolutione; est hæc e Julianeis postrema Regula: qua quaeritur, quænam interpretatio ibi adhibenda sit? Et definitur, *eam sententiam potissimum excipiendam*, i. suscipiendam, admittendam, a Judice scilicet quæ rei gerendæ aptior est. Est, inquam, hæc Reg. de Ambiguo, de quo sunt tres aliæ præterea leges, puta l. 85. in princ. 96. 172. h. r. *Ambiguum* est, quoties idem sermo duas sententias exprimit, ut b. l. dicitur: *dictus vocatus*, quod in duas pluresve sententias trahi potest, ut libro 2. ad *Herennium*, quod duas pluresve res significat: ut Cicero de *inventione* n. 27. Nam quæ aliæ hoc titulo Regule occurrunt, sunt de aliis obscuri speciebus, puta lex 9. 34. sup. l. 114. l. 155. §. 2. l. 200. *infra*. Atenim hæc nostra proprie est de amphibolia & ambiguo sermone, seu ancipiti, duas sententias exprimente. Aliud est proprie *obscurum*, aliud *ambiguum*: ut recte Quintilianus l. 7. cap. 10. *Amphiboliz*, inquit is, *lis in diversum trahit: sem amphibolia duas res significantur, & quod ad scriptum vocemque pervinet in utramque par est pariter: In obscuro sermone quaeritur quid dictum sis, in ambiguis utrum hoc vel illud*: Quamquam & *obscuri* appellatione venit quoque ambiguitas: De qua singularem olim librum scripserat idem Julianus: unde supersunt hodiernum tres leges, puta lex in *substitutione*, D. de *vulgari & pupill. subst. lex qui duos mulos* 62. de leg. 3. l. si is qui ducenta, D. de *rebus dubiis*. Igitur ab hac Reg. separandæ sunt species illæ obscuri quæ ab aliis hic apponuntur, veluti, si cum duo Titii essent, paterfamilias & filiusfam. testator dixit, *Titius tutor esto filio meo*. Et si verum sit utrobique jûs idem statuendum esse; nempe, eam interpretationem seu sententiam potissimum excipiendam, admittendam, ubi vox aut sermo ambiguis vel obscurus est, quæ aptior sit ge-

ren-

tendere rei; id est, quod innumeris aliis legibus docemur, ut ne actus aliquoquin inutilis aut frustraneus sit, ut in specie *leg. 109. D. de leg. 1. l. 34. §. 1. D. de legat. 2. ut actus seu res qua de agitur, magis valeat quam pereat, & in tuto sit, ut in *sp. leg. quotiens 12. (quæ & ipsa Juliani est) D. de reb. dub. & leg. ubi est verborum ambiguitas 21. cod. tit. l. 80. D. de V. O. l. 16. in princ. D. ad SC. Trebell. Secundum subiectam materiam, ut in *sp. leg. 15. §. 4. D. locati, l. 8. C. cod. tit. & l. 125. sup. de V. S. &*, ut hac R. dicitur, ea sententia excipienda est, quæ rei gerendæ aprior est: si-
 ve de Ambiguitatibus legum agatur, *l. in ambigua 29. D. de legibus, ubi dicitur, in ambigua voce legis eam potius accipiendam esse significationem, qua VITIO CARET: præsertim etiam cum voluntas legis ex hoc colligi possit*: si-ve de Ambiguitatibus dubioque quaratur in hominum actibus: iique si-ve actus judiciales sint, si-ve extrajudiciales: Nempe si proponatur ambigua actio vel exceptio, *commodissimum* est, id est æquissimum, id accipi quo res qua de agitur magis valeat quam pereat: *l. quotiens 12. D. de reb. dubiis*: adde & *l. 172. infra*. Et hæc de actu judiciali. Spectatur & hæc Reg. in actu reve extrajudiciali, veluti in ultimis voluntatibus, de quo *v. l. 9. 109. de legat. 1. l. 34. §. 1. de leg. 2. d. l. 16. in princ. ad Trebell.*: in contractibus & stipulationibus: ut in *l. ubi 21. de reb. dub.* ubi Paulus dicit, semper in dubiis id agendum, ut quam tutissimo loco res sit bona fide contracta: in *l. quotiens 80. de V. O.* ubi Ulpianus pariter ait, *commodissimum* esse id accipi, quo res qua de agitur in tuto sit. Pertinet autem hujus Reg. nostræ species propterea ad Ambiguitatem in *Contractibus*, ut præbet argumentum libri proxime sequentis 88. Juliani Digestorum, qui & ipse de *Contractibus* est: Nam ex lib. 87. unde hæc l. desumpta est, nullum argumentum suppetit, cum unicum hoc exinde fragmentum extet.**

Ergo si ambiguus sermo, qui scilicet duas sententias exprimit, in contractu aliquo proponatur, ea sententia sequenda est, quæ aprior est rei gerendæ, id est rei seu negotio & contractui qui inibatur, ejusque adeo naturæ & conditioni. Extra hunc finem, si non agatur de natura & conditione contractus, eoque sustinendo, verum ambigua tantum sint pacta & conventiones, quæ contractui extrinsecus adjiciuntur, tum adversus eum qui pactum adjecit interpretatio facienda est, *d. l. 96. 172. infra, h. t.* Duo proinde gradus illi notentur interpretationis adhibendæ in ambiguo sermone, vel si ambigua sit intentio seu actio, quod utilius est actori accipiendum est, *d. l. 172. infra h. t. & leg. 66. de judiciis*. Quintiliani locus hic omittendus non est, lib. 7. cap. 9. ubi resolvendæ amphiboliz tres rationes reddit. *Amphibolia autem omnis in his erit præstata, aliquando ut sit secundum NATURAM magis sermo, semper utrum sit ÆQUIUS, utrum is qui sit scripsit ac dixit, sic VOLUERIT*. Resolvi scilicet ait amphiboliam ex *Natura*, quomodo hic & *l. 172. ex re gerenda, ex Æquitate*, pariter ut *l. 85. l. 192. §. 1. & ex conjectura voluntatis ejus qui scripsit dixitve*, pariter ut *l. 96. infra*. Rhetores quoque Græci, & in his Hermogenes in partitionibus cap. *περὶ ἀμφιβολίας* 14. hæc in re διακρίνειν τὴν ὑποκείμενὴν urgeri spectarique scribunt. Facessat hinc proinde jam species quam Græci hic apponunt in emptore pharmaci: de quo si ambigatur, utrum bonum vel malum emptum sit, id æstimandum ex qualitate emptoris Medici & venatoris.



Q U I N T A R E G U L A R U M

Collectio, seu Systema.

M I S C E L L Æ R E G U L Æ D E C E M,

Ex variis brevibusque nonnullis trium Jurisconsultorum (Pauli, Ulpiani, Javoleni) libris desumptæ, quinque legibus comprehensæ, puta l. 68. 69. 70. 71. 72.

De jure SINGULARI: ejusque duabus speciebus.

LXVIII. PAULUS libro singulari de dotis repetitione:

In omnibus causis id observatur, ut ubi persona conditio locum facit beneficio, ibi deficiente ea beneficium quoque deficiat: Ubi vero genus actionis id defulerat, ibi ad quemvis persecutio ejus devenerit, non deficiat ratio auxilii.



E jure singulari, seu de BENEFICIO, legali scilicet, est hæc Pauli Regula, pariter ut tres aliæ, puta lex 141. in pri. 162. 196. Quod quidem Jus singulare beneficii quoque & auxilii vocabulis hic exprimitur: Et sane singulare Jus non melius definiveris, quam id esse, quod contra tenorem rationis (propter aliquem favorem, five causæ, reive aut actionis, five personarum conditionis, vel propter utilitatem aut necessitatem aliquam) beneficii & auxilii vice publice tribuitur. A qua definitione neque ea recedit quæ proponitur in leg. jus singulare 16. D. de ll. & item quæ educitur ex d. leg. 141. in princ. supra. Modestinus in leg. 196. infra b. t. privilegia dixit, quæ huc gemina germana est. Dixi, propter favorem, five causæ reive aut actionis, quo pertinet hæc lex in fin. & dist. lex 141. D. in princ. 196. infr. five personarum conditionis, ut initio hujus l. vel propter necessitatem, d. l. 162. vel propter utilitatem, d. l. 16. ubi interim notanda synopsis aliqua Regularum, quæ hoc titulo in argumento de jure singula-

si versantur. Et distinctio in utraque lege, hac inquam, & *dist. l. 196.* proponitur, inter beneficia Juris personalia & causæ seu actionis.

1. Non est igitur hæc R. accipienda de *Pactis privatorum*, etsi verum sit eandem in iis distinctionem obtinere, puta pacta personalia ad heredes &c. non transire, realia transire, *l. 7. §. pact. D. de pact.* 2. Non item spectat ad beneficia Principum singularia, etsi verum sit pariter, ea persona deficiente quoque deficere *l. 1. §. permittitur, D. de ag. plur. & asriv.* 3. Non item accipienda est de Beneficiis Testatorum seu Legatis: de quibus etiam est *lex prox. invito*, veluti servitutis legatæ, in quibus & hæc distinctio obtinet *l. 6. D. de servit. legat.* ubi eleganter, legatum, quod rei seu prædii datum est, vocatur *plenum Legatum*. 4. Tandem non est accipienda de *Concessione liberali privati*, etsi & ibi distinctio eadem obtinet *l. pen. de servit. rusticis*. Quæ quidem interim varia beneficiorum genera hic notanda sunt. Quid igitur? Est hæc R. pariter ut *d. l. 196. infr.* de jure publico singulari, & de juris seu Legali beneficio auxiliorum: & quidem circa actiones exercendas, excipiendas, ubi duæ species Juris singularis proponuntur. Unum quod personæ datum est, alterum quod generi actionis. Nempe jure comparatum est, ut actiones & exceptiones latius modo, modo strictius pro favore aliquo singulari exercentur, excipiantur. In omnibus causis igitur hæc l. ita accipiendum est, in omnibus actionum generibus, ut ostendunt sequentia verba, ubi *genus actionis*, item *persecutio* &c.

Exemplum peti oportet ex actione Rei uxoriæ, sive de *dotis repetitione*: quod manifeste docet inscriptio hujus legis. Est enim ea desumpta ex Pauli libro singulari de *dotis repetitione*. Ponamus igitur exemplum geminum in hac actione, ac primut in ea excipienda; quam speciem quoque habet hic Theodorus Hermopolites. Marito scilicet beneficium seu auxilium illud *απονομον* tributum est dotis nomine soluto matrimonio convento, ut in quantum facere potest, non ultra, conveniatur, id est, sic ut ne prorsus egeat, de quo jam aliquid dictum est ad *l. 128. supr. h. r.* & dicitur adhuc ad *l. 173. in princ. infr.* Atenim heredi ejus vel fidejussori post solutum matrimonium dato non idem præstandum est beneficium, non eadem exceptio, quia personale est, & cum persona extinguitur, *l. 12. 13. D. sol. matrim. & l. exceptiones 7. D. de exception.* Reverentia enim maritali id tribuitur, *l. un. §. cum autem, Cod. de rei uxor. action.* ne scilicet repente inops fiat, qui mulieris olim fuit dominus, ut Harmonop. lib. 4. tit. 9. §. 14. vel ut Theodorus Hermopolites ad *d. l. 173. infr. αἰσχύνεται ο νύμφη παρρησίαν δοῦσαι τῇ ἡδίᾳ καὶ πρὸς τὸν ἀνδρῶνα τῆ βίᾳ, πᾶσις ἀπορρονοῦσα τῷ ἰδίῳ ἀνδρῶν*: seu ut idem ad hanc legem dicit, *ἡ δὲ γὰρ τῇ ἑαλέῃ καὶ τῷ αἰδῷ τῷ ἀνδρὶ ὅτις ἀπὸ τοῦ νύμφης δόσεται.* Similiter, ut quod & aliis personis conceditur, veluti patri, patrono, socio, donatori: *d. l. 7. de exception. l. 24. 25. D. de re judic.* (qui tamen hujus l. casus non est, quod Accursius credidit) de quo jam quoque ad *l. 59. supr.* Alterum exemplum (& magis conveniens huic Reg.) ponendum est in Muliere ipsa dotem repetente: Notum est duplex jam olim privilegium mulieri tributum in dote repetenda; privilegium, inquam, ordinis, & beneficium tacite hypothece: Illud scilicet, ut creditoribus omnibus personalibus & chirographariis præferatur, *l. 2. D. de jur. dor. l. 17. §. ult. & l. seqq. de reb. autor. jud. istud*, ut in bonis mariti tacite hypothece jus habeat, & a quibuscunque possessoribus bona mariti vindicare possit: Additum est & postea tertium privi-

privilegium a Justiniano; *l. assiduis C. qui potior in pign.* ut mulier omnibus creditoribus etiam anteriorem hypothecam habentibus præferatur: Ut hæc tria privilegia mulierum sunt, ita alio atque alio Jure censentur: Privilegium scilicet ordinis ad heredes non transmittitur, *l. un. C. de privileg. dot. & d. l. assiduis*, quia personale est. Mulieri enim ideo beneficium istud ordinis & prælationis datum est, ut dote repetita facilius numerare denuo posset, quæ ratio in herede cessat. Secundum privilegium tacite hypothecæ in bonis mariti, non mulieris personæ coheret, verum causæ tributum est: & ideo ad heredes transmittitur *l. un. §. 1. C. de rei uxor. action. §. fuerat, Inst. de action. Potestatem privilegium singulari Justiniani beneficio nonnisi ad liberos transmittitur*. Alia nonnulla dicuntur ad *d. l. 196. infr.* quæ huic omnino concordat. Sed & questionem hanc, utrum privilegia & quando & quomodo ad alios transcant seu transmittantur, ex professo tractat Nicolaus Noalius *tractat. de transmissione, casu 23*. Et specialius adhuc materiam transmissionis privilegiorum dotis plene tractatam invenies per Baldum Novellum *de dote 12. part. princ.* per Campegium *in simili tractatu de dote, part. 1. quest. 81. 82.* per Martam in *l. 1. quest. 4. D. sol. matrimon.*

BENEFICIUM invito num datur.

LXIX. IDEM (PAULUS) libro singulari de adsignatione libertorum.

Invito beneficium non datur.

DE BENEFICIO est hæc Reg. pariter ut lex super: Illa, de legali proprie: hæc de beneficio a privato seu testatore oblato. De quo quaeritur, utrum id invito alicui aliquando dari seu obtrudi possit? Quod quidem beneficium regulariter tale est, tale munus, talis beneficentia, ut quemadmodum a mera id beneficium præstantis voluntate judicioque, nulla vero juris necessitate, proficiscitur, ita & id ei qui suæ spontis est arbitriique a se spernere liceat?

Et vero ait Paulus hac R. generali, non dari beneficium invito: Quod & ipsum ostenditur *l. 156. in fin. infr. b. 1.* ubi dicitur: *Invito non tribui quod cuique pro eo præstatur*. Scilicet ut nemo invitus beneficium dat, *l. donari 82. infr.* ita vice versa neque invito datur: quin licet beneficium cuique spernere, fastidire. Beneficiorum hæc summa est, si illis uti non licet: contra definit esse præmium, si cui necessitas imponitur: beneficium non est accipere cogi: quam in sententiam v. quæ Seneca, 2. *de benef. cap. 18. 19.* Plinius, *in Panegyrico*. Ait vero lex *Beneficium*: Alia enim ratio est (quæ velut exceptio tamen male ad hanc Reg. a nonnullis adducitur) officiorum & munerum publicorum & civilium, quæ utique invitis impinguntur, *l. 31. Cod. de Episcopis, l. 18. §. 16. D. de munerib. & honor.*: & in invitos: sic invito pupillo tutor datur, *l. 5. & 6. D. de tutorib. & cur dat. l. 2. in princ. & §. Divus, §. si quidem, D. qui per. sui*. Quamquam neque invitus proprie dici potest; qui nec velle potest. Primus igitur hic interpretum error est, quod de officiis ad hanc Reg. tractant, hancque primam velut exceptionem hic perperam apponunt. Rursum ait lex *beneficium*: non quidem in sp. hujus Reg. legale seu publicum, quod jure publico deferretur, i. privilegium, vel

ius singulare: quo sensu *beneficium* vox effertur in *l. super*: verum privatum beneficium, pariter ut in *sp. d. l. 156. §. ult. infr.* Qua parte secundus error est interpretum, & in his Placentini & Accursii, qui de privilegiis seu de jure singulari, quæ beneficia publicæ sunt, hanc quoque legem accipiunt, eoque ampliant: etiam verum quoque regulariter ibi sit, privilegium seu beneficium, quod lege seu jure publico cui deferretur, non dari invito: quia respondere id, eique renunciare cuique licet, juri quoque adeo pro se introducto, *l. pen. Cod. de pælis*. Nam & ita mulier Senatusconsulti Vellejani beneficio renunciare potest, *l. ult. §. pen. D. ad SC. Vellejan.* Ita minor restitutionis beneficium a Prætoribus impetratum fildidire & contemnere potest, *l. si iudex 41. D. de minorib.* ubi hæc quoque ratio redditur, quia unicuique licet contemnere hæc quæ pro se introducta sunt. Ita Falcidiam heres remittere potest, *l. potest 71. D. ad l. Falcidiam*, ita Trebellianicam, *l. qui totam 45. l. si heres 68. §. 1. D. ad SC. Trebell.* Ita hereditatem quisque ut testamento delatam ita & legitimam & bonorum possessionem respondere potest, seu invito hereditas non acquiritur, *l. 3. §. invito, D. de bon. poss. l. nec emere 16. Cod. de jure delib. l. ult. Cod. unde legitimi & unde cognati*, quia hereditas & bonorum possessio interdum damnosa est, *l. 32. mandati*, secum triant commoda & incommoda: proinde nemo invito alieno ari adstringitur. Ita fori præscriptioni cuilibet renunciare licet, *d. l. pen. Cod. de Episcop. l. pen. Cod. de pælis*. Ita debitor diem solutionis lege præstitutum antevertere potest, de quo dixi ad *l. 17. supr.* Non, inquam, de hoc beneficiorum legalium genere hujus R. species proprie accipienda est, verum de privato beneficio, munificentia, liberalitate. Quod docet inscriptio hujus l. est enim ea desumpta ex Pauli libro singulari *de assignatione libertorum*: Scilicet assignationem liberti a patre sibi factam filius repudiare potest, *l. 1. §. sed si is, D. de assign. libert.* Cujus rei effectus hic est, ut repudiata assignatione ab eo cui libertus assignatus est, liberi repudiantis nil præcipui habeant, seu libertum parenti suo assignatum vindicare non possint, verum libertus assignatus fratrum communis fiat, *d. §. 7.* Eadem ratione & liberalitas seu donatio, quæ beneficium genus est, invito adquiri non potest, *l. hoc jure 19. §. non potest, D. de donat.* seu, ut loquitur lex *nec emere 16. Cod. de jure delib.* nemo cogitur donatum adsequi. Ita emancipari liberi invito non possunt, *l. 15. in fin. Cod. de emancip. liber.* Paulus 2. sent. 25. §. ult. Novella 89. cap. 11. Ita Romanam civitatem reculare nemini non (ita etiam legendum) servorum licitum est, *l. ult. §. 2. Cod. de testam. manumiss.* Et sane quosdam olim se nec manumitti seu domini potestate exire voluisse, patet ex Exodus, cap. 21. v. 1. & Querolo Plauti: Ita invitum debitorum creditor ipse liberare non potest, *l. si debitor 91. D. de solut.* ubi tamen videtur quæ Paulus notat ad Labeonem. *Tertio* ex his jam apparet de tertio quorundam errore, qui ut hanc l. cum aliis, ubi beneficium invito dari videtur, concilient, ita hanc l. ex inscriptione interpretantur, ut ad solam libertorum assignationem nimis arcte eam restringant: sicut & Ravardus in hac unica specie hujus Reg. interpretatione defungitur: Nam genuina quidem species & hypothesis hujus Reg. hæc est, verum & ad alios nihilominus casus similes ea aptanda venit, veluti donationes, concessionem, emancipationes, liberationes: est enim hæc Reg. generalis in sua specie, seu in genere suo. Quarto, ex his quoque apparet de quarto interpretum errore, qui hanc hujus Reg. rationem reddunt: *Quod licet unicuique favori pro se introductio renunciare*: Hæc ratio

tio

tio quippe proprie pertinet ad beneficia legalia, seu privilegia, juraque singularia, quæ lege jureque publico deferuntur: cum hæc lex sit de beneficiis privatis. Et quidem (quod quinto observandum est) de eo beneficiorum genere, quæ pro eo cui deferuntur, inducuntur: Id quod tum ex propria hujus Reg. specie, quatuorque illis quæ modo dixi, exemplis constat, tum expresse quoque ex d. l. 156. §. ult. *infra*: Aliud enim fuerit, ut primæ nunc objectioni occurram, si alterius quoque utilitatem beneficium quod deferitur spectet: ut ecce 1. potest tertius aliquis creditori pro debitor invitato solvere, l. *solvendo* 39. de negot. gesti. l. *solvutione* 23. l. *solvere* 53. l. *si debitor* 91. de solutionib. l. 27. de constit. pec. Inst. quib. mod. toll. oblig. in princ. de quo dicam adhuc ad d. l. 123. in princ. *infra*: non modo omni debitorum (qui ferme tricones nummarii sunt, ut quidam dixit) verum, quia, ut recte Paulus de Castro notavit, solutio, creditoris quoque, non debitoris modo utilitatem continet. 2. Ita quoque servus heres institutus, necessarius heres & liber fit: quia honori testatoris id datum est, l. ult. Cod. de necess. servis, §. necessarius, Inst. de hered. qual. 3. Ita quoque, liberalem causam defendere aliquo invito, propinquo licet: quia servitus cognati ad propinquo- rum injuriam spectat, leg. 1. & seqq. ad 7. usque, D. de liberali causa. 4. Ita patri pro filio omnimodo præstanda restitutio est, licet filius nolit, quia patris periculum vertitur, qui de peculo tenetur, l. patri 27. D. de minoribus. 5. Ita denique Clericus ex Juris Pontificii seu Canonici disciplina fori præscriptioni renunciare non potest, cap. si diligenti exi. de foro compet. quia scilicet beneficium hoc ordini datum autumat: de quo rursum ad d. l. 156. §. ult. Et sic apparet, de eo beneficii genere hanc R. accipiendam, quod pro eo tantum cui competit, datur. Et sic quidem hæc Reg. nullo negotio conciliatur cum quatuor illis postremis, quas apposui speciebus. Quare & ut tertiæ objectioni cuidam (quæ a vulgo Interpretum ad hanc Reg. velut exceptio male additur) occurram, aliud quoque fuerit, si tale mihi non tam beneficium, quam officium generale, naturale, καθολικον ponas, quod in commune salutis suæ sive æternæ sive corporis per æternas improvidis, ex humanitate & pietate debetur: nam & hujusmodi quoque beneficium officiumque invito datur. Ideo scilicet, pro damnato qui ad supplicium ducitur, etsi non mandaverit, sed adquiescat sententiæ, imo etsi resistat adversus provocationem, appellare licet, leg. 6. D. de appellat. quia & nemo auditur perire volens, & hominis interest hujusmodi beneficium hominem affici. Quid quod nec invitus proprie dicitur, qui voluntatem ita pravam gerit, quo etiam pertinet illud Augustini ad Bonifacium, quod furenti & phrenetico & indisciplinato filio medicus & pater salubriter etiam invitis beneficia præstant, medicus illum curando, pater illum ligando, cap. ipsa pietas 23. 9. 4. Ita pupillo, quod & jam antea notavi, invito tutor datur.

Tandem aut lex, *beneficium invito non DATUR*, id est, cum effectu & incommutabiliter; quod sexto loco hic observandum est. Quare, ut quartæ objectioni occurram, necquequam obstat species l. etiam invitis 32. de acquir. rer. dom. & l. servus 62. D. de V. O. ubi per servum invito domino, imo & vetante adquiritur pene ex omnibus causis: excepta hereditate & possessione, nisi pro peculii causa) neque enim incommutabiliter id adquiritur, verum prima tantum facie fronteque: neque enim dominus per servum adquisita retinere cogitur, l. 19. §. 2. D. de donationib. Hoc vero

peculiari ratione, sed civili, evenit: quia in persona servili adquisitio ne momento quidem stare potest: & ut ea consistat, subijcitur, subternitur, substituitur vi ipsa legis potestateque juris, domini persona (qui effectus etiam est dominicæ potestatis) ex qua servus *χαρακτηρίζεται*, characterem adsumit, ut Theophilus recte scribit.

Ex superioribus jam omnibus patet, cum *beneficiis* vox late alioquin accepta, complectatur quoque beneficia legalia seu publica, quæ *privilegia* vel *singularia jura* vocantur: item ea, quæ tertiis quoque alicujus utilitatem continent: item ea quæ jure naturali & communi humanitatis lege præstantur vel civili ratione, attamen hæc l. *beneficii* vocem proprie accipiendam, de eo 1. quod a privato, 2. nulla juris necessitate, 3. pro eo, seu ad utilitatem ejus unius cui id deficitur præstatum.

De GLADIJ, & COERCITIONIS jure: utrum mandari possit.

LXX. ULPIANUS, libro primo, de officio Proconsulis.

Nemo potest Gladii potestatem sibi datam, vel cujus alterius coercitionis, ad alium transferre.

EX Ulpiani libris de Officio Proconsulis duæ Regulae desumptæ sequuntur. Quarum prior hæc ad tractatum de *Mandata* seu *delegatis Jurisdictione* aperte spectat: de *Jurisdictione*, inquam, id est, de publica Juris dicendi, statuendi, exequendi, super quacunque re POTESTATE (qua postrema voce hæc ipsa lex utitur) Nam ita Jurisdictioni recte definitur ex l. 7. in fin. D. de offic. Procon. l. ult. C. ubi & ap. quem cognit.) Nam de *Jurisdictionis* appellationem ad causas quoque criminales pertinere apparet ex tit. de *Jurisdictione* l. 1. D. de offic. ejus cui mand. l. 2. §. 23. D. de O. I. Porro cum alia Jurisdictioni sit specialiter DATA, id est lege vel beneficio Principis specialiter alicui concessa (id enim vox DATA significat hæc l.) alia vero vi ipsa jureque Magistratus competat; de prior, de DATA, inquam, specialiter, ac nominatim de data gladii vel cujus alterius coercitionis potestate, hæc regula quaeritur, utrum is qui specialiter datam hanc potestatem accepit, AD ALIUM TRANSFERRE eam possit, id est utrum is cui specialiter hujusmodi Jurisdictioni data est, alteri eam *deponere*, delegare possit? Id quod hæc lege absque negatur: NEMINEM videlicet id facere posse: *Neminem*, inquam (quæ species hujus legis propria est) id est, ne Proconsulem quidem Legato suo mandare posse. Est enim hæc regula desumpta ex Ulpiani libro 1. de Officio Proconsulis: imo excerpta ex pleniore l. *solent* 7. in princ. D. de offic. Procons. Proconsules scilicet ut Legatos suos habebant, quibus in provincia Jurisdictionem suam, si quando vellent, demandarent, quia ipsi sunt omnibus ex æquo non sufficientes: ita speciatim in d. l. *solent*, id tractavit Ulpianus, utrum Proconsul postet cognitionem *custodiarum* (id est, audientiam de reis criminum qui custodia tenentur) Legatis suis mandare? ubi definit, Proconsulem summo jure id non posse: Subjecta hæc generali R. nostra pro ratione. Et idem tamen mox addit, *scire* etiam hanc cognitionem Proconsules mandare, id, est hoc genus mandati extraordinarium esse sustinerique: ita tamen, ut quod potissimum est, Legati exequi non possint: posse quidem eos audire custodias, sed

non

non posse aut liberare aut dammare. Ac si diceret JCtus, ipsa rerum necessitate adigente, ab hac R. nostra aliquatenus recedi, ita tamen adhuc recedi, uti quod principale est, exercere mandatarius seu delegatus non possit, sed preparatoria tantum, quamlibet & ipsa meri imperii sint. Quibus concordat elegantissima Papiniani *lex 1. D. de offic. ejus cui mand.* Exemplum porro ponit Theodorus Hermopolites, ex ævi sui usu in Drungario, Eparcho, & similibus.

Ut autem hæc R. rectius adhuc intelligatur, de tribus videndum est. 1. Quidnam sit proprie *Gladii* potestas. 2. Quo sensu, quæ altera *coercitio data a gladii* potestate hac l. distinguatur. 3. Quæ denique Ratio sit, cur neutra regulariter demandari possit.

I. *Gladii* igitur potestas generaliter quidem accepta, nihil aliud est quam merum imperium: Nam & ita merum imperium JCtus definit in l. 3. *D. de Jurisdic. gladii potestatem ad animadvertendum in facinorosos*. Quare inter se hæc convertuntur. Merum autem imperium dicitur, non quia summum sit, non quia separatum a privata utilitate, non quia lege specialiter datum (etsi verum sit specialiter id dari:) verum quia secretum, i. non coheret cum ordinaria Jurisdictione, & sic respectu mixti imperii & oppositæ ad id quod Jurisdictioni coheret, d. l. 1. §. ult. in fin. *D. de offic. ejus cui mand.* vel cui Jurisdictio inest l. 3. *D. de Jurisdic.* id est, quod Jurisdictionem & magistratus partem vi ipsa magistratus sequitur. Per *gladii* porro potestatem merum imperium definitur, non materialiter, quasi merum imperium sit, ubi gladio tantum animadvertere magistratus potest; non exemplariter: non a maxima sui parte: verum a Symbolo, quia meri olim Imperii symbolum gladius erat. Hinc adeo jus & potestas *gladii* seu *ferri*, etiam apud externos Scriptores, pro mero imperio effertur. Est igitur merum Imperium, seu *gladii* potestas, provincia, sic ut dicam, criminalis; plenaque modis omnibus coercitio, atque animadvertendi jus in facinorosos. Quare non male hic Græci, qui vertunt *δικαιον τι τιμωρησάμενος τινος κακῶς*.

II. Et hac tamen R. (quod secundo loco hic observandum est,) a *gladii* potestate distinguitur. Quæ altera *coercitio*, id est, specialis aliqua coercitio a generali *gladii* potestate seu coercitione distincte data. Meri scilicet imperii jus non eodem seise semper modo habuit. Nam, ut non omnibus Magistratibus, ut non in omnes personas: ut non in universo semper territorio, ita nec omnimodo semper tribuebatur, seu non omnes partes meri imperii unam in personam semper concurrabant: Hinc adeo Consul *gladii* jus olim habebat, & relegandi tamen jus non habuit, l. 14. *D. de interd. & relegat.* Præfes item qui jus gladii alioquin & in metallum dandi habebat, deportandi tamen jus non habuit l. 6. §. 1. d. *in de interd. & rel.* l. 2. *D. de penis leg.* l. 5. §. 3. *D. de leg.* 3. Imo hodie neque jus confiscandi habet, etsi jus *gladii* habeat, l. un. C. *ne sine jussu Princ. cens. Judic. lic. confisc.* Præfectus denique vigilum jus habebat atrociter verberandi, jus *gladii* non item l. 3. §. 1. & l. 4. *D. de offic. præf. vigil.*

Ergo ex his jam conficitur, *Gladii potestatem*, cum omnes alioquin meri imperii species seu partes designare soleat, l. 3. *D. de jurisdic.* hac tamen indicari specialiter & proprie vitæ adimendæ potestatem: quæ altera vero *coercitione* designari graviores alias penas, non vitam, sed libertatem, aut civitatem adimenes, veluti in metallum damnatio, deportatio &c. quæ tamen & ipsæ meri imperii sunt, l. 8. §. a *Præfeco D.*

de

de penis, l. 1. §. 4. *Præfclis D. de legat. 1. l. 6. §. 1. D. de interditiis*. Ex certe ita quoque in l. *illicitas* 6. §. *penult. D. de offic. Procons.* jus gladii distinguitur a potestate in metallum dandi. Alioquin coercitio levior, cujus fit quoque mentio in l. *Prætor* 7. §. 2. & in l. *non solum* 11. §. 7. *D. de injur.* quæ mixti Imperii est, indubie in alium transferri potest, l. *ult. §. ult. de off. ejus cui mand. Jurisd.* verum ut dixi, non de modica coercitione hic agitur, de qua l. *offa* 8. §. 2. *D. de religiosis*, sine qua Jurisdictio nulla, vana, ridicula, clumbis est, d. l. *ult. §. ult.* veluti, multæ dictio, pignoris capio corporis prehensio, incarcerationio, vincula, verbera, quo pertinet Ciceronis locus lib. 3. de legibus: *Magistratus, inquit, nec obedientem & noxium civem multa, vinculis, verberibusque coercent*: denique, sine hac modica coercitione jurisdictio expediri non posset. Non, inquam, de hac modica coercitione hic agitur, sed agitur de graviore, quæ scilicet DATA est lege: id enim hic *non tu non* repetendum est: Quæ ideo severior coercitio, vel major animadversio vocatur, l. *si quid eris* 11. *D. de off. Procons. l. ult. §. 5. Cod. de modo multarum*: Imo, ut hic simpliciter, coercitio, pro graviore l. 1. *D. de termino mose*: & simpliciter quoque animadversio l. 1. §. *qui mandatum, D. de off. ejus cui mand. est Jurisd.*

III. Ex his jam apparet, quod postremo hic loco tenendum est, de Ratione hujus Reg. Ideo scilicet merum Imperium seu jus gladii alicui datum vel quæ alia coercitio, gravior scilicet ad alterum transferri, id est, alteri demandari *non potest*, *perpetua* non potest, quia perpetua hæc Juris regula est, ut quæcunque specialiter lege vel S^{cto} vel constitutione Principum tribuuntur, mandata Jurisdictione non transferantur, seu transferri non possint: quam regulam proponit Papinianus d. l. 1. *de off. ejus cui mand.* Cujus ipsius Reg. ulterior ratio hæc est, quia Magistratus ipsius seu officii genus a lege, &c. delectum est, beneficioque adeo legis habet usum & exercitio- nem hujus juris, non proprio jure: Cavetis enim dicas, industriam electam, quod recte refutavit Bellonius. Omnium vero postrema ratio, cur merum imperium non competierit vi magistratus, sed specialiter lege tributum fuerit, hæc est, quia merum imperium Populus sub libera Republica ac postea Princeps Republica in Principatum versa, sibi servaverat: utpote in quo ageretur de summa omnium re, puta de capite hominis, de vita, inquam, adimenda, de servitute injungenda, de civitate auferenda, deque exilio & coercitione corporis irrogandis, *leg. si quis forte*, 6. 7. 8. *D. de penis*. Quare quibus merum imperium demandatum erat, *ii publici judicii exercitium habere* dicebantur, *publici*, id est populi viceque populi, d. l. 1. *D. de offic. ejus cui mand.*

Ex superioribus tandem apparet, perperam cum hac l. misceri alteram illam Regulam, quæ ab hac diversissima est, totoque casu differt, quæ continetur l. 123. *infra*, ubi dicitur, *Neminem alieno nomine lege agere posse*: ut ad eam plenius ostendatur.

COGNITIONE seu DECRETO *Magistratus quando opus sit.*LXXI. IDEM (*Ulpianus*) libro secundo de Officio Proconsulis.

Omnia quæcunque causa cognitionem desiderant, per libellum expediri non possunt.

DE COGNITIONIS Prætoriz & Proconsularis forma est hæc Reg. pariter ut l. 109. *infra*. Hac definitur, quando DECRETO Magistratus, verbi gratia, Proconsulis, opus sit: quænam contra per nudum LIBELLUM expediri possint: Nempe, ubi causæ cognitio desideratur, per libellum id expediri non posse, & sic decreto opus esse: ubi non desideratur, expediri id per libellum posse. Id inquam definitur *hæc leg.* quæ decerpta est ex l. 9. §. 1. *de Off. Procons.* cuique ex hoc eodem Ulpiani libro 2. conjungendæ sunt *lex 42. de minor. lex excusare D. de excus. tutor. & lex 6. de accusa-tion.* de quo mox plura. Officium igitur Proconsulis, atque adeo cuiuscunque Magi-stratus Populi Romani, ab Ulpiano hæc Reg. instruitur: non quidem (quæ veterum Interpretum sententia fuit) quasi ea id indicetur, Magistratum edito suo non delegare eas causas, vel non posse Judicem dare, in iis causis, in quibus causæ cognitio desi-deratur: Quam sententiam primus Joannes Faber, posteaque Budæus, & utriusque nominibus suppressis Alciatus & Petrus de Stella recte refutarunt, refutavit quoque Bellonius, *de mand. Jurisd. cap. 8. qu. 7. num. 18. 19.* Verum, ut cognitioni Procon-sulari modus & ratio præscriberetur; differentia videlicet, non inter Magistratum & Judicem datum aut Delegatum facta, verum inter expeditionem per libellum, & expe-ditionem cum causæ cognitione & Decreto per eundem Proconsulem. Duplex videlicet hæc cognitionis Prætoriz, atque adeo & Proconsulis forma olim fuit: nempe, ut quæ-dam per libellum expediri possent, in aliis vero decreto (*pro tribunali* scil.) opus esset: Hinc adeo, adire Rectorem provinciz *pro tribunali* & *per libellum* opponuntur in l. 2. *Cod. quem. testam. aper.* & delato ad Prætozem vel Prælidem provinciz libello quid fieri, & conscribi apud acta causis probatis l. 6. *Cod. de prædiis minor.* Per libellum, igitur, id est, ad solam partis supplicationem, seu delato libello, & sic per nudam sub-scriptionem ad libellum, citra causæ cognitionem, & adversario non vocato; de cu-jusmodi ad libellos subscriptionibus videnda est *lex 39. D. de falsis l. 15. D. de in jus voc. l. 3. §. 11. Cod. Commination. Epistolas, Epigramm.* Ut solent ea ferme quæ mo-ram non patiuntur, vel etiam ea, in quibus periculum nullum subest: ut sunt allegatio-nes exculpationum, quas tutor proponit *leg. 13. §. 10. D. de excusis. tut.* ut alimenta cui constituantur *l. si quis a liberis, §. si vel parens, de agn. lib.* Aliæ vero causæ sunt, quæ ut pro Tribunali expediri debent, ita causæ cognitionem omnino desiderant ex-actam, sedulam, & adhibito consilio decretum, plenam decreti interpositionem, ut recte hic Gl.

Atque hæc est Reg. hujus sententia, quæ ut dixi repetita extat l. nec quidquam 9. §. 1. *D. de offic. Procons.* (sed cui vitiose inscribitur *liber. 1. de officio Proconsulis*, aliter at-que P. Faber & Labitrus, qui hanc ex illa emendari volunt). Er sane conjunctio *legis 25. D. de excus. tut.* hanc quoque conjecturam juvat, utpote in qua ex eodem libro 2.

de

de officio Proconsulis dicitur, *Tutorem per libellos non posse se excusare*, id est, ut maxime causas excusationis allegare possit, (ut jam ostensum est *ex l. 13. §. 10. D. cod. iis.*) Attamen in admittenda excusatione causæ cognitionem & decretum desiderari, neque per libellum expediri posse. Confirmat id ipsum ex eodem libro 2. *lex 6. D. de accus.* ubi dicitur, *Proconsulem oportere levis crimina audire & discutere de plano.* Tandem hoc ipsum arguit argumentum illius libri 2. in quo diserte actum fuit Ulpiano de forma cognitionis Proconsularis.

Maneat itaque, per libellum, item de plano expediri non posse, quæ causæ cognitionem desiderant: Exempla hæc sunt: Tutoris datio, confirmatio, quia causæ cognitionem desiderant, per libellum & de plano expediri non possunt, sed causa cognita & per decretum *l. 7. §. 1. D. de confirm. ius.* Idem in excusatione tutoris: neque enim excusare se tutor potest per libellos, *d. l. 25. de excus.* quæ, ut dixi, ex eodem libro desumpta huic conjungenda est. Idemque de suspecti Tutoris remotione dicendum est *l. 4. §. 1. D. de suspect. tutor.* Idem de transactione super alimentis, de quo v. post alios Scip. Gentilem *de alimentis cap. 22.* Idem si disceptetur, ubi morari vel educari pupillum oporteat *l. 5. D. ubi pupillus educari*, (quæ ex Ulpiani libro 3. de officio Proconsulis desumpta est). Idem sentiendum de alienatione prædiorum minoris *l. minorum 6. C. de prad. & aliis rebus minor.* Idem de restitutione in integrum *l. 32. D. de minor.* de qua in integrum restitutione hoc ipso libro 2. Ulpianum egisse docet *lex 42. D. de minor.* Idem in dilationibus tribuendis *l. 4. C. de dilation.* Idem in manumissione a minore 20. annis facienda, *l. 15. §. 1. D. de manum. vindict.* Idem in accusatione publicorum criminum, & vice versa in eorundem abolitione, ut docet *d. lex 9. §. 3. de offic. Procons.* (quam libro secundo restituendam dixi) & *d. l. 6. D. de accusat. l. 1. §. abolitio, D. ad SCrum Turpill.* Postremo idem sentiendum de decretali & extraordinaria bonorum possessione, veluti Carboniana, *l. 3. §. si causa 8. de bonor. possess. l. 3. §. causa cognitio, & §. pen. D. de Carbon. edito, l. 2. §. dies, quis ordo in bon. poss.* Nempe hæc omnia, uti causæ cognitionem desiderant, ita per libelli subscriptionem vel de plano expediri non possunt, sed decretum requirunt.

Ab hac tandem Reg. multum distat, quod dicitur *l. de unoquoque 47. D. de re jud.* de unoquoque negotio præsentibus omnibus quos causa contingit, judicari oportere. Quam tamen Gl. hic in prima sp. tentabat: ubi per libellum accipi volebat, id est per sententiam latam partibus absentibus, & ad eos velut epistola missa.

PIGNORANDI jus num pars sit usufructus.

LXXII. JAVOLENUS libro tertio ex posterioribus Labonis.

*Fructus rei est, vel * pignori dare licere.*

* vel, pro etiam, saltem, nam to sumendus, Græci.

DE PIGNORANDÆ rei alienjus jure seu licentia est hæc Reg. qua quaeritur, utrum id jus pars fructus sit: & sic utrum jus istud (nam hic hujus l. i. copus est sensus-

que

que, mox ut ostendam) ad fructuarium quoque pertineat? Et definitur, sive a Javolenone, sive a Labeone, *fructum rei esse, vel pignori dare licere*. Quæ quidem Reg. totidem verbis repetita extat in *l. ult. D. de usus; fructib. & mora*. De cujus tamen sententia hæcenus adlabrant Interpretes.

Post Joannem, Bulgarum & Accursium, recentiores pene omnes hanc Reg. accipiunt de Domino ipso, seu de proprietario rei alicujus, hoc sensu; In rei vindicatione venire quoque in restitutionem seu æstimationem commodum, quod Dominus rei percipere potuisset ex re sua, vel pecuniam quæ sibi mutaretur, hac ratione inveniundo, vel ejus campos permittendo tertio cuidam eam pignori dari: Nam & ita evenire potest, ut videlicet non tantum alteri commodare rem possim, ut eam pignori dare possit, sed etiam mercede locare, *l. 5. §. rem tibi 12. D. commod. l. pen. Cod. eod. l. 19. §. 1. de præscript. verb. & compendium aliquod inde facere, si cui permittam mercede interveniente alteri rem eam pignori obligare, quemadmodum & pecuniam quis accipere potest, ut pro alio se obliget & fidejubeat, l. 19. §. 1. de donat.* Verum hæc sententia & falsa est, & aliena. Falsa: nam æstimatio utilitatis illius in jure nostro non admittitur: Ea quippe demum utilitas, id demum interesse, in æstimationem venit, quod circa ipsam rem est, (quod intrinsicum quidam vocant) eique proxime cohæret, non vero commodum negotiationis, vel lucrum interceptum apparet ex *l. si sterilis 21. §. 3. D. de alien. empiri*. Aliena rursum hæc sententia est: quia hæc Reg. non agitur de danda seu concedenda alteri a privato, rei alicujus domino, ejus pignorandæ licentia, verum de *licentia a jure data* alicui seu competente rei alicujus alienæ pignorandæ: *Fructus, inquit, rei est, vel pignori dare licere*. Non item est hæc Reg. de fructibus, quos Creditor ex rebus pignori acceptis percipit: de quibus agitur *l. 41. §. ult. D. de hered. petiti*. ad quam tamen nonnulli hanc R. adnotant, ut nec de pignorandi licentia, quam creditor habet, de quo *Cod. si pignus pignori*, &c. Quid igitur? Referenda est hæc Reg. ad FRUCTUARIUM, cui legatus est verbi gratia rei alicujus usufructus: Actum quippe Javolenone lib. 3. posteriorum Labeonis, de legatis: ut ostendit *lex 10. D. de suppellect. leg. l. 28. de rebus dubiis*: & nominatim quidem de usufructu legato: ut apparet ex *l. cum usufructum 24. D. quibus modis usufr. amittatur*, quæ ex eodem libro desumpta una cum duabus superioribus huic l. coassanda venit. Neque tamen, quod Glossa putavit, differentia hic indicatur inter proprietarium & fructuarium: quasi id indicetur, dominum rei fructum etiam hunc in re sua habere, ex ea percipere, quod rem pignori dare possit, non etiam fructuarium: Nam imo de jure fructuarii est hæc Regula, posse scilicet fructuarium usufructum suum pignori dare, quod etiam definitur *l. si is qui 11. §. usufr. 2. D. de pignoribus, & l. 15. D. eod. tit.* non quidem, ut rem ipsam seu proprietatem pignori dare possit, quod utique non posse & ratio & textus expressi ostendunt, in his *lex interest 6. C. de usufructu*: verum usufructum seu perceptionem fructuum quam in eo habet. Usufructuarius scilicet non tantum fructus pendentes, ut in *sp. l. & qua 15. D. de pignoribus*, sed & usufructum ipsum suum pignori dare potest, non fructuarium rem. (Quod tamen ipsum hac l. indicari quidam putant) sed perceptionem fructuum seu usufr. ut loquitur JG. in *l. si usufr. 66. in fin. D. de jur. dot. l. si postulaverit 27. §. 11. D. ad l. Jul. de adulter.* Quamquam neque adeo incommoda hæc ipsa sententia fuerit, si modo *cum causa sua* rem pignori dare posse usufructuarium

Tom. I.

Ec

dica.

dicamus, quamdiu scilicet usufructus consistit, & dummodo salva sit rei substantia. Sed nos cum JC. nostris loqui malumus, ut scilicet usufructuarius usufructum suum pignori dare possit, non rem. Et cur quæso cum usufructuario pignori dare non liceat, cum & concedere & locare & vendere & precario concedere alteri & donare possit, §. 1. *Inst. de usu & habit. l. arboribus* 12. §. *usufructuarius* 2. l. *cui usufructus* 67. *D. de usufructu* l. *si is qui* 11. §. *usufr.* 2. in fin. *D. de pignoris* (ubi Papinianus hoc argumento utitur a jure vendendi, ad jus pignorandi) l. *necessario* 8. §. 2. *D. de periculo & comm. rei vend.* ? Et certe fructuarius fructuum ratione domini appellatione continetur, l. 8. in princ. *D. de reb. ant. Jud. possid.* & usufructus honorum appellatione venit: de quo V. Castillum *de usufr. cap. 52. num. 10. 11.* Cyracum, *controz.* 490. *num. 2.* Summa igitur ratione id facere potest fructuarius: ea scilicet quæ hic redditur ratione, quod *fructus rei sit vel pignori dare licere*: Nempe (quæ paraphrasis est hujus Reg.) *Fructus rei est* (quasi pars fructus seu usufructus est, ac proinde ad usufructum & fructuarium quoque pertinet) VEL, (id est etiam hoc, vel hoc ipsum), *ut fructum pignori dare liceat*: ac si diceret, cum ad fructuarium pertinet omnis utilitas rei, omne emolumentum l. *Mavius* 66. §. *fundo* 6. *de leg. 2.* omnis fructus, ut dicitur l. 7. *D. de usufructu*, vel fructus emolumentum, l. *com silis* 76. §. *dominus* 2. *de leg. 2.* certe & hanc utilitatis fructusque partem esse ut pignori dare ei liceat. Pignori dan li licentia, & ipsa fructus pars est, & utilitatem continet: sic enim debitori creditur §. *ult. Inst. quib. modis re*, & eximitur molestia querendi hujusmodi. Apage sis ergo mihi eorum subtilitatem, qui de fructu *causali* id est qui causæ seu proprietati coheret hanc Reg. accipiunt, quasi proprietarius & hic fructus, hæc utilitas, ut rei dominus rem suam pignorare possit. Ut & illa sententia improbanda, quasi id hac Reg. definiatur, posse proprietarium formalem usufructum in re sua constituere, & quidem pignori cum dando, l. 1. *Cod. si pignus pignori*. Id enim utrumque verum licet sit, attamen ad hanc Reg. non pertinet. Est item absorta hujus Reg. interpretatio, quam etiam qui de pignoris haud ita pridem commentabatur, amplexus est, quasi id hac Reg. dicatur, etiam eum qui tantum rem pignori dare potest, qualis est *creditor*, censi alique ejus fructum habere: Gravis enim hic error est, cum *fructum* hic pro utilitatis & emolumentis specie quadam accipiant: *fructus* enim hic est jus utendi fruendi. Ergo & hoc ipsum in fructu est, seu usufructus pars est, quod cum fructuario pignori dare liceat. Quod quidem Jurisconsultus scripsisse videtur ad differentiam *usuarii*: *Usuarius* scilicet, qui nudum usum habet, usum suum pignori dare non licet: (quod sane colligi quoque potest ex l. 13. *D. de usu habit. & §. 1. Inst. ced. tit.*) fructuario licet, quia *fructum* habet, id est omnem rei utilitatem: cujus pars est & hæc ipsa pignoris dandi licentia. *Licere*, ait lex, jure scilicet id enim hac voce indicatur h. l. & l. 21. 41. in princ. 144. in princ. 197. h. r. Quare & illa jam conticeat questio, pace clarissimorum virorum, utrum ex *Equitate* tantum, an ex rigore juris id fructuario liceat: cum LICERE id h. l. dicatur: Et quod Papinianus in d. l. 11. §. *usufructus* 2. *D. de pignoris* dicit, *tenendum creditorem*, id non eo sensu dicitur, quasi ex *equitate* tantum Prætoris id sustineatur, verum quia Prætoris est legem sequi & exequi: & quidem *exceptione* data creditori hoc casu adversus proprietarium, si creditorem cui usufructus a fructuario pignori datus est turbet, seu pulset. Id enim est

EST TUERI: sic ut non ideo ususfructus amittatur, si fructuarius usumfructum suum pignori det: neque enim hic modus est ususfructus finiendi: de quibus alioquin modis finiendi usufr. hoc ipso libro tertio egit Javolenus in *d.l.24.D. quib. mod. usufr. amittatur*. Ergo fructus seu ususfructus rei ipso jure pars est, VEL pignori dare rem fructuariam: VEL, i. *saltem*, hoc ipsum, *istud etiam*: quomodo passim hæc vox effertur: ut vel in illo Virgilii: *vel Priamo miserandamur*: item: *Carmina vel celo possunt deducere Innam*, v. Donatum in *Terentium*: & Servium, in *Virgilii loca illa*. Et hætenus quidem de genuina hujus R. sententia adversus Interpretes. Ut mirum videri possit in hac questione utrum fructuario usumfr. pignori dare liceat, nonnullos, etiam Merlinum, qui de pign. ultimo loco scripsit, *lib. 2. t. 1. quest. 22.* ne mentionem quidem hujus l. fecisse: quæ tamen eam in rem expressa est. Item ex his quoque quæ supra dicta sunt, apparet de Tribonianii errore, qui hanc ipsam l. seu Regulam collocavit sub titulo *D. de usuris & fructibus*. Neque enim de fructibus hic agitur, qui cum usuris ambulant, verum de fructibus, qui ususfructus jure percipiuntur: nisi eadem opera voluisset Tribonianus eodem titulo totam ususfructus materiam ibi coacervare, vel sane (quod & alibi sepe evenisse scimus & verò notandum est) Tribonianus ibi aliam Regulæ illius mentem esse voluit: nempe fructuum partem hanc quoque venire in præstationem, quod eam rem pignori dare licuisset, atque hac ratione rem facere, Quod tamen ego non credam propter ea quæ supra jam diximus.



SEXTA REGULARUM

Collectio, seu Systema.

MUCIANÆ REGULÆ,

MUCIANÆ Regula quinque hæc unica l. proponuntur; Muciana, inquam, id est desumpta e Q. MUCII SCÆVOLÆ libro singulari opus, id est sententiarum seu Regularum & definitionum, quas ex jure in foro pridem receperat, neque dum tamen scriptas, primus Q. Mucius Scævola certum in corpus compegerat, & sic (quod Pomponii de eo judicium est in l. 2. D. de O. I.) primus Jus civile constituerat generatim id in libros decem & octo redigendo, cujus etiam pater decem libellis jus fundaverat. Ut proinde, non antiquior ulla collectio Regularum in tota Jurisprudentia Romana inveniat. Ex eodem aliquin libro opus Mucii desumpta supersunt tres aliæ Regula, puta lex 141. D. de V. S. l. 64. D. de acquir. rer. domin. l. 8. D. de aqua quotid. Porro quam male hujus R. inscriptio concepta fuerit in Haloandrinis Pandectis, jam olim ostendit Anton. Augustinus, lib. 1. Emend. cap. 4. pag. 42. & post eum Baldinus in Jurisprud. Muciana pag. 158. Postremo notandum ad Mucii Scævola Regulas scripsisse quoque Pomponium: ex cujus libris sunt infra quatuor Regula in l. 203. 204. 205.

TUTELÆ consequens hereditas quando sit.

LXXIII. *Quintus Mucius* * *SCÆVOLA* libro singulari opor.*Quo tutela redit, eo * hereditas pervenit: Nisi cum femina heredes intercedunt.** *Quintus Mucius Sæmpronius*. Quo tutela redit, &c. ita Haloand.
* et Haloand.

RIMA isthæc e Mucianis R. ad Tutelas legitimas pertinet, & in sum-
mam argumentum continet seu suppedicat, ab onere tutelæ, ad com-
modum hereditatis: Quod etiam Bulgarus agnovit. Et sic, quod re-
cte dixit Accursius, est hæc lex filia legis secundum naturam 10. *sup.*
ubi dicitur, secundum naturam esse commoda cuiusque rei cum sequi,
quem sequuntur incommoda, nam & ea Reg. simile argumentum in
legatis ab onere ad commodum proponitur. Ait vero lex: *Quo tutela*
redit, eo pervenit hereditas. Quo, i. ad quam personam, non ut

Accursius, ad quem locum. Et quanquam *to arti: pper*, contraria inquam & conver-
sa argumentatio, procedendo seu argumentando ab hereditatis commodum ad onus tute-
læ, vera sit, & magis usitata, quia videlicet exemplo hereditatum, legitima adgnato-
rum, patronorum &c. tutela primum induita fuit l. 1. *D. de legit. agn. tut. leg. 1. D.*
de legit. patr. tut. §. ult. Inst. cod. tit. Sed & alibi argumentum & exemplum ab heredi-
tatis ab Tutelas desumitur, l. 7. *D. de cap. minus. l. 23. D. de legit. tut. l. 4. C. de*
leg. tut. §. ult. Inst. de legit. agnat. l. 3. Cod. de curat. furioso, Novella 118. cap. 4.
& 5. Non ideo tamen audiendi sunt Basilicon auctores, Harmenopolus lib. 5. tit. 8.
Theodorus Hermopolites, alique Interpretes nonnulli, & in his quoque Placentinus,
Accursius, Cujacius ipse (etsi tandem utramque lectionem defendi posse dicat) Baldui-
nus in *Muciana Jurisprudencia*, pag. 158. ut & Hotomannus 6. obs. 5. Antonius Faber,
Giphanius, alique, qui converso ordine scripturæ hanc R. scriptam contendunt, vel
saltem intelligendam & commodius scriptam iri censent: ita: *Quo hereditas redit, eo*
tutela pervenit: vel ita: *Quo hereditas pervenit, eo tutela redit*: Quomodo & Græci
οὐκ ἀπορροῖται, οὐκ καὶ ἀπορροῖται, quia scilicet hereditas trahat tutelam, non vero tute-
læ hereditatem: Utrouvis enim modo hæc R. concipiatur, nil interest: sic enim & Ga-
jus in Inst. tit. de tutela: *Is*, inquit, *qui proximus fuerit ad tutelam, ipse proximus est*
ad hereditatem. Nec quicquam etiam obstante altero argumento, quod desumunt ex
subiecta huic R. exceptione, *femina* videlicet: quæ hereditate potitur, non tamen &
tutela, l. 1. & 10. *D. de legit. tut.* quam exceptionem convenire non putant, nisi ita
concipiatur Regula: *Quo hereditas &c.* Nam imo hæc exceptio optime congruit mox ut
palam fiet. Ait lex. *Quo tutela REDIT*. Quorum verborum quis sensus sit videendum
est. Sane ita quoque hereditas seu successio redire dicitur l. 37. *de testam. mil. l. 69. &*
l. cum pater 77. §. cum pater 7. D. de legat. 2. l. 3. si quis omissa causa test. l. 11. de test.
tutel.

tutel. d. l. 10. in pr. de gradib. Et in veteri stemmate, *Hereditates quædammodo redeunt.* Terentius quoque in *Hecyra.* *Ad hos redibas lege hereditas.* Et in *Andria.* *Es morte ea ad me lege redierunt bona.* Cicero 1. de Oratore: *Ex ipsius hominis hereditarem gente ad se rediisse dicerent.* Quod tutelam attinet, ea pariter *redire* dicitur, non tantum *b. d. sed* & ab Ulpiano in l. 11. §. 1. de *testam. tutela*: cuius hæc verba sunt: *si semel ad testamentarium devoluta fuerit tutela, deinde excusatus sit tutor testamentarius, adhuc dicemus in locum excusati dandum (alium) non ad legitimum tutorem REDIRE tutelam. Quod si tutor testamentarius datus decesserit, ad legitimum tutela REDIT.* Paulus quoque l. 10. in pr. D. de gradib. *Legibus hereditates & tutela ad proximos quosque REDIRE censuerunt.* Pro quo idem dixit REVERTI tutelam, in l. 6. in f. de *legitima tut.* Insciatu parente mortuo, agnatis deferitur tutela. Idem dicemus, si tutor testamentarius datus adhuc filio impubere manente decesserit: nam tutela eius ad agnatum REVERTITUR. Verum duplex Interpretatio adferri posse videatur, eodem semper sensu: Prior accepta voce REDEUNDI, pro simplici obveniente, deferri. Secundo possit hoc specialius pertinere, non ad quamvis tutelam legitimam delatam, obvenientem, verum ad legitimam ex intervallo successive redeuntem & successivam: ut *redire* dicatur legitima tutela, quæ aliquo tempore per testamentarium ferme tutorem, vel per proximior agnatum interitum sopita seu exclusa, alterutro mox penitus deficiente, ordine successivo, legitimo alii deferretur, cui reapse primo delata non fuerat. De quo tutelæ legitimæ redeuntis per successionem genere est lex 3. §. 9. D. de *tutela legitima*, & §. penult. vers. *maxime cum inst. de agnator. success.* Si posterior interpretatio admittitur, tum species huic R. hæc aptanda fuerit: Tutor testamento datus est extraneus? Uti que cessat interim legitima agnati tutela, quæ agnatum ipso jure respiciebat. At quid fiet, si tutor testamentarius decedat? Sane, hoc casu legitima tutela *redibit*, ali-quamdiu sopita interclusa, ad agnatum. Vel finge ita ex d. l. 3. §. 7. 8. 9. de *legit. tut.* & ex d. §. pen. Proximo agnato legitimam tutelam delatam? Sane si hic aut mortuus aut capite minutus fuerit, nondum finito tutelæ tempore, successive *redit* tutela ad eum qui proximior post illum gradu est: Eadem ratione finge unius patroni filio tutelam delatam? Sane *eodem casu*, id est, proximior capite minuto, ad nepotem ex altero Patrono tutela *redibit*, seu successio admittetur. Hi, inquam, casus hoc posteriore sensu hic figurari posse videantur. Sed enim prior interpretatio, quæ & simplicior est, magis placet, voce scilicet *redeundi* accepta pro obvenire, deferri. Hactenus de Reg. quam recte conceptam ex his apparet. Nunc de exceptione Regulæ: *Nisi*, inquit, *cum famina heredes intercedunt.* Nempe enim cum famina proximior intercedit, tutela ad alium redit seu pertinet, ad eam hereditas pertinet. Finge, consanguineum esse pupillo, & agnatum remotiorem? Ad hunc tutelam redibit, non hereditas: & sic alibi est tutela, alibi hereditas. Vel finge, casum in libertinis: si sit patrona, & patroni filius, tutelam hic obtinebit, hereditatem patrona: Tantundem erit & si sit patroni filia & nepos patroni, l. 1. §. 1. D. de *legat. tut.* Sic apparet, hanc R. recte conceptam, & apposite exceptionem de formina illi subijci, non minus, quam si ita quo hereditas redit, concepta fuisset. Extra hanc exceptionem, regula verissima est: *Quo tutela redit eo hereditas pervenire* & vice versa. Ideo JC. in d. l. 1. §. 1. D. de *legit. tut.* postquam *initio* l. dixerat, successionis exemplo tutelam legitimam inducendam & deferri, limitationis & exce-

exceptionis vice subiicit INTERDUM *alibi esse hereditatem, alibi tutelam*: exemplis subiectis, quæ modo edisserui, de formina intercedente. Sane vetustissimo quoque jure onus tutelæ primo agnatorum gradu deficiente, ad sequentem agnatum per successionem deferrebat, & tamen hereditas non perveniebat, seu hereditatis successio non erat. Mox tamen Prætor, quo tutela rediret, eo & hereditatem pervenire voluit, iis vocatis ad hereditatem ex cognatorum ordine. Tandem Justinianus plenissime ex ordine agnatorum eos vocavit de quo est singularis textus in §. *pen. Inst. de legis. agnat. success.* Solius igitur feminæ intercedentis exceptio hic proponitur. Sed quæri potest, numnon etiam hæc Reg. additum seu exceptum oportuerit, nisi *Minoris heredes intercedant*? Ad hoc respondeo, jure Justiniano inspecto idem de minoris intervenitu dicendum esse: Nempe eo jure minor ad tutelam non vocatur, §. *minores, Inst. de excus. tut. l. ult. Cod. de legis. tut.* Ideo Tribonianus, qui pleraque menti Justiniani accommodavit, ubique hæc verba reposuit, *cum perfecta ætatis essent*, ut l. *tutelis, D. de tutelis, l. 4. 8. D. de legis. tut. l. 1. D. de fidejuss. tut.* & ut maxime tutela ad eum non redeat, is tamen hereditate potietur: Aliud vero respondendum est ex Muciana Jurisprudencia, unde desumpta est hæc Reg. Nempe, etiam ad minorem olim tutela redibat, seu ad tutelam pupillus ipso jure vocabatur, sic tamen ut administratio Curatori permitteretur ex ea Juris Reg. Tutorem habenti tutorem dari non posse: de quo v. Ulpianum, *duobus locis, & §. minores, Inst. de excus. tutor. v. & ad aliquid, §. interdum, Inst. de curatorib.* Hæc igitur de causa hæc Qu. Mucii R. excipitur tantum formina, non & minor ætas. Et ita quidem jam hæc Reg. intelligenda venit, stabiliendaque ejus lectio, quam novatores quidam hodiernum sollicitare: Etsi verum sit, ut dixi, quod sensum attinet, nil interesse utrovis modo ea concipiatur: verum enim est regulariter, alterum sine altero evenire non debere: sed enim hic recte conceptam contendendum est. Bonus enim Accursius male distinguebat hic inter *redire & pervenire*, alterumque hic pro altero positum, quodque unius erat, alteri attributum, ut ostenderet alterum sine altero alicui contingere non debere. Tandem notandum, sicut hæc Reg. argumentum ducitur ab onere tutelæ ad commodum hereditatis, ita pariter d. §. *pen. Inst. de legitima agnat. success.* ubi Theophilus quoque: *οτις τινος ουκ εστι τὸ βαρὺ τῆς επιχορηγίας κραται, ἀπορις οὐ μὴ καὶ οὐκ ἐν τῇ κληρονομίᾳ τῆς κληρονομίας κραται*.

Cui TUTOR testamento dari possit :

§. Nemo potest, 1. Legis 73.

Nemo potest tutorem dare cuiquam, nisi ei quem in suis heredibus, cum moritur, habuit, habiturusve esset si vixisset.

Secunda Reg. Muciana, quæ continetur §. 1. ad *Tutores Testamentarios* pertinet, ut superior ad legitimos: notiorque ea est vel ex primis juris elementis, quam ut prolixius ei sit inherendum. Nempe quaeritur, cuius testamentum suo pater tutorem dare possit? Ex definit Mucius, ei demum tutorem dari a patre testamento posse, quem testator sive jam natum in suis heredibus habet, vel postumum habiturus fuisset si vixisset, id est,

id est, quos in potestate sua & sacris habiturus fuisset, l. 1. §. 1. *D. de test. tut. Inst. qui test. tutor.* Ad eum nempe modum laxa seu latissima potestas lege xii. tab. tributa interpretatione forensi & auctoritate jura constituentium accisa fuit, quod Pomponius in Notis ad hunc ipsum Q. Mucium Scævola nostrum scriptum reliquit in l. 120. *D. de V. S.* Unde etiam Papiniani definitio illa in l. *impuberi* 40. *D. de aduin. tut.* tutelam filii jure patriæ potestatis mandari: Hinc neque emancipato pater, neque ullis libetis mater tutorem dare potest, quia ille suis esse desuit, hæc suos heredes nullos habet: Huc denique etiam referri potest, quod Pomponius Notis ad Q. Mucium scriptis in l. 45. *D. de leg. 2. & l. 122. D. de V. S.*

Cæterum ait Q. Mucius, nisi ei quem in suis heredibus *cum moritur, habuit*: Igitur ex Muciana Jurisprudencia non iis tantum qui ipso nativitatis momento sui sunt, tutor a patre dari potest, verum etiam iis qui in locum suorum præmortuis suis successerunt l. 10. §. *qui filium*, *D. de test. tut.* Quare ex l. Velleja iidem vel institui vel exheredari debuerunt, d. l. 10. & farnosā l. *Gallus*, *D. de lib. & postum.* Tandem vera est hæc Reg. de summo jure: Et tamen non jure datus a patre tutor non suis a Prætoribus sine causæ cognitione confirmandus venit, l. 1. *D. de confir. tut. §. ult. Inst. de tutel.* a matre datus non nisi cum inquisitione, l. 1. & 4. *de test. tut.* Ait autem Mucius Scævola, *Neminem posse*, &c. & sic, quod Gl. recte monuit, etiam militem: quod probat lex 12. *D. de test. tut.*

VI aut CLAM factum quid.

§. Vi factum 2. Legis 73.

Vi factum id videtur esse, quæ de re quis cum prohibetur, fecit: Clam, quod quisque cum controversiam haberet, habiturumve se putaret, fecit.

Tertia definitio seu Regula e Mucianis, quæ continetur §. 2. pertinet ad interdictum: *Quod vi aut clam*, & ad eam quæstionem: Quidnam proprie *vi* factum, quid *clam* videatur, ut id interdicto restitutorio revocari possit? Quod utique cum quaeritur, ad vocum interpretationem & differentiam descendere necesse est. Ideo Q. Mucius Scævola, ex tritura forensi, de utroque pronunciavit, ac primum quidem *de vi*, id videtur *vi* factum, quod adversus prohibitionem factum sit: Quam definitionem memorat simul & amplectitur Ulpianus ex hoc ipso loco, l. 1. §. 5. *D. quod vi aut clam.* Addiderat & Mucius (quod hic omisum est). Nihil interesse, per quem *vi* factum fuerit, dummodo per tuos vel tuo jussu, ut docet l. 5. §. 8. & 9. *D. d. tit.* Et ita quidem *vi* factum in interdicto *quod vi aut clam*, recte definitur, neque aliter definiri potest. At enim alibi etiam citra prohibitionem *vis* aperte admittitur, ut passim in restitutione: *Quod vi meiusve causa gestum est*: in Interdicto *de vi & vi armata*: in publico judicio *de vi*. Inquires, aperte huic definitioni ob stare Ulpianum, in l. *inde etiam* 3. *in princ. & §. 1. de iun. ac iunq. privato*, ubi aperte dicitur, *cum qui prohibitus mittitur* (veluti servitute viz) *clam vis*. Respondet Joannes, eamque etiam sententiam amplectitur Cujacius, id accipiendum de eo qui prohibenti prima facie acquiescit, sed postea ignorante

rante eo qui prohibuit pergit facere, cum scilicet eo casu clam facere: tracta eo l. is qui in putum 11. §. *interdictum*, D. quod vi aut clam. Verum hæc responsio non placet: verum id quod d. l. 3. dicitur, restringo ad eam speciem, ubi videlicet quis initio a domino, i. domino permittente, via recte utebatur, deinde novus dominus, emptor scilicet prohibuit, & prohibitus licet, utitur seu uti perseverat. Et hæc quidem de definitione ejus quod vi factum est.

Sequitur definitio ejus quod clam factum. Ergo ait Q. Mucius, id clam factum videri, quod quisque cum controversiam haberet, habiturumve se putaret, fecit. Quam tamen definitionem non amplectitur Ulpianus, procul dubio veluti mutilam. Sed alteram Cassii, quæ & Servii fuit, Mucii auditoris, nulla hujus nostræ facta mentione, ceu pleniorē præfert in l. 3. §. 7. & ult. & l. 4. D. quod vi aut clam, idque juxta sententiam Aristonis & Servii. Neque enim is tantum clam facere videtur qui controversiam jam habet, habiturumve se putat, verum etiam is qui putare, existimare & timere debuit, quia ut eleganter dicitur d. l. 4. non opinionem alicujus & resupinam existimationem spectari oportet, ne melioris conditionis sint stulti quam periti. Monendum superest, Græcos male istud ita interpretari, cum clam facere qui putat se prohibitum iri si faciat.

DE IN INTELLIGIBILIBUS in Testamento.

§. Quæ Testamento 3. Legis 73.

Quæ testamento ita sunt scripta, ut intelligi non possint, perinde sunt ac si scripta non essent.

Quarta Reg. Muciana hoc §. 3. est de *Obscuro*: & quidem de eo *obscuri* genere, quod plane intelligi non potest: & pertinet ad tit. de his quæ pro non scriptis habentur: quo titulo hæc Reg. ex Alfeno Varo totidem pene verbis, paucis tantum adjunctis, repetita extat, in l. 2. Non pertinet igitur ad tit. De his quæ in testam. delentur, quod Glossa primo loco tentabat: hæc quippe postrema ne legi quidem possunt, vel saltem ea legi testator noluit. Atenim, quæ secunda jam Glossæ interpretatio est, ea de quibus agitur hæc Reg. etsi scripta sunt maneatque, intelligi tamen non possunt: quid inquam *significent*, ut additur in d. l. 2. Sic primus ad hanc Reg. Interpretum error ruit, hæc minus distinguendum. Rursum, non est hæc Reg. de incertitudine *personæ*, ut quia obscurum est cuienam testator factum voluerit, ut quia duo forte vel plures ejusdem nominis vel cognominis sunt: Qui secundus est Interpretum error, etiam Theodori Hermopolitæ: Etsi verum sit, incerti heredis institutionem non valere, non valere legata in incertam personam collata, neque incertum tutorem etiam testamento dari posse. Non est denique hæc Reg. de *Perplexitatis* specie, de qua agitur in l. 16. D. de *candit. insert.* quod alioquin tertio errore Interpretes censent commiscensque, quia eventus perplexitas in ea specie vertitur, & sic impossibilitas. Tandem igitur vera hujus Reg. species ponenda est in scriptura testamento comprehensa, quæ intelligi non potest quid *significet*. Quæ & ipsa sententia, ut dixi, totidem pene verbis repetita extat, ex recentiore tamen aliquantulum Jurisconsulto, Alfeno Varo lib. 5. Digestorum in d. l. 2.

Tom. I.

FF

D. de

D. de his qua pro non scriptis. Effectus autem istius Regule seu sententiae hic est, ut reliqua nihilominus per se ipsa valeant (& sic utilia per inutile non viciuntur) quod sine *d. legis* 2. additur 2. Quin &, si leges novas, id est, Juliam Papiam species, hic effectus est, ut ea qui ita pro non scriptis habentur in testamento, non ad fiscum pertineant, non ad speciem caduci vergant, verum penes heredem sine onere remaneant.

ALTERI ~~per~~ alterum cavere non posse.

§. Nec paciscendo, ult. Legis 73.

Nec paciscendo nec legem dicendo, nec stipulando, quisquam alteri cavere potest.

Postrema e Mucianis Reg. pertinet ad *obligationes, conventiones*: & in ea quæritur: Utrum alteri quis cavere possit? *Cavere* id est obligationem adquirere, alterius negotium gerere, aliqua conventionē: Id enim est *cavere*, ut apparet ex *l. avus* 33. *D. de pactis*, juncta *l. avus* 10. *D. de pact. dotal.* Et quæritur hoc de tribus conventionum speciebus: de *Pactis* primum, id est, de pacto nudo, quod contractui non adhaeret. 2. Quæritur de *legis ditione*, id est, de conventionē contractui incontinenti adjecta (id enim est *legem dicere*: quomodo & *l. 23. sup.* dicitur *conventio contractui legem dare*). Quomodo & *lex commissoria* dicitur). 3. Denique id ipsum quæritur, de *stipulatione*, quæ omnium contractuum commune quodammodo vinculum & conclusio est, adstringendæ obligationis ergo: *l. quicquid* 99. *D. de V. O. l. si dominus, D. de præscript. verbis*. Et tandem definitur, generaliter de his tribus omnibus: *Nec paciscendo, nec legem dicendo, nec stipulando quemquam alteri cavere posse*. Quo etiam pertinet Pomponii tractatus in notis ad hunc ipsum Q. Mucium in *l. 110. D. de V. O.*

Alteri autem ait *lex*, id est, ut Joannes vetus Interpretes pervidit, extraneo, id est, ei qui neque in potestate nostra est, neque nos in ejus potestate: Quare & in extraneis numeratur mater, *l. inter, §. ult. D. de pact. dotal. & l. debitor, §. ult. ad Trebell.* Item *alteri*, *l. cuius negotia* ad paciscentem nulla ratione pertinent. Aliud fuerit, quæ etiam exceptiones hic a Græcis adumbrantur, si ponas mihi alterum eundem, qui inquam, fictione juris alter idem cum altero sit: Quare & filiusfamilias (cujus vox est vox patris, propter vinculum potestatis) & servus, qui ex persona domini χαρακτηρίζεται (ut Theophilus loquitur) ex æquo & Patri & domino cavere, id est, adquirere possunt, *l. si tibi* 17. in fin. & *l. seq. D. de pactis, §. si quis alii v. §. quod si quis Inst. de inutil. stip.* quo pertinet Pomponii tractatus in libris ad hunc Q. Mucium nostrum, unde desumptæ sunt *lex* 37. 38. 39. 40. *D. de stipulat. servor.* item Modestini (si Modestini) tractatus ad eundem Q. Mucium in *l. 53. §. 4. D. de adquir. rer. domin.* Vice verâ dominus servo, pater filio recte stipulatur *l. dominus* 39. *D. de V. O.* Præter superiores casus singulares, quos modo notavi, sunt & alii, in quibus alteri quis stipulari potest: puta, ubi officii privati necessitas subest, veluti tutor, curator pro pupillo & adultus, procurator & negotiorum gestor, *l. §. pen. de const. pec.* ubi publici officii ratio; ut Syndicus civitatis: Tabelliones etiam *§. cum autem Inst. de adopt. &c.* Idem in Prætorii stipulationibus, *l. 3. D. de prætor. stip. l. 1. §. 4. D. ut legator.* Adde & speciem *l. certis conditio* 9. *§. si numerus* 8. *D. de reb. cred.*

Rur-

Rursum hac Reg. dicitur, *Alteri cavere ab altero non posse*: id est, ubi alterius tantum vertitur utilitas; alioquin si tale mihi pactum, talem conventionem aut stipulationem pro altero mihi ponas, ubi mea quoque interfit, jam alteri recte cavere possum: quia non tam alteri quam mihi cavisse videor, ut apparet ex tribus speciebus legis *fidejussoris* 23. 24. 25. 26. *D. de pactis*, & §. *alteri* 21. *Instit. de inutil. stipul.*

Ratio tandem hujus R. hæc est, quia obligationes, cum ex nostro contractu originem trahant, ex nostra persona initium sumere oportet, *l. 11. D. de O. & A. l. 38. §. 12. D. de V. O.* & obligationes ad hoc inventæ sunt, ut nobis adquiramus, non aliis, §. *alteri* 19. *infr. de inutil. stipul.* Quod nostra interest: Cæterum ut alii extraneo detur, nostra nihil interest, *l. stipulatio* 38. §. *ult. D. de V. O.*

Postremo loco notandum, non esse cum hac l. commiscendam *l. 123. in prim. infr.* ubi dicitur, *Neminem alieno nomine lega agere posse*; ad quem locum v. quæ notabo plura: etsi quædam ibi similis ratio militat.



SEPTIMA REGULARUM

Collectio seu Systema.

PAPINIANI REGULÆ X.

Totidem legibus comprehensæ, puta a lege 74. ad legem 83. inclusive.

ÆMILII PAPINIANI Regula decem sequuntur: Papiniani, inquam, omnium Jurisconsultorum prudentissimi, maximi, equatissimi, consultissimi, exactissimi, summi, ingenii acutissimi (quæ omnia elogia ei tributa) quippe Jurisprudentia palmam tenuit: & in quem unum plura olim ornamenta, plures laudes recte congestæ fuerunt, quam in ullum alium Jurisconsultorum: videntur saltem ex innumeris testimoniis & elogiis, lex un. Cod. Th. de respons. prud. & Spartiani in Severo, ubi asyllum Juris & legalis doctrinæ thesaurum vocat, & Hieronymus, in Ep. ad Fabiolam. Cujus etiam scripta tantis olim habita, ut tertio demum anno juris studiosi ad ea accederent, atque inde, de ejus nomine, Papinianistæ jam dicerentur, festumque diem in ingressu audisores celebrarent.

Ac, ut cateroquin Papinianus summus Juris Antistes fuit, ita nominatim magnus Regularum artifex exitit; sic ut nullus ferme Jurisconsultus tot, tamque absolutas, tam aquas nobis Regulas conferat: quod summa illius sapientia & peritia fuisse Cujacius (a vi nostri Papinianus ipse) monuit ad l. 38. D. de pactis. Et paucissimas tamen (quod dolendum Regulas, neque ultra decem, Pandectarum concinnatores hunc in titulum regulare: Quarum & eo facilius nobis interpretatio futura est, quo luculentiores extant Cujacii ad Papinianum Recitationes, etsi ab iis nonnunquam recedere fas nobis erit.

P A R S I.

P A P I N I A N I R E G U L A R U M.
EX LIBRIS EJUS Q U Æ S T I O N U M.

Procedant primum Papiniani Regula septem, & libris ejus Quæstionum desumpta, in quibus videlicet Quæstiones Juris generales in thesi dubias, neque dum satis constitutas, trattaverat (unde formula illa, Papinianus tractat, in l. 6. §. si ædes, D. si serv. vind.) Ea differre quippe autumo Quæstionum libros a libris Responsorum: quod scilicet in libris Quæstionum de jure dubio in thesi agens, in vberes sese juris tractatus diffudit: in libris vero Responsorum, ad singulares facti quæstiones breviter ex jure certo constitutoque respondit.

Cæterum, & in his Quæstionum & Responsorum libris Papinianus certum materiarum ordinem servavit: ut proinde inscriptionum similitudo ad explicationem legum inde desumptarum non minus momenti habeat, quam in aliis legibus: Quicquid contra senserit Pet. Faber ad leg. 76. num. 12. neque id Cujacius ipse satis affectum sit, vel ubique inculcaris.

ALTÈRI per alterum conditio iniqua num inferri possit.

LXXIV. Papinianus * libro primo Quæstionum.

Non debet alteri per alterum iniqua conditio inferri *.

* Quidam Codices habent & Haloand. Pomponius male, * vel ingri.



NIQUAM alteri per alteram conditionem inferri posse negat abscisse Papinianus hæc Reg. quæ e Papinianeis omnium prima hic occurrit. Cujus Reg. æquitatem simul & universalitatem indicat hæc formula, Non debet: Quomodo in simili l. 5. §. 3. D. de operis novi nunciacione dicitur: neque enim debes nocere factum alterius ei qui nihil fecit. Imo eadem formula eodem fine sensuque usurpatur l. 21. 38. 41. *supr.* non debeo, in l. 175. §. non debeo, *infr.* ut & voce iniqua: ac si dixisset Papinianus, absurdam, imo iniquam omnino rem futuram, & contra naturæ jurisque præceptum, quo alterum lædere vetatur (nam ex eo fonte vel matre, ut Accursius aliquis diceret, descendit hæc Reg.) si aliter comparatum esset, idve liceret. Item ac si dixisset, nullo casu id

unquam admittendum esse, perpetuamque adeo hanc Reg. esse. Quod & altera voce universali indicatur, *alteri per alterum*, id est, quicumque tandem is sit, v. g. litigator in sp. hujus l. quocunque tandem obrentu, etiam judiciorum: Denique alteri, non consorti tantum, sed & alii cuicumque. Ad eandem porro æquitatem pertinet lex 106. *infra*. ubi dicitur: Jure naturæ æquum esse, neminem cum alterius detrimento & injuria fieri locupletiores. Imo eodem pertinet & lex prox. 75. *infra*. Genuinam autem hujusce R. sententiam ut adsequamur, quæ vulgo incondita similitum sententiarum congerie, & exemplorum sive specierum sylva obumbratur, in veram ejus speciem inquirendum nobis est: quo uno fiet, ut & verborum ipsorum sensum accurate adsequamur & alienis seu *επερροis*, quibus ea hæcenus laborat, liberetur. Igitur observandum est, desumptam hanc Reg. e Papiniani libro 1. *Quæstionum*, quo is egerat de *Jurisdictione*, deque judicum datorum notione: uti liquet ex l. 5. *D. de Offic. Proconsul.* l. 1. *D. de Offic. ei. cui mand. est Jurisd.* l. *arbitror* 33. *D. de Recept. qui arbit.* quæ ex eodem libro primo *Quæstionum* Papiniani desumptæ huic nostræ sociandæ sunt. Quare hæc species & sententia huic Reg. aptanda venit: Non posse unam solamque ex *partibus*, sive unum ex *consortibus* *παρτιστοις*, Magistratus Jurisdictionem prorogare, scilicet ut is adversarium seu consortem ad incompetentem vel peregrinum forte judicem trahat, & sic non posse alteri per alterum iniquam conditionem inferri. Quod certe in tantum verum est, ut ne ex Principis quidem respectu id fieri possit: quo pertinet lex 9. *Cod. Th. de Jurisd.* l. 1. *ead. Cod. de Dilation.* (seu l. 2. *C. Justin. eod. tit.*) & l. 16. *Cod. Th. de Accusat.* & Symmachi locus, lib. 10. *cap. 62.* & Novella Marciani elegantissima: unico tantum casu excepto, extra quam scilicet si miserabilis forte persona aliqua potentiam adversarii perhorrescat: Extra hunc casum ex conventionione partium tantum prorogari jurisdictionis potest, leg. 14. 15. 16. *D. de Jurisd.* l. 1. 2. *D. de Judic.* l. 1. *Cod. de Jurisd. omn. Jud.*

Et in hac quidem specie, jurisdictionis videlicet *proroganda* ipse adquiesco. Quam Cujacius Recit. *ad Papin.* & post eum Rævardus in referendo ab arbitro die, unius ex litigatoribus consensus, speciem ponebant, *arg. d. l. arbitror* 33. *D. de Recept. qui arbit.* quæ indidem, ex eodem, inquam, Papiniani lib. 1. *Quæstion.* desumpta est, hoc sensu: Quemadmodum non potest judex, cui certa tempora a Magistratu præstituta sunt, (ut a Magistratu præstitui solita ostendit lex 2. §. 2. & lex 32. *D. de Judic.* & Gellius lib. 12. *cap. 13.*) ita neque arbitrer compromissarius, etsi ita sumptus ut diem proferre, id est, prolatare, prodere possit, diem referre contradicentibus litigatoribus: id est, neque ex se, neque altero tantum ex litigatoribus volente: *Referre* diem, id est, anticipare, antevertere, jubendo ut partes adsint in illum vel illum diem anticipatum. Alias species a Cujacio allatas ad hanc Reg. *in comm. ad hunc iurum*, nil moror. Nos ad speciem nostram revertamur. Ergo, prorogatione unius ex litigatoribus, ad forum incompetentis vel peregrinum, nemo alter trahi, seu judex incompetentis adversario obijci potest. Quomodo (ut & hoc exemplum extrinsecus, & tertio quidem loco, addamus) neque factio alterius alteri potentior adversarius obijci seu opponi potest; & sic hoc casu iniqua conditio alteri per alterum inferri, l. 1. & d. *tit. D. de Alienat. Jud. mut. caus.* ubi similiter dicitur, Proconsulem id agere, *Ne cuius deterior causa sit ex alieno facto: Causa*; inquam, pro quo *conditio* hic dicitur.

Ex

Ex his jam patet, *Conditionis* appellationem in hujus l. sp. proprie pertinere ad facultatem & conditionem agendi: *Conditionis* nempe vox personalem hic respectum, relationem & *exon* habet: quomodo & alias *conditionis* vox de nexu conjugali & personali usurpatur; & vero in dissolvendo eo, seu repudio, legitima hæc olim formula erat, *condicione sua non usor*. Condicio denique est nexus, vis & necessitas quædam: & sic *conditionem iniquam inferre alicui*, est alterum necessitati alicui illigare; non vero proprie damnum in re familiari irrogare, (et si eo quoque sensu alibi *CONDITIONIS VOX*, in hoc argumento, effertur, ut, l. *solvendo* 39. de negot. gest. & l. 2. *quodvis aut clam*.)

Quare jam ad huius Reg. speciem minus proprie asseruntur, cumque ea confunduntur, etsi ad eandem æquitatem tendant tot Reg. illæ, tot species, tot leges seu jura concordantia, quibus id efficitur, injuriam sive *damnum* in re familiari ex alterius cuiuscunque, (etiam patris dominive, l. 5. §. si pater & seq. de his qua ut indignis, l. 17. de jure patron. filii servive l. 3. & l. filius Cod. de patris, aut fratris, l. 2. §. 1. D. si quis alius test. aut procuratoris, l. 49. de procuratorib.) facto, sive dolo, culpa, consilio, negligentia, desidia, errore, imperitia, malignitate, alteri inconciliari non posse, non debere, de quo sunt lex prox. 75. lex 155. 206. infr. d. l. *solvendo* 39. D. de negot. gestis: (unde speciem nonnulli hic apponunt: Similis sane regula ibi continetur: *Naturalis inquit simul & civilis ratio suavit, alienam CONDITIONEM meliorem quidem etiam ignorantis, & inviti nos facere posse, deteriorem non posse*) l. electio 26. §. si absente, D. de noxal. action. l. 9. in fin. l. 10. de jurejur. l. rem heredit. 65. in fin. D. de evictionib. l. ult. ad Syllanianum, l. alienus 61. ad l. Falcid. l. quidam 25. §. si quis filium 2. D. ad SCum Trebell. l. 5. §. servum 4. D. de his qua ut indignis, l. 5. §. 6. D. de operis novi nunc. l. 1. §. sed & fossus 4. de aqu. & aqu. plur. l. 1. in fin. juncta d. l. 2. D. quod vi aut clam (ex qua etiam Cujacius speciem hic apponebat, nam & ibi dicitur, *in aliena potestate esse non debere CONDITIONEM meam nihil delinquentis deteriorem facere*) l. 3. 23. Cod. de patris, l. coheredit. 27. Cod. famil. ercisc. leg. ex libris ult. Cod. de adquir. rer. possess. l. 1. & toto s. Cod. inter alios: §. religiosum, Inst. de rer. divis. 14æ, inquam, leges omnes ad eandem equidem æquitatis speciem pertinent cum hac lege, & ex eodem fonte, seu juris præcepto, quod superius indicavimus, descendunt: pariter ut illud, neminem debere alterius odio prægravari, de quo est lex 17. D. de injure patron. Item, neminem sine culpa puniendum, quæ hic alioquin a Decio asseruntur: vel etiam quod pœna suos tenere auctores debeat. Sed, ut dixi, non inde propriæ species ad hanc Reg. apponende sunt. Quomodo & *exceptiones*, quæ hic ab Accursio adferuntur magis adhuc ab hujus Reg. specie alienæ sunt, puta quandoque quem juste affligi a iudice, vel a privato, ad sui defensionem vel publicam vindictam. Etsi id quoque verum sit, & publicius quandoque iniquam privatis seu singulis conditionem damnumve ingeri posse ex justa & rationabili aliqua causa: publica utilitate id rependente: & privatos defendendo se vel publicam disciplinam, damnum alteri inferre posse, lege jureque permitte.

De prohibita CONSILII mutatione in alterius injuriam.

LXXV. IDEM (*Papinianus*) libro tertio *Questionum*.

NEMO potest mutare consilium suum in alterius injuriam.

CONSILIUM suum alterius in injuriam seu detrimentum mutare nemini licere definit Papinianus, hac (quæ secunda est e *Questionum* ejus libris) Regula, *Consilium*, inquam, *suum*, κατ' ἑαυτὸν, quod quis videlicet pro se ipso capit, & sic animi sententiam, placitum, propositum mentis & voluntatem propriam, (quomodo etiam accipitur l. 79. quod tamen ad extra processit, non vero consilium κατ' ἑαυτὸν, quod alteri datur (de quo sane est lex 47. *sup.*) qua alioquin homonymia in errorem inducti Bartolus, Decius, aliique, ad hanc l. exempla ponunt in Consilium alteri dante, vel in Principe etiam in quo inconstancia vel etiam fidei semel datæ revocatio improbat. 2. *Mutare*, inquam, vel, ut veteres etiam locutos reperio, consilium minuere. 3. in *Injuriam*, inquam, alterius, id est, damnum, fraudem, læsionem, captionem, detrimentum: quo ipso sensu *injuria* vox accipitur l. 206. *inf.* & in l. *Aquila*, v. l. 5. §. 1. *D. cod. tit. ad l. Aquil.* Et nititur hæc Regula, eadem qua superior æquitate naturali: cujus sane educendæ magnus artifex fuit Papinianus. Et cum variis ea similibus exemplis illustrari, seu comprobari possit, ac nominatim ex l. *si fundus* 4. §. *eleganter*, *D. de lege commissoria*, l. 5. *D. de separatis bonor.* l. 9. *D. de servitutibus*, l. 5. *D. de legatis* 1. l. *apud Aufidium* 20. *D. de optione leg.* germanis & genuinis speciebus contenti nunc erimus.

Papinianum igitur lib. 3. *Questionum* (unde hæc lex desumpta est) de duobus egisse comperio: de *Restitutionibus in integrum* (ut ostendunt *lex si filius* 30. *D. de minor.* l. 19. *D. ex quib. caus. major. l. nonnunquam* 8. *D. de collatione* l. 36. *D. de adulter.*) & de *Receptis arbitris* compromissariis (ut docet lex 21. §. *Papinianus, de recept. qui arbit.*) In utroque igitur argumento hujus Reg. species poni fidelique spectari potest: Et quidem in argumento de *Restitutione in integrum* sub tribus speciebus. Prima hæc esto, cum major 25. annis justis ex causis adversus factum suum, vel etiam ob justam absentiam, denique ob moram necessariam restitui possit: Quæri potuit, utrum & consilium suum, vel voluntariam moram quandoque in alterius injuriam seu damnum mutare, minuere possit, & sic adversus consilium suum restitui? De majore, inquam, hoc quæri potuit: Et vero quæsitum id fuit, in specie illa, quæ proponitur in l. 30. *D. de minor.* quæ ex eodem Papiniani libro 3. *Questionum* petita est, atque adeo huic conjungenda venit: Finge: Filius emancipatus major annis 25. vel præteritus, vel immerenter exheredatus, certo consilio legatum agnovit, vel tempore annali petendæ possessionis exclusus est: Non poterit is postea in heredis injuriam mutato consilio bonorum possessionem contra tabulas petere: quæ sententia est *d. legis* 30. Non alia utique ratione, quam ab hac Reg. petita: *Nemo* (quantumlibet filius) *potest mutare consilium suum in ALTERIUS* (quamlibet extranei) *injuriam*.

Secunda species in *Restitutionum* argumento (quod ab aliis jam animadversum est, etiam

etiam ab Accursio, & in qua una adquiescit Cujacius) hæc aptari potest ex *d. l. nonnunquam* 8. *D. de collation.* quæ indidem desumpta est, atque adeo & ipsa huic Reg. conjungenda venit: Finge: Filius emancipatus major 25. annis præteritus cum posset ab initio cavendo de bonis conferendis, bonorum possessionem impetrare, seu beneficium bonorum possessionis exercere, noluit per contumaciam cavere, & sic excidit beneficio seu commodo bonorum possessionis, eo quod *formam possessionis* (ut Papinianus ibi loquitur) conservare noluit? Sane non poterit postea penitentia ductus consilium mutare suum, cautione oblata, quod hac Reg. conficitur. Et exceptionem tamen singularem ibidem statim subjicit Papinianus, præmissâ hac eleganti sententia: *Nonnunquam Prætor variantem non repellit, & consilium mutantis non aspernatur*: ubi vox *mutantis*, mutanda non est, veteri quippe scriptura ibi *mutantis* pro *mutanteis* expressum est. Quod cum Cujacius non attenderet, variis locis mutavit id in *mutantem*; idque etiam auctoritate Basilicorum Græcorum, τῶν μεταμελλόντων: quo nil opus fuit, etsi res eodem redeat. Ait vero Papinianus eo loco, *Nonnunquam*, scilicet ex quadam æquitatis specie, ut in ea quam proposui: duabus scilicet circumstantiis concurrentibus; puta si inter fratres de bonis paternis disputetur: item si non *sera penitentia*, verum intra autem delatæ possessionis adhuc consilium mutetur, alioquin voluntariam moram cautionis admittere difficilior esset: His duobus concurrentibus, ait Papinianus, benigniorem esse sententiam, ut frater hodie cautionem offerens admittatur, & recipiat pristinum jus: (quod & ipsum alioquin confirmatur *l. 1. §. si frater* 10. *D. eod. l. de collation.*) Ac si diceret Papinianus, non esse utique semper ad definitionem hanc seu Reg. qua quis consilium in alterius injuriam mutare prohibetur, recurrendum; non esse proinde ad vivum rescandenda ea de quibus inter fratres disceptatur, ubi præsertim de bonis paternis dividendis agitur: Quam ipsam æquitatem, nempe quod minus inter se agere debeant fratres de bonis paternis vel maternis, videre est in altera specie in *l. 3. C. de inoffic. testam.* & apud Paulum *lib. 4. sent. de querela inoffic.*

Duabus superioribus speciebus addatur & Tertia, cui hæc Reg. non minus aptari possit, arg. *l. 8. D. de statu homin.* quæ & ipsa ex eodem Papiniani libro descripta est: & quidem ita ut ad sensum contrarium referenda sit; Possè videlicet quemque mutare consilium suum, dummodo ne in alterius injuriam: veluti si quis volens scripserit, *servum se esse*, non propterea fiet servus, & consilium ei mutare licebit. Quo pertinet alioquin *lex de iure 11 §. ult. D. de interrog. l. 3. §. 2. D. de cond. caus. dat. l. 37. D. de liberis causa: l. 6. 22. 24. 39. Cod. eod. tit.* Et hæc quidem tres species in materia *Restitutio- nis* in integrum huic Reg. aptari probabilibus argumentis possunt. Addatur & quarta species ex eisdem questionum libris in *l. sed cum* 12. *D. ad Trebell.*

Atenim & in argumento de *Receptis arbitris* seu compromissariis, fidem quoque invenit, seu spectatur hæc Reg. arg. *d. l. 21. §. Papinianus, D. de recept. qui arbit.* quæ & ipsa ex eodem libro desumpta est: Finge casum in Arbitro ipso: finge, inquam, litigatores in me compromisisse, meque arbitrium in me suscepisse? Non potero ego arbiter mutato postea consilio iudicium & arbitrium detrectare meque excusare, *l. 3. §. 1. d. tit. de recept. arb. Quoniam*, inquit Ictus, non debent decipi, qui me quasi virum bonum disceptatorem inter se elegerunt: Addit idem: Finge enim post causam semel atque iterum tractatam, post nudata utriusque intima & secreta negotii aperta,

arbitrium vel gratia dantiem, vel sordibus corruptum, vel alia qua ex causa nolle sententiam dicere, quisquamne potest negare, acerrimum esse, ut officium suum quod in se recepit, impleat? Atque si diceret Jurisconsultus, quod hac sane Reg. definitur, mutaturum hoc facto arbitrium consilium suum in alterius e litigatoribus injuriam, quod permittendum non est. Alia adhuc ratione nec mutare sententiam semel dictam arbitri potest, l. 19. §. 2. juncta l. 20. D. de recept. arbit. (quam legem aliqui ad hanc Reg. apponunt Interpretes) sententiam, definitivam (nam preparatoriam, quam nemo condemnatur, aut absolvitur, mutare potest) exemplo Judicum publicorum, de quo ad l. prox.

Fiigi potest & species in alterutra parte seu litigatore, qui compromisit: Neuter scilicet, posteaquam semel compromisit, mutare amplius consilium potest in alterius detrimentum; quam in rem, v. inter alias l. societatem 76. pro socio.

Opponi tamen solet *lex si sterilis* 21. §. ult. D. de action. empti, ubi vendita domo, & a venditore excepta sibi habitatio, donec viveret, aut in singulos annos decem, defuitur, quamlibet emptor primo anno decem praestiterit, secundo anno habitationem praestare possit, & sic deinceps singulis annis alterutrum, mutandae voluntatis potestatem ei indulta: Idque ideo, quia in alternativis electio est promissoris: atque adeo in hac sp. emptoris, l. plerumque 10. §. ult. D. de jure dot. l. 2. §. 3. D. de eo quod certo loco: Et nominatim in annuis praestationibus per annos singulos, quia quot sunt res; tot sunt stipulationes. Quod Bartolus rectissime sensit, quicquid contra Fulgosius. Cui etiam nec quicquam obstat *lex* 76. §. 1. D. de V. O. quia, quod ibi stipulatio in annos singulos, una stipulatio dicitur, id ideo dicitur, quia morte non finitur. Sic sane & in singulos annos legata, plura legata sunt, iit. D. de annuis leg. & sic nulla ibi cum alterius injuria conjuncta est mutatio voluntatis: quandoquidem qui suo jure utitur, nulli injuriam facit, l. 21. *supr. h. tit.* Idque multo magis etiam obinet, ubi alternativa talis vertitur, qua semel defungi necesse est: quia licet promissori, quoties voluerit mutare sententiam seu voluntatem in eo quod praestaturus sit, ante licem scilicet contestatam, l. 138. in fin. D. de V. O. cui addatur & species l. 106. D. cod. Stipulatoris non eadem ratio est, qui sibi electionem sub alternativa recepit: cum enim semel elegerit, mutare amplius voluntatem non poterit: nisi talis formula intercesserit, *quem volumus*: continet enim hic sermo *mutaturus* quid, i. tractum temporis: & ideo donec iudicium dicatur, mutandae voluntatis potestatem habet, l. 112. D. cod. in. de V. O. Speciem ex praxi & nos ad hanc Reg. afferamus. Is, cui postulanti retractus gentilius semel sententia adjudicatus est, cum repudiare postea mutato consilio non potest: quam in rem praeter Arrestum Burdegalense, quod memorat Boerius *decis.* 47. extat & Patifense de 10. Julii 1551. Ante sententiam sane mutare consilium posset, quia jus in rem nondum est illi quaesitum, ut judicatum fuit altero Senatusconsulto seu decreto 21. Martii 1530.

Aliud sane dicendum in sp. l. 41. D. de Minorib. quia scilicet in ea circumventio adversarii vertitur, quae utique facit, ut consilium mutare circumventus possit.

Aliud quoque dicendum in consilii seu animi sententiae mutatione citra alterius injuriam: ibi quippe re diligentius pensata, inspecta, consilium mutari potest: quamquam neque hic eo sensu *consilium* accipitur: hic enim consilium est placitum, animi propositum.

DERESTITUT. ET RECEPT. VII. COLL. PAPINIANI REGG. 235
 propositum, institutum, voluntas per externum actum solemniter declarata. Sane
 & ita Juri consulti variasse dicuntur, Papinianus ipse variasse dicitur, l. ult. C. de fur-
 riis: & ipse quoque id proficitur, l. 6. §. 1. D. de serv. export. De Marciano quoque
 fidem facit lex Divi Fratris 17. D. de jure patron. Et inter Patres quoque Augustinus
 Retrañationem libros edidit, & Imperator decretum suum mutavit in l. 17. D. de jure
 patron. Denique, non est levitas ab errore discedere, non est turpe cum re mutare con-
 silium, inquit Seneca 4. de benef. cap. 28. Quæ omnia tamen, ut dixi, ab hac Reg.
 aliena sunt, ut & quæ de Doctore consilium mutante hic cumulantur.

SCIENTIA vera certaque ubi desideretur.

LXXXVI. IDEM (Papinianus) libro vigesimo quarto Questionum.

In totum omnia quæ animi destinatione agenda sunt, nonnisi vera & certa scien-
 tia perfici * possunt.

* & nisi ita perficiantur, ipso iure nulla sunt: similiter l. 77. prox.

DE vera certaque scientia in negotiis, quæ animi destinatione seu destinato animo
 peragenda sunt, requisita, est hæc Papiniani regula: quæ tertia est & libris ejus
 Questionum desumpta. Ea ut intelligatur, videndum prius. quidnam illud sit, quod
 animi destinatione agendum dicitur. Animi igitur destinatio hic, & l. §. 1. Cod. de
 de jure delib. l. cum qui 18. Cod. de adulteriis, l. ult. D. de concubinis, & simpliciter
 destinatio l. 38. in princ. de adq. poss. §. ult. Inst. de hered. qual. & diff. (quo & desti-
 nandi vox pertinet, l. 10. D. de adq. hered.) est, quod dicitur judicium animi, in l.
 48. supr. & l. 189. infr. animi propositio in sp. l. fugitivus, D. de V. S. ac proinde tu,
 multuarie & substantiæ sententiæ opposita matura deliberatio, prædictæ, & prædictæ,
 propositum animi, perpenso consilium, ad rem aliquam apud se statuendam. Quomo-
 do & destinato animo quis domicilium habere dicitur, & existimatione animi, leg. ejus
 qui 27. §. Celsus 2. D. ad municipal. Sunt scilicet actus hominum quidam, qui leviori
 sensu, propterantius, incogitantius perficiuntur & transiguntur, velut per transennam
 alii vero, qui maturo nonnisi, diuque apud se deliberato, perpenso judicio, peragi so-
 lent: imo de jure peragi debent, ut valeant: animi ut hic dicitur destinatione AGEN-
 da sunt, id est, jura legesque agi volunt, re diligentius explorata, ut de adquirenda
 hereditate dicitur in l. cum qui 51. in fin. D. de adquir. hered. de quo mox: consilio:
 ut l. 8. §. 1. creditor, D. de adquir. hered. Ac proinde nonnisi vera & certa scientia
 perfici debent. 1. Exemplum vulgo ponitur in Nuptiis, seu in matrimonio contrahen-
 do, quod individuae consuetudinis voto contrahitur, & in quo animi destinatio præsta-
 tur, d. l. 18. C. de adul. l. 4. D. de concubinis. 2. Ponitur & in Divorziis (de quo
 sane Papinianus aliquid altero hujus libri fragmento egit, in l. si uxor 42. D. de judi-
 ciis) quod etiam non fit, nisi animi judicio, animi destinatione animoque perpetuam
 constituendi dissolutionem, l. quidquid 48. supr. & l. 3. de divorziis: quod exemplum
 Cujacius & Ravardus ad hanc leg. appoluerunt: Pet. Fabro displicuit. 3. Ponitur & in

Gg 2

con-

contractibus seu obligationibus contrahendis. 4. Et in causa possessionis, ubi error utrumque illud vitiat, item vis metusve. 5. Ponitur & in delictis, de quibus mox. 6. Ponitur & in *Testamentis*: quæ ut solennes sunt ultimæ voluntatis seu iudicii contestationes, certaque animi destinatione perficiuntur, ita in his vera & certa scientia requiri videtur, & quidem de suo statu, arg. *l. de statu* 15. *D. qui test. fac.* ubi dicitur, de statu suo dubitantes vel errantes testamentum facere non posse: atque adeo de statu suo certum esse debere testatorem: Quod ipsum definitur & *l. 1. in princ. D. de legat.* 3. & ab Ulp. *in fragm.* 1. 20. §. 11. Idemque dicendum de heredis legatariæ persona, quæ & ipsa certa esse debet, *l. qui liberis* 8. §. 1. *D. de vulgari*, *l. sciendum* 70. *D. de V. S. Ulpian. in fragm. tit. de legatis*, §. *Inst. de legatis*. Denique plenum debet esse testantis iudicium, *d. §. 11. Stabilitque mens*, & sapientia, *l. ult. Cod. de test. mil.* Verum hæc species seu hæc exempla ad hanc Reg. minus mihi placent: talis enim hic actus, tale negotium querendum est animi destinatione peragendum, quod veram certamque scientiam requirit, id est, explorato omnia facienda sunt, animumque certa scientia præparatum imbutum oportet, *prinsquam* rem aggrediatur, ut ita actus seu negotium valeat. Quod utique Nuptiis, Divortio, Testamento non convenit, ut quæ meris voluntatis radicibus nituntur, et si ea non semper ex vera certaque scientia peragantur: alia inquam est voluntatis Regula, et si ea iudicio scientiæque non semper vacet: alia scientiæ, quæ videlicet est determinatio intellectus ad aliquam partem cum certitudine. Mihi igitur omnium maxime placet exemplum *Adquirenda hereditatis* (de qua erit quoque *lex prox. 77.*) seu cernendæ: ibi quippe ut destinatio animi inspicitur, ex sola enim. (animi destinatione heres quis sit, *l. si avia* 6. *Cod. de iure deliber.*) seu voluntas adquirendæ hereditatis, *l. 4. Cod. unde legitimi*, ut & retro, repudiandæ, §. *ult. Inst. de heredi. qualis*. ita vera certaque scientia ibi regulariter requiritur. Et hæc quidem etiam spec. hic recte placuit Bulgaro, Glossæ, Cagnolo, Pet. Fabro, quam & Cujacius hic memorat. Ad hunc vero *statutum* de acquirenda & repudianda hereditate, deque vera & certa scientia in herede requisita, vel non, pertinent varix leges, *titulo de adquir. heredi.* puta *lex* 3. 6. §. 4. *l. 10. 13. §. 1. l. 15. 16. 17. 19. 21 in fin. l. 22. 23. 25. §. 6. l. 26. §. 7. 8. l. 27. 30. §. 3. 4. l. 32. 34. 46. 51. 74. in fin. 84. 93. 96.* In herede inquam, adeunte vel tepudiante hereditatem. Quæritur scilicet num lex est certus esse debeat. 1. de conditione sua, quo pertinet *dist. l. 6. §. 4. 34. in princ. lex* 74. §. 2. & *l. 54. in princ. de adquir. rer. dom.* 2. de conditione testatoris, quo pertinet *lex* 22. *in princ.* 32. §. 2. *l. 33.* 3. Item num certus esse debeat, defunctum esse testatorem, *l. 13. §. 1. 19. 25. §. 6. 27. 32. in princ. & arg. l. 94.* 4. Num heres de iure suo certus esse debeat, *d. l. 15. 17. §. 1. 22. 23. & §. 7. Inst. de heredi. qual. & diff.* 5. Num scire debeat heres, tabulas extare, *l. 1. §. scientiam* 4. *D. de bonor. poss. sec. tab.* 6. Num de iure testamenti certus esse debeat, valeatne id an vero falsum aut injustum sit, *l. 17. in princ. l. 22. l. 30. infr. l. 46. l. 51. in princ.* 7. si heres in aliena potestate sit, num ejus cui per eum acquiritur destinatio & scientia attendatur, *l. 7. §. 1. d. l. 25. §. 6. 11. l. 30. §. scientia* 7. *l. 93. in princ.* 8. Item quæ ex parte heres sit, *l. 21. §. ult. l. 75. 93. in princ.* 9. purene an sub conditione institutus sit, *l. 34. §. 1. l. 74. §. 3. 10. quod modum adjectum institutioni attinet, dist. l. 74.* 11. quod conditionis existentiam,

l. 11. §. ult. 12. non alium iustum heredem esse, *l. 30. §. 1. 3. 4. §. 6. 7. & 8. l. 84. vers. emancipatus.* 13. an quoad jus accrescendi, *l. 31. l. 35. in princ. l. 38.* In hereditate igitur adquirenda seu cernenda, & retro repudianda, certa veraque scientia ferme requiritur, ut aliquid agatur. In hunc sane quoque finem & Cretionis olim nomen solemnitasque inducta, deliberandique tempora hereditibus tributa: *de quo iis. D. & Cod. de jure delib.* de tabulis etiam exhibendis postulatio seu interdictum, unde scire possit heres, num sibi adeunda sit hereditas nec ne, *l. 18. 19. de adquir. her. & tit. de tabulis exhib.* Ideo tandem ab adquirenda hereditate submoti ii qui nihil scire intelliguntur, qui actum rei non intelligunt, qui non videntur scire, neque decernere, ut pupilli, *l. 5. 8. 9. de adquir. hered. l. ult. D. de juris & facti ignor.* quo pertinet & *lex 3. 4. supr.* excepta nuda quandoque solemnitate, seu negotio contrahendo, tutore auctore *l. 5. supr.*

Et in hac quidem specie adquirendum est: hoc etiam argumento, quod ut Papinianus superiore libro 23. Questionum de Adquirenda possessione egit, ita & hoc libro 24. de adquirenda hereditate egisse videtur, & de omitrenda, pariter ut libro prox. 25. ut apparet ex *l. 18. D. de tutela & rat. distr. l. 2. de separationib.* Generalis alioquin hæc Reg. est: *In totum*, inquit Papinianus, & *omnia*: Quæ formula significatur omnino, ut recte Gl. in universum, generaliter, perpetuo, *et*, in toto jure: sic ut hæc Reg. non fallat, vel certe raro, ut Gl. sicut & idem Papinianus in *l. prox. In totum visitantur*, id est, omnino, penitus. Neque enim hæc formula hic connectenda est cum illis, *animi destinatione*: neque cum illis *certa scientia*.

Videri quoque cui possit species hujus Reg. aptanda in sententiis formandis, inque re judicanda: arg. *l. si uxor 42. D. de judiciis*, quæ altera tantum ex eodem Papiniani lib. 24. Questionum Papiniani superest.

Nempe cum iudex officio suo semel functus iudex esse desinat, *l. 14. 42. §. 62. D. de re Judic. l. 27. D. de pen.* Sane sententia, seu iudicium, nonnisi vera & certa scientia prolatus sustinetur: puta cum iudex cuncta rimatus plenaque inquisitione discussio negotio, juxta *l. 9. Cod. de judiciis* (quæ plenior extat Codice Theod.) ex Consilii sententia sententiam deponit, & ex periculo recitat, (quæ solennes hæc in re olim formulæ fuerunt formæque) de quo expressus titulus est Codicis, *De sententiis ex periculo recitandis*: ita ut non subitas, sed deliberatione habita sententias ponderandas sibi iudices ante forment, & emendatas statim in libellum secuta fidelitate conferant, scriptasque ex libello partibus legant (quomodo diserte loquitur Valentinianus *l. 2. Cod. de sent. ex peric. recit.*) Quo sane pertinet & illud Ciceronis: *Cum crimen est sine accusatore, sententia sine consilio, damnatio sine defensione, certe inhumani quadam barbaries est.* Hinc & illa formula: *de Consilio pronuntiari, recitari* apud Tertullian. *lib. 1. ad Nat. cap. 3.* & Apulejum, *Apolog. aliosque*. Verum, neque hæc species mihi satis placet: ibi enim non ex animi destinatione Iudex sententiam dicit, verum ex officii ratione. Sic igitur hujus Reg. vim & sententiam tenemus. Alio itaque jam pertinet quoque, quod huc adherunt Interpretes, quod sententia certam quantitatem continere debeat: de quo alioquin præter expressum titulum Codicis est quoque *lex 59. §. 1. D. de re Judic.* Certitudo enim scientia hæc Reg. eo respicit, ut informetur iudicium seu instruat animus negotium aliquod gesturi, & sic prævium quid indicat: Non vero

materiæ seu summæ quantitatem respicit, quæ *certa* non est eo sensu, seu varie pro officio judicis taxatur. Alienus item ab hac R. tractatus est de clausula *ex certa scientia*, tralatitia, quæque extrinsecus adhiberi quandoque solet, in testamentis, contractibus, Principum rescriptis, quam vim illa habeat, & quid operetur, in quem aliquin tractatum Interpretes hic sese diffundunt; quia nos hic in eo negotiorum genere versamur, quæ certam animi destinationem omnino desiderant; & essentiam rei ac negotium ingrediuntur: Alienus multo magis est tractatus Gl. & aliorum de voluntate & animo in *delictis* seu maleficiis spectando: quia, ut ostendunt illa verba, *agenda sunt*, Reg. hæc agit de iis quæ *jure* perficiuntur, non quæ contra jus admittuntur, & de genere illicitorum & malorum sunt.

Denique alienus ab hoc tractatus est de *obligatione*, quæ accidentaliter contrahitur, extra id quod agitur: Item alienus ab hac R. tractatus de consensu, & e contrario, de *errore*, quo plerique hanc R. referunt, qui actum vitiat. Quandoquidem hic non de *consensu* qui voluntatem respicit, sed de *scientia* agitur, quæ *intellectus* instruitur & formatur, ut est scientia, quæ in hereditate adquirenda vel repudianda requiritur. Tandem in genere, non alia ferme hujus R. mens est, quam ejus quod vulgo jactatur: Deliberandum esse diu, quod statuendum est semel.

De ACTIBUS LEGITIMIS diem & conditionem non recipientibus: EXPRESSIQUE *ea in re & TACITI differentia.*

LXXVII. IDEM (*Papinianus*) libro vigesimo octavo *Quæstionum*.

*Actus legitimi, qui recipiunt * diem vel conditionem, (veluti mancipatio, acceptilatio, hereditatis aditio, servi opio, datio in ius) in totum * vitantur per temporis vel conditionis adjunctionem. Nonnunquam tamen actus superscripti tacite recipiunt, quæ aperte comprehensa vitium adferunt: Nam si acceptio feratur ei, qui sub conditione promissæ, ita demum egisse aliquid acceptilatio intelligitur, si obligationis conditio extiterit: quæ si verbis nominatim acceptilationis comprehendatur, nullius momenti facies actum.*

* Ita Flor. al. non recipiunt: forte rejiciunt, In Archetipo erat additum, non.

* l. omnino, penitus: sic, et l. 76. sup.

DE ACTIBUS LEGITIMIS est hæc nobilis & notabilis Papiniani Reg. quæ abest a Basilicis, & a Græcis intacta transmittitur. Quæstio hæc est: utrum actus legitimi diem vel conditionem admittant, id est, utrum fieri possint stare sub die & conditione: *Conditione*, inquam, rei alicujus futuræ. Inanis enim est hic Jo. Fabri, Decii, aliorumque tractatus, de conditione de præterito vel de præterito, utrum in ea quoque locum habeat hæc Reg. Conditiones enim istæ non sunt proprie conditiones, figuram, non vim conditionis obtinent, *aliquandoque sunt*. Ad hanc quæstionem in effecta sub duabus distinctionibus seu differentiis respondet Papinianus. Prior differentia est, inter quosdam actus legitimos & alios, seu, quorum alii non recipiant diem aut condi-

ctio.

tionem, ut sunt ii qui hac lege exprimuntur, alii recipiunt, ut recte Glossa: Altera differentia est inter expressum & tacitum: nempe actus legitimos hac R. memoratos, et si expressum diem vel conditionem non recipiant, nonnunquam tamen tacite recipere. Quae quidem Reg. seu lex, quae quarta est hic e Papiniani Regulis, ut in hoc argumento singularis, ita multo Interpretum sudore famosa, desumpta est e Papiniani libro 28. Quaestionum. Quo libro egit is, de *Tollenda obligationis modis*, & de *stipulationibus Pratorii*. De tollenda, inquam obligationis modis: 1. & in his de *solutione*, ut docent ex eodem libro lex 3. de *condict. indeb. lex Strichum & Pamphilum* 95. de *solutionibus*, & haec quidem postrema in eo argumento de solutionibus proluxa admodum, utpote quae duodecim paragraphis consistet: ut hinc appareat, Papinianum eo libro ex professo de solutionibus egisse. Quae quidem etiam non tacitam modo sed & expressam conditionem admittunt, veluti hanc, si *indebitum possea appareat*, l. 1. & d. l. 3. de *condict. indeb.* 2. Egit & eodem libro 28. Papinianus de *Acceptilatione*, quae sane imaginaria solutio est: cuius non tantum initio huius l. mentio fit, una cum aliis actibus legitimis, verum etiam quae speciatim pro exemplo exceptioni seu alteri distinctioni, quae hac lege continetur, aptatur, sic ut exinde appareat, de ea quoque principaliter ibi Papinianum egisse. 3. Egit & Papinianus eodem libro, ut dixi, de *Pratorii stipulationibus*: & inter alia de cautione seu stipulatione *rem ratam haberi*, ut fidem facit ex eo libro lex 1. *ratam rem haberi*, item, de *Cautione legatorum in diem vel sub conditione reliquorum servandorum nomine*, ut docet ex eodem libro lex 2. & 5. ut *legatorum servandorum causa*: ut & de edicto seu titulo, *ut in possessionem legatorum vel fid. servandorum causa esse liceat*: ut ostendit lex *plane* 4. illius tituli, ex eodem libro 28.

Horum igitur occasione de actibus legitimis (cujusmodi est quoque ea quam dixi, *Acceptilatio*.) plenius ad rem propositam tractare instituit Papinianus: occasione potissimum Acceptilationis: Utrum videlicet illi diem & conditionem admittant: mox &, utrum ii actus legitimi qui natura sua diem vel conditionem expresse non recipiunt imo rejiciunt, id est, suspendi non possunt *aperte seu verbis & adiectione*, seu *comprehensione* (quae quatuor voces hic occurrunt) id est, expressa conventionione seu lege sub certo aut incerto diei aut conditionis eventu tacite saltem diem aut conditionem aliquando admittere possint? Et definit Papinianus, etsi non admittant expressa adiectione & conventionione, tacita tamen nonnunquam admittere, recipere.

Horum ratio ut assignari, legitimorumque actuum definitio, tum & legis ipsius sententia stabili, sed & genuina lectio duobus locis firmari possit, ante omnia veniant sub manum quinque illa legitimorum actuum exempla, quae hic memorantur: Quidnam videlicet sint actus illi. 1. *Mancipatio* (nam haec vox hic retinenda est, neque, ut faciunt nonnulli, mutanda in *Emancipatio*) quod ex Ulpiano & Theophilo liquet, veluti jure modus fuit transfrendi rerum dominii quas *mancipi* vocabantur, id est, praediorum in Italico solo constitutorum, & jarium ad ea praedia pertinentium; item servorum & quadrupedum; Haec enim res *mancipi* dicebantur. Caetera veto res dicebantur *Neque mancipi*. Hujus sane Mancipationis usus, ut in venditionibus neque dationibus, ex quacunque causa donationis, noxae dationis, solutionis in pignoribus, seu fiducia, ita imaginaria saepe mancipatio per as & libram interveniebat: veluti in Testamentis per as & libram, similis mancipatio: in emancipationibus (quibus & inde nomen) in adoptioni-

priationibus. Quæquidem etiam omnia hic sub *mancipationis* voce comprehenduntur. Adde & coemptionem in matrimonio, qua mulier in viri manum conveniebat, & fiebat materfam. viro loco filie: & sic in mariti manus mancipioque, ubi & *ex Cajanus* interveniebat: de quo omni vid. Briffonius 1. *seleſt. 7. & lib. de ritu nup.*

2. *Acceptilatio*, ut jam dixi, contrarius mancipationis actus erat, ab eodemque neu solutio, id est, imaginaria & civilis solutio. 3. De *Hereditatis additio*, de qua agitur hoc ipso libro 28. in l. 95. §. 1. *de solutionibus*, sive de Creione, ut loquebantur, res aperta est. 4. *Servi Optio* nihil aliud est, quam optio unius vel paucorum servorum ex toto grege seu familia integra servorum, a legatario, cui testator optandi ex familia sua servi vel servorum jus dedit. 5. *Datio Tutoris* hac l. significat tutelam dativam, quæ videlicet a Magistratu confertur, seu a Judice, ut recte hinc Glossa: *Dationis* scilicet & *dandi* verbum proprie pertinet ad ea quæ publice conferuntur, ut hic, ita & l. 70. *sup. h. 1.* Et sane tutela dativa diem & conditionem non recipit: de cujus rei ratione postea: contra, testamentaria tutela diei & conditionis adjunctionem recipit. Potest scilicet pater filio tutorem dare, exempli gratia, a Kalendis proximis in *Kalendas illius vel illas*: potest item sub conditione quacunque, veluti, si navis ex Asia venerit, l. 8. §. 1. 2. l. 111. *D. de testam. tutel. §. ad certum tempus*, *Inst. de testam. tutel.* id quod Magistratus facere non potest tutorem dando, l. *mutuo* 6. §. 1. *D. de tutel.*, & si ita datus fuerit, nullius est momenti datio, d. l. 6. & ut h. l. dicitur: *In totum visatur.* Et ita quidem interim obiter & in transeursu hi textus inter se conciliandi sunt.

II. Secundo, nunc proponenda nobis est legitimorum actuum definitio, eo quoque finit, ut ab aliis actibus & actionibus, quibuscum vulgo commiscerentur, separentur. Sic igitur eos definitio: *Actus legitimos esse sollemnia quacunque hominum negotia, quæ publice privatim, sollemni modo riteque, seu sollemnitate a lege indulta celebrabantur.* Ergo actus legitimi deo dicti, quia sollemni modo a lege inducto celebrantur, seu perficiuntur: Non igitur tantum quia ex lege descendunt, (quomodo alioquin pacta legitima dicuntur, l. *de pactis*) quod quidam tradunt. Nam v. g. optio servi ex lege non descendit. Rursum, non patior addi definitioni, in jure celebrata, quod Cujacio tamen visum est, vel coram illo, cui id specialiter a lege indulgetur: Nam exempli gratia, mancipatio, & acceptilatio, privatim quoque fiebant, non in jure semper, sive coram Magistratu. Item tutoris datio, non tam coram Magistratu, quam ab ipso met Magistratu fiebat. Dixi *Negotia sollemnia*, quibus ideo recte connumerantur legis actiones, puta Adoptio, Emancipatio, Manumissio, de quibus vide l. 3. de *Offic. Proconsul.* l. 1. *D. de Offic. Jurid.* l. 1. c. de *Adoptione*, Paul. 2. *Sent. tit. 26. & Inst. de Atiliano tutore*, ubi Theoph. Naz. 81, ut sic actuum legitimorum appellatio latius patcat quam legis actionum, imo has illa ambitu suo complectantur: Inde igitur idem actus, legis alio, & legitimus actus vocatur: ut mancipatio h. l. & l. 4. de *adoptione*. Et sic hactenus legis actio & actus legitimus, idem sunt, non simpliciter. Dixi *negotia*, ipsa scil. nempe, ut distinguam a legitimis seu legis actionibus illis, seu formulis forensibus, quæ legitimæ alioquin quoque actiones dicuntur l. 2. §. 6. *D. de orig. Jur.* Ac multo magis recte refutat Hotomanum Cujacius, qui inter actus legitimos processum omnem judicarium omnesque ejus partes computabat. Neque quicquam cum juvat *lex penult. Cod. de Hæretic.* ubi testimonii in jure dictio vocatur *actus legitimus*: alio quippe sensu ibi actus legitimus u-

surpa-

surpatur, pro processu seu solemnitate judiciali, ut ita separaretur a testimonio, v. g. testamentario. Ex his interim apparet, ac nominatim ex tutoris datione, quæ actibus legitimis hic connumeratur, actus legitimos alios a privatis seu privatim, alios a Magistratu seu publice celebratos.

III. His ita distinctis & definitis, tertio loco nunc aperienda sunt *solemnia* seu *solemnitates* a lege inductæ, quibus hi quinque actus, qui hac Reg. memorantur, expediuntur, ut ita appareat omnino eos legitimos actus fuisse.

1. *Mancipatio* fiebat certis verbis, libripende & quinque testibus civibus Romanis presentibus; teste Ulpiano in *fragm. tit. de domin. & Adquis. rerum* 19. §. 2. Gajo lib. 2. Boetio, in *Topica Ciceronis*, de quo plura v. apud Brillon. 1. *Selett.* 7.

2. *Acceptilatio*, ut legitimus actus hac l. vocatur, ita & solemnis, l. *ult. C. qui in fraud. credit.* & procul dubio iisdem ferme solemnibus peragebatur acceptilatio seu nexi liberatio quibus contrarius, *mancipatio* scil. nexuque datio.

3. *Hereditatis aditio* (quod notissimum) verbis conceptis, testibus presentibus aliis. que solemnibus fiebat.

4. *Servi Optio*, ut quævis alia optio, fiebat legitime, coram Prætoribus: Fusius apud Senecam, lib. 3. *controv.* 23. *Optio est qua legitime fit: Illa non est facta legitime: Si Prætor defuisset, nunquid optionem vocares, si rapta defuisset, raptor non sur. Non est illa optio, sermo est.* Denique solemnii testatione fiebat optio servi, ut ex Aufidio refert Labeo l. 20. *D. de optione leg.*

5. *Datio Tutoris* postremo loco cum solemniter in jure celebraretur, dubium nullum esse potest, quin fuerit & is actus legitimus.

Quarto nunc loco *Ratio* indaganda nobis venit, cur ~~per~~ quinque actus illi legitimi qui hac l. memorantur, diem & conditionem natura sua & conventionem expressa, aperta, non recipiant, imo rejiciant, respuant, id est, quare pure, simpliciter & præsertim eos fieri oporteat? Quam assignare difficillimum toto jure agnoverunt veteres Interpretes, saltem de omnibus: unde & nonnulli Regulam nostram ad duos actus restringunt, ad acceptilationem videlicet & tutoris dationem. Rationem nemo melius assignavit primo Juris instauratore Alciato lib. 3. *per argon.* quinque capitibus: puta cap. 4. §. 6. 7. & 8. per quinque has species, nempe, quia actus hi tales sunt, ut a presententi executione nomen habeant, momentoque perficiantur, & præsens factum contineant, ita, ut si diem vel conditionem adjeceris, simul volueris, fecerisque, quod natura actus non fert, qui arbitrium absolutum & præsens desiderant: neque temporis procrastinationem patientur: neque conditionis eventum. Quare vitium formæ est, ut alii loquuntur, si dies vel conditio addatur, seu peccatum est in forma. Per singulos actus legitimos hac Reg. nominatos id comprobemus: 1. *Mancipatio* igitur, per temporis vel conditionis adjectionem, vitiatur: quia ea nihil aliud est quam domini realis præsentisque traditio & manucapio. (Qua causa etiam Ulpianus *mancipium* pro mancipatione dixit) atqui ea demum manu capimus, quæ manu tenemus, non quorum dies aut conditio in suspensio est: item quæ propria nobis sunt perpetuo jure, non in diem. Idque procedit in quacunque mancipatione, sive vera sive imaginaria, veluti ea quæ intervenit in testamento, adoptione, emancipatione, coemptione in matrimonio contrahendo. 2. *Acceptilationis* eadem ratio est: unde nominatim quoque a Pomponio definitur l. 4. & 5. *D. de acceptilat.* acceptilationem subconditione & die fieri non posse: &

in diem factam acceptilationem nullius esse momenti. Nam nisi acceptilatione statim & in perpetuum reus debendi liberetur, nihil agitur: & contrarium in adjecto est: liberari videlicet quem, & discessi vel interdicti siltique liberationem, vel ut Imola post Glossam loquitur, *peccatum est in forma acceptilationis: cum ex sui forma statim & in perpetuum liberare debeat, quemadmodum solatio*. Denique, cum acceptilatio jus commentitium sit & imaginaria solutio, solutionem imitetur eique in eo comparatur necesse est, ut & alias ei comparatur, l. 1. 4. §. 8. & l. filio qui pater, d. de acceptil. l. non solum 7. §. 1. D. de liber. legat. atqui solutio obligationem PERIMIT, l. si rem 3. l. §. 1. D. de novat. statimque & in perpetuum liberat. Eodem igitur modo per acceptilationem liberatio contingit, l. 19. de acceptilat. Atque hoc est, quod Jurisconsultus ait in d. l. §. de accept. in diem factam acceptilationem nullius esse momenti: nam, inquit, *solutionis exemplo acceptilatio solet liberare*. Quamquam solutioni tacita hæc semper conditio inest, imo & expresse quandoque conditio hæc solutioni adijci solet, si debitum revera sit, contra, ut si indebitum apparuisset, reddatur, d. l. 2. & 3. D. de cond. indeb. quarum hæc, ut antea dixi, ex eodem Papiniani libro desumpta huic conjungenda est. 3. *Hereditas aditionis* eadem ratio est. Actus hic scilicet præsentem, puramque & certam heredis voluntatem requirit: & ut Papinianusidem dicebat generaliter in l. super, animi distinctione peragi debet, & nonnisi vera & certa scientia perfici: Quare nequicquam admittitur, imo nulla est aditio, si ita adeatur: *Adco si solvendo hereditas est, l. cum qui duobus § 1. in fin. D. de acquir. hered.* Item, non admittitur, si in diem seu ad certum tempus adeatur. Prioris ratio est, ne videlicet aut diutius testatoris voluntas eludatur, aut res hereditarie depereant: quem in finem etiam leges stata quædam tempora deliberandi heredibus dolerunt. Aliud juris est in heredis institutione, heres enim institui potest sub conditione & ex die, pro testatoris arbitrio, l. omnis hereditas in fin. h. t. l. si mater, D. de vulg. & pupill. subst. l. extraneum, Cod. de hered. inst. §. heres, Inst. cod. & 100 titulo de condit. inst. Posterioris ratio est, quia qui semel heres exitit, semper heres est & manet: nam simul ac hereditatem heres adiit, actu legitimo statim dominus fit. 4. *Servi optionis* seu electionis eadem ratio est: Ea scilicet, non tantum semel duntaxat fieri potest, l. 5. in pr. de legatis 1. pauper ut aliarum rerum electione legata, l. apud Aristinum 20. D. de optione leg. unde etiam filiusfam. sine iussu patris optare non potest, l. 10. de legat. 1. nec ante adiit hereditatem, d. l. 10. & l. 16. D. de optime lex: sed & diem & conditionem natura sua rejicit, seu respuit; id est, non potest is cui optio servi legata est, optare, etiam ex conventionne irrita cum herede, sub die vel in diem & sub conditione: Quod hic expresse definitur, de quo alioquin nulla alia expressa lex occurrit, sub die, inquam, & conditione annullante optionem servi. Id vero ita constitutum, non ut vulgus parum proprie, hac ratione, ne sit in potestate legatarii, heredem reliquos fortassis servos distrahere volentem, incerti diei vel conditionis eventum morari: neque enim hic de heredis nominatim interesse agitur, verum absolute, optio servi diem & conditionem rejicere dicitur, & sic non heredis favore. Quid igitur? Id ita constitutum, in favorem servorum: ne tracta alioquin, dilataque optione servi, in diem vel conditionem, & sic novæ subinde optioni & exhibitioni loco relicto, interea totus greg, tota familia servorum casu aliquo libertate defraudetur, si videlicet in diem novæ optionis familiam servosque in eodem statu servili

servili ad novam optionem faciendam manente exhiberique oportere, quod utrique inique aris plenissimum foret, ut propter unius forte servuli optionem ita suspensum bene meriti interea servi alii libertatis premio exciderent. Hinc adeo & testatores, quamlibet solutionem seu prestationem servorum a se legatorum in diem aliquem ulteriorem aliquando differrent, attamen electionem seu optionem ipsam fieri jubebant consensum post aditam hereditatem, ut in sp. elegantissima *l. penult. D. de optione legata*. Hac ipsa de causa etiam ei cui mancipiorum electio legata erat, a Pratore certum tempus praefinebatur: quo elapso, si res integra non esset, & familiam heres disposuisset, actio legatorum non competebar, *l. 6. 7. de opt. leg.*

Hac ita, inquam, in servi optione a legatario scilicet facienda, obinebant: Alioquin, ut objectioni occurrat, potest a testatore ipso optio quavis legari sub die vel conditione, & optioni diem testator adjicere potest, *l. alienationis 28. §. penult. D. de verbor. signific. l. 10. D. ad exhibendum*. Ergo optio servi a legatario fieri non potest sub die & conditione, quamvis heredis consensus accedat. Aliud dicendum, in reliquarum rerum optione: nihil enim impedit, quo minus legatarius, cui optio legata est, consensu heredis in diem vel sub conditione optare possit. Alioquin, quod ab hoc diversum est, & male tamen confunditur, ut ceterarum rerum, ut dixi, ita & servi electio nonnisi semel fieri potest: quomodo & semel tantum adiri hereditas potest: de quo posteriore *v. l. si filius 80. in fin. de acquir. hered. §. Tutoris* dationis eadem postremo ratio est. Ideo scilicet tutor a Magistratu petitur, ut pupillo ilico consultum esse possit: cui necquicquam cavetur, si tutoris datio ex die vel conditione trahatur, proleatur; & si huiusmodi tutoris datio admitteretur, idem Magistratus rursus adeundus esset, ad dandum interim alium tutorem: quem circuitum, seu legitimi actus multiplicationem, & pupillo damnosam, & frustraneam seu lusoriam vitant leges. Ex hac quidem interim, ut jam antea monui, ratio est, cur tutor a Magistratu sub die vel conditione dari non possit, a patre possit: in quam anxie alioquin quæri inter Interpretes, ostendunt octo vel novem illarum conciliationes diversæ, quas cumulavit Nicolaus de Passeribus, in *concl. legum. a pag. 489. ad 493.*

1. Ex his jam apparet, cur Papinianus scripserit, hos actus legitimos quinque IN TOTUM vitari per temporis vel conditionis adjectionem, seu diem & conditionem VITIUM his actibus inferre: Quia scil. nullo modo per rerum & actuum horum naturam dies his aut conditio adijci potest, neque ita facti ulla interpretatione sustineri possunt: quandoquidem momento temporis perfici debent, nec capiunt dilationem ex die vel conditione. Secundo, ex his apparet, errare eos qui concoquere non possunt, id quod de *optione servi* hic dicitur, vel *optionis* vocem ad tutoris dationem trahere tentant (etsi neque ipsi tandem id probent) vel vocem *Adoptionis* ejus loco substituunt: vel denique vocem *servi* hinc expungere tentant: tandem, qui exempli tantum causa servi mentionem fieri *hac l. tradunt*: eo. quod de servorum optione sæpius quam aliarum rerum optione Jurisconsulti consulenterentur, scriberentque: Nam, imo etsi verum sit, quodcumque tandem optionis genus actum legitimum esse, qui & coram Pratore, herede presente, & exhibitis rebus testatoris fiebat: Etsi verum sit, quamcumque tandem optionem, sive servi sive alterius rei, semel tantum fieri posse, *dist. l. 3. in pr. D. de legat. 1. dist. l. 20. seu pen. D. de optione leg.* ut

& illud verum, cuicumque legato optionis inesse tacitam hanc conditionem, si post aditam hereditatem optatum fuerit, seu optione legata, non posse ante aditam hereditatem optari, nihil denique agi si optatum fuerit, *l. opione* 16. *D. de optione legata*: Verum denique & illud, quod & ante dixi, a testatore non minus servi quam aliarum rerum optionem sub die vel conditione dari legari posse: falsum tamen est: omnera optionem faciendam a legatario, diem & conditionem natura sua rejicere seu respuere: Ecce enim non liceat, res alias optare heredis consensu sub die vel conditione, cum de solis heredis prajudicio ubi agatur, quod in optione servi secus est, ubi prajudicium vertitur totius gregis & familie servorum. Ergo valeat jam P. Fabri sententia, *lib. 2. Semestr. 23.* id quod de servi optione hic dicitur, id ipsum & de aliarum rerum optione statuens.

Tertio, hinc apparet, dari alios actus legitimos praeter hac l. comprehensos: Et vero dari in summam duum generum: alios, qui diem & conditionem jure recipiant: alios, & quidem haud adeo multos, pura quinque, qui rejiciant, de quibus JC. hac l. *ptos* agere instituit: Quod duobus etiam argumentis ex hac ipsa l. comprobatur: Primo, ex illis hujus l. verbis: *Actus legitimi QUI*, hac enim particula QUI (ut hac l. ita & l. 23. *in fin.*) pariter ut vox *Quam* in l. 65. *supr.* suum antecessus procul dubio restringit, seu, ut loquuntur, ejus natura est restringere, *l. cum llos pupulos*, *C. de summa Trinit. l. omnes populos*, *D. de justit. & jure*, ubi Doctores proluxe. Atque si dixisset Papinianus, actus illos sive speciem illam actuum legitimorum, qui natura sua respuunt seu rejiciunt diem & conditionem, tacite tamen admittere. Secundo, ex illis ACTUS SUPRASCRIPTI, quae, ni fallor, suum antecessus restringunt.

Quarto, ex his apparet, de vitiosa hujus l. lectione Florentina, ibi, *qui recipiunt*: quicquid Cujacius dicat, ubi vulgata melius habet: *Qui non recipiunt*: quam lectionem probantur quoque Alciatus, Corasius, Hotomannus. Et vero in archetypo erat additum *non*. Quanquam & leviori mutatione ibi reponat quis, loco *recipiunt*, vocem *re sciunt*, quomodo vox illa primum expressa forte fuerat, unde mox una litera amplius *recipiunt* expressum fuerit. Simili errore, quo *addicentis* & *addicendi* vox promiscue alibi, pro *adjicientis* & *adjiciendi* posita reperitur: de quo Antonius Augustinus 2. *Emendus*: 3. Sane ita quoque ea ipsa *non recipiendi* vox tuenda est apud Quintilianum, *lib. 5. cap. 6.* ubi de iurajurando agit: *Iurajurandum*, inquit, *litigatores aut offerunt suum, aut non recipiunt obtinere: aut ab adversaria exigunt, aut recitant, cum ab ipsis exigatur* (ubi quidam id in non respuunt mutant) quod sane sequentia quoque mox ostendunt: *qui non recipiet conditionem* (iurajurandi) *a multis contemni iurajurandi metum dicit*, &c. *cum, qui nullo offerente jurare sit paratus*. Ad rem, lectionem hujus l. nostrae emendam, vel reposita vulgata lectione, vel substituta voce *recipiunt*, duo persuadent. Primo quidem ipsa Papiniani argumentatio: cujus hic sensus est: Actus legitimi, qui sua natura non recipiunt seu rejiciunt diem & conditionem, hanc expressam diei & conditionis adjectionem ita respuere, rejicere, ut in totum videntur per temporis vel conditionis adjectionem, nulliusque momenti fiant. Id scilicet est in totum vitari, omnino perimi, sic ut nulla interpretatione actus illi sustineri possint: v. g. Acceptilario ita facta, nec ut pactum valet: cum alias inutilis Acceptilatio utile pactum habere possit, *l. 8. D. de Acceptil.* Qua simili formula usumdem

Pa-

Papinianus in proxima huic l. 76. *supr.* In totum est, omnino, pemitus : ut l. 1. §. 1. *supr. de suis & legitimis*, l. 61. §. 6. *de ritu nup.* l. 4. §. 9. *de manumiss.* l. 43. §. 1. *de jure dotum*. Ergo in totum vitari actus hi dicuntur, per dici & conditionis adjectionem, cum alias quædam aliis actibus adjecta non vitent actum, etsi ipsa quasi non adjecta, vitentur, veluti abundantia & superflua : de quo ad l. non solent 94. *infr.* Et sic Papinianus initio hujus l. argumentatur a natura actus ad vim conventionis & adjectionis : Unde necessario conficitur, Papinianum initio dixisse, hos actus non recipere vel rejicere, respucere, omnem dici aut conditionis adjectionem. Secundo, id ipsum etiam vel ex ipso vocis recipiendi significato apparet : *Recipiendi* quippe voce, natura rei actusque designari ferme solet, & pro admittere sui natura. Sic & l. 23. *supr. Contrahens quidam dolum malum duntaxat recipiunt* : & mox : *societas & rerum communio & dolum & culpam recipit*. Sic & res recipere usufructum, l. 9. *D. de usufructibus*, res divisionem non recipere, l. *stipulationes non dividuntur* 72. *in princ. D. de V. O.* Idem Papinianus hoc ipso libro 28. Quæstionum in l. 5. *de usuris bona fidei iudicium non recipere præstantem qua contra bonos mores desideretur*. Atquin legitimus actus, de quibus hac l. agitur, natura sua diem & conditionem rejicere, seu non recipere, ostendere voluit Papinianus : & quia natura sua rejiciunt seu non recipiunt, expressa quoque conventionem seu adjectionem recipere nullo modo posse definit. Et sane mox in hac ipsa l. *recipiendi* vox proprio illo sensu effertur. Ut proinde Cujacio minime adhaerendum sit, qui Florentinam lectionem tuebatur, voce *recipiendi* accepta initio l. de facto, non de jure : Quod nonnisi inconcinne dicitur, ut videlicet in eadem l. eadem *recipiendi* vox effertur nullo addito duplici sensu : initio quidem, de facto, postea vero de jure, quod & ab usu juris verbiq; proprietate alienum est : quod recte etiam urist Hottomanni, 1. *Amicab.* 30. eaque res & interpretatio implicat contrarietatem, nempe actus hos recipere diem & conditionem, & vitari per temporis & conditionis adjectionem. Tandem ex his apparet, quam nihil omnino ad hanc l. faciat, quod Interpretes hic tractant de procuratore qui in legitimis actibus non admittitur : quod hic tamen proluxe tractant. Item, quam nihil cum hac l. commune habeat, *lex nemo* 123. *in princ. infr.* ubi dicitur, neminem alieno nomine lege agere posse, de cujus sententia ibi dicam.

Et hæc quidem de priore hujus l. parte, primaque adeo, quæ in ea tacite continetur distinctione, inter quinque illos actus legitimos hac l. expressos, & alios. Posteriore legis parte continetur altera differentia, *Taciti* videlicet & *Expressi*, & sic limitatio quædam superius dictorum : Ad quam alioquin (expressi tacitique scilicet) differentiam pertinet quoque lex 195. *infr.* ubi plura de ea. Nempe ait Papinianus, quinque actus illos legitimos, qui natura sua diem & conditionis adjectionem expresse non recipiunt, non admittunt, tacite tamen quandoque recipere, admittere. 1. Cujus exemplum unicuique Papinianus h. l. apponit in *Acceptilatione*, cujus sane causa Papinianum hunc tractatum ingressum jam ostendimus : *Acceptilatio* scilicet, etsi sub conditione & die fieri non possit, quod præter hanc l. testatur quoque lex 4. & 5. *D. de acceptilationibus*, & sic diem & conditionem rejiciat : attamen tacite ea quandoque recipit : veluti si accepto feratur ei qui sub conditione promissit, ut hic dicitur, verbi gratia, si nuptiarum causa dos promissa, acceptoque lata fuerit, quæ propria species hic indicatur, & vero repetenda

da est ex Ulpiani *l. licet solent* 43. junctis *l. 36. 37. 38. D. de jure dot.* Pomponii, *l. 12. de acceptilat.* Venuleji, *l. 21. cod. tit.* Ergo hæc tacita conditio admittitur in *Acceptilatione*. Quod quidem hæc casu evenit, ob naturam negotii cui acceptilatio accedit, seu cujus causa sit, & ad quod ea refertur, puta ad nuptiarum implementum. atque ideo implendi alicujus conditionem & diem continet: Quam ideo Doctores, post Baldum, conditionem *intrinsecam & legalem vocant*, quæ scilicet rei natura vique ipsa actui alicui inest: & ideo actum legitimum non vitiat: quod sane facit extrinseca seu extrinsecus appositæ conditio: ut vocatur *l. jam dubitari* 86. *D. de hered. instit.* quæ & proprie *conditio* est. Neque in hac tantum specie tacita Acceptilatio conditionem admittit, sed & in *sp. l. quæbatur* 82. *ad l. Falcid. l. mortis causa* 31. §. 1. *D. de mort. caus. don. l. 15. ad l. Falcid.* quæ & ipsa Papiniani est. 2. Simile huc alterum exemplum addatur in *Bonorum possessione* a filio petita & admissa: nam ea quoque ipsa tacitam conditionem admittit, videlicet si pater ratum habeat, *l. ult. D. quis ordo in bon. poss. serv. & l. 1. Cod. qui admitti ad bon. poss.* 3. Ponatur & tertium exemplum in *Tutoris datione*, ubi legalis quadam conditio, (imo etiam expressa) admittitur in *sp. l. muto* 6. §. 1. *D. de tutel.*, quia scilicet resolvitur ea conditio in *modum* & admoniti nem: pariter ut in *sp. l. 3. D. de legat. ait*. 4. Similis tacite conditionis exemplum etiam in *Manumissione vindicta*, ubi Mancipatio interveniebat, v. *in l. mortis causa* 15. *D. de manum.*

Ad Acceptilationem redeamus, ergo tacitam & legalem seu intrinsecam quoque conditionem admittit *Acceptilatio*: non expressam, seu, ut hic dicitur, aperte seu verbis nominatim comprehensam, adjectam. Cujus rei usus & effectus hic est, consequens istud, ut acceptilatio, quæ alioquin sui natura illico liberationem inducit, & nullo modo suspenditur, non impleta conditione illa, quam dixi, tacita revocetur, ut docent *d. l. 37. & 43.* E contra, si conditio illa obligationis extiterit, tum demum egisse aliquid acceptilatio intelligatur, ut diserte ait Papinianus *b. l.* Ex dictis interim modo apparet, Glossam in eo errare, quod duos tantum ex superscriptis legitimos actus dicim & conditionem tacite recipere ait, nempe acceptilationem & tutoris dationem.

FRAS quomodo asimanda veniat.

LXXVIII. IDEM (Papinians) libro trigesimo primo *Questionum*.

Generaliter, cum de fraude disputatur, non quid habeat 1 actor, 2 sed quid 3 per adversarium habere 4 non poterit, considerandum est.

- 1 *pp. habebat*: fraudis scilicet admittæ tempore: de quo mox, 2 fraudem passus.
3 Forte quid, pro quidquid. 4 deinceps quoque post fraudem admittam.

DE FRAUDIS æstimatione, in judicio scilicet redintegratorio, incunda, quidque ibi Judici considerandum veniat, quæ denique bona restituenda veniant, est hæc quinta & Papinianæ Regula: celebrata quoque ob Cujacii & Reberti super

super ejus lectione controversiam. Ejus sane sensus hæcenus inobscuro est: variisque adeo emendationibus sollicitatur & Interpretationibus donatur, ut post omnia Cujacius (qui quatuor Interpretationes adfert) pronunciet, non recte videri hanc Reg. conceptionem, & qui arctius eam & accuratius acceperit, desiderabit in ea semper aliquid: propter ea scilicet verba, *non quid habeat actor*.

1. A Græcis incipiendum est, Basilicis, inquam *lib. 2. tit. 8. cap. 78.* & Harmenopulo, *lib. 6. hoc tit.* Hi scilicet addita negatione hunc locum ita efferunt *τι οὐκ ἐστὶν ἡ νόμος*: hoc sensu, non ilico si quid actori fraudem pulso ablit, id ab adversario restituendum esse, verum id demum quod dolo fraudeve, quod culpa ejus abest. Et hæc quidem lectio & interpretatio Cujacio quoque visa est, ut ipse ait, semper elegantissima & probabilior. Amplexus est eam & Balduinus, tum *alibi*, tum *commentario de lege Aquilia, pag. 256. 257.* Ea vero Interpretatio lectioque mihi nunquam placere potuit: Neque enim, ut verba hujus l. sonant, fraudato fibula aliqua hæc Reg. imponitur, quod Græca lectio infert, imo contra laxatur, & in ejus gratiam ea tota concepta est: sic ut definitur non ad unius generis bona redintegrationem restitutionem restringendam, verum ulterius porrigendam.

2. Accurrit speciem tangebatur, in tertio qui *mala fide a debitore* rem emit in fraudem creditorum alienanti, qui tenetur creditoribus etiam ad percipiendos *fructus*, i. quos actor percepisset, nisi fraus prædicta intercessisset: secundum *l. ait Prætor 10. §. per hanc, D. qua in fraud. creditor.* Idemque observari (nam hæc altera ejus Interpretatio est) in quolibet *mala fidei possessore*. Eamque interpretationem secuti plerique: tracti huc *l. 173. §. 1. inf. h. t.* & notissima regula, rem cum sua causa restitui oportere: Denique, utilitatem omnem prestari, *l. 20. l. si navis 62. §. 1. D. de rei vind. l. §. §. fructuario, D. si usufr. per. l. 31. si certum per, l. semper §. hoc interdicto, D. quod vi aut clam, l. si duo, §. fin. D. uti possid.* E quibus *d. lex si navis* ejusdem Papiniani *lib. 6. Questio-* num, huic sensui blandiri maxime videtur, adeo ut Cagnolus sententia verbi hujus Reg. in præposita, & clarius & elegantius hanc Reg. ibi tradi: GENERALITER, inquit, *enon de FRUCTIBUS estimandis queritur, constat ANIMADVERTI debere, non an mala fidei possessor fructus sit, sed an PETITOR FRUI POTUERIT, si ei possidere licuisset. Quam sententiam Julianus quoque probat.* Et hæc quidem occasione nonnulli in eam sese questionem hic distabant: ad quem estimatio percipiendorum fructuum referenda sit, an ad actorem, an vero ad reum. Sed enim hæc species a Reg. nostra plane diversa est: Illic quippe agitur de estimatione FRAUDIS: ibi de estimatione fructuum.

4. Pct. Fabri vicina his sententia est, hanc Reg. ad edictum de *his qui in fraudem creditorum alienata sunt*, pertinere: hoc sensu, in eo non satis esse, quod res ipsa penes actorem sit aut penes adversarium non sit, neque dolo esse desierit, si non omne quod ex re percipitur est vel percipi potuit, emolumentum, quod actori per adversarium interceptum est, restituatur. Verum ut superiores, ita & hæc interpretatio cum hæc R. nil commune habent: nam & ad *fructus* male restringitur, & ad alienata in fraudem creditorum male refertur.

5. Cujacius hanc quoque inter alias interpretationem adfert, retenta specie in alienatis in fraudem creditorum: si creditor agat Pauliana, ut rescindat quæ debitor gessit & dona-

donavit in fraudem suam, non querendum in hoc iudicio, quid creditor habeat de bonis debitoris possessis (nam Pauliana non datur nisi creditore ante missio in possessionem bonaque debitoris possidere iusto, §. *item si quis in fraudem*, Inst. de actionib.) & quae distinxit, non considerari quid habeat actor de bonis debitoris, quae possidere iustus est & distinxit, sed quari & considerari quid amplius habere poterit, si ei fraudator, id est, debitor ipse, fraudem non fecisset: vel is qui contraxit cum fraudatore si ei non obstitisset. Verum, ipsumet Cujacio hic sensus inelegans & inconsequens videtur: Nam quis inquit, nescit, hoc non considerari quod jam actor habet, cum queritur, quanto fraudatus sit?

6. Idem Cujacius (quae sexta jam interpretatio est) melius esse ait, sic verba struere hujus Reg. & disponere apud se tacito intellectu, transpositis verbis, (ut alibi expresse ait) ut dicatur non considerari quid *habeat adversarius* cum quo scilicet agitur fraudatoria actione, sed quid actor habere poterit, si possidere ei licuisset per adversarium: & exemplum quoque ponit in fructibus: allegata d. l. *si navis* & d. l. *ait Praetor*, §. *per hunc*, quos & ipsos duos textus adduci hoc loco rectissime ait ab Accursio.

7. Idem Cujacius utramque, vulgatam, inquam, & Florentinam lectionem alicubi tuetur: semper enim eundem sensum hujus Reg. esse, quae negativae in Gracis addite, & sic *adversarius* esse utrovis modo legatur: hoc sensu: Non considerari quid habeat actor *nec ne*, verum quod habere potuisset, si per adversarium impeditus non fuisset: seu, ut alibi id exponit, in iudiciis quibus de fraude agitur, non quid habeat actor considerari, ut eo quod non habet statim fraudatus iudicetur, nisi & id quod non habet per adversarium factum sit, ut non haberet.

8. Nil moror Roberti interpretationem, ex l. *plane* 34. §. *quod si rem* & l. *non quocunque* 74. in princ. & §. 1. D. de legat. 1. quam Cujacius velut alienam recte refutavit. Certe nulla ibi qualis hac R. bonorum distinctio continetur.

9. Ut neque Cognoli, qui ibi, *non quid actor habeat*, accipit, *habeat* pro *habuisset*, rem scilicet si possidere ei licuisset. Inanem enim hic sensus repetitionem continet. Nos igitur si qua pote, post tot interpretum conatus symbolam quoque nostram hic adferamus. Id vero facere conabimur, ubi indagaverimus, quodnam argumentum Papinianus libro 31. Quaestionum, unde haec Regula desumpta est, traxerit. Igitur, cum quatuor tantum ex eo libro leges desumptae supersint, & quinta praeterea Pauli sententia seu Nota, ad eundem librum Papiniani, easque omnes sub unum conspectum subijcio, ita colligo, imo certo comperio, Papinianum eo libro egisse de *statu personarum*, ac nominatim de *jure Patriae potestatis* & de *Adoptionibus*. Quod a Cujacio tum alibi, tum in ipsis *Recitationibus* in Papinianum, minus animadversum est.

Prima lex est lex in multis 9. D. de statu homin. qua definitur, in multis juris articulis deteriorem esse foeminarum, quam masculorum conditionem. Quod quidem eo quoque bellissime aptari potest, quod foeminae olim ut adoptandi, ita & adrogandi incapaces erant: imo ne adrogari quidem poterant, quoniam cum foeminis nulla comitorum communio erat, teste Gellio, lib. 5. cap. 19. & Ulpiano in fragm., etiam postea ex rescripto Principis adrogari potuere, l. 21. D. de adopt.

Secunda lex est lex nonnunquam 32. eod. tit. de adopt. Ea igitur cum aperte sit de adoptionibus, duas continet sententias: quarum prior est, de *revocanda* per Judicem causa

causa cognita impuberis adoptione, si pubes factus emancipari desideret, & sic si de adoptione in *fraudem* suam facta queratur, de quo mox: altera definitur, ex rescripto Imp. Titi Antonini, privignum suum tutori adoptare permittendum.

Tertia lex est *lex 11. de captivis & postlim. reversis*, quæ & ipsa pariter ad jus patris potestatis pertinet, & ad causam postliminii & L. Cornelia. In quo etiam argumento notandum, in adoptionibus id juris fuisse, ut etiam postliminio reversi liberi, patrem adoptivum sequerentur, *l. 11. in princ. D. de adopt.* Sed & ea in re de captivis & postliminio reversis de pristino jure a patre recuperando, deque peculio ei adquirendo ab eodem Papiniano agitur *l. 14. de cast. pecul.* pariter ut adrogatione soluta, de eodem pristino jure recuperando agitur: de quo mox.

Quod Pauli notam ad Papinianum in *l. 18. D. de servitutibus* attinet, est ea de restitutione, redintegratione, iterata impositione servitutis ipso jure confusæ per additionem: cui concinit *l. 70. & 116. §. ult. de legatis 1.* (ubi pariter dicitur *pristinum jus* restituendum esse, sicut cum adrogatio rescinditur, *l. 33. de adopt. de quo mox*) *lex 75. §. ult. D. ad Trebell.* Ex hac vero lege *18. de servitutibus*. Ravardus pro more suo speciem nescio quam invita Jurisprudencia ad hanc Reg. apponere conatus est: ita quidem, ut verba illa, *non quid habeas actor*, interpretetur de jure: illa vero, *qui per adversarium habere non poteris, considerandum esse*, de medio exceptionis, æquitatis intuitu: quæ vigilantis somnia sunt. Imo enim, ut legis illius sensus apertus est, ita non male quoque reduci ea potest ad argumentum servitutis confusæ occasione delatæ per filium adoptivum patri adoptivo hereditatis, vel legati: quæ rescilla postea adoptione una cum cætero *pristino jure* restituenda venit, iteratoque imponenda.

Ex his igitur jam clare patet, Papinianum libro 31. Quæstionum, unde hæc Reg. desumpta est, egisse de statu hominum: ac nominatim de *Patris potestate & de Adoptione*. Nunc in veri indagazione ulterius pergamus. Id vero ut assequamur, quinque hæc in argumento Adrogationis repetenda sunt. Primo, una cum adrogato in adrogatoris jus potestatemque tacito jure transiisse simul omnia, quæ *ejus* (tum scilicet) *fuissent*, ut dicitur in *l. si paterfamilias 15. D. de adoptionibus*. & ut idem Papinianus ait in *l. 11. de honor. poss. secund. tab.* cum capite fortunas quoque suas in familiam & domum alienam transiis: seu quæ tum HABEBAT: exceptis bonis castrensibus, quæ ante adrogationem adquisiverat, quæque adrogationis momento jam habebat, eam enim adrogatus sibi retinebat, habebat, eorumque administratio ei permixta erat, *l. miles 4. §. ult. de castrensi pecul.* Secundo notandum, imo & ea quoque quæ deinceps adquiri possent, seu adquirebantur, ab adrogato, adrogatori quæsitæ, *d. l. 15.* & sic adrogatus per adrogatorem ea sibi habere non poterat. Et hæc quidem erat illa per universitatem & adoptionem adquisitio: de qua Instit. Tertio notandum, uti cæteroquin *frangi* omnis, dolus & circumventio ab adoptione abesse debet, (de quo est & Cicconis locus *pro domo sua*), ita in impubere, imo & minore, adrogato id singulare fuisse, ut si postea adrogationem sibi non expedire probaret, si CIRCUMVENTUM se, (id est, si *frandi* eam sibi ostenderet) adrogatio revocaretur, *d. l. 32. D. de adopt.* (quæ huic, ut dixi, conjungenda est) & *l. proxime seq. 33. & l. denique 3. §. si quis minor 6. D. de minoribus*. Nunquam enim id adrogationibus & turpis adrogandi causa suberat, & bona ejus qui adrogabatur, invidiose appetebantur. Unde accurata illa olim cognitio & præcedanea in

adrogationibus, in Comitibus, arbitris Pontificibus & Auguribus intervenientibus: Ubi multa prius CONSIDERABANTUR (ecce quoque *considerandi* vocem ut in hac.) ne adrogationes temere aut inexplorate committerentur, ut ait Gellius, *lib. 5. cap. 19.* & postea accuratissima illa Magistratus cognitio: de qua *v. d. l. 15. §. 2. l. 16. 17. 18. D. de adopt. & exinde in Instit. §. cum autem*, ut aestimaretur, an SALUBRIS adoptio esset: & quidem inter alia, de bonis adoptandi & adoptantium cognitio fiebat. Quarto notandum, revocata & soluta ita adrogatione, adrogatum *pristinum jus* recuperasse, ut Marcianus ait in *d. l. 1. & si pubes 33. pristinum* jus cum ait, ratione bonorum, intelligit non ea tantum *qua habebat* jam adrogationis tempore, seu quæ ejus tum fuerunt, verum etiam ea quæ constante adrogatione patti adoptivo quæsitæ: quandoquidem ea *per adrogatorem*, velut in ejus potestate constitutus, *habere non poterat*: veluti si hereditatem aut legatum ei adquisivisset: uttaque, inquam bona, rescissâ adrogatione adrogato restituebantur: Quomodo & similiter adrogato aliis casibus reddebantur, qui tunc emendationem nostram egregie stabiliunt. Primus casus est, quo uttaque pariter bona adrogato impubere mortuo, legitimis ejus successoribus restituebantur, si is intra pubertatem decessisset: inque id etiam satisfactio adrogationis impuberis tempore dari solebat, *l. 17. in fin.* cum quinque legibus sequentibus, *D. de adoptionibus, §. cum autem impubes, Inst. eod.* ubi disertè dicitur, *& quæ ad patrem adoptivum TRANSTULIT, & quorum commodum POSTEA ei adquisitis, restituenda, & l. ult. D. si quid in fraud. patron.* ubi pariter dicitur, *D. Pium* constitutione sua ei bona quæ patri adquisitæ restitui jussisse. Secundo ipsimet adrogato si emancipatus esset, ab adrogatore, vel ab heredibus adrogatoris ante impuberem defuncti BONA indistincte restitui oportebat, *d. §. cum autem Inst. de adoptionibus, l. si adrogator 21. D. de adoptionib.* Et in universum tres casus notantur *d. §. cum autem*, quibus adrogato vel heredibus ejus bona indistincte restitui oportebat. Tandem ei quod diximus, de pristino jure, quod adrogatus rescissâ adrogatione, seu in fraudem facti recuperabat, simile quid idem Papinianus nostro libro 23. Questionum, de adrogatione quæ jure non intervenisset, scribit in *l. justo errore 44. de usucapionib.* Et hæc quidem de utriusque generis bonis rescissâ adoptione fraudulenta, adoptato restituendis, Notandum hic & illud, quod tamen ad hanc Reg. non proptie pertinet, si quid in fraudem adoptati a patre adoptivo alienatum fuisset, quasi per Calvisianam vel Favianam id revocatum, teste Paulo in *d. l. ult. D. si quid in fraud. patr.* Neque etiam hic omittendum D. Hadriani decretum, quod idem Papinianus memorat in *l. Imperator 50. D. ad Trebell.* contra patrem, qui filio suo cum sui juris factus esset hereditatem restituere rogatus multa in fraudem fidei commissi fecisse probabatur: eo enim damnum conditionis parri infligendum Impetator putavit, atque ita hereditatem filio restitui jussit, ut ne quid in ea quandiu filius ejus viveret, juris pater haberet.

Per hæc jam, ni fallor, sensim ad veri cubile, seu ad verum hujus Regulæ sensum, & genuinam lectionem, speciemque eniti adducique posse videmur; nempe ut hic sensus sit, (si modo pro *habeat*, hic legamus, *habebat* de quo mox) *cum de fraude disputatur*, ac nominatim in specie hujus Reg. de fraudulenta adoptione, eaque adeo revocanda, deque modo æstimanda fraudis, in æstimatione denique fraudis non ea tantum bona venire atque (qui de fraude sibi illata agit) & sic adrogato restitui oportere *qua*

habe-

habebas (tempore adoptionis ,) *verum & ea bona insuper* (quæ deinceps constante adoptione) *habere non potuit* , eo quod is in potestate patris adoptivi esset : Denique uttaque bona consideranda esse , restituendaque . Singula expendamus . Primum ait lex , *cum de fraude disputatur* , id est , cum in jure judiciove tractatur , quaritur , quaestio agitur & quidem de fraudis affirmatione : id enim est de fraude disputare : Et quidem de fraude *actori* ipsi ab adversario facta : *Aliter* scilicet in sp. hujus l. est qui de fraude sibi illata agit , actionemque redintegratoriam instituit : Adversarius est *avertitus* , qui fraudem fecisse dicitur , & adversus quem actor consistit , deque modo fraudis contendit . Quo pertinet & *disputandi* vox . Secundo ait Papinianus , in hac de fraude disputatione *considerandum esse* , &c. nempe judici & Magistratui , ejus enim officium hac Reg. a Papiniano instruitur : pariter ut instruitur in eodem fraudis argumento l. *proxim.* Qua alioquin *considerandi* voce Gellium in Adoptionum argumento uti jam supra notavimus . *Considerare* est , ad aliquid , quod oportet , mentis aciem adhibere , intendere : eaque vox judicum notioni propria , ut apparet quoque ex l. in *fraudem* §. §. 1. de *test. mil.* Eademque saepe utitur idem Papinianus eodem ferme semper sensu in l. *salarium* . D. *mandati* , l. 50. §. *si crediderit de peculio* , l. 28. de *novationib.* l. 34. §. *Imp.* D. de *statuliber.* l. 4. de *usuris* . Tertio Papinianus ait , considerandum non esse , *quid actor* (verbi gratia adrogatus) *habebas* , tempore scilicet fraudis admixtæ , nam ita hic reponendum omnino est ; sive ita archetypum distinctis literis habeat : sive tralatitia Pandectarum Florentinarum scriptura hic quoque ita præferat , *habebas* , loco *habebas* . Geminatæ scilicet ibi literæ , imo & quandoque syllabæ , sive continuæ , sive de proximo frequenter non iterantur , unaque illæ contentæ sunt . Unde etiam non una errorum materies . Quod , ne alia quamplurimum huc congeram jam aliis notata , ostendit vel hic titulus ipse , non uno loco . 1. Sic in l. 1. h. §. *QUÆ* , pro *quæque* : & *QUOD* , pro *quodquod* . 2. Sic in l. 156. §. 2. scriptum fuisse videtur *NOcuis* , pro *non nocuit* . 3. Sic in l. 160. §. 2. *plURIS* , loco plus juris . 4. Sic in l. 163. *culus* , pro *culus* . 5. Neque absimiliter in l. 178. in *princ.* ibi in *his qua officium PER liberat fieri personas* , reponendum , in *his qua per officium per liberat fieri personas* . 6. Quin imo & in hac quoque ipsa l. mox pro *QUID* legendum videatur *Quidquid* . Ad rem . Ergo definit Papinianus hac Reg. in hac de *fraude disputatione* , considerandum non esse quid actor fraudem passus tempore fraudis admixtæ habebat , id est , non id unice spectandum esse : *il ne se fait pas arresser là* . Quid igitur ? Considerandum esse ait , quod *quarto* loco hic notandum , ac proinde restitui oportere relicta adrogatione adrogato , *QUID-QUID per adversarium habere non potueris* , & sic duo genera bonorum hic aperte ponuntur & conjunguntur : Ea scilicet quæ fraudis admixtæ tempore actor seu adrogatus habebat , & ea quæ postea habere non potuit per adversarium . Ubi *quinto* loco notandum per *adversarium* , non esse utique per negligentiam seu culpam adversarii , (ut sibi hic male persuadent Interpretes) quasi in sp. hujus l. ipse quid percipere neglexerit , quod actor habere potuisset , verum per *adversarium* , hic est , impedimento *quod quarto* adversarii intercedente : ut in specie nostra , obstante intercedente adversarii persona , *familiaque vinculo* , ut idem Papinianus loquitur , in l. 86. D. de *acquir. hered.* quo scilicet fit , ut quod filio defertur , filius habere non possit : nempe , quia quod filio defertur ne momento quidem in persona filii subsistere potest , sed patris fit , l. *placet* 79. de *acquir.*

adquir. hered. Et sic ut *per filium* patri acquiritur, ita retro *per patrem* filius habere non potest. Quare rescissa adrogatione, solutoque vinculo potestatis ob fraudem in adrogatione admissam, in restitutionem veniunt, non ea tantum bona quæ adrogatus tempore fraudulentæ adrogationis habebat, & in adrogatorem tum transiit, sed generaliter QUIDQUID per eum, deinceps quoque, constante adrogatione habere non potuit: Ergo generaliter omnia bona sive ex adrogationis tempore idem habebat, sive postea ei delata fuerunt. Nempe in sp. hujus Reg. fraudisque judicio, adrogator de hoc disputabat, contendebatque adeo, ex tantum a se bona integranda restituenda, quæ adrogatus habebat, transfuleratque in se, non vero ea quæ deinceps per eum acquisita fuerant: contra contendebat actor, fraudem passus, & hæc quoque sibi præstanda, restituenda. Hæc cum ita sint, beneque fundata putem, novaque, ni fallor, luce seu interpretatione hæc Reg. collustrata sit, minime, opinor, violenta, jam facile dignosci potest, quam frustra sese in ea explicanda interpretes hactenus torserint: imo quam multa ad eam ab his secus admissa fuerint. Illud immotum semper esse debet, nullo modo hic agi de fraudatoris illis actionibus, Pauliana scilicet, Faviana, Calvisiana, quæ prodita sunt, aliisque competunt ad revocanda ea quæ ab alio in necem seu fraudem suam ALIENATA sunt, puta a debitore vel liberto in fraudem seu necem creditorum & patronorum: in qua tamen plerique specie Cujacius etiam ipse, hic ferme acquiescunt, verum, (quod hic cum primis observandum est) agi de eo quod ACTOR ipsemet fraudem ab adversario passus revocari intendit: Actor in hac l. est fraudem passus: *adversarius* qui fraudem illi fecisse dicitur: inter quos proinde redintegratorium judicium agitur. Item, non agi hic de emolumento deque fructibus *non perceptis*, cum percipi debuissent, sed de bonis *adventitiis*, quæ in sp. hujus l. post adrogationem adrogato ipsi delata fuerunt, quæque ipse habere non potuit impediens vinculo patriæ potestatis, quæque adeo pater adrogator sibi acquisivit.

Et hæc quidem de genuina hujus Reg. specie & sententia quæ tamen generalior est & in aliis speciebus cum de fraude disputatur obtinet: *Generaliter*, inquit Papinianus, *cum de fraude disputatur*: *Generaliter* inquit: quam vocem universalem Papinianus sæpe regulis suis præmittit vel addit: ut l. 5. *D. de usuris*, quæ ex eodem libro desumpta est. Exemplum ponendum non est in herede qui rem Titio legatam eidem ignaro vendidit: quod a Roberto factum est, ut jam indicavi, ex l. 33. §. *quod si rem*, *D. de legat. 1.* neque enim ibi ulla bonorum differentia seu oppositio, ut hac l. continetur: Verum ponamus, in emptione hereditatis aut fundi, per fraudem & circumscriptionem emptoris, Saue emptor rescissa venditione, restituet non tantum ea quæ ex hereditate habebat creditor tempore venditionis, verum & alia deinceps, quæ ex illa hereditate erant vel ex fundo *revera percepit*: rescissa enim venditione, & hæc non minus quam illa in restitutionem venient: in quibus inter alia fructus quoque sunt *percepti* ex re vendita: cuius rei exemplum habemus in minore, in sp. l. 24. §. 4. 27. §. 1. in fin. *D. de minoribus*. Quamquam & vox GENERALITER in initio *hujus l.* non magis ad alias species referenda cui videri possit, quam ad id quod mox dicitur, *Quidquid per adversarium habere non puerit*: & sic ut omnis generis bona generaliter indicantur & includerentur. Turtior tamen est prior interpretatio: nam & sic, quod jam dixi, hanc generalem vocem Regulis suis Papinianus præmittere solet.

FRAUS

FRAUS unde estimanda veniat.

LXXIX. IDEM (Papinianus) libro trigesimo secundo *Questionum*.

Fraudis interpretatio semper in jure civili, non ex eventu duntaxat, sed ex consilio quoque desideratur.

ET hæc Reg. ut superior, est de FRAUDIS æstimatione, unde scilicet *Fraus* æstimanda judici sit, num videlicet ex eventu duntaxat, an vero ex consilio quoque: Et postremum istud asseritur, hæc sexta e Papinianeis Reg. quæ ad leges *Caducarias* pertinet. Neque enim ea proprie (non magis quam superior) pertinet ad *Revocatorias* actiones, quibus alienata factaque in fraudem creditorum & patronorum revocantur, & sic ad *Paulianam*, *Fabianam* & *Calvisianam* actionem, quod *Cujacius* tamen quoque credidit: verum, est ea de fraude admissa in FISCO, seu legum, JURISQUE CIVILIS (ut hac ipsa l. dicitur) fraudem: eaque publice plectenda. Neque etiam debuit hæc Reg. a nonnullis eidem Papiniani libro reddi, e quo superior Reg. desumpta est, vel una interpretatione illustrari unaque fidelia dealbari, quod plerique interpretum faciunt: Quanquam & vim ejus ad fraudatorias quandoque actiones porrigi posse non infieri: Sed nos de genuina specie quæramus.

Quæstio igitur hujus Reg. eo pertinet, quemnam velut fraudatorem, fraudisque adversus fiscum *Jusque civile* admissæ reum, atque adeo penis *sanctionibusque* legum obnoxium, censerî oporteat? Denique est de Fraudis adversus Jus civile admissæ *Interpretatione* (a Judice scilicet faciendâ) *Interpretatione*, inquam, quomodo hoc jritulo non una interpretandi & Interpretationis vox exaudienda est. Quomodo & *doli mali interpretatio* dicitur l. si *servus* 61. §. 6. D. de *furiis*: item, bonæ fidei interpretatio l. *ab empione* § 8. D. de *paolis*: id est, quis fraudem, quis dolum admisisse dici judicarique Jutis Judicisque interpretatione possit: Contra quis bonam fidem gerere. Eo enim pertinet hæc l. ut *Interpretationis*, ita & *desiderandi* vox, propria in his quæ a Judicis officio pendent. Quæ *desiderandi* vox hic mutari non debuit a Pet. Fabro, in *considerandi*: maxime cum & *desiderandi* vox eodem sensu accipiat in l. *nisi. Cod. si reus vel accus.* Et supra l. 71. *causa cognitio desiderari* dicitur: ut & l. 68. *supr.* genus actionis desiderare beneficium. Neque movere quemquam debet, quod *desiderandi* vox fraudi incommode aptetur: nam imo hic non *fraus desiderare* dicitur, sed *desiderari interpretatio fraudis*. Ac nominatim, quæritur hæc l. quis fraudem admisisse censendus sit, ubi aliqua Juris Civilis parte seu specie, veluti lege aliqua, fraudi vel fraudatori pena imposita est? Et vero definitur, fraudem & fraudatorem semper in Jure Civili non tantum ex eventu, verum ex consilio quoque a Judice æstimandum, id est, non satis esse, ut re ipsa seu eventu *fraus* legi facta fuerit seu *inhærens*, ita ut *judex* ab eventu facta hic notanda putet, verum requiri insuper *πρᾶξις, σκεψις, διαθεσις*, id enim est consilium, ut l. 75. quoque, animi propositum: Nam & retro consilium seu *διαθεσις* hanc ad rem non sufficit, nisi effectus sequatur. Quandoquidem nudæ cogitationis extrinsecum in actum aliquem non deductæ nulla Jure Civili pena est, de quo solemniter est *lex cogitationis*

tionis 18. *D. de pznis*. Utrumque igitur hac parte concurrat necesse est & eventus & consilium, non alterutrum duntaxat: Nempe, (qui hujus questionis scopus seu finis est) si de sanctionibus legum seu de Pœnali Judicio agatur, ut tanquam fraudis adversus leges admittæ reus plecti puniri quis possit, semper concurrat necesse est & eventus & consilium: *semper in Jure Civili*, id est, in omni Juris Civilis parte, seu specie legum: Alioquin, si de rei fraudatoris actione persecutoria agatur, ad nudam videlicet facti revocationem, etsi in plerisque in fraudem privatorum admittis, utroque *pariter* juxta opus sit, consilio, inquam, & eventu, ut in manumissione seu libertatis datione, & alienationibus inter vivos in fraudem legis *Æliæ Sentis* & creditorum, quo casu datur actio Pauliana, l. 9. 10. §. 1. 7. & l. 15. *D. qua in fraud. creditor. l. 1. in fin. de statuliber. §. in fraudem* 3. *Inst. quibus ex causis manum.* Attamen eventus quandoque sufficit: ut in Adoptione, in sp. l. 78. *super prox.* in fideicommissaria manumissione, ut in sp. l. 4. §. si in fraudem 19. *in fin. D. de fideic. libert. & l. ult. Cod. qui manumittere non possunt*: In mortis causa donationibus, legatis & fideicommissis in fraudem patroni, l. 1. §. 1. si quid in fraud. patroni. Verum, eo non pertinet species hujus l. seu Regulæ, verum ad pœnam fraudis admittæ adversus JUS CIVILE, seu civiles leges: *In jure civili* ait lex, id est, in quacunque Juris Civilis parte seu specie, quæ recenserentur l. 7. *D. de just. & jure*, quæ eundem Papinianum auctorem habet. Quo ipso sensu infr. l. 202. dicitur omnis definitio in Jure Civili periculosa: quomodo & dicitur in toto jure in l. 80. *infr.* Genuina hujus Reg. species spectat ad Jus Civile, *Legis Papia Caducaria*: nam de caducis hoc libro 32. Quæstionum actum Papinianum ostendit lex 61. *D. de rit. nupt.* (ubi agitur de dote caduca) item lex 14. *D. de his qua ut indign.* (ubi agitur de bonis ereptitiis) lex 74. *de condit. & demon.* (ubi agitur de jure accrescendi per legem Papiam sublato) Scilicet, explendo ærario Augustus lege Papia varios casus invexerat adversus jus antiquum, quibus bona in fiscum caderent; unde & *Caducorum* & *legis Caducaria* nomen, jure adcresecendi inter cætera inter coheredes legatarios conjunctos sublato: Post casus igitur Caducorum sigillatim expressos, *sanctionem* procul dubio extrema parte adjecerat Augustus, *Adversus eos qui fraudem legi facerent*, ac nominatim qui tacitam testatori fidem accommodarent, ad legem eludendam, præstitit videlicet tacitis fideicommissis incapaci, id est, ei qui ex ea lege non poterat nequequam aut minus ex testamento capere, quomodo Hieron. *ad Nepotianum per fideicommissa legibus illud* simili occasione scripsit: Ad quam alioquin legis Papiæ sanctionem pertinet lex 35. *D. de mort. caus. donat. l. 12. de condit. caus. dat. l. 1. de adim. legat. l. 82. 83. de acquir. hered. l. 10. D. de his qua ut indign. l. 5. D. de oper. serv. l. 3. D. de jur. fisci, l. 140. de V. S.* Eodemque pertinebat liber singularis Pauli de tacitis fideicommissis: Eodem tandem pertinet hæc Reg. Nempe fidem accommodantibus in fraudem legis Caducariz duobus concurrentibus, pœnam minitatus fuerat Augustus: Primum est, si tacite fidem accommodarent; aliud vero si palam & expresse, ut docet lex 90. *D. de leg. 3. l. 3. D. de jur. fisci.* Alterum, si sciens prudens dolo malo tacitam fidem quæ accommodasset l. 6. *D. de jur. & fact. ignor.*

Finge nunc igitur, heredem tacite rogatum, ut cuidam incapaci legatum vel fideicommissum præstaret; heres ignarus legatum præstitit personæ isti incapaci quam lex a legato submovet, & sic *evenit* tantum ipso fraus legi facta est? Non ideo heres, veluti frau-

dis

dis reus aut compertus, peragetur, neque commodo testamenti excidet: Datum factumve eundem in fraudem legis revocabitur, at non etiam is qui dedit muldabitur quasi fraudis reus: quem alias multari oportebat, si ex consilio dedisset, si fraudis consilio: *Consilio*, id est, animo, consulto consilio: Item vice versa, ponamus heredem tacite rogatum, ut cuidam incapaci testamenti tempore, restitueret, sed postea capacem factum? Sane non ex consilio seu nudo affectu, sed ex eventu insuper fraudis interpretario faciendi est *ex l. 3. §. 2. de jure fisci*, quem locum nonnulli perperam ita accipiunt, quasi eo dicatur, solum eventum spectandum.

Nunc igitur tandem liquet, hanc Reg. esse de fraude *personalis* plectenda adversus Jus Civile admissa, seu de personali injuria, ubi sane verum est, SEMPER in Jure Civili, ubi *fraudis* mentio fit, fraudis interpretationem non ex eventu duntaxat, sed ex consilio quoque desiderari, ut tanquam fraudulentus videlicet quis plecti debeat: Nemo enim fraudator censendus est ex solo eventu: Atenim si de fraude reali, actioneque revocatoria queratur, aliquando eventus sufficit ad revocanda ea quæ gesta sunt, ut jam ostensum est.

Facessant igitur jam irriti interpretem ad hanc l. conatus: Facessat nova Ravardi Jurisprudencia, accipientis hanc legem de dispositione testatoris in fraudem legis Juliae de maritandis ordinibus, seu ad impediendas nuptias, argum. *l. mulieri 74. D. de condit. & demonstrat.* quæ ex hoc ipso alioquin libro desumpta est. Nam & legis illius scopus proprie caput legis Caducariz respicit; quo jus accrescendi non obtinet inter conjunctos re & verbis. Et in specie, quam ponit Ravardus, solum consilium spectatur; cum tamen hac l. etiam eventus desideretur.

Ergo tandem hujus Reg. PARAPHRASIS hæc esto. Si quando in *Jure Civili*, (i. in aliqua *Juris Civilis* specie, vel parte, veluti in legibus, legumque sanctionibus) FRAUDI (adversus legem admissæ) poena imponitur, totiens, ut poenæ locus esse possit, non duntaxat, seu non solum *eventu* (reque ipsa) fraudem legi factum oportet, sed præterea requiritur, ut fraudis *consilio*, fraudandique animo seu proposito, fraus admissa fuerit; Atque ita, FRAUDIS vocem *interpretari* Judicem *semper* oportet, non ex eventu duntaxat, sed ex consilio quoque: Breviter hæc *fraudis Interpretatio desideratur*.

DE GENERE & SPECIE.

LXXX. IDEM (Papinianus) libro trigésimo tertio *Quæstionum*.

In toto jure generi per speciem derogatur, & illud potissimum habetur, quod ad speciem derogatum est.*

* re ipsa.

DE GENERE & SPECIE hac Reg. definitur, per hanc illi toto jure derogari, quæ postrema e Papiniani *Quæstionum* libris Reg. est: Quæ & ipsa proprie ad leges caducarias (pariter uti superior) spectat: arg. *l. 14. D. de his qua ut ind.* (quod al-

te.

terum fragmentum ex lib. 33. Quæstionum Papiniani superest) cui gemina etiam germana Reg. ab eodem Papiniano proponitur libro 2. definitio, id est, Regularum, in *l. Sanctio 41. D. de Panis*. Quæstio est in concursu *clausula* seu dispositionis generalis seu universalis, & ejus quæ directæ est ad unicam & certam speciem, seu unicam caput, in eodem videlicet actu, seu in eadem scriptura, in quocunque Jure, sed tamen diversis capitibus & locis, utrum generica specialem quoque comprehendat; ut cæteroque specialia generalibus insunt, *lex 147. infr.* (quæ ratio dubitandi hic fingenda est) cum genus nihil aliud sit quam specierum omnium sub se positarum complexio comprehensio; sic, ut posito genere necesse sit quoque species quaslibet poni: An vero specialis dispositio detrahat & derogat universali clausula? Et proclivis est responsio, derogare singularem dispositionem universali clausula: *Derogare*, inquam, quomodo etiam hæc in re ipsa dixit Paulus, *l. 99. in fin. D. de legat. 3.* quomodo *legi derogari* per alteram dicitur, id est, detrahi aliquid, excipi, eximi, minui: Quomodo & exceptio *Regula derogare* dici potest. Paulus in *l. si peculium 10. D. de manumiss. test.* dixit, *speciem EXIMI de genere*. Et quidem in TOTO JURE. Quia ipsa formula & alias utitur Papinianus, magnus regularum artifex; veluti *l. nequaquam 24. D. de excus. Test.* Cui respondent illæ ejusdem, generaliter, *l. 78. supr.* In totum, *l. 76. supr.* semper in Jure Civili, *l. 79. supr.* Item in omni Jure, *l. filio 13. D. de liber. & post. & d. l. sanctio 41.* quæ huic gemina germana est. In toto igitur jure, id est, in omnibus partibus & articulis juris, imo & negotiis, velut in ultimis voluntatibus, ac nominatim in heredis institutione, *l. 11. §. qui patrem, D. de Vulg. & Pup. subst.* In substitutionibus, ut in *sp. l. coheredis 41. §. qui patrem 5. D. de Vulg. & Pup.* In legatis, quo pertinent innumerae leges, & in his *d. l. si peculium 10. D. de pec. Leg. l. 4. §. codicillis, & §. seq. l. uxorem 42. §. Felicissimo 2. & l. servis urbanis 99. §. ult. de leg. 3. l. 10. D. de Manum. Test. l. 1. D. de aur. arg. leg. l. 2. D. de pen. leg. l. 16. §. pen. l. 20. in prin. D. de Alim. leg. l. questum 12. §. fin. D. de instrum. leg. l. 9. de supellest. leg. l. 2. D. de Tris. vim. l. 24. §. 1. D. de Adim. leg.* In Rescriptis, *cap. 1. & cap. pastoralis, §. ult. extr. de Rescript. cap. studij, extr. de Off. Deleg.* Tandem & in legibus sive *Statutis*, eorumque sanctionibus seu poenis. Quo pertinet proprie *d. l. sanctio 41. de panis*. Eodemque referenda est hæc ipsa Reg. arg. videlicet *d. l. 14. D. de his quæ vi indignis*. Et quidem ad clausulam generalem *sanctioni alicui* (quo pariter pertinebat *lex super.*) additam. Ut ita hujus Reg. hic sensus sit, ultimam legis alicujus, quæ plura capita continet, quæ Græcis *ποιναι*, ut ex Æcumenio observavit Budæus, & post eum Cujacius, clausulam sive *sanctionem* (ut proprio vocabulo utar) generalem (quæ scilicet novissima parte legis adjici solebat) non pertinere ad ea ejusdem scripturæ seu ejusdem legis capita, quibus specialis poena illa ipsa lege imposta est: Quæ ipsa sententia est *d. l. 42.* cujus hæc verba sunt: *Sanctio legum, quæ novissime certam panam irrogat iis, qui præscriptis legis non obtemperaverint, ad eas species pertinere non videtur, quibus ipsa lege poena specialiter addita est: Nec ambigunt in cætero omni jure speciem generi derogare.* Nec sane verisimile est, delictum unum eadem lege variis asimationibus coerceri. Et hæc quidem genuina est hujus R. species. Aptari nihilominus potest hujus Reg. vis, ubi de conflictu seu antinomiam duarum diversarum & separataram legum agitur, Nam quæ lex in certam rem & de parte scripta extat, prom-

promptius seu propius ad causam accedit, & ad iudicium magis pertinet. Quare neque hæc ultima conciliandarum legum seu antinomiarum vel enantiophanon in iure ratio est; quod etiam ex insigni loco Ciceronis *lib. 2. de inventionem*, patet. Quo alioquin hanc Reg. referebat Giphani. *lib. 1. in 1. cap. de Antinom.* 11.

Aptari quoque potest hæc R. *contractibus* privatorum, nam & in his quoque ea obtinet. E. G. Doli clausula, quæ stipulationibus subijci solet, non pertinet ad eas partes, ad ea capita stipulationis, de quibus nominatim seu in specie cavetur, ut idem Papinian. scripsit, *l. doli clausula* 119. *D. de V.O.* Cui addenda est & Juliani *lex, stipulationes commotissime*, § 3. *D. eod. tit.* ubi dicit, doli clausulam ad incertos casus, & ad ea quæ in præsentia occurrere non possunt pertinere. Exemplum quoque in speciali remissione pignoris, ut in *sp. l. ult. Cod. de Remiss. Pign.*

Aptari tandem potest hæc Reg. *contractibus & pactionibus*, seu conventionibus *publicis*, & reservationibus quæ iis continentur: Nam & ibi quoque ex ratione civili, regulis quæ juris clausulæ interpretandæ veniant. E. g. conventionum publicatum tabulis singulari capite convenit inter Principes, ut decimarum redditus ad laicos pertinerent, mox fine sive clausula Conventionis Capitulationis quæ multis capitibus constat additum fuit, *Pontificem & Sedem Apostolicam reservari*? Sane Princeps obtentu huius clausulæ generalis adversus specialem illam expressionem venire non poterit.

Ex his tot exemplis, (ut objectionibus nunc occurramus) *limitanda* venit hæc Reg. Scilicet scripta est ea de iis actibus, quibus, sive ii meræ voluntatis sunt, atque ab unius arbitrio pendeant (ut sunt leges & testamenta) sive duorum voluntatis fiant (ut sunt contractus) nondum jus alteri quesitum est ex anteriore aliquo iure: Non etiam obtinet ea, ubi jus jam alteri quesitum est, tum enim unius speciei derogatio, generi derogare non potest. Exemplum ponamus in hypotheca generali, unius iam quesita, cui per specialem hypothecam, alii deinceps factam, derogari a debitore non potest, in præjudicium videlicet prioris creditoris, quia is alterum tempore prævenit, ut ab eodem Papin. responsum est *l. 2. D. qui pot. in pign.* Cui accedat & *l. 6. Cod. eod. tit.*

Secundo, huic Reg. tantum locus est, ubi genus & species cadunt super diverso iure, id est, quando uni rei vel personæ aptatur genus, alteri v. species: Sacus si super eodem, veluti si uni & eidem genus legatum sit, & species, quia tum species videtur tantum dubitationis tollendæ gratia expressa, ut in *sp. l. 45. 46. D. de legat. 3.* Neque mutat substantiam rei non necessaria verborum multiplicatio, de quo ad *l. prox. l. quaesitum* 12. §. *ult. D. de fund. leg. vile* & de eo Menoch. 4. *pres. 140. num. 36.* Et hoc nisi certum modum generi dedisse testatorem appareat: pariter ut Legislatorem:

Vice versa, ex superioribus genuinis speciebus & exemplis *Amplianda* venit hæc Reg. Obtinet scilicet ea, sive specialis expressio generalem præcedat, (ut in genuina specie huiusce l.) sive sequatur. Textus in *J. 1 §. D. de peculio leg. ut notat quoque Bartolus in l. quaesitum*, §. *si quis fundum*, *D. de fundo instructo*. Item obtinet, sive in eandem personam, sive in duas directa sit generalis & specialis expressio, ut docet *leg. 1. D. de Aur. leg. l. 100. §. 1. D. de legat. 3.* Tandem obtinet, etiam si testator vel lex generalem voluntatem suam derogationis difficultate sapierit, id est, etiamsi caverit, nolle se quicquam postea derogatum: nihilo secus enim speciali expressione a sciente prudente testatore (vel etiam legislatore) fa-

etia generi derogabitur, l. 22. in princ. D. de leg. 3. l. 6. §. 2. D. de Jur. Codicil.

Ex his igitur tandem patet, nihil commune habere cum hac Reg. speciem, quam violente Ravardus huc detorquebat: ex d. l. 14. D. de his quibus ut indigni. Nam in ea specie genus & species non opponuntur, verum generalis Regula, & singularis exceptio: pariter: ut in solenni lege moris 9. §. 10. D. de Pan. Exceptio, inquam, cum diserte videlicet & *propterea* casus aliquis a Reg. excipitur. At enim in specie hujus R. non excipitur nominatim species a genere, verum ita inter se collocatae sunt in eadem scriptura species, & genus, uti dubitari merito possit, num species adhuc sub genere comprehendatur. Denique, neque ad hanc Reg. pertinet tractatus de *Jure singulari*, et si eo quoque jure communi derogetur.

P A R S II.

PAPINIANI REGULARUM.

EX LIBRIS EJUS RESPONSORUM.

De additis DUBITATIONIS tollenda gratia.

LXXXI. IDEM. (Papinianus (libro tertio Responsorum).

Qua dubitationis tollenda causa contractibus inferuntur, Jus commune non laedunt.

E Libris RESPONSORUM Papiniani duæ tantum Regulae sequuntur, quarum prior hæc; sed (si Papiniani Regulas omnes hoc titulo numeres) octava, e libro tertio Responsorum ejus desumpta est: Quam quidem manifestissime ad contractus pertinere et si ipsa satis per se arguat (ait enim *qua contractibus inferuntur*) id insuper tamen arguunt reliquæ leges ex eodem Papiniani libro tertio Responsorum desumptæ: quæ ostendunt, totum hunc librum tertium Responsorum Papiniani occupatum fuisse in materia contractuum.

Speciatim tamen pertinet hæc Regula ad contractum *Mandati*, sive ad Mandatores & Fidejussores: de quibus eodem libro tertio sunt præterea lex 68. D. de Procurator. l. Fidejussor. 32. D. de Negot. Gestis, l. 19. D. de institor. action. l. 18. D. de Compens. l. 27. D. ad S. C. Vellejan. l. 7. l. qui mutuum 56. D. de mandati, l. 2. D. de pignor. l. 7. D. de fidejussor. tut. l. 51. D. de fidejuss. & mand. Et sane repetita seu exscripta est hæc lex ex d. l. qui mutuum 56. in princ. D. mandati, ubi ea totidem verbis extat: Quod etiam Antonius Augustinus jam monuit, Emendar. lib. v. cap. 7. pag. 54. Ut proinde in specie hujus l. ponenda, nullus labor sit, nullus conjecturæ locus.

Et tamen, ut genuinam speciem lucide fingere possimus, figendus ptius pes, præsup-

supponendumque adeo nobis est, 1. Olim, ante Justinianum, ejusque Novellam 4. de fidejussor. & mandat. potuisse mandatores & fidejussores a creditoribus eligi, seu prius conveniri, quam reos principales, vel etiam pignoribus non distractis, l. 2. 3. C. de fidejussor. & d. l. 56. Fuit hæc olim electionis potestas non etiam novo jure. 2. Item præsupponendum est, etiam reo principali convento, vel pignoribus distractis, redire posse ad mandatores & fidejussores, l. penult. Cod. de fidejussor. & mand. Hoc utrumque jure commune fuit, id est jus, quod ipso jure competebat, ex legis providentia, citra hominis provisionem.

His ita præsuppositis, nunc fingamus, creditorem, cum mutuum pecuniam alterius mandaro daret, *literis*, id est chirographo, exprimi curasse, *ut liceret sibi mandarorem* (id est eum qui mutuum pecuniam dari mandaverat) prius convenire seu eligere, quam aut rem principalem, vel ante pignora distracta: consulebatur Papinianus, utrum ob hanc, sic ut dicam, *insertam*, i. clausulam, & conventionem, posset creditor jure communi pignoribus etiam distractis ad mandatorem redire: an vero ea conventionem electionis tantum juri sibi reservasset, at non etiam redeundi jure ex postfacto? Responderet Papinianus d. l. 56. non ideo jus eligendi *literis*, id est chirographo, expressum fuisse, uti jure commune laderetur seu tolleretur, verum dubitationis tantum tollende gratia, (ut *ὑποπὸς ἀπορίας*) hac regula pro ratione subjecta. Unde apparet, creditorem noluisse sibi jure commune præcipere, verum ad cautelam tantum, ut solent ferme ceteri cautiique creditores ex abundanti ea contrahibus inserere, quæ etiam non expressa jure communi satis per se, taciteque continentur & supplentur; ideo scilicet ne qua dubitatio superesse possit; ut docent leges aliæ, puta l. si enim secundum 68. §. 1. D. de contrah. empt. l. fundi 17. §. si rura 6. D. de act. empti.

Et hæc quidem genuina est hujusce Reg. species, & genuina mens. Cum hac ipsa commune aliquid habet, neque tamen ideo confundi velim, quod de testamentariis dispositionibus, seu legatis dicitur: *Veritatis substantiam non mutare non necessariam verborum multiplicationem, & ex abundanti rei per imperitiam enumeratas generali legato non derogare*, legato non minuire l. pediculis 32. §. Labeo 6. de auro arg. leg. Item, l. quæsum 12. §. pen. D. de instrum. leg. l. legata 9. in princ. de supell. leg. (Cujus utriusque legis alioquin sententia ex eodem Papiniano, cujus hæc Reg. nostra est, desumpta est): Ergo creditoris jure supervacua hujusmodi clausula non lædatur, pariter ut in sp. l. quæsum 9. §. 1. D. de distract. pign.

Cæterum, ut creditoris jure commune abundanti multiplicatione & cautela non lædatur, quæ propria hujus l. species est: ita retro neque Debitoris, ut in duabus speciebus sequentibus. Prima sumatur ex leg. 4. C. de pignor. action. Finge: pactum fuisse, *Ut si ad diem pecunia soluta non fuisset, liceret creditori pignora vendere*: quod utique citra conventionem jure communi licet, quæritur: An ideo debitoris jure commune lædatur? quo scilicet *hyperocha* superflue seu excurrentis pecunie (modum debiti) repetitio ei datur? Quod negandum est, superflui quippe pretii seu hyperochæ petitionem debitor non ideo minus habet: Item finge, in eadem fidejussionis materia, ex l. 3. C. de fidejussor. in obligatione adjectum, ut singuli fidejussores in solidum tenentur, quod ipso jure cavetur, etsi hoc non adjiciatur: An ideo fidejussores beneficium divisionis, quod ex epistola D. Hadriani habent, amittent? Minime: nam licet adjectum illud sit

in obligatione, tamen nihil hæc res mutat conditionem juris & constitutionem, ut dicitur *d. l. 3.*

Et ita quidem hæc Reg. accipienda est de superflua cautione, seu multiplicatione cautelæ, quæ tamen *secundum naturam* contractus fit, & juris communis est, dubitationisque tantum tollendæ gratia exprimitur: videlicet, cum id exprimitur, quod alioquin, satis vi ipsa taciteque negotio incit: Quare ab hæc Reg. jam removeantur tres aliæ *superflui* species, quas cum hac miscent Interpretes, etsi in iis quoque verum sit, jus commune non lædi ea superfluitate. Primum scilicet, *Alienum* sæpe atque Absonum & *improbum* quid prorsus a contractu & extrinsecus stipulationibus adjici superflue potest, nihil ad præsentem actum pertinens, & tunc obligatio quoque non vitatur, veluti si dicatur, *Arma virumque cano, spondeo, l. quæ extrinsecus 65. D. de V. O.* sed de eo non est hæc Reg. Secundo *Præter negotii Necessitatem* abundans aliquid *tripertito* addi negotio potest: Quod & ipsum contrahibus vel testamentis non obest, *l. testamentum 17. C. de testam.* ubi eleganter Arcadius: *Necessaria prætermissa imminuunt contractus, & testatoris officium voluntatis, non abundans cautela.* Ad quam speciem pertinet proprie *lex 94. infr. h. t.* quæ cum hac perperam commiscetur: Pariter ut species *leg. si pupilli 6. §. 1. in fin. D. de negot. gestis*: ubi cautio, adpromissio succedanea ut *traxissas*, ut pluribus munimentis quis insitit, ex abundanti, non novat principalem obligationem, pariter ut *l. pen. §. ult. D. de in rem verso.*

Denique est & tertia superfluitatis, imo vitii cujusdam a testatore proficiscens, species, cum videlicet, *contra Naturam negotii* dies adjicitur, quod & ipsum Negotio necquicquam obest, vitio enim sublato manet negotium, ut in *sp. leg. 34. D. de hered. inst.* (quæ & ipsa Papiniani est). Item in *sp. leg. 17. & 34. D. de manumiss. testam.* Finge, hereditatem vel libertatem ad diem certum usque relictam? Temporis hæc adjectio supervacua est, & ideo vitio temporis sublato manet institutio, manet manumissio: Idemque dicendum, in conditione impossibili vel quasi impossibili adjecta, aliove quo mendo. Verum neque hæc species ad hanc Reg. pertinet.

Ex his tamen omnibus summa hæc conficiatur: Quodcunque tandem *superflui* seu *abundantis* genus, negotio, (contractibus, inquam, vel ultimis voluntatibus) interveniat; sive, secundum jus commune, naturamque rei, hæc *l. sive alienum prorsus l. 65. D. de V. O.* sive præter naturam, *l. 94. infr. h. t. & l. 17. Cod. de test.* sive contra naturam negotii *l. 34. D. de hered. inst. l. 17. 34. de manum. test.* jus commune non lædere. Aliud vero fuerit, (ut enantiophano nunc occurrat, quæque quinta *superflui* species notanda est) si contra substantiam negotii quid addatur, veluti si quis baptizet, *In nomine Patris, Filii & Spiritus Sancti, & omnium Sanctorum*: de quo vide Alciatum, ad *l. 2. (& ibi Molin.) D. de V. O.* hæc enim adjectio, & *omnium Sanctorum*, procul dubio vitiat baptismum, ut nullus sit.

Ut ad speciem legis nostræ redeamus, necquicquam etiam ei obstat *lex inter 26. §. cum inter 2. D. de pact. dotal.* item *lex cum dotem 22. in pr. D. solmo matrimonio*: Finge: Pater, cum dotem daret pro filia, pepigit, *Ut dos a se profecta, ad se in casum mortis rediret*; vel pepigit, *Ut dos sibi restitueretur defuncta filia sine liberis in matrimonio*? Quæritur, utrum hac pactione jus commune lædatur, id est utrum non priore casu etiam divortio soluto matrimonio dos profecticia ad patrem redeat, posteriore utrum non

non etiam liberis superstitibus defuncta filia dos ad patrem redeat, quod utique utrumque de jure communi obtinet? Et definitur, hoc casu jus commune ladi, cum tamen contrarium hæc Reg. suadere videatur, quasi pater dubitationis tantum tollendæ causa id addidisset. Verum, dicendum est, in proposita specie, satis apparere ex *his articulis*, sive a contrario sensu, mutua conventionione id actum, ut a jure communi recederetur, sic ut unus casus expressio, alterius exclusio esset, atque adeo in casum divortii liberorumque superstitum dos ei non redderetur: Nempe quia per modum conditionis unicus casus conventionione comprehensus fuit, si *filia mea decesserit in matrimonio, si filia mea in matrimonio decesserit nullis superstitibus liberis*, ut proinde hic casus ad contrarium casum trahi non possit. Eodemque argumento in legibus interpretandis utendum est, ut utuntur Jurisconsulti, & quidem Papinianus ipse in *l. 1. D. de offic. ejus cui mand.* & Ulpianus in *l. 20. §. mulier, D. qui testam. fac. poss.*

Postremo loco observandum, ne id quoque omittatur, ut maxime superflua cautione Jus commune non ledatur, sæpe tamen fraudis suspicionem induci, ex nimia & superflua cautela, & insolita clausula: *Nimia cautela dolus est*: ut not. per Gloss. in *l. si quis sub. D. de condiç. indeb.* & Baldus ibi, de quo plura Decius *hic*.

DONARI quid videatur.

LXXXII. IDEM (Papinianus) libro nono Responsum:

DONARI videtur, quod nullo jure cogente conceditur.

DE DONATIONE est hæc Regula: quæ repetita extat in *l. donari 29. D. de donationib.* quanquam inscriptio ibi variat: tribuitur enim ea libro Papiniani *decimo*, vel *duodecimo* Responsum. Verum hiuc omnino emendanda videtur illius legis inscriptio: Cujacium enim non audio, cum aliquando credidit, in utraque lege & hac & illa legendum *clavo Responsum*: ut ita his societur *lex vir usuræ 54. D. de donat. int. vir. & uxor*. Rectius idem recitat ad Papinianum, dictam legem 29. hinc emendam scripsit. Ad rem. Queritur hac Reg. quidnam proprie *donatum* dici debeat vel possit? Nempe, id demum quod quis nullo jure cogente conceffit. Quod quidem apertum habet sensum: eique plures aliæ leges concordant: ipsa etiam donationis definitio *l. 1. de donat. item lex 214. de V. S. Donatio* scilicet ex mera voluntate, libertate & liberalitate proficitur, *d. l. 1. de donat.* contra necessitas omnis & coactio ei adversatur. Exempla seu species effectusque hujus rei passim obvii in *l. 19. §. 4. D. de donationib. l. proxime 50. D. de ritu nupt. l. 45. §. 1. de administrat. tutor. l. 21. D. de donat. inter vir. & uxor.* (ubi eleganter quoque dicitur, *non donare eum qui necessariis oneribus succurrit*): in *l. 18. D. de adim. leg.* (ubi dicitur, *neminem in necessitatibus liberalem existere*) in *l. unum 67. §. 1. D. de legat. 2.* (ubi idem Papinianus, *non enim facultas necessaria electionis proprie liberalitatis beneficium est*) & in *l. 84. D. de hered. instir.* Omittito alias. Atenim species hujus l. eruenda nobis venit: & quo nam ea proprie spectet, videndum est.

Igitur, cum de *legatis & fideicommissis* hoc libro 9. egerit Papinianus, exinde species
huc

huc aptanda venit : & vero aptanda est, quod Cujacius etiam voluit, primum ex *l. Cerdonem 42. D. de operis libers.* quæ ex hoc ipso libro desumpta huic conjungenda est. Finge, testator herede extraneo instituto, ab eo, libertatem fideicommissariam servo reliquit, sub hoc modo ; *Ita ut operas heredi promittat* ? Non potest heres hujusmodi liberto operas imponere, neque potuit testator juri publico renuntiare, inquit Papinianus : jus enim publicum hoc est, ut is demum munus operas imponere possit, qui propria liberalitate, nullo videlicet jure cogente, libertatem donavit, concessit, contulit, non qui debitor præstitit *l. 50. D. de ritu nupt. l. 4. d. l. 42. & l. Campanus 47. de operis libers.* Aliud est in suo herede : quia tunc quasi Patroni filius operas imponere potest, quia & ipse quodammodo donasse videtur, propter fictionem suitatis & identitatis personæ, *l. 33. D. de fideicomm. libers.* Et hæc quidem prima species huic regulæ aptari potest. Sed fingamus retrò, eidem speciei inharendo, libertum ex fideicommissio ita manumissum heredi operas promississe, concessisse ? Sane, si sciens consultaque opera, cum sciret se operas recusare posse (non si infans, non si coactus) eas promissit, tenebitur *d. l. 47. & d. l. 42. de operis libers.* Quia (inquit Jurisconsultus *d. l. 47.*) *donasse videtur* : Donasse autem ideo (quod hac regula dicitur) quia nullo jure cogente concessit, id est, nullo juris vinculo coactus.

Possit & hæc tertia species aptari ex *l. eo quod 92. D. de condit. & demonstr.* quæ & ipsa ex eodem Papiniani libro 9. Responsorum refertur : Finge : legatarius rogatus est emancipare filios suos ? Ne accepto quidem legato eos emancipare cogitur, jure scilicet ordinario, vel secundum vulgarem formulam, *d. l. 92. & l. filiusfamil. §. secundum, D. de legat. 1.* At quid si ultro emancipaverit, an eis donasse videbitur libertatem ? Ita videbatur : sed tamen non ita est, quia extra ordinem, saltem extraordinario jure seu auctoritate Principis emancipare cogitur, atque si sub ea conditione ei legatum fuisset, *d. l. 92.* Non videtur scilicet donare, qui vel extraordinario jure cogente concedit donatæ : is contra demum donat, qui NULLO jure cogente concedit. Atque hæc genuinæ species quæ ex ejus libri, unde hæc lex desumpta est argumento peti possunt. Addamus hanc extra Legatorum jam materiam speciem : Servo qui pecuniam credidit : deinde is liber factus eam expromissit ? Non erit donatio, sed debiti solutio : *l. hoc jure 19. §. 4. D. de donationib.* Quia scilicet solvit quod debet aliquo jure, nempe naturali. Tandem igitur ita colligamus, eum demum donare videri, eum donatoris jure locoque habendum, qui nullo jure cogente concessit, nulla necessitate, ne vinculo quidem naturali, neque si iustus, neque extraordinario jure : contra donare non creditur, donator non est, qui aliqua necessitate, vel naturali, inquam, vinculo vel civili, vel Prætorio, & extraordinario quid debitum solvit, vel ex mandato aliquid præstat.

Hujus rei occasione, de duobus potissimum ad hanc legem quæri solet : de *Doris datione*, deque *Donatione remuneratoria*, utrum & hæc species donationum sint ? Quod priorem attinet, sane *l. ult. C. de donat. ante nupt.* diserte dicitur, antiqui juris conditores inter donationes etiam dotes connumerasse : contra *l. 19. D. de ritu nupt.* dicuntur patres cogi dotem dare : item *l. ult. C. de doris promiss.* omnino paternum esse officium dotem pro sua dare progenie, idque legibus cautum. Imo & mater pietatis causa dotem dare dicitur, etsi non sit obligata, *l. 92. §. 2. D. de cond. indeb.* De remuneratoria donatione seu *arrisopu* absolute dicitur, eam non esse donationem, sed officii mercedem

dēm quandam, mercedem laboris, l. *Aquilinus* 27. & l. 34. *sen penult.* §. 1. *in fin. de donationibus*: Paulus §. *sensent.* 11. §. 6. ad quam quis naturaliter obligatur, l. *sed cisi lege* 25. §. *consuluit* 11. *D. de petit. hered.* velut beneficii debitor, l. 54. §. 1. *de furtis*. Cujus etiam donationis remuneratoriæ & mercedis duæ species sunt: una, quæ post officium præstitum fit: altera, ex contractu in antecessum promissa, ut in sp. l. *hoc jure* 19. §. 1. *D. de don. l. si ut certo* §. §. *nunc*. *D. vi bonor. raptor.* quæ jam contractus, cui intervenit, nomen & actionem lubit: Quid ergo? Sunt hæc donationum: quidem species, sed non *mera*, ut de remuneratoria dicitur d. l. *Aquilinus*: sunt scilicet donationes ex eo, quod & dotis datio & remuneratio initio & prima causa inspecta ex libera mente proficiuntur, etsi pietatis & honestatis genere quodam suadente: magis quam cogente: Non vero sunt meræ donationes, quia illa permutationis speciem effectu ipso continet, hæc vero necessitati per leges subiecta fuit: cum & parentes quidam minus pietati hac parte satisfacerent, & Republicæ interesset, feminas dotatas esse, medioque dotis viros habere, invenire ..

P A R S III.

PAPINIANI REGULARUM.
EX LIBRIS EJUS DEFINITIONUM.

AMITTERE quid quis videatur ..

LXXXIII. IDEM (*Papinianus*). libro secundo. *Definitionum* ..

Non videntur * *rem amittere, quibus propria non fuit* ..

* *videtur*: & mox, pro quibus ejus, *Vulg. & Haloand.*

POSTREMA hæc e Papiniani Reg: unica e libris ejus *Definitionum* (id est Regularum, ut ostenditur ad l. 202. *inf. h. t.*) uti Logicum, seu topicum sensum continet, ita & facilem vulgo creditur habere sententiam, quod tamen non ita est. Neque enim eo tendit, quo tritum illud Logicorum axioma, quod *privatio præsupponat habuim*, quo pertinet sane lex 108. *inf. h. t.* Quare verum ejus sensum, genuinamque speciem & questionem nondum apponunt Interpretes, neque Græci, neque Latini, imo ne Cujacius ipse .. Quo fit, ut alia omnia ad hanc l. vulgo tractentur, quam quæ oportuit ..

Primum, non queritur hæc Reg. de *statu hominis*: quo sensu alioquin dicitur, servum non videri capite minutum, qui caput non habet l. 3. §. *ult. D. de capiti. minut.* §. *servus* 4. *inf.* ..

4. *Inst. cod. & l. 12. §. ult. D. de accusat.* verum de REI amissione est hæc Reg. Et Secundo tamen, non queritur hæc l. de re quæ NONDUM propria est, & tamen quæ propria futura fuisset, nisi aliquid jam intercessisset; quo sensu dicitur, non videri vi dejectum, qui nondum in possessione fuit, quia prohibitus tantum fuit ingredi possessionem l. 1. §. *eum qui*, l. 3. §. *uti frui*, D. de vi & vi arm. (quam aliquoquin speciem unam e tribus, repudiatis aliorum exemplis, in *Papinianum* inter alias Cujacius apponebat) imo & comment. ad hunc titul. indicavit. Quo item sensu dicitur, usufructum non videri amissum, qui nondum constitutus est. l. 1. §. 1. & ult. D. quib. mod. usufr. amitt. & l. *Sempronius* 26. D. de usufr. leg. Paulus 3. sent. 6. §. usufr. l. pen. Cod. de usufr. Quo sensu dicitur, servitutem non amitti quæ nondum constituta est, l. 19. D. quænam servit. amitt. Quo sensu dicitur, possessionem quæ nondum enata est, non repudiari vel amitti, l. 1. §. decretali, D. de success. edicto. Quo sensu dicitur, non videri desitisse, quod nec incepit, l. 96. de condit. & demonstr. & d. l. 208. infr. quam eam hæc l. Interpretes conjunctim perperam explicant, unaque fidelia dealbant. Quo postremum sensu dicitur, liberatum eum non videri, qui nondum obligatus fuit, l. 116. de 9. O. l. 21. de solutionib. Quæ tamen species hic a Cujacio inter alias apponitur: neque enim hæc Reg. agitur de re nondum propria, sed de ea quam quis jam velut propriam tenet, sed quæ tamen revera propria NON est.

Tertio, non opponitur hic proprium usufruario, id est, ei rei cujus usus tantum ad nos pertinet: quo sensu l. ipe opponitur proprium usufruario, ut vel locis illis quæ mox afferam.

Quarto, non opponitur hic proprium, communi: de quo est lex itinere 28. D. de servit. præd. inst. ex qua tamen Cujacius comm. ad hunc tit. sumi posse speciem indicabat.

Quinto, non opponitur hæc Reg. proprium ei quod alienum est, quomodo proprium alieno opponitur: veluti quod in argumento donationum inter virum & uxorem dicitur, l. sed etsi constante 28. D. de donat. inter vir. & ux. l. si vir uxori pro donato: donationem rei alienæ quam forte suam maritus existimabat in uxorem collatum valere, quia ea tantum donatio inter conjuges jure civili prohibetur, quæ conjugem pauperiorem facit, id est, per quam maritus rem suam amittit: non videtur autem id amittere quod proprium ejus non fuit. Quam aliquoquin speciem hic quoque unam e tribus apponebat Cujacius: Neque enim hic proprium opponitur alieno, sed ei quod quodammodo proprium videtur, & tamen non est. Quare Græci quoque minus recte, hæc Reg. ita verterunt, *ὁ δίκαιος τὸ πρῶτον ἀλλοτρίον, οὐ μὴ οὐκ αὐτοῦ δικαίωμα*: appositis etiam alienis speciebus. In specie enim hujus Reg. dominus quidem quis rei præsupponitur, verum non proprio jure seu βίβλη.

Neque sexto loco hic opponitur, proprium, alicui alteri juri, quod quis in re aliena habet, ut est pignus: ut cum queritur, ad quemnam rei alicujus amissæ, casusque fortuiti periculum pertineat, num ad dominum cujus res propria est, an vero ad alium, qui jus aliquod ad rem habet: ut est creditor: quam speciem Græci apud Harmenopolum hic apponunt, lib. 3. procliri cap. 9. & Cujacius quoque primo loco hic appoluit. Imo & commentario in hunc tit. protestetur, se nihil adhibere quod huic Reg. magis accedit. Quo sensu dicitur, pignoris amissi periculum ad dominum, id est, debitorem pertinere, non ad creditorem, cujus res propria non fuit, l. cum & servit. 35. §. 1. D. de

D. de pignoratitia actione: nam ut jam dixi, *proprium* hic non opponitur alieno, verum ei quod quodammodo in bonis constitutum *proprium* videri potest. Facessant igitur tres illæ species, quas Cujacius hic apponebat.

Postremo, *proprium* hic non opponitur, lucro sperato: quasi dicatur, non videri amisisse quem id quod compendii vel lucri facturus fuisset; quo sane sensu damnum acceptum & lucrum interceptum opponuntur, quo pertinet *lex 33. D. ad l. Aquil.* item alienatum, & lucrum speratum, ut in *sp. l. non fraudantur 134. in princ. infr. & l. 6. qua in fraud. credit.*

Non igitur, ut summam colligam, pertinet hæc Reg. ad statum personæ: neque *proprium* opponitur rei nondum propriæ, non rei usuarie, non communi, non alienæ, non pignorate, non speratæ. Quid igitur? *Proprium* in hac Reg. opponitur ei rei, quam etsi possideamus vel teneamus jam, tanquam domini, & in bonis nostris, tamen non possidemus velut *PROPRIAM*. Deque ea desinitur, *Eum non videri rem amittere, qui rem*, etsi quodamtenus & naturaliter a se possessam, non tamen *proprium*, amisit. 1. *Non videri*, inquam, id est, ut maxime id in speciem videatur, attamen non re vera: pari sensu quo eadem hæc formula aliis quamplurimis Regulis usurpatur, hoc titulo, puta quatuordecim, *l. 13. 48. 51. 52. 63. 93. 116. §. 2. 118. 121. 139. §. 1. 155. §. 1. 167. in princ. & §. 1. 187.* Nempe hac formula contra itur *tuus quævisque*, in speciem apparentibus: 1. *Propriam*, inquam, id est stabili, firmo, incommutabili, inconcussio dominii jure, non temporariæ possessionis titulo, & ad placitum alterius, suam: Id enim *proprium* signate dicitur; cujus videlicet a se possidere æterna auctoritas est, neque ab alieno ea pendet arbitrio aut fastidio, non temporale aut mutuum. Contra, *non proprium* dicitur, quid etsi quodam jure nostrum sit, non proprio tamen, inconcussio, *si bene & auctoritate* jure *proprium* est. *Proprium*, pro perpetuo & *si bene auctoritate* passim. Ex innumeris testimoniis Terentius Andr. *Nihilne esse proprium cuiquam?* ubi vide Donatum, Plautus Mostellaria,

Atque illum amatorem tibi proprium futurum in vita.

Trinummo *Actu 5. Sc. 2.*

Num beneficium homini proprium quod datur, proprium sumptis.

Quod datum est utendum, id repetendi copia est quando volis.

Idem in Curculione, *mutuum facere & proprium facere* opponit. Lucilius 17. Satyr.

Cetera contemnitis, & in usura omnia ponit

Non magna, proprium vero nil neminem habere.

Idem lib. 17.

Quum sciam nihil esse in vita proprium mortali datum.

Cn. Gellius *Annal. 3. apud A. Gellium notitium Atticar. lib. 13. cap. 21. Ut liceat nupit propriis & prosperis uti.* Virgil. 1. *Aeneid. Conjunctio jungam stabili, propriamque dicabo;* id est ad discrimen mulieris usuarie. Idem lib. 6. *propria hac si dona fuissent:* ubi vide & Servium. Macrobius lib. 1. *Somnii c. 21. Proprium habere diceretur, si SEMPER habere liceret;* vide & Nonium, *cap. 4. verbo, proprium*, qui multa id genus cumulat. Ad rem. Rerum scilicet quæ ad nos pertinent, quæque in bonis nostris sunt, duo genera sunt: unum eorum, quæ pleno, proprioque & immutabili, *si bene auctoritate* jure nostra sunt: alia quæ non proprio, sed revocabili & temporaria possessione

ne. Hujus generis est *peculium servi* & filiofamilias: quod utique effi veluti patrimonium filiofamil. vel servi sit, l. 39. 47. in fin. *D. de peculio*: §. *actiones autem*, *Instit. de actionib.* in bonis tamen patris & domini est; de quo, ad leg. 93. *infra*. & ad nutum domini & patrisfamil. creascit, decrescit, moritur, l. 40. *D. de peculio*: hominis instar *dict. l. 40.* cui vita propria data non est.

Sane Papinianus hoc libro 1. Definitionum inter alia egit de Alienatione, Possessioneque amittenda; ut docent *lex in tabulis* 36. *D. de statuliber.* l. licet 45. l. *possessio* 49. *D. de adquirenda & amitt. possess.* & l. 11. *de divers. & temp. præscr.* quæ ex eo libro desumptæ huic conjungendæ sunt. Ac nominatim actum Papiniano de servo fructuarii, qui naturaliter a fructuario tenetur, *dict. l. 49.* (cui alioquin concinit Ulpiani *lex naturaliter* 12. *D. eod.*) ubi & possessio plurimum de jure mutuari dicitur. Item, de vi dolo (nam ita ibi rescribendum) aut precario possessio, *d. l. 11.* Denique & de re peculiarari: seu de peculio filiorumfamilias & servorum, non tantum castrensi, l. 17. *de castrens. peculio*: sed & de pagano, *d. lex 49. §. 1.* Quod sane peculium etfi conniventibus parentum dominorumque oculis, peculiare eorum patrimonium quodammodo censetur, proprium tamen revera non est, neque firmo domini jure apud eos mansurum; utpote quod imminui & extinguî ad domini patrisve nutum potest, & in patrimonio patris domineve revera est: Et ut maxime qui in aliena potestate sunt rem peculiararem teneant (quod est facti) non tamen habent, possident, quod est juris, *d. l. 49. §. 1. de adquir. possess.* Naturaliter denique tenent, non civiliter possident. Sed præstat apponere ipsa Papiniani verba, ex *dict. l. 49. §. 1.* (quæ huic, ut dixi inter alias conjungenda est) *Qui in aliena potestate sunt rem peculiararem tenere possunt, HABERE POSSIDERE non possunt; quia possessio non tantum corporis, sed & juris est.* Ut in hac sp. hæreamus, hinc jam sequitur, si filiofamil. peculium amittat, nec amittere id videri: adeoque nec interdicto recuperandæ possessionis eum ideo uti posse. Quod exerte etiam definitum extat in l. 93. *infra*, ubi plenius. Atque ita qui adversus nullum rei persequendæ actionem habet, rem amissio non videtur, l. 14. §. 1. *de V. S.*

Ponamus speciem & in *manumissione servi* (quæ & ipsa est *rei amissio*) a filiofam. facta, *argum. l. 22. D. de manumiss.* quæ & ipsa ex hoc ipso Papiniani libro desumpta est (juncta Modestini l. 16. *eod. tit.* & Pauli l. 22. *D. de manumiss. vind.* Rufini l. *matrimonii* 51. §. 1. *de ritu nups.*) Et quidem primo speciem ponamus in *manumissione servi potestatis*. Finge, filius ex voluntate patris servum ejus manumisit: Queritur, utrum causæ probatio hoc casu requiratur, ut ex leg. *Ælia Sentia* requiritur, cum minor xx. annis servum manumittit, ne promiscuis alioquin manumissionibus rem propriam & familiarem liceat minori vendere AMITTERE, atterere, frangere, imminuere seu perdere? Et d. l. 16. definitur, causæ probationem hic *vacare*, id est non requiri. Ratio non alia est quam hujus regulæ: *Non videtur* scilicet minor xx. annis rem veluti servum manumittendo amittere, *cujus propria res*, id est servus proprius pleno domini iure non fuit: Nam etfi filiofamilias (quæ ratio dubitandi afferri potuit) vivo quodammodo patre domini existimetur (ut diserte prodicunt est l. in suis 11. *D. de lib. & postum.*) minoreque domini sint, attamen non proprii domini sunt, non veri, non firmi, non iure proprio. Idemque dicendum, si filiofam. minor xx. annis servum peculiararem voluntate patris manumiserit. Et ita quidem in peculio quoque poni potest hujus regula

le species, arg. d. l. 49. §. 1. *D. de adquir. & amitt. possess.* quod sane peculium filii servive proprium non est. & naturaliter tantum, ut dixi, ab eo tenetur, d. l. 49. §. 1. l. 24. eod. tit. l. 44. §. 4. *D. de usucap.*

2. Poni quoque possit species hujus regulæ in *statulibero*, respectu heredis, arg. d. l. 36. *D. de statuliberis*: quæ & ipsa ex eodem Papiniani libro 2. Definitionum desumpta est: statuliber enim heredis quidem interim est, sed non proprius: die quippe adveniente, vel conditione existente, lieres eum amittit, nec amittit.

3. Poni potest & alia species rei non propriæ in *libero homine noxe dedito*. Et quidem argumento ejus fragmenti, quod ex eodem Papiniani libro 2. Definitionum sub titulo *de judicatis* nobis servavit Pariator legem Moïsaicam. tit. 2. Cujus hæc sunt verbi: *Per hominem liberum noxe deditum, si tantum adquisitum sit, quantum damnum dedit, manumittere cogendus est a Prætoris qui noxe deditum accepit; sed fiducia judicio non tenetur*, Quibus similia habet quoque Justinianus de servo noxe dedito singulari Institutionum loco: puta §. *dominus* 3. *Instit. de noxal. act.* Nempe noxe nomine deditus ductusque, etsi is qui accepit in eo dominium rei adquisiverit habentque l. 26. in fin. *D. de noxal. act.* attamen in bonis eius tantum est d. l. 26. in fin. *D. si ex noxali causa*. Quod de bonitario dominio accipiunt Interpretes, neque proprius eius est immutabiliter: Imo enim si noxe deditus quædam pecunia damnum farciat (luere enim se potest) auxilio Prætoris manumittitur, d. *fragm. & d. §. 3.* Et quidem invito domino, d. §. 3. ab eius quippe dominio semel recessit, in perpetuum eius dominium a domino transfertur, *dist. §. 3.* neque ad eum postea redit, ut recte Theophilus. Ipseque qui deditum accepit seu duxit hoc casu cogendus est eum manumittere: quia etsi a veteri domino discesserit, attamen non proprio, non perpetuo & immutabili jure novi domini servus factus est: sed ita & sub hac conditione a lege iureque ipso eius factus est, ut manumittere eum, damno quodocunque resulo, cogi posset: integrumque adeo sit noxe dedito satisfactum, præfinito damno seu æstimatione litis. Non enim noxe deditio spem illi præcidit seu adimit libertatis, ut de statulibero noxe dedito quoque scribit Ulpianus *leg. 9. D. de statuliber*. Nempe quia noxe deditio, in executione est: & nonnisi ob damnum datum ea fit: quare si damnum farciatur, satis abundeque est. Quare neque tacita quædam fiducia lex huic noxe deditioi suberat: Quomodo sane alioquin fiducia pignus est, quod dominium transfert in creditorem sub lege remanipandi soluta pecunia: de quo vide Paulum in *sententiis*. & Ilidorum, alios: de qua plene dixi ad *leg. unie. C. Tb. de lege commiss.* Proprie, inquam, hæc fiducia non est, quia qui noxe deditum accepit, domino remanipare non cogitur. Et ideo, ait Papinianus, non cogi qui hominem noxe accepit ad manumittendum fiduciæ judicio. Quid igitur? a Prætoris cogendum ait: ut Justinianus *dist. §. 3.* Prætoris auxilio: & sic extra ordinem. Proinde nec patronus est hoc casu qui manumittit. Atque ita quidem interim locus ille Papiniani apud Pariatorem explicandus est, quomodo etiam Cuiacius eum accepit, cum Pithæo, viro alioquin perfidicacissimo, ibi aqua hæssisset. Ad rem.

Sic igitur tres rerum species tenemus, quæ etsi propriæ quodammodo videantur, propria tamen revera non sunt, *Peculium*, inquam, *statuliber*, *noxæque deditus*. Ac proinde cum amittuntur, nec amittæ videntur. Atque ita quidem hæc Papiniani regula

gula deinceps accipienda erit, quæ hæcenus minus intellecta fuit, quod Interpretes proprium hic vocis *Proprii* significatum non attenderunt.

Quomodo etiam hæc regula differat a *l. plerumque 205. infra*, ubi ad eam deventum erit, dicetur. Contra concordantium in genere legum synopsin hoc titulo habes in commentario ad *l. 13. sup.*

Atque hic finis esto Regularum PAPINIANI.

Finis Tomi I.